


Ĕhwati Gali



Portions of the Holy Bible in the Yalë language of Papua New
Guinea

Ēhwati Gali
Portions of the Holy Bible in the Yalē language of Papua New
Guinea
Buk Baibel long tokples Yalē long Niugini

copyright © 2022 Wycliffe Bible Translators, Inc.

Language: Yalē (Yale)

CC BY-SA required by use of Sweet Publishing CC BY-SA licensed illustrations in the printed edition. This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners. Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-03-12

PDF generated using Haiola and XeLaTeX on 11 Jun 2026 from source files dated 12 Dec 2025
4a4fca1d-2276-53e5-95b2-a315846297c3

Contents

Jenesis 1
Mak 28
Luk 75
Aposel 155
Filipai 233
1 Tesalonaika 242
Jems 250

Jenesis

Josephbë anebo gali

37; 39–50

Josephbë anebo gali

37

37; 39–50

Josep bolijahani bume tëbojiwa lamotlola

¹⁻² Jekop na bubë nëbalebë anebo gali melëgëbetëme lalële. Jekop Kenan life mëta mana tafa tle. Ètani bolijaya kë life mëta tafa tle. Na Jekopbë nëba Josep, bu falake ho, na bu 17 tlibutu kënjiji watle. Na këbë hona bolijahanina bolijayabë sipsip klelina mëmë klelina li li ona mëta mëtlëwagukefëma. Na Bilha na Silpa bu Jekopbë fli one. Na kë tlemalë one bu Josep bolijahanibë botamenino. Na Josep bolijayame gali tujuwelikefle, “Afani sipsip kleli mëglëma sle hana mla.”

³ Na Jekop, bubë li weniji Israel, bu hoti tafa tëglena, bubë mëse Josepme mana fata totle. Na bume tako tole këme tletle na kwe bubë fli bowenenime tokwëfo tolewa latletëme. Na bu ëho lalëmu susu totle na Josepme tlële.

⁴ Na Josepbë bolijahani bolijayabë lowene hwi motlotla na bu melowene mëtla, “Aya Josepme fwa feilawa sle lotlefe na kwe seme mesle hana lëtana.” Na këme nëgëme bu Josepme tëbojiwamu këme mëtletla na bu Josepme lalë lalë gali hana motlola.

⁵⁻⁷ Na Josep nimitelë hwi tle na bolijahanime gali tlome, “Bo nimitelë gali të nëtatëyo. Sebo nuju mago wesibi kë lalëi notomabë na kwe bobë witi hi wesibi leitabo lahujuwa mële na sobobë witi hi wesibi leitabo bobëme lasabuwa motome, na bobëme labubusuwa mëtletëme, eso home fene bubusu mëtletle.” Na bu kë nimitelë gali yafe aholokwane mëtla na bu Josepme tëbojiwamu mëtletla.

⁸ Na bolijahani gali motlola, “Ju melowene lalene? Sebobë eso ho tafa naegletënamene?” Na kë nimitelë gali aholokwane motlola, na bu këme enisusu mëtletla.

⁹ Na tokwafe Josep li nimitelë hwi tle. Na bolijahanime ita të tëtatëme. Bu megali tlome, “Bo li nimitelë mehwi nelë. Na bo kljina, yemena, sigetobana we ita jwa kënjiji mehwi nanolomë. Na bome bubusu mëletënë.”

¹⁰ Na bu kë nimitelë gali bolijayame mata të tëtatle. Na bolijaya tako wame metlole na gali tole, “Kë habëtabo nimitelë gali të etolene? Ju melowene lalene? Sebo bitana blijahaninona sëkefo miti bubusu nanëgletëyomene?”

¹¹ Na Josep bolijahani bume tëbojiwa motlola na bume tëbo lowene fa mëtëtatla. Kwe bolijaya kë nimitelë gali mana lowene tokoukefëtle.

Ismael enëne Josepme Isip lifewa mëtlelula

¹² Tokwafe Josep bolijahani Sekem lifewa mititiya, bolijayabë sipsip kleli mëglëwagukefëma namëglëlame.

¹³ Na Jekop Josepme gali tole, “Ju walowene eletëme. Blijahani sipsip kleli Sekem life li mëta kë mëlëma. Bo jume bu belë jine nëgelëkakëme.” Na Josep gali tafu tëtatle, “Wo, nogowimefe.”

14 Bolijaya gali tlole, “Blijahanime hwi eujuwelēmeme, lalowa tafa mulane? Na sipsip kleli na mēmē kleli mata hwi elomeme, lalowa milibene o hanane. Na bome gali elēfanēme.” Na Jekop bume Hebron life mago jine tlele. Na Josep tugujubēē na Sekem lifewa, fwa tule.

15 Na bubē bolijahanime hohwi tētagutēme. Na ho li bume hwi telokwakle na tuju tle na gali tlole, “Ju fēye wesibi hohwi etatlene?”

16 Na Josep bume megali tlole, “Bo bobē afaninome hohwi nētatemēyo. Ju bome lalowa gali eglonēmene? Bu sipsip kleli na mēmē kleli fēye life mēta mlēmene?”

17 Na kē ho gali metafu latētatlē, “Ebē life wakile mētla. Bo bume waaholokwane tlomē. Bu megali lamētla, “Te manuja. Totan lifewa.” Na Josep bume Totan lifewa esogo tlagume na hwi telokwakēme.

18 Na bu kakēwa asē tēkeke, na bolijahani bume mana hwi mētelēkakla. Na bu blalo gēgali mētla, bume mogo nalē tēkle namogotlame.

19 Na gali mētla, “Nimitelē tēgejilawaho kē lisiyo.

20 Te mogo nalē tēkle nogotlabēme mana sagli manētētla. Mogo nalē tēkle notlame na mogo tako flujuwa tuku nētēkakame. Na bubē nimitelē gali fata hana lēgletleme. Na tokwafe ayame sogēna nololame, “Waluju mago kleli watēkle totle.”

21 Na kwe Ruben kē gali aholokwane tlome na Ruben, Josepme lēgaitalebeme lowene hohwi tētatlē, na megali tlome, “Asa tēkle manotla, matēbe.

22 Sebo bume ona mago yefi tu fuluju elē fwa tuku manētēkaka.” Ruben bu melowene latle, “Tokwafe bo bume fuluju mago ki nokokēme na aya belē jine nelēkāklēme.”

23 Na Josep bolijahani belē fowa tēkaki. Na bubē lale ēho bolijaya kē susu tēgētatlēbē latohwawa mētētatlē.

24 Na bume fa mototla na tu jwa yefi tu fuluju elē tuku mētētēkaka. Na Ruben li sloslowa tle.

25 Fe mētēkaka na tafa mētla. Na hi wesibi hi mētēglabēē na Ismael enēneme hwi mētelēkakēma, Gileat life mago mitisiya. Na bubē kamel kleli, lale lale lēkaluna wesibi na fli wesibi baliti tatakona kē glo mēglabē na kahalū tiha wesibi, Isip lifewa mētēmalitama, baliti kēna glo namēglame.

26 Na Juda bolijamonime gali tlome, “Sebo Josepme mogo nalē tēkle nogotlana, kwe seme kē wesibi habelē lēgaitanamene. Tēkle asa manotla.

27 Sebo bume Ismael enēneme baliti sēneme yo manoloma baliti kēna glo nanēglame. Sebo bume tēkle hana nogotlame. Bu sebobē keinebamu nēgeme, sebobē ilawa mago.”

Na Judame gali motlola, “Jubē gali lale gali.”

28 Na Ismael enēne bu belē Midian life mago fwa mētēkakija. Na Josepme bolijahani fuluju mago ki motokokēya. Na Ismael enēneme yo motloma. Na 20 silva baliti kēna glo namēglame. Josep bubē wege manawa fa nalēgētātēmeme. Na Ismael enēne Josepme Isip lifewa mētēmalitala.

29 Tokwafe Ruben fulujuwa tisi, Josepme ki nalokokeme fene. Kwe Josepme hwi hana tlole. Na bu tako maninibomu metletle na ye tletle. Na bubē ēho kaka totle, bu maninibo tēgletleme nēgeme.

30 Na bubē bolijamoni belē tuju. Na bume gali tlome, “Sebobē keinēba Josep bu fuluju mēta hana lētabe. Masiwafe. Habelē nēgletelēmene?”

31 Na bu mēmē kleli mogo nalē tēke motlola. Na Josepbē ēho kē ko mēta flu mētētatlā.

³² Na bu kë ëho bolijaya belë mëtehula na gali motlola, “Sebo ebë ëho waluju mago hwi tloa. Ju ebë ëho eselële fene. Ebë jubë nëbabë ëho nowa.”

³³ Na bu ëho hwi sle tlole na gali tlome, “O nëgalifee. Maseiwafee. Bobë nëbabë ëhofe. Waluju mago kleli wahi tlefee.”

³⁴ Na bolijaya bubë ato mago ëho kaka totome, na tëbo ëho gëgelo tle. Na boweneme itaita meye tëkoukëfëtlebëë.

³⁵ Na bowenenino na bokonino bu belë mitisitla, bubë maninibo tli namëgëtatlame. Kwe bubë maninibo lowene hana tli mëtëtatla. Na bolijaya gali tlome, “Bo gli nëgelëna, na bobë nëba belë nëgëmatulëna, alibaho lifewa, bo mana ye nëgëmalitëme.” Na bu Josepme itaita ye tlekefëtletle.

³⁶ Na Midian life mago enëne Josepme Isip lifewa mëtëmalitala, na Potifarme baliti sëneme yo motlola, baliti këna glo namëglame, Josep bubë wege manawa fa nalëgëtatleme. Na Potifar bu eso ho Ferobë wege fa tëtakefetle. Na Potifar bu eso ho Ferobë plismanëbë eso ho tafa tletëme. Na bu iniwa, eso ho Ferobë lo mëta sei mëtlëkefla, wame ho lime. Fero bu Isip life mago eso ho tafa tletëme.

39

Josep bu Potifarbë lo mëta tafa tle

¹ Na Ismael enëne Josepme Isip lifewa mëtlelula, na Potifarme yo motlola, baliti sëneme. Baliti këna glo namëglame, Josep bubë wege manawa fa nalëgëtatleme. Na Potifar bu eso ho Ferobë wege fa tëtakefëtletle. Na Potifar bu eso ho Ferobë plismanëbë eso ho tafa tletëme. Na bu iniwa, eso ho Ferobë lo mëta sei mëtlëkefla, wame ho lime. Fero bu Isip life mago eso ho tafa tletëme.

² Goto Josepme lataitale, këme nëgëme Josepbë wege lalowamu, këme lëbetle. Na Josep Potifarbë lo mëta tafa tle.

³ Potifar bubë wege hwi tlotle na bu melowene tle, “Bubë iniwa wege lalemu lëbetlefe. Goto lëgaitaleme nëgëme.”

⁴ Na bu Josepme fleflesu tletle na gali tlole, “Bobë iniwa wesibi tafa elëletënë.”

⁵ Josep Potifarna weife tafa mëtelo na këme nëgëme Goto Potifarbë ilawa mago home ululu sle tëtagume, na bubë iniwa wesibi mata na bubë nuju mago wesibi mata ululu sle tëtagumetle.

⁶⁻⁷ Na Potifar gali tlole, “Bobë iniwa wesibibë eso home tafa eletënë.” Na Potifar bubë iniwa wesibi hana tutune tletëme. Bu hi wesibime fwa lowene tle.

Na Josep bu tokwëfo tafawa kofene tle na Potifarbë no mana kë memaunë tlële. Bu kalëlego homu na bu lale klisomu nëgëme. Na gali tlole, “Ju mana esi, bona ni nanëgebome.”

⁸ Kwe Josep tole hana tletëmu na gali tolë, “Bome bihe kë wesibime nane gali tlonë. Weye. Matëbe. Bome wagali tlonë, bubë wesibibë esoho tafa nëgelëbëme. Na bubë lo mago wesibi hana tutune lëletëme.

⁹ Bo ebë lobë bolijaya ho ha nëtabë. Bu bome iniwa wesibime hehë hana lëletënë. Jume fwamu hehë lëletënë. Sebo melë fëyeme nëgelomene. Matëbe. Kwe bo melë nëgelëna, bo Gotome tëbo nogotlëme.”

¹⁰ Na itaita mëse awi, gali tlokwefle, buna ni namëgebome.

Kwe Josep gali tle, “Matëbe.” Na loliwa hana tujutë.

¹¹ Tokwafe li olëna, Josep lowa tëkaklu, bubë wege fa nalogotleme. Na fli wege ho hana tafa mëtla. Buwa tafa telule.

¹² Na Potifar no bu belë tisi tle na ëho mëta fa tetokwakile na gali tlole, “Esimo. Bona ni nanëgebo.” Kwe ëho bubë toba mëta lakilewa tletë na latlëbukakuwa.

¹³ Na mëse melowene tletle, “Josep walëläbökakufe, na ëho tobana mana tehwatle.”

¹⁴ Na home we tlome na mitisitëya na bu gali tlome, “Sobo aholokwane elo. Bobë ho Hibru mago home sebobë lo eli kë tëglesulebë seme tëbo lalëtana. Bome lisëme yafe tou lëtanë, kwe ho mana kë jakle nelë.

¹⁵ Bo afëflei nëgelëme nëgema bu mana kë lëläbökaku. Na bu ëhowa bobë toba mëta kile lële.”

¹⁶ Na Potifar no ëho mana gwa tètakëfëtë na bohe lowa mana tisi.

¹⁷ Na boheme të tëtatlë, “Hibru mago home, ju kë tëglesulebë bome lisëme yafe tou lëtanë.

¹⁸ Kwe bo feilawa jiyakle noglolëme nëgema, këme lëläbökaku. Na bu ëhowa bobë toba mëta ekë kile lële.”

¹⁹ Na no kë gali të tëtatlë na Josepbë eso ho enisusu tletle.

²⁰ Na Potifarbë wege enëne Josepme fa mototla na kalabusu lowa tuku mëtla. Eso ho Ferobë kalabusu enëne këme kë tafa mëglekefëyabë lowa mëtlelula.

²¹ Kwe Goto Josepme lataitale. Këme nëgema bubë wege lalemu tëbetle. Kalabusu enebë eso ho flefesu tletle.

²² Na Josepme këme gali tlole, “Ju iniwa kalabusu hobë eso home tafa eletëme.” Na Josep bu kalabusu hobë wege hwi tlotëme.

²³ Na Goto Josepna mëtëtabo na bubë wege taitatlë. Na këme nëgema kalabusu lo bolijaya bu wesibi tutune hana tletëme. Josepbë wege lalemu nëgema.

40

Josep bu nimitelë wayo gali të totome

¹ Tokwafe eso ho Ferobë bletë nage ahujume lëglekefëtlebë ho na bubë hitu su lëtakëfëtlebë ho, humëi na hi lëglelëme, bu eso ho Ferome tëbo lamototlo. Na bu welili tletëme.

² Na eso ho Fero kë tlemalë wege home wame tlome.

³ Na bu kë tlemalë home Potifarbë kalabusu lowa sike mëtla, Josep këme kë tafa tëglebë.

⁴ Na kalabusu lo bolijaya Josepme gali tlole, “Ju kë tlemalë home tafa elëlëme.” Na kë tlemalë ho kalabusu lo mëta tako olë tafa mëtelo.

⁵ Tokwafe eso ho Ferobë hi wesibi ahujume lëglekefëtlebë ho na hitu su lëtakëfëtlebë ho, bu kalabusu lo mëta kë tafa mëtelobë, bu nimitelëna hwi mëtelo. Na bubë tële nimitelë esobë bwa bwa.

⁶ Na olobalë Josep bu belë hwime tuju tëme na mehwi latlome, “Yeluna alëla memëtelo.”

⁷ Na takune tlome, “Sobo fëyeme tutune elone?”

⁸ Na bu metafufu mëtëtatelo, “Sebo nimitelë hwi nëgelome nëgema, kwe seme li ho nimitelë esome hana gali lolono.” Na Josep bu tlemalë home gali tlome, “Goto nimitelë wayo gali buwa lowene lëletëme. Na buwa olafa lotometëname. Te, sobobë nimitelë galibë bome të etometëna.”

⁹ Na hitu su tètakëfëtlebë ho bubë nimitelë gali të totle. Bu gali tle, “Bo nimitelë nanelë wain taba liji hwi nololë.

¹⁰ Kë taba aona tikefona. Laba okwëfo foke mele. Na tahweji kë mëta fu mele. Na liji tatakowa mowalë. Na iniwa nigliji mele.

11 Kë taba liji tu, lale iji lamële. Na bo eso ho Ferobë kabo fa nêtë. Na kë taba liji tu kiki notomë. Na bo kë tu eso ho Ferome kabona nêlêlê. Bobë nimitelê gali tei.”

12 Na Josep gali tle, “Nimitelê esobë melëgëbelalêletle. Aona taba tikefobë, aona olême lëlekujû lële.

13 Aona olê yawe na eso ho Ferobë wame lowene mana tli lëbetleme. Na mana eso ho Fero bu gali loglême, ‘Ita esimo, jubê wege ita fa naegotleme.’ Na ju tokwafe eso ho Ferobë hitu ita su egêtakefêtleme, ëbame ju fene su têtakefêtle, humëina hi lëglelime.

14 Na tokwafe, ju eso ho Ferobë lo mëta tafa eglena bome maninibo eletenëme na bome aholokwana asa ti ele. Lowene egletenëme na eso ho Ferome gali eloleme, bome kë kalabusu lo mago tuhu nalëgêtanëme.

15 Ëbamemu, bobë toba tabana lei mototometëna na Hibru life mago mana mêtlesuna ebê lifewa. Na bo ebê life mëta bo tafa tégelëna, bo fëyeha hana telê. Kwe bome blawa kalabusu mêtëtana.”

16 Na hi wesibi ahujume lëglekefêtlebê ho bu hitu su têtakefêtlebê hobê nimitelê wayo gali aholokwane tle, na lowene tle, “Lalowafe.” Na Josepme gali tlole, “Bo melê nimitelê mehwi nanelê. Bo aona basketê musu bletê nage manogwa eso mëta gogwa mana nehwei.

17 Matawa mago isekubê eso ho Ferobë lale nage ëfomemu mobe. Na kwe fole kë nage, ëfo mago hi mele. Bobë nimitelê gali tei yawe lële.”

18 Na Josep gali tle, “Nimitelê esobë melëgëbelalêle. Aona isekubê, aona olême lëlekujû lële.

19 Aona olê yawe jwa mëleme na eso ho Fero jume kalabusu lo mago tuhu lêtame na jume mou lokwati sika lêtame. Na jubê ato ti mëta tabana kesi lêtatëme. Na fole jubê afabo mana hi meletëme.”

20 Aona olêbëna eso ho Fero, bubê wege home tako salê fata têtatëme, bota bume këna fu togotlêbê olêbê salê. Na bubê hitu su têtakefêtlebê ho na hi wesibi ahujume tégglekefêtlebê ho kalabusu lo mago tutuhu mëtla. Na mêtlesuma, na eso ho Ferobë naba li mëta ola mëtla.

21 Na eso ho Fero bu hitu su têtakefêtlebê home gali tlole, “Ju ejume, na jubê wege ita fa naegotleme.”

22 Kwe eso ho Ferobë hi wesibi kë ahujume tégglekefêtlebê home ti mëta tabana kesi tle na lagliwa tle. Ebê wesibi mefata këme mëtle, ëbame nimitelê eso galibëme Josep fene gali tle.

23 Kwe eso ho Ferobë hitu su lêtakefêtlebê ho Josepme aholokwanamu ti tle.

41

Josep eso ho Ferobë nimitelê wayo gali tê lêtatle

1 Têle tlibutu wamutuju na eso ho Fero nimitelê hwi tle. Bu nimitelê mehwi latle. Bu Nail tu helefo mëta tlibe.

2 Na 7 bulmakau kleli tatako, tu mago fe motokoke, lifijuwa. Na bu tu helefo mago agosaba hi mele.

3 Na tokwafe 7 ato tikatabo bulmakau kleli mata tu mago fe motokoke. Na bu tatako bulmakau kleli mëglêbo li mëta mëtlibe.

4 Na tokwafe ato tikatabo bulmakau kleli tatako bulmakau klelibëme hi mëtle. Eso ho Fero bu kë nimitelê hwi tle na ni mago lahujuwa têkake.

⁵ Na ita ni tētebokwake na li nimitelē hwi tle. Witi hi wesibi jowa hulu lēle na kē jowa witi mēta hi wesibi 7 kēniji mēbe. Na bu tatako mēle na lalemu mēbe.

⁶ Na tokwafe li witi hi wesibi jowa hulu lēle na kē jowa witi mēta hi wesibi 7 kēniji mēbe. Kwe bu tokwētokwē mēbe na tēbo lamele. Na ona elē mago atēte tabo flelu ligisibē na lakokowa mēbe.

⁷ Kwe kē tokwētokwē witibē tatako witime lahiwa mele. Na eso ho Fero huju tēkake na lowene tle, “Bo nimitelēna hwi nelēfe.”

⁸ Na olobalē bu tako tutune latle. Na bu tatako lowene home na yanowai home mata we tlome. Na bubē tēle nimitelē gali tē tētātēme. Kwe kē enēne bume nimitelē wayo galibē tē sle hana mētētātla. Bu kē tēle nimitelē wayo galibē lowene hana mētletēma.

⁹ Na hitu su lētakēfētlebē ho eso ho Ferome gali tlole, “O ējewa ekē lowene nelēfe.

¹⁰ Ēbame ju bo name hi wesibi ahujume tēglekēfētēbē ho name wame latlona. Na ju seme Potifarbē kalabusu lowa sike tle.

¹¹ Kē mēta tafa telo. Na nimitelē hwi telo. Na sebobē nimitelē wayo gali bwa bwa.

¹² Na Hibru mago falake ho sebona tafa tla na bu kalabusu lo bolijaya hobē wege fa lētakēfētle. Na sebo bume nimitelē gali tē tētātelo. Na bu sebobē nimitelē wayo galibē olafa sle tētātēna.

¹³ Na wesibi mēfata wametle bu fene gali tlonu. Bo jubē wege ita fa totlē, kwe ju hi wesibi ahujume tlekēfetēbē home ti mēta tabana kesi totle na bu lagliwa tle.”

¹⁴ Na eso ho Fero bu kē gali yafe aholokwane tlole. Na bubē wege home jine telēkake, Josepme no nalēglēleme. Na kē ho Josepme kalabusu lo mago hokweinawa no tjuwelēle. Na Josep bubē ēbehuga laba glo tle. Na lale ēho gegelo tle. Na eso ho Fero belē mētletelula.

¹⁵ Na eso ho Fero Josepme gali lolole, “Bo nimitelē mehwi nanelē kwe bu nimitelē wayo galibē tē hana mētātēna. Bu lowene hana mēletēma. Kwe ho bu bome megali lamolona, ‘Ju nimitelē gali aholokwane eglena na ju nimitelē wayo galibē lowene sle ekoutēmeme.’”

¹⁶ Na Josep gali lolole, “Bo kwe hanane. Goto kwe fēyemene. Buwa jubē nimitelē wayo galibē olafa logotometēme. Kwe jubē tutune lowene tli lēgēbetēme.”

¹⁷ Na eso ho Fero Josepme gali lolole, “Bo nimitelē mehwi nanelē. Bo Nail tu helefo mēta nilibē.

¹⁸ Na bo 7 tatako bulmakau kleli hwi nolomē. Na bu tu mago fe mokoke lifijuwa. Na tu helefo mago agosaba hi hi mele.

¹⁹ Na tokwafe 7 bulmakau kleli tu mago mata fe mokoke na bu ato tika tanono na elebowa. Na bo kēha ato tika tanono bulmakau kleli, Isip life mēta hwi hana nolomē. Hanane mu.

²⁰ Na ato tika tanono bulmakau kleli tatako bulmakau kelime hi mele.

²¹ Bu wahi mele, kwe bubē ato sēse hana meletēme, otome fene mitlibe. Na ēje mata mētabowa mēlibe. Na bo ni mago sagli nelēkakilē.

²² Na bo ita ni nētebokwakē na ita li nimitelē hwi nelē. Witi hi wesibi jowa hulu lēle na kē jowa witi mēta hi wesibi 7 kēniji mēbe. Na bu tatako mēle na lalemu mēbe.

²³ Na tokwafe li witi hi wesibi jowa hulu lēle na kē jowa witi mēta hi wesibi 7 kēniji mēbe. Kwe bu tokwētokwē mēbe na tēbo lamele. Na ona mago atēte tabo flelu ligisibē na lakokowa lotome.

²⁴ Na kwe kë tokwëtokwë witibë tatako witime lahiwa mele. Na bo kë nimitelë gali waiyobëme, yanowai home yafe takune nolomë kwe bu bome nimitelë wayo galibë të sle hana mëtatëna.”

²⁵ Na Josep eso ho Ferome gali tlole, “Jubë tële nimitelë gali kë nëgebë ebë jowa wayo galiwa. Goto bu wesibi jume wafi lebotane lëtatë. Na kë wesibi tokwafe fata lëgleme.

²⁶ Na 7 tatako bulmakau klelibë, 7 tlibutume lëlekuju lële. Na 7 tatako witibë mata 7 tlibutume lëlekuju lële. Ebë tële nimitelë gali kë nëgebë jowa wayo galiwa.

²⁷ Na 7 ato tika tanono bulmakau klelibë na 7 tokwëtokwë witibë, atëte tabo flelu kë koko totomebë, bu 7 tlibutume lëlekuju lële. Na kë 7 tlibutu, bu hi wesibi jwamu. Na bu foneme gigli mëglame.

²⁸ Bo jume ëje wagali nolë. Goto bu wesibi jume wafi lebotane lotometë. Na kë wesibi tokwafe fata lëgleme.

²⁹ Na 7 lale tlibutu migisina, Isip life mëta lebutako hi wesibi hulu mokoumemu.

³⁰ Na tokwafe kë 7 lale tlibutu yawe mëglana, 7 tëbo tlibutu migisime. Na bu mana foneme gigli nëlame. Hi wesibi jwa nëgeme. Na iniwa enëne, lale tlibutu lowenebë aholokwana ti mëglame. Na tako fone Isip life tëbo logotlememu.

³¹ Kë 7 tlibutu kë migisibë, bu tëbo tlibutumumu. Na oneho foneme gigli mëglame. Na iniwa oneho lale tlibutu lowenebë aholokwana ti mokoujame.

³² Goto bubë lowene këbë wesibi mëta wafi gwa lotle. Këme nëgeme, ju këha tële nimitelë këme hwi elome, ju kë wesibi lowene naegletleme.”

³³ “Te, ju lale lowene home hohwi etamëme na hwi eloleme na aniji eloleme. Na kë hobë Isip life enëneme tafa nalëglelëmeme.

³⁴ Na ju fli lale lowenena home aniji elomeme. Na 7 lebutako hi wesibi tlibutu migisina, kë enëne iniwa nuju mago hi wesibi loko mëtagujayame. Na bu toballi fu motomame. Na 4 fubë hi wesibi onehome sa mëtatëmame. Na jowa fubë hi wesibi gogwa lo mëta gogwa mulame.

³⁵ Na lale lowenena ho bu lale tlibutuna kë fata mëglebë hi wesibi loko mëtagujayame. Na bu, jubë lokwalëfe mëta fwa wege melame. Na bu witi liji na fli hi wesibi, loko lo takowa loko mëtagujayame.”

³⁶ Na 7 hi wesibi jwa tlibutu Isip lifate mëta fata mëglana, kwe Isip lifate mago oneho eso enëne kë loko mëgëtayabë lo mago hi wesibi glo mëlekefëyame. Këme nëgeme oneho foneme gigli hana mëglame.

Eso ho Fero bu Josepme aniji tlole, Isip lifebë eso home fata nalëgletëmeme

³⁷ Eso ho Fero na bubë wege ho, Josepbë gali yafe aholokwane mëtla na kë galibëme tako tole memëtletla.

³⁸ Na eso ho Fero gali lolome, “Gotobë Amtëtomba, bu mëta tafa lëletle. Na sebo këha home fëye mago hohwi nëgëtayamene. Sebo këha home hohwi nëgëtayana, kwe sebo këha home hana hwi noglolame, Gotobë Amtëtomba tafa lëgletlebë home, sebo Josep mefwa aniji noglolame, Gotobë Amtëtomba tafa lëgletleme nëgeme.”

³⁹ Na eso ho Fero Josepme gali tlole, “Goto buwa jume kë wesibi waolafa lotometë. Na li ho juha lowene ho hana tafa lële. Hanane mu.

⁴⁰ Bo jume këme aniji nolë. Bobë life mago onehobë eso ho tafa naegletëmeme, jubë gali aholokwane melame na esogo melelëtëyome. Ju bobë lokwalëfe mëta fwa tafa eletenëme kwe bo tako eso homu tafa nelëme.”

41 “Bo jume Isip life tafa eglelēbē home ekē aniji nolē.”

42 Na eso ho Fero bubē toba baliti tohwa lētāmē, na bu Josepbē toba ku mēta gelo lētatile. Kē toba baliti eso home lēlekuju elamē. Na bu lale ēho Josepme gelo lētatile na lale tliji mou mēta lehotle.

43 Na eso ho Fero bu kalē loha wesibi, wesibi Josepme lēlēle. Hos kleli bu kē kalē loha wesibi, wesibime ki lokou. Na Josep bu kēna na asē lēgēbelēfame. Na wege ho motoutaya na megali mētlaguma, “Josep nagi kē lisiyo. Sobo alēge mago fē ebokwako.” Na kē lakalena, Josep, iniwa Isip onehome tokwefo eso home tafa tletēme.

44 Na eso ho Fero Josepme gali lolole, “Bo Isip lifebē tako eso ho na bo megali nelē. Isip life mago oneho bu bubē lowenenawa wesibi li hana mogotlame. Jume afina takune molēyome.”

45 Na eso ho Fero bu Josepme tiho weniji fē tētatile, Safenat Panea. Na bu Potifera bokome yo tole. Bubē weniji Asenat. Potifera bu Heliopolis life magobē fēso hi wesibi ahujume ahujume lēglekēfēbē ho. Na Josep bu Isip lifate mēta tafa tle. Na bu Isip lifebē tokwētokwē life elēme asē tēbelēfa.

46 Na Josep bu 30 tlibutu watle na eso ho Ferobē wege mana fa tētatile. Na bu eso ho Ferobē lo kile lotle na Isip lifebē tokwētokwē life elēme asē tēbelēfa.

47 Na kē 7 lale tlibutu migisina na feilawa lale hi wesibi fata mēgleme.

48 Na Josep bu kē hi wesibi loko tētagwi na jowa jowa lifatebē nuju mago hi wesibi loko lo mēta gogwa tokou.

49 Na Josep bu kē loko tētagwibē hi wesibi yafe tabei tle. Kwe bu feilawa wesibimu yenēba fenene na bu tabei hana tle manawa gogwa tle.

50 Na 7 tēbo tlibutu fata jwa mētēglēna, Josep no Asenat tēle iko nēbale mana fata totome. Asenat Potiferabē boko na bu Heliopolis life magobē fēso hi wesibi ahujume ahujume lēglekēfēbē ho.

51 Na Josep gali tle, “Goto bome lalaitanē. Na bobē afani kē tēbo mētētanabē na ilawa mago enēneme aholokwana ti nelē.” Na kēme nēgame bubē abwa nēba, Manase weniji kēme fē totle. Manase gali wayo ebē aholokwana ti.

52 Na bu ita gali tle, “Goto bome nēbale tēle tlēnē, hobota kē fa togotlēbē lifate mēta.” Na kēme nēgame bubē li nēbame Efraim weniji kēme fē totle. Efraim gali wayo ebē nēba walēlēnē.

53 Na 7 lale tlibutu mutuju.

54 Na 7 tēbo tlibutu fata mētle, Josep fene gali tle. Na fli life hi wesibi alujawamu. Kwe Isip life mēta hi wesibi mana metēbe.

55 Na tokwafe Isip life enēne tako foneme gigli mēta. Na eso ho Ferome gali motlola, hi wesibi nalēglēmeme. Na eso ho Fero bume gali tlome, “Sobo Josep belē eyeume. Na bubē gali aholokwane sle elolome, some gali sle nalēglēyome, na sobo bubē gali esogo elelētelome.”

56 Na Isip life mago enēne foneme tako gigli mēta na Josep hi wesibi loko lo ino mana titika tokoutēme. Na kēbē enēne kē hi wesibi balitina glo namēkoukēfēyame.

57 Na fli life mago oneho mata foneme tako gigli memēta, kēme nēgame bu Josep belē mitisikefēya, na hi wesibi balitina glo mētlekefēya.

¹ Na Josep bolijaya Jekop, gali aholokwane tle, “Lale hi wesibi Isip life life mëta memobe.” Na bu bowenenime gali tlome, “Sobo emëta tafawa fëyeme elone?”

² Bo gali waaholokwane nelë, ‘Lale hi wesibi Isip life life mëta memobe.’ Te, sobo kë lifewa eimome na lale hi wesibi kë mago glo emolome. Na sebo hi nanëglame, foneme gigli nëglalime.”

³ Na Josepbë 10 bolijahani Kenan life kile mototla na Isip lifewa mitimiya, lale hi wesibi balitina glo namëgemolame.

⁴ Kwe Jekop, Josep bolijamome Benjaminme, Isip lifewa jine hana tlële. Bu melowene latle, bu ligimena na bume alëgeme tëbo mogotlame. Josepna Benjaminna jowa bota mëta fwa fata mëtelo.

⁵ Na Kenan life mago enëne mata tako foneme gigli mëtla. Këme nëgeme Jekop boweneninona na fli Kenan enënena iniwa mitimiya, hi wesibi balitina glo namëgemolame.

⁶ Josep Isip life onehome tafa tlelëme. Na bu iniwa onehome lale hi wesibi sa tëtakëfëtëme. Na bubë bolijahani, bu belë fata mëtla na sëkefo miti tafa mëtla na life elë hwi mëtëtëkaka. Josep bu Isip life mago eso ho nëgeme, bu sëkefo miti këme tafa mëtletla.

⁷ Na Josep bu bolijahanime watëselëme. Kwe bubë weniji ëho latëtätëme. Na bu feilawa jiyakle tlome, “Sobo hamago esijone.”

Na bume tafu mëtëtatla, “Sebo Kenan life mago nisiya, hi wesibi glo nanëglame.”

⁸ Na Josep bu bolijahanime wa tëselëme kwe bume hana mëtëselëla.

⁹ Na Josep bu bolijahanime hwi tlome, bume sëkefo miti tafa mëtletla. Na bu ëtani kë hwi tëglebë nimitelë gali ita lowene tletle. Na bu gali tlome, “Sobo hwelutuwa hwi enëne. Sobo Isip lifatebë flesu ho jwa life hwime esijo. Na tokwafe këbë life tëbo naegotlome.”

¹⁰ Na bu gali tafu mëtëtatla, “O eso ho, weye, hanane. Sebo jubë wege enëne, hi wesibi glome nisiya.

¹¹ Sebobë aya jowa. Sebo hwelutuwa hwi enëne hanane. Sebo nëgali enënemu.”

¹² Kwe Josep gali tlome, “Hanane mu. Sogë lalo. Sobo Isip lifatebë flesu ho jwa life hwime esijo. Na tokwafe këbë flesu ho jwa life tëbo naegotlome.”

¹³ Kwe bu gali motlola, “O eso ho. Sebo we ita tële nëbale na sebobë aya jowa, Kenan life mago ho. Na sebobë nagifu keinëba ayana tafa lamulo, kwe li keinëba wagli tle.”

¹⁴ Kwe Josep gali tle, “Weye, hanane. Bo ëje wagali nelë, sobo hwelutuwa hwi enëne.

¹⁵ Bo sobobë lowene su nëtatëyo fene. Sobobë gali nëgali gali o sogëna gali. Sobobë nagifu keinëba ebë life elë hana ligisina na bobë naba lime hana liglibena, kwe bo melowene, sobo sogëna gali na sobo sobobë lifekuwa hana egitome, hanane mu. Bo nëgali gali hana nëgelëna kwe melëmane bobë eso ho Fero tëbo malëtanë.

¹⁶ So mago li lujume na sobobë keinebame nolujuwelëlëme. Sobo fli kalabusu lo mëta mana tafa elome. Na bo lowene nanëgelëme sobobë gali nëgali gali o sogëna gali. Sobo sogëna egelona na sobobë keinëba hana eglesulona, kwe bo melowene nëgelëme, sobo hwelutuwa hwi enëne. Bo nëgali gali hana nëgelëna kwe melëmane, bobë eso ho, Fero tëbo malëtanë.”

¹⁷ Na këme wagali tle na kalabusu lowa sike tle na bu tële olë kalabusu lo mëta tafa mëtelula.

18 Na aona olëbëna Josep gali tlome, “Bo Gotome esogo nëglelëkeflëbë ho na bo some këme manibo nëletëyo. Sobo bobë gali esogo eglolona kwe sobo lalowa tafa eglome.

19 Sobo nëgali gali hobë kwe bo metole nanelë, somago jowa howa kë kalabusu lo mëta tafa lëleme. Na sobo fli eitome. Na sobo kë glo tēgëlobë hi wesibi sobobë ilawa enëneme ehwetutemome. Bu foneme gigli mëglalime.

20 Na sobobë keinebame bo belë elesutëname. Na bo melowene nanëgelëme, sobobë gali nëgali galimufe. Na some hana tēbo nëgëtome.”

Na bu gali mëtla, “Jubë gali lalowa.”

21 Na Josep bolijahani blalo gali mëtla, “Nëgali, ëbame sebo keinebame tēbo totla. Na bu seme lëkle tētana na yafe gali tlonā, ‘Matëbe, tēbo asa etana.’ Kwe bubë gali aholokwane hana tlola na bume manibo hana tletla. Këme nëgeme seme ebë hobota këme lisitëna.”

22 Na Ruben gali tlome, “Bo yafe gali tlëyo, keinebame asa tēkle etlo. Kwe bobë gali boblo latëtätëna. Josep gli tēgleme nëgeme, na kë hobota kofayame seme këme lisitëna.”

23 Na Josepbë bolijahani Hibru galina gëgali mëtla. Na Josep bubë gali lowene latletëme kwe bolijahani melowene lamëtla, “Bu sobobë gali lowene hana lële.” Josep Isip life hobë galina gali tlome na li ho Josepbë gali bolijahanime Hibru galina obwelë tëtätëme, këme mumu mëtëbetla, “Sebobë gali lowene hana lëlefe.”

24 Na Josep bubë gali aholokwane tlome. Na bume hune totome na hwelutuwa tako ye tletëme. Na ye kaju tēbe. Na ita tisi. Na bume gëgali tleleme. Na Simeonme aniji tole. Na tēle toba tabana lei totometle, bolijahanibë naba li mëta. Na bume kalabusu lowa tuku tle.

Josepbë bolijahani Kenan lifewa ita mititiya

25 Tokwafe Josep wege home hwelutuwa gali tlome, “Sobo ebë enënebë musu mëta lalë hi wesibi sisike eletemomo. Kwe bu kë mëtehweijabë baliti, bubë musu ëfo mëta sike ekoutemome. Na sobo fli hi wesibi mata elëmome, alëgeme hi namokoujame.” Na bu melë mëtla Josep fene gali tlome.

26 Na bolijahani bubë hi wesibi musu, bubë donki kleli matawa gogwa motola, na mititiya.

27 Mititiyabëë na olë ki tēbe na alëge mëta ni namëgebëyame. Na ho li musu tuhu totle, hi wesibi donki klelime lëglële nalëgleme. Na bubë baliti, musu ëfo mago hwi tlome.

28 Hwi tlome na bolijahanime we telokwakëme, “Bu bobë hi wesibi glo baliti bobë musu mëta wasike mëlafe. Bobë musu mëta ekë mëtemole.” Na bu klelegomu memotokouja. Na uli mëtla na bu blalo gëgali mëtla, “Iyee! Goto bu seme habelë lalëtanane.”

29 Na bu Kenan lifewa fwa mutula. Na bolijaya belë mutuja. Na bume kë fata tēgletëmebë wesibibë gali bolijayame tē mëtëtatla.

30 Na bu gali motlola, “Isip libëë eso ho seme feilawa gali tlonā. Na blawa meso tëtätëna, ‘Sobo hwelutuwa hwi enënefe.’

31 Na sebo megalī tlola, ‘Sebo nëgali enënemu. Sebo hwelutuwa hwi enëne hanane.

32 Sebo we ita tēle nëbale na sobobë aya jowa. Na sobobë nagifu keinëba ayana Kenan life mëta tafa melo, kwe li keinëba wagli tle.’

33 Na kë eso ho seme gali tlonā, ‘Bo sobobë manibo fene su nëtatëyo. So mago li ho bona tafa nelome na fliye eitome sobobë ilawa enëneme hi wesibi ehwetutemome, bu foneme gigli mëglalime.

³⁴ Na sobobë nagifu keinëba bome elesutënana, bo melowene nanëgletëyome, sobo nëgali enënemu na sogëna enëne hanane na hwelutuwa hwi enëne hanane. Na bo sobobë afame kalabusu lo mago tuhu notokwaklëme. Na sobobë lifewa ita lelelulome. Na sobo ebë life mago hi wesibi lalowa glo eglekefome.”

³⁵ Na bu hi wesibi musu tutuhu motokouja na bubë baliti musu ëfo mago mana hwi mëtlaguma. Na bu bolijayana kë baliti hwi motloma na bu tako uli memëta.

³⁶ Na bolijaya Jekop feilawa jiyakle tlome, “Sobo bobë nëbale tlemalë watëbo totomo. Josep waflawi tlita na Simeon mata waflawi tlita. Na sobo metole lalome, Benjaminme eglelulo naegelomene. Matëbemu. Kë sobo bome hobota gwa etakefëtëna.”

³⁷ Na Ruben bolijayame gali tlole, “Bo Benjamin, Isip life mago jume nëglesutë jwa nëgena kwe ju bobë tlemalë iko nëbale lalowa tëtëkle etomeme. Bo Benjaminme manëlelulë. Na bo ju belë mana fata nëlelëkakilëme.”

³⁸ Kwe Jekop gali tlole, “Bobë nëba juna hana egimome. Bolijaha wagli tle na buwa tafa lële. Na bume alëgeme tëbo mogotlana, kwe bo tako manibo mefwa gli nëgelëme. Bo filemi ho nëgeme.”

43

Josepbë bolijahani Benjaminme Isip lifewa mëtlemla

¹ Kenan life mëta hi wesibi alujawamu. Na iniwa oneho foneme giglimu memëta.

² Na bu Isip life mago kë mëtehweijabë hi wesibi wayawe motloma. Na Jekop bowenenime gali tlome, “Sobo Isip lifewa ita eimomo na fli hi wesibi glo naegemole tëname.”

³ Kwe Juda bolijayame gali tlole, “Aya, sebo jume wagali tolëyo, Isip life mago eso ho feilawa gali tloni, ‘Sobobë nagifu keinëba eglesutëna jwa nëgena kwe bome hana hwi egloname na hi wesibi hana glo eglome.’

⁴ Ju seme nagifu keinëbame jine egletënana kwe sebo nimëyame na hi wesibi glo nemole tëyome.

⁵ Kwe ju jine jwa egletënana kwe sebo hana nigimëyame. Kë ho seme megali togloname nëgeme, ‘Sobobë nagifu keinëba eglesutëna jwa nëgena kwe bome hana hwi eglokwakiname.’”

⁶ Na Jekop gali tlome, “Sobo kë home fëyeme gali tlolone, ‘Li keinëba mana lëtabetëyo.’ Kë sobo bome hobota gwa tëtätëna.”

⁷ Na bowenenino gali motlola, “Kë ho, sobobë ilawa mago enënemu tëtakune latlona. Na bu metakune latlona, ‘Blijaya mana tafa lëlene o wagli tle. Na li keinëba nanene.’ Na sebo bubë takune tafu tëtätla. Sebo meweniji latla, blawa takune lononawa. Sebo melowene hana tletla, seme megali nalogloname, ‘Sobobë nagifu keinëba elesutëna.’”

⁸ Juda bolijayame gali tlole, “Ju Benjaminme jine elëbakëtenë na sebo iniwa nigimëya nanëglame, hi wesibi glo nanëgemolame. Na juna, sobobë nëbalena, sebo iniwa foneme hana gigli nëglame.

⁹ Na bowa ululu sle nëgëtagulëme. Kwe bo ju belë sei jwa nëglëkakilëna kwe bobë wesibiwa. Na bobë kë manibo unaunalëme mana lëbekefëtënenëme.

¹⁰ Ju seme lëkle jwa egëtanabë kwe sebo Isip lifewa tëlafe nuguja wa nëglame fene.”

¹¹ Na Jekop bowenenime gali tlome, “Masiwafe, kë eso hobë gali nëgali gali nëgena kwe sobo Benjaminme sei egujelëlome. Na sobo melë saelo.

Sobo eflëbowa hi wesibi musu mëta sisike elome na ehowomujome na kë eso home manawa emowelëlome. Na saule tuha wesibi na yemaseneha wesibi na layaha wesibi bume ehwemutelome.

12 Na some musu mëta kë sisike mëtletëyobë baliti mata ehwemutelome na bume emowelëlome. Bo lowene hana nelë bale bubë wege ho yaya lametlanawa na kë baliti këme sisike mëtla. Na sobo fli baliti mata ehowomujome na fli hi wesibi këna glo naegemolome.

13 Na nagifu keinebame elemulome na kë ho betelë eimome.

14 Bo Gotome megëgali nanëlelëlë, bu kë eso hobë manibo sle lëgëtatleme na some lëgaitome na Simeonname na Benjaminname yo lëlyöme. Kwe bobë nëbale iniwa tëbo miglitayana kwe melëmane tëbo matla.”

15 Na Jekop boweneni, eso home mëglëlabë lale wesibi na hi wesibi glo baliti loko mëtëyaya. Na bu Benjaminna Isip lifewa mitimiya. Na Josep belë tuhu mëtemola.

16 Na Josep bolijahaniname Benjaminname hwi tlome na bubë lo tafa lëglëkëfëtlebë wege home gali tole, “Ju ebë enëneme bobë lowa elelummemo. Na bulmakau kleli tëkle etleme. Na kë ahujume eleme. Na kljijina bo bume hi nanëglëlemëme.”

17 Na kë wege ho bu melëtle Josep fene gali tole. Na bu kë enëneme Josepbë lowa tlelume.

18 Na bu lowa tlelumbëë, bu tako uli memëtla, na melowene lamëtla, “Ëbame sebo kë tigisiyabë na bu hi wesibi glo baliti sebobë musu mëta sisike mëtla. Na bu kë balitime lowene mëtla na seme tëbo nalëgëtanamefe, bubë lowa këme lëleluna. Na bu seme fa fa mëglame nawa na kalabusu lowa sisike melame na kë eso hobë wege mana fa nëtatleme. Na sebobë donki kleli tukli melame.”

19 Na Josepbë wege ho ino li mëta tlibe na bolijahani bu belë mutuja. Na gali motlola,

20 “Masiwafe, sebo tokwëfo takune. Ëbame sebo ebelë balitina hi wesibi glome tisiya.

21 Glo tla. Na titiya. Na alëgeme ni tebëya. Na hi wesibi musu tutuhu tokouja. Na hi wesibi këna glo baliti, musu ëfo mëta hwi tlaguma. Na sebo kë baliti ekë nehweija.

22 Kë baliti sebobë musu mëta ya sike tlene. Sebo lowene hana nëla. Na sebo fli baliti mata nehweija hi wesibi glo nanëglabëme.”

23 Na kë wege ho gali tlome, “Sobo tutune asa elo na uli asa elo. Sobobë na blijayabë Goto bu kë baliti sobobë musu mëta wasike tletëyo. Bo hi wesibi këna glo tëgelëbë baliti waglo tlë.” Na bu Simeonme kalabusu lo mago tuhu totle na bolijahani belë tlelule.

24 Na bu iniwa Josepbë lowa tlelëkakume. Na bume tu tlëme, elebo flëke swa namogotomame. Na hi wesibi mata bubë donki klelime tlëme.

25 Na bu meaholokwane mëtla, “Josep kljijina ligisimefe. Hi nalëglëlemëme.” Na bu Josepme mëglëlabë lale wesibi sle mototoma.

26 Na Josep tisi na bu kë lale wesibi metlëla na sëkefo miti bubusu mototoma.

27 Na Josep takune tlome, “Sobo lalowa tafa eulone o hanane? Na sobo ëbame bome këgali toglonabë filemi mana tafa lëlene o wagli tle?”

28 Na bu gali tafa mëtëtatla, “Ei, sebobë aya bu mana lëtabe na lalowa tafa lule. Na jubë wege hoha tafa lule.” Na ita sëkefo miti bubusu mëtletla.

29 Na Josep, bolijamo Benjaminme hwi tole, weife aliji magobë. Na bolijahanime takune tlome, “Ebë sobobë keinëbane, sobo kë gali toglonabë.”

Na bu Benjaminme gali tlole, “O hëyai, Goto jume manibo lëgletëme na laitame.”

³⁰ Na Josep bubë keinëbame manibo latletle na ëjeha ye lëletleme. Na këme nëgëme hokweinawa hune totome. Na kwe molowa tëkaklu na kë mëta hwelutuwa ye teluletle.

³¹ Na bu ye kuju tëbe. Na nolo tuna swa totle. Na tëkakli. Na bu manibo tafuwa latotle. Na bubë wege home gali tlome, “Te, hi wesibi glo elome na masei mëta gowga ekoujome.”

³² Na Josep li masei mëta hi tle. Na bolijahani li masei mëta hi mëtla. Na Isip life mago ho, Josepbë lo mëta kë tafa metlabë, li masei mëta blalo hi mëtla. Isip life mago ho, bu Hibru life mago home tole hana mëtlekëfëtëma, bu yonane hana mëtla. Këme nëgëme bu blalo këme hi mëtla.

³³ Na bu Josepbë naba lime metafana tafa mëtla, botamenino fene fufu mototoma. Bu oto mago ho mëta okli mëtla na këme keibë, këme keibë na nagifu nëba yaweme tafa tule. Na bu kë tafabë hwi motlola na klelego memëtletla na blalo gëgali mëtla, “Bu seme habëna lowene lëgletënamene. Beëmino kë fufu mëtëtanabëme.”

³⁴ Na wege ho bu bolijahanibë hi wesibi Josepbë masei mago glo mëtletëma. Na kë hi wesibi bume sa mëtëtatëma. Kwe bu Benjaminme feilawa hi wesibimu tlële, tobalimalë hi mëglabë hi wesibi fene tlële. Na bu Josepna hi mëtla. Na bu tako fleflesu lamëtla.

44

Josepbë titono kabo flawi tlatle

¹ Na bu wafi hi mëtla na Josepbë lo tafa lëglelëkëfëtëlebë wege home gali tlole, “Ju ebë enënebë musu mëta hi wesibi sisike eletëmemo. Houme fwa asa sike eletëme, ëfomume etometomome. Na ju bubë hi wesibi glome kë mohweijabë baliti, musu ëfo mëta sike ekoutëmeme.

² Na ju bobë lale titono silva kabo nagifu nëbabë musu ëfo mëta tuku eletleme. Na bubë hi wesibi këna glo tëglebë baliti mata sike egletleme.” Na bu melatle Josep fene gali tlole.

³ Na olë feti tëbe na wege ho bolijahanime sei tlagume. Na buna donki klelina iniwa mutuja.

⁴ Na bu kë tako lifate kile mëtla. Na kakë hana mutuja na Josep bubë wege home gali tlole, “Ju kë enëneme hokweinawa esogo elagume. Na ju esune egujuwelëmena metakune eglomeme, ‘Sebo sobona yonane nanëla kwe sobo fëyeme gëglë eletënanane.

⁵ Sobo bobë eso hobë lale titono silva kabo fëyeme tokli eletelone. Bobë eso ho tu këna hi lëlekëfë. Kë kabo, lowene hwi mago kabo. Bu kë kabo hwi lolokwefë na bu melowene lalëlekëfë, wesibi tokwafe fata mëglemefe. Sobo fëyeme tëbo enitonë.”

⁶ Na Josepbë wege ho bume esune tlëme na Josepbë gali këme gali tlome.

⁷ Bu gali tafu mëtëtatla, “Masiwafe, ju seme blawa fëyeme so etatënanane. Sebo këha melë hana nëglame.

⁸ Ju seme walowene eletëna. Sebo Kenan life mago kë tigisiyabë na musu ëfome këhwi toglomabë baliti watehweitëyo. Ju walowene eletëme sebo nëgali gali ho. Ju habelë lowene lalene, jubë eso hobë silva na gol tokli nëgletlameha. Weye. Hanane mu.

⁹ O eso ho, ju sebo bē musu hohwi etagwi. Na ju kē kabo li hobē musu mēta hwi eoglēna kwe kē home mogo nalē satēkle etle. Na ju seme fli kalabusu etaname na sebo jume manawa wege nēgletēyobē ho fata nēletēyome.”

¹⁰ Na bu gali tafu tētātēme, “Sobobē gali lalemu. Bo kē kabo li hobē musu mēta hwi noglotelēna kwe bume fwa kalabusu nogotlēmē na bobē wege manawa fa lotleme. Na kwe fliye, egitome.”

¹¹ Na hokweinawa bubē musu life mēta gogwa motokouja na musu ēfo totohwa mētētagama.

¹² Na Josepbē wege ho kabo hohwi tētāgutē. Bu abwa nēbabē musu afina hohwi tētātē na kēme keibē nēbabē musu, kēme keibē nēbabē musu hohwi tētāgutē. Na nagifu nēbabē Benjaminbē musu yaweme hohwi tētātē. Na kē kabo Benjaminbē musu mēta hwi tolē.

¹³ Na bolijahani kē wesibi hwi motlēya na klelego memetla. Na bubē ēho kēme kaka mototoma, bu tako manibo mētletlame nēgēme. Na bubē musu, donki kleli matawa gogwa mēta. Na ita lifatewa mutuja.

¹⁴ Judana bolijahanina, Josepbē lowa tutuhu motula, Josep lo mēta mana tafa tle. Na bu tako uli memētletla na Josepbē elebo lime lamētītīgōtawā.

¹⁵ Na Josep gali tlole, “Sobo bobē lale titono silva kabo fēyeme tokli elone. Sobo lowene hana elone, bo kwe melē ho nētabē, wesibi ēho mēglebē, eli bo kē wesibi hwi noglomēme.”

¹⁶ Na Juda gali tafu tētātē, “O eso ho, sebo jume habē gali noglēmōmene. Sebo kē tēbo wesibi habēna sle nogotlamene. Goto bu sebo bē tēbo wesibi waolafa lotome. O eso ho, kē ho bu jubē kabo toklime kē fa lēgētābē, kalabusu egotleme. Kwe bume fwa nane, seme iniwa kalabusu egētaname. Na sebo jume manawa wege nēgletēyobē ho fata nēletēyome.”

¹⁷ Na Josep gali tlole, “Hanane mu, bo melē hana nēgelēmē. Kē ho, bubē musu mēta kabo kē hwi loglēbē, bume fwa kalabusu nogotlēmē na buwa manawa wege lēgletenē ho fata lēleme. Sobo fli kwe blijaya belē lalowa egitome.”

Juda Benjaminbē afloko fa logotlebēme gali tlole

¹⁸ Na Juda Josep belē tuju na gali tlole, “Aiyoo, eso ho ju bobē gali aholokwane enonē. Bo jume lalowa gali noglēmēne. Bo walowene nelē, ju tako eso homu, eso ho Fero fenene. Ju bome wame asa enonē.

¹⁹ O eso ho, ētani ju seme metakune latlona, ‘Sobobē blijayana, blijahanina mana tafa mēlane o hanane?’

²⁰ Na sebo gali tolēyo, ‘Negalife. Sebo bē aya mana tafa lēle na bu filemimu. Na sebo bē nagifu keinēba mana tafa lēle. Bolijaya filemimu tētabe na bota mana fwi totle. Na kē nēbabē bolijaha wagli tle, buwa tafa lēle. Na kēme nēgēme bolijaya bume tako tole lalēletle.’

²¹ Na eso ho, ju seme megali latlona, ‘Sobobē nagifu keinēba bome elesutēnamo, bo bume hwi nanoglolēmē.’

²² Na sebo jume gali metafu tētātēyo, ‘Kē nēba bolijayame asa kile malotle. Bu bolijayame kile logotlena kwe bolijaya tako manibo fwa gli lēgleme.’

²³ Kwe ju seme gali tlole, ‘Sobobē nagifu keinēba eglesulo jwa nēgena kwe sobo bome ita hana hwi egloname, hanane mu.’

²⁴ Na sebo aya belē titia na ju seme kē gali toglonabē gali bume tē tētātē.

²⁵ Na tokwafe aya gali tlole, ‘Sobo eimome na fli hi wesibi, balitina glo emoletēname.’

²⁶ Na sebo gali tlola, ‘Sebo hana nigimëyame. Sebobe nagifu keinëba bume nëgglulula jwa nëglana kwe sebo kë home hana hwi noglolame. Anë, sebobe keinëbame nëgglululana kwe sebo kë eso home hwi noglolame.’

²⁷ Na sebobe aya megali tlonä, ‘Sobo walowene elo, bobë mëse Resel iko nëbale tële wafata totometenë.

²⁸ Na jowa nëba bome wakile têtanë na bo melowene nanelë, waluju mago kleli bume watëkle totle. Bo ita hwi hana nololë.

²⁹ Na sobo li nëba bo mago eglemulona na bume alëgeme tëbo mogotlana kwe bo tako manibo fwa gli negelëme, bo filemi ho nëgeme.’

³⁰⁻³¹ O eso ho, sebo nagifu keinëba ebë life mëta kile nëglana, na sebowa nigitiyana, na sebobe aya kë nëbame hwi jwa loglolena kwe bu gli lëgleme. Bu kë nëbame tako tolemu lalëletle. Sebobe aya filemimu na sebo kë nëba nëgglulula jwa nëglana kwe sebo bume tëboha nogotlame. Na bu tako manibome fwa gli lëgleme.

³² Na bo ayame wagali sle tolë. Na bo megali latlolë, ‘Bo ululu sle nugujuwetlëme na bo ju belë hana nëglesulëna kwe bobë wesibiwa. Na bobë kë manibo unaunalëme mana lëbekefëtenëme.’

³³ Na bo metole nanelë, kë nëba manawa wege lëgletëbë ho fata hana lëgleme, bowa fata nëgletëme. Bu kwe bolijahanina matitiya.

³⁴ Kë nëba bona hana nëgëyeuna kwe bo aya belë ita hana nuguwime. Bo bubë manibo hwime tole hana nëlëyo.”

45

Josep bolijahanime gali tlome, bo fëye hone

¹ Na Josep bolijahanime tako manibo tletëme kwe bubë wege hobë li mëta yeme tole hana tle. Këme nëgeme bubë wege home gali tlome, “Sobo iniwa lo mago totoho ekako.” Na totoho mëtëkaka na buwa bolijahanime tafa tlelëme. Na bu Hibru galina gali tlome, “Bo Josep, sebobe keinëba.”

² Na Josep feilawa ye tle. Na Isip life mago oneho kë ye lego aholokwane mutula. Na kë ye tëglebë gali Isip lifate mago eso home gali mutujuwelëla.

³ Josep gali tlome bolijahanime, “Bo Josep. Bobë aya wagli tlene o mana tafa lële.” Na bolijahani bubë gali yafe aholokwane motlola kwe bu tako uli memëtletla na bu gali tafu hana mëtëtatla.

⁴ Na kwe Josep bolijahanime gali tlome, “Sobo loliwa esijo.” Na bu loliwa mutuja. Na bu gali tlome, “Bo Josep, sebobe keinëba. Ètani sobo bome Isip life mago home yo tlomo, bubë wege manawa fa nanëgëtatemëme, na baliti glo telo.

⁵ Kwe sobo ètani bome kë tëbo tëgëtanabë wesibime tutune asa elo na welili asa elo. Bo some kofayame hana tëbo nogotome. Goto buwa jine tlënë. Some ebë life elë nogoutatëyobëme, onehomo nëgaitamë nanëgelëme. Foneme gigli jwa namëglame.

⁶ Na kë life mëta hi wesibi jwa tlibutu tële wamutuju. Kwe hi wesibi jwa tlibutu tobali mana mebokwe, na bu nuju mago hi wesibi hana wawa mëglame.

⁷ Na Goto bu bome, nogoutatëyobëme jine telëbakënë, some nëgaito nanëgelëme, sobo foneme gigli jwa naegelome. Na sobobë nëbaletono unaunalëme natafa mokoutëyome.

⁸ Kwe ebë lifewa sebowa jine tlëna nane. Wëye. Goto buna jine tlënë. Na bome aniji tlonë, eso ho Ferome lale lale lowene nëglëlëbëme. Oneho, eso ho

Ferobë lo mëta kē tafa mëglabë, na bu, bome eso home tafa nēgletemëbëme anijimotlona. Na bo Isip lifebë iniwa onehobë eso home tafa nēletemë.

⁹ Na sobo aya belë hokweinawa eitome na megali eglolome, 'Jubë nēba Josep mana lētabe na bu megali lalële, Goto home Isip lifebë eso home aniji tlonë. Na ju bo belë hokweinawa esi.

¹⁰ Na jubë nēbalename na blijafujuniname iniwa elesumeme. Na ju mëmë kleli na sipsip kleli na bulmakau kleli name na sobobë iniwa wesibi fli etobaklome. Na bomëta esijome. Na Gosen lifeku mëta tafa elome, bobë li mëta.

¹¹ Na ju Gosen life mëta tafa eglena, bo jume tafa nanēglelëme. Hi wesibi jwa tlibutu tobali mana mëbe. Na bo metole nanelë, ju na jubë nēbale foneme gigli hana mëglame na sobobë kleli mata foneme gigli hana mëgleme, bo some tafa nēglelëyome nēgeme."

¹² Na Josep bolijahanime gali tlome, "Sobo, seme Benjaminna, hwi sle elona na lowene sle eletëname, bo Josep, bo some ekë gēgali nēlelëyo.

¹³ Na sobo ayame megali eglolome, 'Josep Isip life mëta eso home tafa lële.' Na lebutako wesibi sobo kē hwi eglomobë ayame mata gali etujuwelolome. Na sobo hokweinawa eitome na bume elesutëname."

¹⁴ Josep gēgali wayawe tole, na bolijamo Benjaminme yena hwë tlële. Na Benjamin mata hwë tlële na ye mëtlelëgo.

¹⁵ Na Josep fli bolijahanime yena hohwë tokou na bubë ahinome mëmëtle tēkoutëme. Bu melë wafi tle na bolijahani bume gēgali mëtlelëla.

¹⁶ Na Josep bolijahani kē mitigisiyabë gali eso ho Fero belë fe tuletle. Bu na bubë wege hona, tako flelesu memëtlelëma.

¹⁷ Na eso ho Fero Josepme megali tole, "Ju blijahanime megali eglomeme, 'Sobobë wesibi donki kleli matawa gogwa eolome na Kenan lifewa ita eitome.

¹⁸ Na sobobë aya na ilawa mago ho bo belë elesumome, na bo some Isip lifebë lalë lifemu yo nanēglëyome, na sobo lebutako lalë hi wesibi hi naegelome.'

¹⁹ Na ju blijahanime mata megali eglomeme, 'Sobo Isip life mago kalë loha wesibi, wesibi hos kleli kē asë mëglelëmëbë, glo elome na sobobë lifewa ehujome. Na sobobë one na nēbale na blijaya kē mëta tafa melame na këna elesumome.

²⁰ Na sobo lebutako wesibi asa ehweijo. Na sobo kē hune egelobë wesibi asa lowene eletemo. Matëbemu. Bo some Isip life mago lalë wesibi nēglëyome."

²¹ Na Jekobë bowenenino, melë mëtla eso ho Fero fene gali tlome. Na Josep kalë loha wesibi, wesibi tlëme eso ho Fero fene gali tle. Na alëgeme hi mëglabë hi wesibi mata tlële.

²² Na bu bolijahanime tiho ëho tlëwagume. Kwe Benjaminme tobali tiho ëho na silva baliti 300 tlële.

²³ Na Josep Isip life magobë lalë wesibi, 10 iko donki kleli matawa gogwa toletëme na kē donki kleli bolijayame telëkakle. Na bu witi liji, na bletë nage, na fli lalë hi wesibi, na fli 10 tamo donki kleli matawa gogwa tole, na bolijayame mata telëkakle. Bu migisiyana, alëge mëta hi namëkekëyame.

²⁴ Na Josep bolijahanime jine telëkakëmena na gali tlome, "Sobo sobolalo alëgeme momata asa ekoujo."

²⁵ Na bu Isip life kile mototla. Na mititiya. Na bu bolijaya Jekop belë Kenan lifewa fwa mutula.

²⁶ Na bu megali motlola, “Josep gli hana tle, hanane mu, mana tafa lèle. Na éje Isip life onehome eso home tafa lëletème.” Na Jekop klelego metle. Na boblo totome. Na gali tlome, “Sogè lalo.”

²⁷ Kwe bu iniwa wesibi Josep kè gali toglomebè bolijayame gali motlola. Na Jekop kalè loha wesibi, wesibi Josep kè jine tëglèmebè hwi tlome. Na manibona sle tle.

²⁸ Na Jekop gali tle, “Negalimu. Bobè nèba Josep mana tafa lëlefe! Bo Josep belème hokweinawa nuwime. Na hwi nujuwelëlème na mana gli nelème.”

46

Jekop bu kè tafa tëgglèmebè enëneme Isip lifewa tlemume

¹ Jekop bubè iniwa wesibi sle totome na bu nonino name nèbale name Isip life elè tlemume. Bu Berseba lifewa fwa tullelème na Jekop bubè bolijayabè Aisakbè Gotome, sipsip kleli ahujume temu totometle, Goto sinikibo hèhè nalègleme.

² Na kwe klabè, Goto Jekopme nimitelè mèta fata tletle. Na we tlole, “Jekop, Jekop.”

Na Jekop tafu tètatile, “Wa, bo mana ekè tafa nelè.”

³ Na Goto gali tle, “Bo Goto. Bo jubè blijayabè Goto. Ju Isip lifewa egujume uli asa ele. Tokwafe bo melè nogotomème, bo jume nègaitème na bo jubè bisemlenime feilawa onehome fata nogotomème.

⁴ Isip lifewa bona weife nègyiyme. Na jubè bisemlenime ebè lifewa bo ita sei nègelèfamème. Tokwafe ju gli eglena, Josep jume bu gwa lègètamème matèmatè mèta.”

⁵ Na Jekopbè iko nèbale, Jekopme kalè loha wesibi mèta gwa mototokwakla. Na bubè one nà nèbale name mata gogwa motokwaka. Isip life mago eso ho Fero, bu kè kalè loha wesibi tlème, bu këna muguja namèglame. Na kwe Jekop bu Berseba life kile totle.

⁶ Na bu bulmakau kleli mètletluma. Na Kenan life mago kè glo mètlabè wesibi na iniwa mètèhouja. Na Jekop bubè nèbalena bolijafujunina, Isip lifewa iniwa mutuja.

⁷ Bu memutuja lamètla. Bubè bowenenino na bokonino na bolijafujunino buna iniwa mutuja.

⁸ Ebè Jekopbè nèbalebè weniji buna Isip lifewa kè mutujabè. Bubè iko nèbabè weniji, abwa nèbabè weniji, Ruben.

⁹ Na Ruben boweneninobè weniji melè, Hanok na Palu na Hesron na Karmi.

¹⁰ Na Simeon boweneninobè weniji melè, Jemuel na Jamin na Ohat na Jakin na Sohar na Saul. Saulbè bota bu Kenan life mago mèse.

¹¹ Na Livai boweneninobè weniji melè, Gerson na Kohat na Melali.

¹² Na Juda boweneninobè weniji melè, Er na Onan na Sela na Peres na Sera. Kwe Er na Onan bu ètani Kenan life mèta wagigli mètelo. Na Peres boweneninobè weniji melè, Hesron na Hamul.

¹³ Na Isakar boweneninobè weniji melè, Tola na Puva na Iop na Simron.

¹⁴ Na Sebulan boweneninobè weniji melè, Seret na Elon na Jalel.

¹⁵ Ruben na Simeon na Livai na Juda na Isakar na Sebulun, na bu Leabè nèbale Jekopbè mèse. Lea bu nemosà nèba mata fata tètà, bubè weniji Daina. Na Leabè nèbale na bolijawani bu kèniji fata mètla 33.

¹⁶ Na Gat boweneninobè weniji melè, Sifion na Hagi na Suni na Esbon na Eri na Arodi na Areli.

¹⁷ Na Aser boweneninobë weniji melë, Imna na Isva na Isvi na Beria. Na bubë mësenëbabë weniji ebë Sera. Na Beria boweneninobë weniji melë, Heber na Malkiel.

¹⁸ Jekop Silpana kë nëbaneni mëtëgelobë nëbale na bolijafujuni kënji fata mëtla 16. Silpa ebë Leame wegeme egaitamëbë mëse. Bume manawa wege eletë. Ètani Laban bu Silpa Leame tlë. Laban ebë Leabë bolijaya.

¹⁹ Na Jekopbë mëse Resel, bu iko nëbale tlemalë, bubë weniji Josep na Benjamin.

²⁰ Na Josep, Isip life mëta tafa tēglena, Asenatme mana sei tle. Asenat bu Potiferabë boko. Potifera bu Heliopolis life magobë fëso hi wesibi ahujume ahujume lëglekëfëbë ho. Asenat bu iko nëbale tlemalë fata totometle. Bubë weniji, Manase na Efraim.

²¹ Na Benjamin boweneninobë weniji melë, Bela na Beker na Asbel na Gera na Naman na Ehi na Ros na Mupim na Hupim na Art.

²² Jekop Reselna kë nëbaneni mëtëgelobë nëbale na bolijafujuni kënji fata mëtla 14.

²³ Danbë bowene jowa. Bubë weniji, Husim.

²⁴ Na Naptali boweneninobë weniji melë, Jasel na Guni na Jeser na Silem.

²⁵ Jekop Bilhana kë nëbaneni mëtëgelobë nëbale na bolijafujuni kënji fata mëtla 7. Bilha ebë Leame wegeme egaitamëbë mëse. Bume manawa wege eletë. Èbame Laban bu Bilhame Reselme tlë. Laban ebë Reselbë bolijaya.

²⁶ Na Jekopbë nëbale na bolijafujuni buna Isip lifewa kë mutujabë, bu kënji 66. Kwe bu Jekopbë boweneninobë oneme tabëi hana mëtla.

²⁷ Na Josep no bu tlemalë iko nëbale fata totome, Isip life mëta. Na kë tlemalë nëbale na Jekopbë nëbale na bolijafujuni Isip life mëta kënji mëtabëya 70.

Jekop na bubë nëbalena bolijafujunina Isip life mëta tafa mëtla

²⁸⁻²⁹ Jekop Judame afina jine tlële, bu Josepme no lëlëleme Isip lifate mago na buna misijome bolijayame Gosen life mëta esune nalëglëleme. Na Jekop na nëbale na bu Gosen lifewa fwa mutulana, Josep bubë wege home gali tlome, “Sobo bobë kalë loha wesibi sagli elëtename.” Bo ayame këna hwi nanujuwelëleme. Bu këna Gosen lifewa tuju, bolijayame hwi nalogloleme. Na Josep bolijayame yafe hwi tole na bume hwë tlële na ye tlelële. Meye tēglelëlebëë, na tokwafemu kuhu tëbe.

³⁰ Na kwe Jekop Josepme gali tole, “Jume wafi hwi noglëme nëgeme na bo melowene nanelë, ju mana tafa ele. Bo lalowa gli nëgelëme.”

³¹ Na kwe Josep bolijahanime na bolijayabë ilawa mago onehome gali tlome, “Bo Isip life magobë eso home, megali nugujuwelëleme, ‘Bobë afani na ayabë ilawa mago oneho, bu Kenan life kile mutula na bu bo belë fata mëkakija.

³² Kë ho bu sipsip kleli mëlëkefëma. Na bubë sipsip kleli na bulmakau kleli mata melesuma. Na bubë iniwa wesibi mata mehweija.’

³³ Na tokwafe eso ho some we loglëyona na takune loglëyona, ‘Sobo fëye wege fa etokweflone.’

³⁴ Sobo megali eglolome, ‘O eso ho, sebo sipsip kleli na bulmakau kleli nëglëmbë enëne. Sebo tokwetokwëmume nëgena, kë wege mana fa tētagila. Sebobë afunino mata sipsip kleli memëtlewagima.’ Sobo eso home kë galime gali eglolona kwe bu some hana hehë lëgletëyome na megali lëglëyome, ‘Sobo Gosen life mëta lalowa tafa ekekome.’ Isip life mago ho bu sipsip kleli

mëglëmabë home tole hana mëletëma. Këme gali tlome, ‘Sobo Gosen life mëta fwa lalowa tafa ekekome.’”

47

1 Na kwe Josep eso ho Ferome megalu latujuwelële, “Aya afanime Kenan life mago wafata lëlelëkakime. Bu sipsip kleli na bulmakau kleli na iniwa mëlesuma na bubë iniwa wesibi mata mohweija. Na bu Gosen lifate mëta kë tafa mëla.”

2 Na Josep tobalimalë bolijhanime gali telëkakëme. Na bu mitisiya. Na eso hobë li mëta mitlija.

3 Na kwe, eso ho takune tlome, “Sobo fëye wege fa etokweflone?”

Na bu gali tafu mëtëtatla, “Sebo sipsip kleli nëlëkefëma, sebobë ayanino fene mëtlëkefëma.

4 Sebo metole nanëla, sebo ebë lifate mëta esokwaneme tafa nëglame. Hi jwa olë Kenan life mëta fata tëgletëname nëgëme na sebobë sipsip kleli agosaba jwa nëgëme. Na fëye wesibi hi mëglëmene? Këme nëgëme, sebo metole nanëla, ju seme megalu lalowa eglonamene, ‘Sobo Gosen life mëta lalowa tafa eglome.’”

5 Na kwe eso ho, Fero, Josepme gali tlole, “Blijaya na blijahanina wamisiya, juna tafa egelobëme.

6 Ju Isip lifatebë iniwa afloko lowene sle eletëmeme, na jowa lale aflokumu hwi elotëmeme na yo elomeme kë mëta tafa namëglame. Na ju metole egletëmena bu Gosen life mëta tafa matla, kwe ebë lalowa. Na jubë ilawa mago ho flime eselëmeme, bu bulmakau kleli mëglëmabë alëge kë lowene sle mëgletlabë, na ju bume aniji elomeme, bobë bulmakau kleli mëglëma namëglame.”

7 Na kwe Josep bolijayame eso ho Fero belë sei tlële. Na Jekop Gotome takune tlole, eso ho Ferome ululu sle nalëgëtaguleme na lëgaitawagule nalëglëme.

8 Na eso ho gali tlole, “O aya, jubë tlibutu ebënujune?”

9 Na Jekop tafu tëtatle, “Bo ebë life mëta kë tafa nokweibë tlibutu kënji, 130. Ebë tako olë nane tafa nokwei kwe bome lebutako hobota mitisi tenë. Bobë afunino bu ebë life mëta tako tafa motokweijamu. Na bubë tlibutu ebë lebutakomu kwe bobë tlibutu tëlewa.”

10 Na kwe Jekop eso home kaiye tlole na tuju.

11 Na Josep bolijyaname, bolijhaniname taitame, lale life yo naloglomeme, eso ho fene gali tlole. Na bu Rameses life yo tlome, kë life mëta tafa namëglame. Kë life afloko lalemu kwe Isip lifatebë fli life afloko bu sogë lalowaha.

12 Josep bu hi wesibi bolijyaname, bolijhaniname, bolijayabë ilawa mago oneho name, lëlekefëme.

Isip life mago oneho tako fone memëta

13 Tako fone fata tletëme na iniwa life hi wesibi jwamu. Isip life mago oneho na Kenan life mago oneho bu foneme tako gigli lamëlekefëyamu.

14 Na Isip life mago oneho na Kenan life mago oneho bu hi wesibi Josep mago balitina glo mëtlekefëya. Na bubë baliti yawe motloma. Na Josep kë glo lëglekëfebë baliti, eso hobë lo mëta gogwa tlekëfe.

15 Na Isip life mago onehobë baliti na Kenan life mago onehobë baliti yawe motloma na iniwa oneho Josepme gali mutujuwelëla, na bu gali

motlola, “Hi wesibi enëna. Hana enënaye kwe sebo jubë naba li mëta gigliwa nëglame. Ju seme aitana. Sebobë baliti wafi yawe mëgleme nëgеме.”

¹⁶ Na kwe Josep gali tlome, “Sobobë baliti wayawe eglomona, kwe sobobë bulmakau kleli na sipsip kleli bome elesume kefëtëname. Na bo some hi wesibi kofayame nanëglëkefëyome.”

¹⁷ Na bubë hos kleli na bulmakau kleli na sipsip kleli na mëmë kleli na donki kleli Josepme mëtlelumekefëtla. Na Josep hi wesibi kofayame tlëkefëme. Na bu melë kë mëtlekefëyabë jowa tlibutu. Bu melëwa motokoujabëë na kë tlibutu mana yawe motlola.

¹⁸ Kë tlibutu yawe motlola na ita Josepme mutujutla na gali motlola, “O eso ho, sebobë hobota jume hana ëho nëgëtätëyome. Sebobë baliti alujawamu. Na sebobë iniwa sipsip kleli na bulmakau kleli jume watlëkefëyo. Sebo jume nëglëkefëyobë wesibi hanane mu. Kwe sebowa nëtabëya na sebobë lifewa mëbagu.

¹⁹ Ju seme foneme gigli nëglabëme asa elësëna na ju sebobë flëke feilawa tëbo lëglebëme asa elësëtëna. Na sebo metole nanëla, eso ho Fero, bu seme laitakefëname na seme hi wesibi lëlëkefëname. Kwe sebo bubë wege manawa fa nëgëtätlabë oneho fata nëgletlame. Na sebobë life mata bume yo nololame. Kwe ju seme hi wesibi na olo wesibi eglëna kwe sebo foneme hana gigli nëglame. Na sebo tafa sle nëlame na sebobë flëke tëbo jwa nalëglame.”

²⁰ Na kwe ëbame kë fata tëglebë fone mana lëbe na bu tako fatamu lalële. Na Isip life mago oneho Josepme hi wesibi sëneme bubë flëke yo mëtlagula. Na Josep bu kë iniwa flëke eso ho Ferome yo tole. Këme nëgеме Isip lifatebë iniwa flëke, eso ho Ferobë flëkemu fata tletle.

²¹ Na Josep melë latle, Isip lifebë iniwa onehome gali tlome, “Sobo eso ho Ferobë wege manawa fa etakefëtelome.” Këme nëgеме iniwa oneho bubë wege manawa fa mëtakefëtla.

²² Kwe, Josep bu fëso hi wesibi ahujume ahujume mëglekefëyabë, hobë flëke hi wesibi kofayame hana fa tëttagutëme. Melëme nëgеме eso ho Fero bu kë enëneme baliti tlëkefëmeme nëgеме. Na bu kë balitina hi wesibi glo mëtlekefëya. Këme nëgеме bubë flëke hi wesibina kofayame yo jwa këme motlola.

²³ Na Josep bu onehome gali tlome, “Sobo aholokwane ekoujo. Bo sobo na sobobë flëke hi wesibina wahihijika telë. Na sobo eso ho Ferobë wege manawa fa egëtatelobë oneho tafa waelo. Na eli, bo olo wesibi some nëglëyome, sobobë nuju mëta tobalo naekoujome.

²⁴ Tokwafe nuju mago hi wesibi wawa egelona kwe sobo fu 5 mëta sa gwa etlo. Jowa lokotabobë eso ho Ferome elëlome, na 4 lokotabobë some egelome. Na somagobë fli unina tobalo egelobëme gogwa elome. Na fli sobo na sobobë nëbalena hi elome.”

²⁵ Na kwe oneho Josepme gali motlola, “Eso ho, ju seme hi wesibi watlëna, na seme wataitana, na sebo iniwa tafa sle nanëla, sebo gigli hana nëglame. Na sebo tako fleflesumu nanëla, eso ho Ferobë wege manawa fa nëgëtakefëtla.”

²⁶ Na kwe Josep Isip life onehome gali tlome, “Sobo aholokwane ekoujome na kë gali esogo elëlëlome. Tokwafe nuju mago hi wesibi wawa egelona kwe sobo fu 5 mëta sa gwa etlo. Jowa lokotabobë eso ho Ferome elëlome.” Kë gali unalëme mana lëbagutëmeme na mana ekë lëbetëme. Kwe eso ho Fero bu fëso hi wesibi ahujume ahujume mëglekefëyabë hobë flëke hana fa tëtätëme.

Josep bolijayame gali sēsle tētatlē, “Bo jume Kenan life mēta matēmātē nugutēme”

²⁷ Israel enēne bu Isip lifatebē provins Gosen mēta tafa mētla. Na bu kē flēke bume yo tlome. Na bu lebutako nēbale fata mototoma. Na feilawa oneho fata mētla.

²⁸ Na Jekop bu Isip life mēta 17 tlibutu tafa tle na bubē iniwa tlibutu kēniji 147.

²⁹ Na bu melowene latle, “Bo gli nēgelēme teife.” Kēme nēgēme bu bowene Josepme kēme gali telēkakle, ligisitle nalēgleme. Na bu tisitle. Na Jekop bume gali tlole, “Ju bome tolemu laletenē, kwe ju toba bobē yelukwafe sei elulukwakēmeme na bome megali sle enonēme, ‘Bo jume Isip life mēta hana matēmātē nēgētēme.’”

³⁰ Bo gli nēgelēna, ju bome ebē life mēta asa matēmātē etanē. Weye. Matēbe. Bo moḡome ebē life mago egehunēme na bobē afuninobē titono matēmātē mēta gwa eutanēme.”

Na Josep gali metafu tētatlē, “Bo jume melē nēgētēme ju fene gali ele.”

³¹ Kwe Jekop gali tlole, “Ju bome iniyafememu fwa gali sle eglonēmemu, ju kē wesibī melē egotleme.” Na Josep bolijayame iniyafememu gali sle tlole. Na kwe, Jekop bubē ni labuku mēta eso life tuku totle na Gotome mana fleflesu tletle, Josep bume gali sle togloleme nēgēme.

48

Jekop bu Gotome takune tlole, Efraim na Manasename ululu sle nalēgētāgumeme na lēgaitawagume nalēgleme

¹ Tokwafe bu Josepme gali motlola, “Blijaya tēbo lalēlo.” Kēme nēgēme bu nēbale tlemalē, Manase na Efraimname bolijaya belēme kēme tlelume.

² Na ho Jekopme gali motlola, “Jubē nēba Josep walisi, jume hwi nalōglēme.” Na kwe Jekop ni mago alabujuwa huju tle na ni labuku mēta mana tafa tle.

³ Na Jekop Josepme gali tlole, “Goto bu iniwa afutukuna. Na bo bume Kenan lifatebē tokwēfo lifeku Lus mēta nimitelēna hwi tlolē. Bu bome lalē gali tlēnē, lēgaitanē nalēgleme.

⁴ Na bome gali tlonē, ‘Bo jume feilawa nēbale nēglēme, na lebutako blijafujuni tafa namēgletēyome. Na ebē life nēlēme, na bubē lifemu unaunalēme lēgēbetēme nalēgleme.’”

⁵ Na Jekop ita gali tlole, “Bo ju belēme Isip lifatewa tigisi jwa nēgena, jubē mēse tēle nēbale mana fata totome. Bubē weniji Efraim na Manase. Na kē nēbale kēnegebē, bobē nēbaleha tafa namēgletenome. Bobē nēbalemuha natafa mēgelome, Rubenna Simeonna fene tafa melo.

⁶ Kwe ju nēbale Efraimnabē, Manasenabē nagi fata egotomena, kwe jubē nēbalemu tafa mēgletēyome. Na tokwafe flēke afloko bwa bwa lēglēwagumena, kē nagifu nēbale bolijahanibē ku mēta tafa mokoujame.

⁷ Bo kē gali jume fēyeme nane gali nolē. Bo jubē bita Reselme tako manibo nēgletēme nēgēme. Bo Mesopotemia lifate kile tulē na Kenan lifewa tigisibē na Resel mana gli tletenē. Sebo Efrata lifate kakēha mana asē tēkekēya na bu mana gli tle. Na bo Efrata lifate alēge li mēta gwa tētē.” Efrata ebē Betlehem lifatebē ētanifu weniji.

⁸ Jekop tēle nēbale hwi tlome na takune tlole, “Ebē yalēbē nēbalene?”

⁹ Na Josep gali tlole, “Aya, ebē bobē nēbalefe. Bo ebē lifate mēta bowa tafa tēgelēna, Goto bu kē tēle nēbale mana tlēnē.”

Na kwe Jekop gali tlole, “Ju kë nēbale bo belē elesume. Bo Gotome takune nanoglolēme bume ululu sle nalēgētagumeme na bume lēgaitawagume nalēgleme.”

¹⁰ Jekop bu filemimu nēgeme na naba olobaha kēme lamu mototometle. Kēme nēgeme, bu hwi sle hana tlole. Na Josep bu tlemalē nēbaleme loliwa tlesumetle, hwi naloglomeme. Na bu nēbale hohwē tle na ahinome sēsle totome.

¹¹ Na Jekop Josepme gali tlole, “Ētani bo meweniji latelē, bo jume hana hwi noglēmewa, kwe melowene latletē wagli tlewa. Kwe Goto bome taitanēme nēgeme na bo jume fwa nane hwi nolē. Wēye. Bo jume na jubē nēbalename mehwi nanolometē.”

¹² Na Josep bubē tlemalē nēbale Jekopbē elebo li mago nono tule. Na Jekopbē yako li mēta bubusu tletle na eso life mēta tēbetle. Jekop bu letitabo homu nēgeme.

¹³ Na Josep bubē tlemalē nēbaleme Jekop belē tlelume. Na bubē abwa nēbame, Manasame, Jekopbē tobamu tobali elē gwa totle, na nagifu nēbame, Efraimme, yemane tobali elē gwa totle.

¹⁴ Kwe Jekop toba hihijika tle na li afalēba matawa gwa towetle, na bubē tobamu tobabē nagifu nēba, Efraimbē eso mēta gwa totatle na yemane tobabē abwa nēba, Manasabē eso mēta gwa totatle.

¹⁵ Na Jekop bu Gotome takune tlole, Josepbē afenēbome lēgaitawagume nalēgleme. Na bu megali tlole, “Goto, bobē afu, Abraham, na bobē aya, Aisak, na jubē lowenewa esogo mētleletēyo, na boblo hana mētēto. Beē bome nafu tētanēna tafa tēglaginibē, na ebē olē elē mana ekē fe nekaki.

¹⁶ Na ju bome enselha fata tletenē. Na tēbo wesibi mitisikefētenēna, ju bome taitakefēnē. Na ju kë tlemalē nēbaleme ululu sle etokwefēmeme na aitakefēmeme. Ju bume aitameme, na bubē bosemnenibē nēbale lebutako enēnemu fata namokoujame. Na kë enēne, bobē weniji na Abrahambē weniji na Aisakbē weniji aholokwana ti mēgletēmalmime.”

¹⁷ Bolijaya tobamu toba, nagifu nēba Efraimbē eso mēta kë gwa totatlebēme Josep hwi tlole na bu kēme flefesu hana tletle.

¹⁸ Na bu bolijayame gali tlole, “Wēye. Aya melē asa ele. Ebē nēba kēnegebē, bolijaha. Ju tobamu toba bubē eso mēta gwa egotatleme.”

¹⁹ Kwe bolijaya tole hana tle, na Josepme gali tlole, “Hēyai, bo lowene nanelē, bo lowene nanelē. Kwe abwa nēba, Manasabē bosemnenibē nēbale bu mata feilawa enēneha fata mēglame, kwe bolijamo Efraimbē bosemnenibē nēbale feilawa enēnemu fata mēglame, lebutako lifate mago onehoha fata mēgletlame.”

²⁰ Na kwe ebē olēna, Jekop bu lale gali tlēme. Goto bu kë tlemalē nēbaleme ululu sle nalēgētagumeme na lēgaitawagume nalēgleme. Na bu Josepme gali tlole, “Israel life mago oneho bu Gotome takune moglolana, fli onehome ululu sle lēgētagumebēme, kwe bu jubē tlemalē nēbalebē weniji fēfē mogotomame, na fli enēneme gali molomame, ‘Goto bu some ululu sle malēto, Efraimna Manasename fene ululu sle tētagime.’” Jekop melē kë totomebē Josepbē nagifu nēba, Efraim abwa nēbaha tētabe, na abwa nēba, Manase, nagifu nēbaha tētabe. Na Efraim abwa nēbaha fata tle.

²¹ Tokwafe, Jekop Josepme gali tlole, “Ju aholokwane ele! Bo gli nēgelēme nounou ekē nelē! Kwe Goto sobona egētabome na bu some sobobē semnenibē lifewa lēglelujome.

22 Ètani bo Amorbë ilawa mago onehome kosina nemona momogli tletomë. Na bubë life, Sekem wahijika totomë. Sekem life ebë lale lifemu. Na bo kè life jume fwa nèglème. Bo jubë blijahanime hana nèglèmème.”

49

Jekop boweneninome yawe galime gëgali tlelème

1 Jekop bubë nèbaleme gali telokwakeme, “Sobo esijome na bome lolime tafa eletëname. Fli wesibi some tokwafe fata mëgletëyobème gëgali nanëglelëyome.

2 O bobë nèbale, sobo bobë li mëta loko eelëyo, bobë gali aholokwane naegloname. Bo sobobë blijaya, Israel.

3 Ruben, ju bobë abwa nèba. Bo falakeme nègena, sebo bitana jume mana fu tètò. Ju flesu ho fata tle na ju tako afutukuna homu. Jubë afutuku jubë iniwa blijamonibë afutukume boblo lalotome.

4 Jubë lowene haliji tuha sësëbo lëletë. Ho lëkle hana lëgëtatème. Kwe, ju auto mago ho tafa hana egleme. Ju bobë mëseme atome fa tëgëtamème nègème. Na bo tako tiniji latletë. Ju tëbo lowenemu esogo tlelèle.

5 Simeon bolijamo Livaina bu wame wesibi glo mëtlekefo na fli home wame motlokwefëmo.

6 Bu wame lowene fa mogotokweflona, bu ho flime mogo nalë memëlagekefo. Na bu wame jwa tafa mëgelona, bu tuja ato bulmakau klelibë elebo salème fwa hihli mototokwefëtëmo. Kème nègème, bo bume ehe hana nolomë. Blalo kè sle motokweflobë galibème, bo kè aholokwanebème tole hana nèlekefëtëmë.

7 Bubë wame lowene bume fwa tëbo nalogotomeme. Bubë wame lowene takomu nègème, na wame lowene tëbowa tëbetème. Bo bume hehë nanëletëmë. Na bo bu tlemalë name na bubë nèbale name fufu nèbetokwakëmème. Na bu Israel life mago onehona bwa bwa tafa namëglelëmame. Bo bume flëke hana yo noglomème.

8 Juda, jubë blijimoni na blijahani jume bibita mëgëtagujome. Jume fli oneho wame moglëyona, ju mou mëta fwa fafa egleme. Na jubë blijimoni na blijahani jume sëkefo bubusu motometëyome.

9 Juda, bu afeku laion kleliha. Bu kleli fa fa lëlekëfe, na hihli lëlekëfe. Na bu kalëlegona kème tafa lëgleme. Bu elili elili lële na alabujuwa tafa lële, laion kleli fenene. Na ho li bume hana lëlelu logotleme.

10 Bu eso home kè lëlekuju eglatlebë atobeila lehwamë. Na bu eso home unaunalème natafa lëkoume. Bu kè atobeila mana lehwaguime na bu Silo lifawa mana fwa luleme. Na bu iniwa onehome tafa lugulelëmème.

11 Bubë wain taba feilawamu hulu lokoutle na bu lalému. Na bubë donki kleli takuliji logotlena, bu wain taba mëta fwa takuliji lotokwefële. Bu feilawa wain taba liji tu kiki lotokwefëme. Kème nègème bubë èho kè wain taba liji tuna kème swa lotokwefëme bu feilawa wain taba liji tuna nègème.

12 Bubë naba kowa kème fata meletle, wain taba liji tu hi lëglekëfëme nègème. Na bubë enino tatiwamu mëbetle, bulmakau kleli maba fo hi lëglekëfëme nègème.

13 Sebulun bu nutu li mëta tafa lëgleme. Na bubë tu ku takomu lëgëbetleme. Kème nègème sibu lo tëbo hana mëgleme. Na bubë flëke meluguju tleme, Saidon life li mëta tou lokoutleme.

¹⁴ Isakar bu kalëlego donki kleliha. Bu tële wesibi ku mëta fwa manawa meniniwa lëbekëfe.

¹⁵ Bubë lale life lëselëwagule na melowene fa lotle, 'O lale lifefe, bo këme tafa nanegelë.' Na kë mëta bubë iniwa afutukuna wege lële. Kwe tokwafe, bu fli hobë manawa wege fa lëgëtatëmeme.

¹⁶ Tokwafe, Dan bubë ilawa mago onehome eso home tafa lëgletëmeme, na bu Israel life mago fli oneho fene tafa mëla.

¹⁷ Dan bu mefata lëgleme, taiju tëbo, alëge mëglëbo mëta fene sei lëlële. Hos kleli bu alëge elë fëka lokweina, kwe taiju hokweinawa okli lëkaketlebë na sëgetuju mëta latëtouwa lëlëleme. Na ho kë hos kleli matawa tafa logoletlana, kwe lalugujuwetigowa.

¹⁸ Tako Ho, bo jume ekë hwi nëletë, ju bome egaitanë naegleme na jubë lale lifewa na enënëme.

¹⁹ Gat, tokli ho jume wame mëglelëkakëjome. Kwe, ju kofayame yafe wame elomeme kwe bu mëglëboujame.

²⁰ Aser, jubë nuju mëta lale lale hi wesibi feilawa hulu mokoutëme. Eso ho kë hi hi mëglabë hi wesibi ahujume ahujume eglekëfeme.

²¹ Naptali, bu waluju mago dia kleli ha. Bubë tolenawa fëka fëka lëbelëfa. Na bu lale lale nëbalemu nëbaneni lëlekëfe.

²² Josep bu lale wain taba. Bu yefi tu li mëta hulu lële na bu feilawa liji lowalë. Bubë tikefo hele heletanëno nëgeme, na lëglesu lamu mototle.

²³ Wame ho bume nemonu wame motlola, na sëfana mëtemila na tëbo mototla.

²⁴ Josep bu nemo hana tlëkële na bubë toba elili hana mëtletle. Jekopbë kalëlegona Goto, bume tégaitaleme nëgeme na bume afutuku tëglëleme nëgeme. Kë Goto, Israel life mago onehome tafa lëlëlememe na bubë kalëlego wame jiboha tite lëletëmeme.

²⁵ Bu blijayabë Goto na bu tako kalëlego Gotomu. Buwa jume ululu sle lëgëtakefëme na laitakefëme. Na bu jume feilawa lale wesibimu lëglëkefëme. Bu jume tako tlibutu lëglëme, na jume life lokwalëfelë mago tu mata lëglëme. Na jubë ilawa mago oneho feilawa nëbaneni mëglame.

²⁶ Bo jubë blijaya. Bo jume lale gali nëlë, Goto jume ululu sle nalëtaguime na lëgaitawagume nalëgleme. Bo metole nanelë, ju lale wesibi kë glo eglebë, tako fatini lamu namëgëtatëme. Na kë wesibi, jubë afunino kë glo mëtëglabë wesibime boblo mogotomememu. Iniwa kë wesibi Josep ju mëta fata mëgleme. Ebë ho ju kënegebë ëtani ju blijahani na blijamonibë naba li mëta eso ho fata tletëme.

²⁷ Benjamin, bu waluju ama ha. Bu kleli mogo nalë tëtëkle lëtakefë. Na iniwa olobalë bu kë tëtëkle lëtakefëbë kleli hihi lëlekëfe. Na taboklë ye, bu kë tëtëkle lëtakefëbë hi wesibi sa lëtakefëte."

²⁸ Ta ebë kënegebë, Israelbë we ita tële enënëbë. Na bubë bolijaya bu gli lëgleme kwene bubë nëbaleme kë lëgaitawagumeme anebo gali tlelëme. Na bume lale gali tlome, Goto bume fwa ululu sle nalëgëtagumeme na laitawagumeme.

Jekop gli tle na bume matëmatë mëta gwa mototla

²⁹ Na Jekop bu boweneninome lale gali wagali tlome, Goto bume ululu sle nalëgëtagumeme na lëgaitawagume nalëgleme. Na bubë nëbaleme megali latlome, "Bo gli nëgelëme nounou ekë nelë na bobë ilawa mago lebo hona tafa nanugulame, alibaho life mëta. Sobo bome bobë afuninobë aniji fuluju mëta gwa egëtaname, Efronbë life mëta kë lo eglabë. Efron Hitbë bolijafuju.

³⁰ Kë aniji fuluju bu Makpela life mēta lo elamē. Makpela life bu Kenan lifatebē tokwēfo life, Mamre life li mēta lo elamē. Ētani Abraham bu aniji fuluju Efronna balitina hihijika mētelo. Bubē matēmatē lēgēbetle na lēgleme.

³¹ Bu Abrahamna bubē mēse Saraname, kë aniji fuluju mēta gogwa mēta. Na Aisakna bubē mēse Rebekaname mata kë mēta gogwa mēta. Na bobē mēse Leame mata kë mēta gwa tētē.

³² Ētani Abraham bu kë aniji fuluju Hitbē ilawa mago hona balitina hihijika mētelo.”

³³ Jekop bu yaweme gēgali tlelēmee na ni labuku mēta ni tēbe na lagliwa tle. Na bubē ilawa mago lebo enēnena tafa mēta, alibaho life mēta.

50

¹ Na Josep mehwi tlole, aya wagli lēlefe, na bu matawa laniwa tobetle na tako ye tletle, na bubē nolo momotlē tletle.

² Na tokwafe Josep u mogo kë ululu sle mogotomabē home, gali tlome, “Sobo ayame lēkalu malasini atome gogwa eletelome, bu ato lēkalu feilawa kë jwa nalēgletleme na ato fla jwa lēletleme.” Na kwe u mogo kë ululu sle mogotomabē ho, bu melē mēta, Josep fene gali tlome.

³ Na iniwa u mogo kë ululu sle mogotomabē ho bu kë lēkalu malasini bubē ato mēta gogwa motokoutlabē olē kēniji 40. Na bubē ato fla jwa tletle na kokowa tēbetle. Na Isip life mago oneho bu Jekopme 70 olē ye mētletla.

⁴ Manibo mētlabē olē yawe motlola na Josep eso hobē wege enēneme gali tlome, “Masiwafe, sobo lalowa bobē gali eso home gali egujuwelēlomene. Sobo bume megali egujuwelēlome,

⁵ eso ho, bobē aya glime nounou tēglena, bu bome megali latlonē, ‘Ju bome gali sle enonē, ju bome mogo ehunēme, na bo Kenan life mēta bo tobana kë go tēglelēbē aniji fuluju mēta gwa eutanēme.’ Na bo bume wagali sle tlolē. Kēme nēgeme, bo metole nanelē, ju bome lalewa gali eglonēmene bo aya mogome gwa nanugjuwetlēmee. Na bo ita nisime.”

⁶ Na eso ho Josepbē gali aholokwane tlole na gali metafu tētatile, “Ju lalewa egujume, na blijaya mogome gwa ejuwetleme, ju blijame fene gali sle tlole.”

⁷ Na kwe, Josep bu bolijaya mogome gwame tuju. Na eso hobē wege enēnena bubē letitabo ho na Isip life magobē letitabo ho bu iniwa Josepme nagi mētlēla.

⁸ Na Josepbē ilawa mago hona bolijahanina bolijayabē ilawa mago hona iniwa aniji fulujuwa mutuja. Kwe tokwētokwē nēbale hana mutuja. Nēbale na bulmakau kleli, sipsip kleli, mēmē kleli, Gosen lifate mēta lulu mēta.

⁹ Na kalē loha wesibi na hos kleli matawa kë tafa mogolekēfēyabē hona iniwa Josepna mutuja. Lebutako enēnemu mutuja.

¹⁰ Na bu Atat life elime fwa mutula, Jodan tu nogowelēme. Kë Atat life kēnegebē bu witi lijibē jibo fokwefokwe mototokwēfema na bubē afabo glo mēta, hi namēglame. Na bu kë life mēta tako manibomu lamētletla na feilawa ye mēta. Na Josep bu 7 olēna bolijame manibomu latletle na ye tletle.

¹¹ Na Kenan life mago oneho, ye kë mētletlabē onehome hwi motloma na bu megali mēta, “Isip life mago oneho bu tako manibomu lamēletla, na tako ye mēletla.” Kēme nēgeme, bu kë life weniji mefē mototla, “Abel Misraim.” Abel Misraim gali ebē Hibru gali na ebē kë gali fenene, “Isip life mago oneho ye mēletla.” Ebē life Jodan tubē nogowelē lēbe.

12 Na Jekop bowenenino bu melë mëtla, bolijaya fene gali tlome.

13 Na bume Kenan lifewa mëtehula, na bume aniji fuluju mëta gwa mototla. Kë aniji fuluju bu Makpela life mëta lo elamë, Mamre life li mëta. Ètani Abraham bu kë aniji fuluju Efronna balitina hihijika mëtelo. Bubë matëmatëmu fata nalëgletleme. Efron Hitbë bolijafuju.

14 Na Josep bu bolijayame wagwa totle. Na kwe Josepna, bolijahanina, na fli enëne buna kë mutujabë, iniwa Isip lifewa ita mitimiya.

Josep bolijahani bume kë tëbo mototlabë lowene hana lehole, aholokwana wati tle

15 Bubë bolijaya wagli tletëme, na kwe Josepbë bolijahani blalo megëgali mëtla, “Josep bu seme mana wame logloname nawa. Na sebo bume kë tëbo togotlabë bu seme kofaya tëbo lëgëtaname nawa.”

16 Na këme nëgëme, bu Josepme këme gali mëtelokwakla. Ebë gali melë, “Ètani sebobë aya mana tafa tëglena bu seme megali latlona,

17 sobo bobë gali Josepme sagali elolo. Bobë gali melë, ‘Josep bo jume tokwëfo takune. Masiwafe. Jume blijahani kë tëbo mëtëtohtë lowene asa ehwagule, aholokwana ti egleme.’ Na kwe sebo, sebobë ayabë Gotobë wege enëne, jume takune nolëyo, ‘Masiwafe, sebo jume kë tëbo tëgëtohtë lowene asa ehole, aholokwana ti ele.’” Na Josep kë gali yafe aholokwane tle na bolijahanime manibo tletëme na feilawa ye tle.

18 Tokwafe, Josepbë bolijahani, bume hwime mutuja. Na bubë elebo li mëta bubusu mëtletla. Na bume gali motlola, “Sebo, jubë manawa wege ho, ju belë nisiya.”

19 Kwe Josep gali tlome, “Sobo tutune asa elo. Bo Goto nane, some kë tëbo nogotome. Weyewa.

20 Sobo ètani iniwa melowene latelo, bome tëbo naegëtaname. Kwe Goto bu kë tëbo lowene, bubë lale lowenena wahihijika tle, bu metole tëgleme nëgëme, bome Isip life onehobë eso ho aniji naloglonëme. Na lebutako onehame nëgaitamë nanëgelëme, bu foneme gigli jwa namëglame. Na èje sobo kë wesibi wafi hwi elolo.

21 Këme nëgëme sobo tutune asa elo. Bo some na sobobë nëbale name iniwa tafa nëgletëyome na nëgaitome.” Na Josep bolijahanime flalego gëgalina lowene sle tëtatëme.

Josepbë gli

22 Na Josep bolijayabë ilawa mago ho, Isip life mëta nibowai mëtla. Na Josep bu 110 tlibutu kënji tafa tle.

23 Josep mana tafa tle, Efraimbë nëbaleme hwi tlome na kë nëbale kë nëbaneni mëtëglabë nëbaleme mata hwi tlome. Na Makir mata nëbaneni tle na këbë nëbale mata Josep belë mëtletluma. Na bu sësle totome na ameijume gogwa tle. Makir ebë Manasebë bowene.

24 Na tokwafe Josep bubë ilawa mago home gali tlome, “Bo gli nëgelëme nounou ekë nelë. Kwe Goto bu some tafa lëglagujome na bu some ebë life mago nëno lëleme na lale lifewa sei lujuwelëyome. Ètani Goto bu Abrahamna Aisakna Jekopname iniyafe galime megali sle tlome, ‘Sobo ebë lale life hwi ejuwelëleme, na bo tokwafe some ebë lale life yo nolëyome. Na tokwafe Goto bu some kë lale lifewa sei lugujuwelëyome.’”

25 Tokwafe Josep bubë ilawa mago home gali tlome, “Sobo bome iniyafeme megali sle egloname. Tokwafe Goto some lëgaitome ligisi tëyona

na some li lifewa sei lugujelëyona, sobo bo mogome ebë life mago saehulo.” Na Josep bubë ilawa mago home gali tlome, “Sobo bome sogëna asa enona. Sobo Gotobë naba lime iniyafeme fwa gali sle egloname.” Na bu gali motlola, “Sebo jume iniyafememu gali nolëyo.”

²⁶ Na Josep bu 110 tlibutu këniji tafa tle, na bu Isip life mëta mana gli tle. Na bu lëkalu malasini ato mëta gogwa mëtletla, ato lëkalu kë jwa na lëgletleme na ato fla jwa nalëgletleme. Na bu mogome bokis mëta gwa mototla.

Mak Ebë Lale Anebo Gali Kënëgebëye Jisasme Gali nene, Mak Yahì tle

Jon, tu mëta baptais logotomebë ho, gali të têtatëme

¹ Ebë lale gali, bu Gotobë nëba Jisas Klaisme gali nene.

² Ètani anebomu ebë lale gali fata tle. Bu mefata latle, Gotobë lowene mago gali të totokweflebë ho, Aisaia, fene yahì tle, “Goto boweneme megali latletle, ‘Aholokwane elo, kwe tokwafe bo ho lime jine nëglëlëme, bobë gali të nalëtagulebëme. Na bu jume loutatëme. Na bu alëge jume fu nalëtagutëme.’

³ Tokwafe, li ho, ho jwa lifeku mëta mewe lëgleme, ‘Sobo tako hobë alëge fu etatelo, alëge sle etatelo.’”

⁴ Jon ebë kë nëgebëye, tu mëta baptais logotomebë ho. Bu ho jwa lifekuwa tuhu tule, Aisaia fene yahì tle. Na onehome gali të têtatëme, “Sobo tèbo lowene aholokwana ti elome na lale lowenewa esogo elelëlome na baptais elome. Na Goto tèbo lowene sle nalëgetatëyome.”

⁵ Na feilawa oneho, Juda lifate mago na feilawa oneho mata Jerusalem lifate mago, Jon belë mutuja. Na bubë tèbo lowene këme olafa mototometla. Na Jon bume Jordan tu mëta baptais totome.

⁶ Jon bu lale ëho hana gelo totle. Bu kamel kleli hobona kë susu mototlabë ëho gelo totle. Na bu bulmakau jibo alitaba mata tehvamë. Na bu mëgou na saule tu mehìhi latlekefe.

⁷ Na këme Jon bu gali metë têtakefëtëme, “Ho li bobë nagi ligisime. Na kë ho kë ligisibë bubë afutuku takomu kwe bobë afutuku tokwëfomu. Bo lale ho nane kë ligisibë home kë nëgaitalëme, manawa wege ho fene laitale. Weye. Bo bubë jiteho hana titika nëgletelëme. Bu letitabo homu nëgeme na bo atwati homu.

⁸ Bowe, some tu mëta fwa baptais nëlelëyo, kwe buwe Gotobë Amtëtombana baptais lëglelëyome.”

Jon Jisasme baptais totle

⁹ Na kë olëna, Jisas Galili provinsbë tokwëfo lifate Nasaret mago tisi. Na Jon bume Jordan tu mëta baptais totle.

¹⁰ Na Jisas tu kile tle na helefowa fe tokwake. Na bu hwi tokwake, matafa inoha latikawa tle na Gotobë Amtëtomba seuneni foleha Jisasme ji têtëkeketle.

¹¹ Na Goto matafa mago gali tle, “Ju bobë lale nëba. Bo jume tako maninibo nanëletë, na tako flelesu nanëletë.”

Satan bu Jisasme tèbo loweneme fene susu totle

¹² Na kë nalëwamu, Gotobë Amtëtomba, Jisasme ho jwa tabo elë tlelule.

¹³ Na bu ho jwa tabo mëta niliafewe olë tafa tle. Na Satan bu tèbo loweneme fene mana susu totle. Bu waluju mago klelina tafa mëtla, kwe ensel bume lamëtaitale.

Jisas bu Gotobë lale gali, Galili provinsme afina të têtatëme

¹⁴ Bu Jonme kalabusu lowa watuku mëtla, na Jisas Galili provins elë tisi. Na bu Gotobë lale gali të têtatëme.

¹⁵ Bu megali tle, “Goto kë aniji toglolebë olë wafata lële. Na Goto iniwa onehobë eso home natafa lëletëmebë olë nounou lalëletle. Sobo tëbo lowene aholokwana ti elome na lale lowenewa esogo elelëlome. Na sobo Gotobë lale gali lowene sle eletelome.”

Jisas bu nilimalë home we tlome na bume nagi mëtlëla

¹⁶ Na Jisas bu Galili lake tu hele helefowa tuju. Na bu Saimon name bolijamo Andru name hwi tlome. Bu solo, tu mëta tuku mëtelo, mo fa fa namëgelome, bu kë mona baliti glo namëgelome.

¹⁷ Na këme Jisas bume megali tlome, “Sobo esijomo, bona asë nanëglame. Sobo mo fa fa lowenebë walowene eletelo. Na bo some ho fa fa lowenebëme okokwe nanëglëyome, bu Gotome esogo namëglelëlamë.”

¹⁸ Na bubë solo lakilewa mëtelo na mana nagi mëtelëkaklo.

¹⁹ Na Jisas sogë tuju watle, na bu Jems, bolijamo Jon name hwi tlome. Bu Sebedibë nëbale. Bubë solo holëye tégletëmeme nëgëme na bu ihe mëta këme tafa mëtelo na mana tibwa mëtelo.

²⁰ Na këme Jisas tlemalëme we tlome. Na bu bolijayaname, bume kë wege mëgletëmbë ho name, ihe mëta hune mëtëkaklo. Na bu Jisasme nagi mëtelëkaklo.

Jisas bu ahwane, hobë ato mago, hehë tletle

²¹ Jisas bu fli hona Kaperneam lifewa mutuja. Na Juda enënebë tafawa olëna, bubë lotu lowa tëkaklu. Na mana onehome gali të tëtatëme.

²² Bubë gali yafe aholokwane motlola, bu klelego memëtla. Bubë gali gena lëbetleme nëgëme kwe Gotobë tafa sle gali lowene sle mëgletlabë hobë galiye ge jwa lëbetëmemu.

²³ Na kë nalë, li ho bu kë life hobë lotu lo mëta tafa tle. Na ahwane kë ho mëta tëtabe. Na kë ho meafëflei latle,

²⁴ “Nasaret life mago Jisas, ju seme habelë egëtaname esine? Ju seme tëbo naegëtaname esine? Bo jume lowene nanëletë, Ju Gotobë lale homu. Ju Goto mago kë egisibë ho.”

²⁵ Kwe Jisas ahwaneme anisasana megali latlole, “Ju kuju ebe na ebë ho mago eiju.”

²⁶ Na ahwane kë home anisasana luluju totle na feilawa juju tëkake na kë home lakilewa totle.

²⁷ Na kwe iniwa oneho klelego memëtla na blalo gëgali mëtla, “Euowe! Ebë fëye wesibine? Kë ho bu tiho gali të lotle. Na bubë galiye, flesu hobë gali fenene. Bu ahwaneme gali loglomena, aholokwanewa lamolole.”

²⁸ Na hokweinawa, Jisas këtëglebë galibë, Galili provinsbë li life li life fifiji mëtlëlä.

Jisas Saimon bokokabë ato sle tëtatë

²⁹ Jisas bu fli hona, lotu lo mago metëkaklija. Na bu Saimonna, Andrunabë lowa mutuja. Jems na Jon buna iniwa mutuja.

³⁰ Na Saimon bokoka ni labuku mëta ni tëbe, bu tëbo tégleme nëgëme na bu ahojutena sago metle. Na hokweinawa Jisasme gali motlola, “Bu tëbo lale.”

³¹ Na Jisas bu betelë tujutë na bume tobame fa tëtamë na huju tëtamë. Na tëbo latliwa tëbe. Na kë mësebë, bume hi wesibi ahøjume tletëme.

Jisas lebutako onehobë ato sle totometëme

³² Atome hwi olëna, bu tëbo atona onehome Jisas belë mëtlesuma. Na bu mata ahwane kë tëbo mototomebë onehome sei mëtelëfamëtla.

33 Na feilawa oneho kë life mago, bu Jisas këme kë tafa tëglebë lo ino mëta loko mëtlelëya.

34 Na tako ato elili mëta kë tafa mëtlabë onehome Jisas sle totome. Na bu ahwane tëbome hobë ato mago hehë tletëme. Na kë ahwane bu melowene lamëtle, “Jisas bu Gotobë nëba.” Këme nëgeme Jisas bume lëkle totome, “Sobo asa gëgali elo, matëbe.”

Jisas bu Galili provins mëta asë tëbelëfa

35 Na Jisas fole olëmu huju tle na təkakli. Na ho jwa tabo elë tuju. Na Gotome gëgali tlelële.

36 Na tokwafe Saimon bu huju tle na Jisasme hana hwi tlole. Na këme buna, bubë yabena, Jisasme hohwi mëtëtatla.

37 Na bu hwi motlola na megali motlola, “Feilawa oneho jume hohwi mëtatëyo.”

38 Kwe Jisas bume megali latlome, “Matëbe. Bo kë lifewa ita hana nuguwime. Sebo fli life elë lolime kë mëgebebë telë manuja. Bo Gotobë gali të nanogoutatemëme. Bo këme tisi.”

39 Na bu Galili provinsbë tokwëtokwë life elë asë tëbelëfa. Na bubë jowa jowa lotu lowa təkaklutëme na Gotobë gali mana të tëttagutëme. Na bu ahwane tëbo onehobë ato mago hehë tlagutëme.

Jisas bu ato juba jubawa kë tëgehobë home sle totle

40 Na ato juba jubawa kë tëgehobë ho Jisas belë tisitle. Na bu sêkefo miti tafa tletle na anisasana gali tlole, “Jisas, ju tole lalaye, ju bobë ato lalowa sle etatenëme.”

41 Na Jisas bume maninibomu metletle na tobana lu totle na gali tlole, “Bo tole nanelë, ju lalowa tafa egleme.”

42 Na kë tëbo bume lakilewa tetokwakle. Na bu lalowa tafa tle.

43 Na Jisas bume jine tlële na anisasana megali tlole,

44 “Ju aholokwane ele. Jubë ato lalowa kë lëgëbetëbë, ho lime asa gali elole. Matëbe. Jubë lowene mëta fwa eholeme. Na jubë ato, lotu home lebotane eoutatleme. Na ju bume sipsip kleli afabo ejuwelëleme, Moses fene gali tle. Na bu kë afabo Gotome ahøjume nalëgletleme, bu sinikibo hëhë nalogoleme. Na iniwa oneho bu melowene namëgletëyome, ‘Jubë ato lalowa lëbetëfe.’”

45 Kwe kë ho, bubë ato kësle tëgletlebë gali, iniwa onehome të tëtätëme. Na iniwa oneho Jisas kësle logotlebë gali walowene mëtlela. Këme nëgeme Jisas lifeku mëta hana tafa tle, oneho bume sosalë mogotlalime nëgeme. Na bu ho jwa tabo mëta këme tafa tle. Na iniwa oneho li life li life mago, bu betelë mutujukëfëta.

2

Jisas ato mogowa home sle totle

1 Na tokwafe, li olëna, Jisas Kaperneam lifewa ita tuju. Na iniwa oneho Jisas ita kë tīgīsibë gali aholokwane mëta.

2 Na lebutako oneho Jisasme lowa loko motokweitla. Lo lakewa tle, afloko hana tëbe tle. Na ino ëfo mata afloko hana tëbe. Na Jisas Gotobë gali onehome të tëtätëme.

3 Bu gali mana të tëttagulebëë, na nilimalë ho, ato mogowa këtëgebetlebë home Jisas belë ni labukuna mëtlesula.

4 Bu Jisas belë loliwa yafe mëtlesula kwe lebutako oneho tafa mëtlame nëgeme na lo wake tle, na bu loliwa hana mëtlesula. Na bu lo leli elë

mëtehilikola na anabali sësakëfa mëtla, na ni labuku mëta kë ni tégëbebë ato mogowa home mana tuku mëtëmalitaya Jisasbë elebo li elë.

⁵ Na kë ho melowene lamëtla, “Jisas ebë ato mogowa home lalowa sle logotlemefe.” Na këme tuku mëtëmalitaya. Na Jisas bubë lowene wahwi tlotëme na kë ato mogowa home gali tlole, “O nëba iko. Bo jubë tëbo aholokwana wafi ti nëletë.”

⁶ Na Gotobë tafa sle gali lowene sle mëgletlabë ho fli, kë lo mëta tafa mëtelula, na bubë lowene nawa melowene lamëtla,

⁷ “Bu këha gali fëyeme gali lëlene? Bu tëbo homu. Bu Gotome fëyeme boblo lotlene? Bu Gotoha natafa lëglemene? Hee! Ho kwe tëbo lowene aholokwana hana ti lëgleme. Hanane mu. Goto kwe fëyemene, tëbo lowene aholokwana ti lëgleme.”

⁸ Na Jisas bubë lowenena hokweinawa lalowenewa tletëme. Na bume takune tlole, “Sobo këha lowenena fëyeme lowene elone?”

⁹ Bo bume megali noglolëna, ‘Bo jubë tëbo aholokwana wafi ti nëletë, sobo habelë lowene lalone, bo bubë tëbo lowene aholokwana ti nëletelë. Sobu kë wesibi hwi hana elolo. Kwe bo bume megali noglolëna, ‘Ju huju ele, na jubë lowa ejume.’ Na bu huju lëleme, kwe sobo melowene naegelome, ‘Bo Gotobë kalëlegona ho, na bo ato tëbona home lalowa sle noglotlëme. Na bo mata hobë tëbo lowene aholokwana lalowa ti nëgletelëme.’

¹⁰ Bo metole nanelë, sobo melowene egelome, ‘Bo kë nëgebë kwe, Gotobë life mago ho, bo ebë life mëta, kalëlegona homu nëtabë. Na bo tëbo lowene aholokwana lalowa ti nëgletemëme.’” Na Jisas ato mogowa këtëgëbetlebë home hwi tlole na gali tlole,

¹¹ “Bo jume gali nolë, ju huju ele, na jubë ni labuku glo elëme na jubë lowa ejume.”

¹² Na kë ho lahujuwa tle na bubë ni labuku glo tle na hokweinawa latugujuwa. Na iniwa oneho klelego memëtla na bu Gotome fleflesu mëtletla na megaliwa mëtla, “Goto lale mu.” Na bu gali mëtla, “Ëtani sebo ebëha wesibi hwi hana tlole. Hanane mu.”

Jisas Livaime gali tlole, “Ju bome nagi enënë”

¹³ Jisas bu Galili lake tu helefowa ita tuju. Na feilawa oneho bu belë mitisitla na bume Gotobë gali tle tëtatëme.

¹⁴ Bu tugujubë na bu Alfiusbë nëba, Livaime, hwi tlole, bu takis lo tokwëfo mëta tafa tle. *Livai bu takis baliti glo téglekëfebë ho.* Na Jisas bume gali tlole, “Ju bome nagi enënë.” Na Livai fotokoke na bume nagi telëkakle.

¹⁵ Tokwafe Jisas Livaibë lo mëta hi tle. Na feilawa takis baliti kë glo mëglekefëyabë ho na fli tëbo enëne, bu tëbo lowene mëta kë tafa mëglabë, bu Jisasna bubë lowene esogo mëglelëtlabë hona hi mëtla. Feilawa këha tëbo lowene esogo mëglelëlabë ho bu Jisasmë nagi mëtelëkakla.

¹⁶ Na Gotobë tafa sle gali lowene sle mëgletlabë ho fli, bu lolime tafa mëtla. Bubë weniji melë lëgëbetëmelalële, Farisi. Na bu Jisasmë mehwi motlola, takis baliti kë glo mëglekefëyabë ho name na fli tëbo lowene kë esogo mëglelëlabë ho name hihi tlelëme. Na bu Jisasbë lowene esogo mëglelëtlabë home takune motloma, “Bu takis baliti kë glo mëglekefëyabë ho name na fli tëbo lowene kë esogo mëglelëlabë enënenamë fëyeme hi lëlelëmene? Bu tëbo enëne mu.”

¹⁷ Jisas bu kë gali aholokwane tle na kë Farisi home gali tlole, “Dokta bu tëbo jwa mëglabë home hana sle logotomeme, hanane mu. Ho tëbo mëglabë kwe fëyemene, dokta bume fwa sle logotomeme. Na bo kë fenene, bo lalë

lowene kē esogo mēglelēlabē hobē lowene sleme nane tisi. Weye. Bo tēbo lowene kē esogo mēglelēlabē hobē lowene sleme tisi.”

Jisas bu hi wesibi kē yo mētlabē loweneme gali tle

¹⁸ Kē olēna, Jonbē lowene esogo mēglelētlabē ho, na Gotobē tafa sle gali lowene sle mēgletlabē ho, Farisi ho, bu hi wesibi yo mētla, bu Gotome lowene sle namēgletlame. Na fli enēne bu Jisame takune motlola, “Jonbē lowene esogo mēglelētlabē ho na Farisibē lowene esogo mēglelētēmabē ho, bu hi wesibi fēyeme yo melekefēyane kwe jubē lowene esogo mēlelētēyobē ho, bu hi wesibi yo jwa fēyeme melekefēyane? Hi wesibi yo lowene, ebē lale lowene mu.”

¹⁹ Na Jisas bume gali tlome, “Ho mēse sei lēglena, bubē yabenino hi wesibi yo mēglamene? Weye. Hanane yo mēglame. Kē ho bubē yabenina mana tafa mēglana, kwe bu hi wesibi hana yo mēglame. Hanane mu. Bu flefesuna feilawa hi wesibi hi mēglame.

²⁰ Kwe tokwafe, bu kē home bu mago mēglelulana, kwe mana bubē hi wesibi hana hi mēglame. Bu iniwa yo mēglame.”

²¹ Jisas megali latlome, “Ētanifu lowenena, tiho lowenena iniwa hana sago mēgleme.” Na bu ebēme mewaflē gali tle, “Ho li bu hēno ēho, tiho ēho katabona hana susu logotleme. Bu melē lēglena na kē ēho swa logotlena kwe kē tiho ēho katabobē fofogo lēgleme na hēno ēhome laholēyewa lotleme na fuluju takowa lēbeme.

²² Na ho li bu tiho wain taba liji tu, ētanifu mēmē kleli jibona kē blēge blēge mototlabē botolo mēta hana wē logotleme. Bu melē lēglena, na kē tiho wain taba liji tu sēse lēglena, kwe ētanifu mēmē kleli jibo botolome bule logotleme na wain taba liji tu na mēmē kleli jibo botolona iniwa tēbo mēgleme. Ho li bu kēha melē hana logotleme. Weye. Bu tiho wain taba liji tu, tiho mēmē kleli jibo botolo mēta wē logotleme. Na bu hana bule lēgleme.”

Jisas bu tafawa olēna wege jwa namēglame loweneme gali tlome

²³ Jisasna bubē lowene esogo mēglelētlabē hona tafawa olēna nuju kukuwa tlelume. Na bubē lowene esogo mēglelētlabē ho, witi liji hi wesibi alēge alēge tētlēwa motokouja.

²⁴ Na Gotobē tafa sle gali lowene sle mēgletlabē ho, Farisi ho, bu Jisame takune motlola, “Ēje, ebē tafawa olē. Jubē lowene esogo mēlelētēyobē ho, bu tafawa olēna nuju mago hi wesibi fēyeme tētlē mēlane, bu tafawa olēna fēyeme wege mēlane? Moses bu ētani kē lowenebēme tako hehē latle.”

²⁵⁻²⁶ Na kwe Jisas bume gali tafu tētātēme. “Sobo, sebobē ētanifu eso ho, Devitbē anebo gali, Gotobē bogo mago, hwi sle hana elotelone? Gotobē bogo megali lala, ētanimu, Abiatar bu lotu lo mēta wege mēglabē enēnebē eso ho tafa tle. Na Devit, buna kē tafa tēglelēmēbē ho, bu hi wesibi hanane na foneme gigli memētla. Na Devit bu Gotobē lowa tēkaklu na bu Gotobē naba li mēta kē gogwa mētlabē bletē nage hi tle. Kē bletē nage, Gotome kē gogwa mētletlabē, atwati oneho hana hi mēglame. Lotu lo mēta kē wege mēglabē howa hi mēglame. Kwe Devit kē bletē nage fa totle na bume kē tafa tēglelēmēbē home sa tētātēme na bu iniwa hi tlelēmē. Kwe bu tēbo lowene nane mētla. Na bobē lowene esogo mēglelētēnabē ho mata, bu tēbo lowene nane mētla.”

²⁷ Na Jisas bu li gali megali tlome, “Goto onehome afina blège blège totome na tafawa olè mana blège totle, onehome lègaitame nalègleme, kè olèna tafawa namèglame.

²⁸ Kwe bo kè nègebè kwe, Gotobè life mago ho, bo tafawa olèbè eso ho nètabè.”

3

Jisas, tafawa olèna, toba tèbona home sle totle

¹ Jisas bu lotu lowa ita tèkaklu. Na toba tèbona ho kè mèta tafa telule.

² Na Gotobè tafa sle gali lowene sle mēgletlabè enène, Farisi enène, bu Jisame mana hwiwa motlola. Bu melème hwi motlola, Jisas bu kè toba tèbona home, tafawa olèna sle logotlemene o hanane. Bu melowene namèglame, “Jisas bu tafawa olèna kè toba tèbona home sle logotlona, kwe bu Jisame eso hobè toba elè gwa mogotlame.”

³ Na kwe Jisas bu kè toba tèbona home gali tlole, “Ju ebelè esi.”

⁴ Na Jisas bume takune tlome, “Gotobè gali ebelè lègèbelalèlene? Sobo habelè lowene lalone? Sebo tafawa olèna lale lowene lalowa esogo nèglelèlamene o tèbo lowene esogo nèglelèlamene. Sebo tafawa olèna onehome lalowa nègaitamamene, bu lale tafa namèglame o sebo onehome lalowa hehè nègètamamene, bu gigli namèglame.” Kwe bu gali tafu hana mètètatla, bu hilego memètla.

⁵ Na Jisas bume hwi tlagume na lowene nawa wame tlome. Kè enènebè lowene kalèlego lègletèmeme nègeme na bu kè toba tèbona home hana maninibo mètletla. Na Jisas bu kè wabelè tletème. Na bu kè home gali tlole, “Jubè toba elili etokwakle.” Na kwe bu toba elili tetokwakle na bu lalowa tèbetle.

⁶ Na hokweinawa Gotobè tafa sle gali lowene sle mēgletlabè ho, Farisi ho, bu lotu lo mago totoho mètèkaka. Na bu eso ho Herotna ilawa kè wege mēglabè enènena loko mutulelèya. Na bu blalo, Jisame gali mana fafa mètètatla. Jisame mogo nalè, tèkle namogotlame.

Feilawa oneho lake tu helefome loko mètletèya

⁷⁻⁸ Jisasna bubè lowene esogo mēgletlabè hona, kè life kile mètla na Galili lake tuwa mutuja. Na feilawa oneho Jisas belè mitisitla. Fli Galili provins mago na fli Judia lifate mago na fli Idumea lifate mago memitisitla lamètla. Na fli Jerusalem lifate mago na fli Tair na Saidon lifate mago mata memitisitla lamètla. Na fli Jordan tu jeléfo elè kè tafa mutulabè, bu mata mitisitla. Kè feilawa oneho bu Jisas kè sle tètagumebè gali aholokwane mètla na bu belè mitisitla.

⁹ Na Jisas bubè lowene esogo mēgletlabè home gali tlome, “Feilawa onehomu bome ekè sosalè mètana. Te, sobo ihe loliwa ehijo. Na oneho bome feilawa sosalè mēgètanana kwe bo kè ihe mèta fe nanèkakème.”

¹⁰ Ètani Jisas bu feilawa tèbo atona home sle tètagume. Kème nègeme feilawa tèbo atona oneho, bu kofekofe sigli memètlelogwaya, Jisame atome lu namogotlame, bubè tèbo sle nalègètatèmeme.

¹¹ Na ahwane Jisame hwi moglolona kwe bu kè tèbo mogotomebè enèneme buna iniwa lifeme mitigwèyame na anisasana gali motlola, “Ju Gotobè nèba.”

¹² Kwe Jisas bu ahwaneme itaita lëkle totokwefëme na anisasana gali tlokwefëme, “Sobo onehome megali asa elokwefomo, bo Gotobë nëba, matëbe.”

Jisas we ita tële home aniji tlome

¹³ Jisas fatiniwa tokwale. Bu metole latle, home aniji naloglomeme, buna tafa namëglame. Na bu kë home gali telokwakëme. Na bu belë mitisiya.

¹⁴⁻¹⁵ Na bu we ita tële home aniji tlome, buna tafa namëglame. Bu metole latle, bu Gotobë gali tëme jine nalëgëbelëkwakëmeme na Gotobë afutukuna, iniwa lëlëmeme, ahwane tëbo hehë namëgletëmame. Na bume Aposel weniji fëfë totome. Aposel weniji ebë melë Gotobë gali mëgehila ho.

¹⁶ Bu we ita tële home aniji tlome. Bu Saimonme aniji tlole. Na Jisas bume li tiho weniji fë totle, Pita.

¹⁷ Na bu Jems, Sebedibë bowene name, na bolijamo Jon name aniji tlome. Na Jisas bu kë tlemalëme li weniji fë totome, “Boanerges.” Ebë wenijiye bu kë gali fenene, “Matafaha kale.”

¹⁸ Na bu Andru, Filip, Bartolomyu, Matyu, Tomas, Jems, Alfiusbë bowene, Tadius na Saimon name aniji tlome. (Saimon bu Selot ho, na bu metole latle, “Li life mago ho bu seme eso home asa tafa malëletëna.”)

¹⁹ Na bu Judas Iskariotme mata aniji tlole. Judas bu tokwafe Jisasme wame home kë yo loglomebë ho.

Bu meweniji lamëta, “Jisas bu Belsebulna wege melowa”

²⁰ Jisasna bubë lowene esogo mëgleletlabë hona lowa mutuja. Na lebutako oneho mana ita loko metleletëmame nëgeme, na Jisas na bubë lowene esogo mëgleletlabë hona bu kë nalë hi hana mëta.

²¹ Na Jisasbë weife mago enëne bu Jisas hi jwa këtëglebë gali aholokwane mutula na bu nome mitisitla. Oneho bu gali mëta, “Bu wafi yaya lële.”

²² Na Gotobë tafa sle gali lowene sle mëgletlabë ho, Jerusalem lifate mago kë mëtetujulabë, gali mëta, “Tëbo alibahobë eso ho, Belsebul, (bubë li weniji Satan), bu Jisasbë lowene mëta lelutabetle. Na bubë kalëlego Jisasme lëlëkefle. Na bu kë kalëlego nawa ahwane hehë lëlekefëtëme.”

²³ Na Jisas gali telokwakëme na bu betelë mutuja. Na bume wafëlë gali të tëtätëme. Bu gali tle, “Satan bubë wege enëneme habëna kë lëglëmeme? Weye. Hana kë lëglëmeme.”

²⁴ Na jowa lifate mago enëne, bu bwa bwa lowene mëta tafa mëglana na momogli mëgëtayana kwe bu tafa sle hana mëglame.

²⁵ Na jowa lo mëta kë tafa mëglabë enëne, bu bwa bwa lowene mëta tafa mëglana na momogli mëgëtayana kwe bu tafa sle hana mëglame.

²⁶ Na Satanbë ilawa mago alibaho mata, bu blalo wame mëglana na bwa bwa lowene mëta tafa mëglana kwe bu tafa sle hana mëglame. Hanane mu. Bu tëbomu mëglame.”

²⁷ Na bu wafëlë gali mana të tëtätëme. Bu megali tle, “Tokli ho bu kalëlego hobë lowa hana felokwakeme na wesibi mana tokli loleme. Weye. Hanane. Anë bu kë kalëlego home tabana afina lalei lotleme, kwe bubë lo mago wesibi mana toklime glo lëgletleme.”

²⁸ Bo some nëgali gali nanëlëyo, Goto, bu iniwa tëbo lowene, na iniwa gali, oneho Gotome kë tëbo gali moglolibë, aholokwana ti lëgletëmeme.

²⁹ Kwe oneho, bu Gotobë Amtëtombame tëbo gali moglolana, kwe Goto kë tëbo lowene aholokwana hana ti lëgletëmeme. Kë tëbo lowene bu mëta unaunalëme tei lëbetëmemu.

³⁰ Jisas bu kë gali këme gali tlome. Bu megali motlolame nëgeme, “Tëbo alibaho bubë lowene mëta lelutabetle.”

Jisasbë bota na bolijamonina yalëne

³¹ Na kë nalëwa, Jisasbë bota na bolijamonina kë lo elë fwa mëtla. Bu lo li mëta mitlija na bu Jisasme mana gali mëtelulukwakla, bu belë ligisitëme nalëgleme.

³² Lebutako oneho bume iniwa tafana hwagënë mototla. Na bume gali motlola, “Aholokwane elë! Jubë bita, blijamoni, bimilunina, mana kë tafa melukokwëya na jume kë gali melulubakëyo.”

³³ Na Jisas bu gali metafu tëtätëme, “Bobë beë na keinëbalenino bu habëha enënëne?”

³⁴ Na bume kë hwagënë mototlabë onehome hwi tlagume na gali tlome, “Sobo hwi elo! Bobë beë nino na keinëbalenino ekë tafa mla.

³⁵ Oneho bu Gotobë lowene esogo mlelëkefëtlabë, bu bobë beë nino na keinëbalenino na onglëni.”

4

Jisas mewafleë gali latlome, “Ho aoba liji nujume sike lële”

¹ Jisas Galili lake tu helefo mëta onehome gali ita të tëtätëme. Na feilawa oneho bume loko mëtlelëta na bume goglo mëtëtagulame nëgeme. Na Jisas ihe mëta këme fe tëtëkake na tafa tle. Jisas ihena lake tu mëta temule na oneho tu helefo mëta tafa motokouja.

² Na Jisas onehome feilawa wafleë gali të tëtätëme.

Na bu këme megali tlome.

³ “Sobo aholokwane elo. Ho li nujuwa lujy, aoba liji sike nalëgleme.

⁴ Bu aoba liji sike lëkou, na fliye alëgeme mitigotle na fole misibë lahiwa mele.

⁵ Na fli aoba lijiye anijina flëke mëta mitigo. Kë flëke feilawa hanane. Këme nëgeme bu hokweinawa këme hulu mëtle.

⁶ Kwe tokwafe kliji bu fëfalewa u tle na kë aoba olo maktlëfa mëtle. Bubë tayafo su sle hana mototome, këme nëgeme lakokowa metëbe.

⁷ Na fli aoba lijiye, ikiji taba wayo mëta mititigo. Na kë ikiji taba bubule mëtle na tatako mëtle na kë aoba olome lamu mototome. Na bu liji hana fu mëtle.

⁸ Na fli aoba lijiye bu lale flëkememu mititigo. Na bu lale hulu sle lamëtle na liji fu mëtle. Fli 30 liji fu mëtle na fli 60 liji fu mëtle na fli we lujafe we liji fu mëtle.”

⁹ Na Jisas megali latlome, “Sobo ebë gali aholokwane egelona, lowene sle saeletelo.”

Jisas bu fëye lowene nane, wafleë gali kë të tëtätëmebëye

¹⁰ Iniwa oneho wafi mutuja. Na Jisasbë lowene esogo mëglelëtlabë ho we ita tële, na kë enëne Jisasna kë tafa mëtlabë, bume takune motlola, “Ju seme kë wafleë galibë të sle etatëne.”

¹¹ Na Jisas bume gali tlome, “Ètani Goto, bu onehome kë tafa lëglelëmebë gali olafa hana tletëme. Kwe ebë olëna bu kë gali some waolafa lëtatëyo. Kwe oneho bu Goto kë tafa lëglelëmebë lifate mëta tafa hana mëglame, bu Gotobë wafleë gali aholokwanewa lamla kwe lowene sle hana mëgletlame.

¹² Kēme nēgeme, ‘Bu mana itaita hwi mēglekefēyana kwe wesibi lowene sle hana mēgletlame. Na bu gali itaita meaholokwane mēglekefēyana kwe gali wayobē lowene sle hana mēgletlame. Bu waflē gali lowene sle mēgletlana kwe tēbo lowenebē kile mēglame na Gotobē lale lowene mēta tafa mēglame, na Goto bubē tēbo lowene aholokwana ti lēletēmeme.’”

Jisas bu aoba liji waflē gali wayobē tē sle tētātēme

¹³ Na Jisas bubē lowene esogo mēglelētlabē home gali tlome, “Sobo ebē waflē gali mumu egēbetelona kwe sobo fli waflē gali habēna lowene egletemomene?”

¹⁴ Bo some aoba liji waflē gali wayobē tē sle nēgetatēyome. Kē ho, bu aoba liji kē sike lēkoubēye, bu Gotobē gali tē logotlebē home lēlekujuwa lēle.

¹⁵ Na aoba liji alēgeme kē mitigobēye, bu Gotobē gali aholokwane mēglabē enēneme lēlekujuwa mēletēme, kwe Satan ligisibē na kē gali bubē lowene mago lafawa letokwakētēme.

¹⁶ Na fli oneho, bu kē aoba liji anijina flēkeme mitigobē fenene. Bu Gotobē gali aholokwane mla na hokweinawa lowene mletla na fleflesu mletla.

¹⁷ Kwe Gotobē gali bubē lowene mēta lēgēbetēme sle hana lēletēme, olo wesibi tayafoha su sle hana motometēme. Na kē gali bubē lowene mēta tako lēbetēme hana lēle. Kwe bu Gotobē gali lowene mēgletlame nēgeme, fli enēne bume kēme tēbo mogotomame. Na bu Gotobē gali hokweinawa lamēglēkēlawa.

¹⁸ Na fli enēne, bu kē aoba liji, ikiji taba wayome kē mitigobē fenene. Kē enēne bu Gotobē gali aholokwane mla,

¹⁹ kwe bu ebē life mago wesibime fwa tako lowene lamēletēma, na feilawa baliti gogwame fwa tole mla, na bu feilawa lale wesibi mēmaune lamēlēma. Na kē wesibiwa Gotobē gali lēlamu mētātēme. Na bubē lowene eflēbowa hana lēbetēme na lale lowene lēbetēme hana lēle.

²⁰ Kwe fli enēne, bu kē aoba liji lale flēke mēta kē mitigobē fenene. Bu Gotobē gali aholokwane mla, na bu kē gali bubē lowenēna kiki motla na bubē lowene mēta eflēbowa lēbetēme. Fli oneho bu lale lowene sogē takoha lēbetēme na fiye lale lowene takoha lēbetēme na fiye lale lowene takomu lēbetēme.”

Oneho bu lamo fiji tabo, iseku lokwalēfe hana gwa mēgētayame

²¹ Na kwe, Jisas bubē lowene esogo mēglelētlabē home gali tlome, “Oneho bu lamo fiji tabo, iseku o ni labuku lokwalēfe hana gwa mēgētayame. Hanane mu. Bu masei mēta gogwa melekefēya.

²² Iniwa wesibi ēho kē mēglebē, kwe tokwafe olafa mēgleme. Na iniwa wesibi oneho ēho kē motomabē, kē mata, tokwafe olafa mēgleme.

²³ Sobo ebē gali aholokwane egelona, lowene sle etelome.”

²⁴ Na bume ita megali latlome, “Gali sobo kē aholokwane egelobē, lowene sle egletelome. Sobo ebē gali aholokwane sle egelona na tako lowene slemu etelona, kwe Goto some tako lowene lēglēyome na mata ita fli lowene lēlēyome.

²⁵ Ho bu Gotobē gali lowene sle lēletlana kwe ita Goto bume fli lowene lēglēleme. Kwe ho bu Gotobē gali lowene sle hana lēletlana kwe Goto kē hobē tokwēfo lowene kē lēglēkakētleme.”

Olo wesibi kē hulu mēglebē waflē gali

²⁶ Goto kē tafa lēglēlēmebē oneho, bu kē fenene, Ho bu olo wesibi nuju mēta sike lēle.

²⁷ Na bu klabë nini tēbagu na klijina huju tlekēfe na asē tle, bubē wege fa nalogotleme. Na kē olo wesibi hulu mētle na tatako mētle. Kwe kē ho bu olo wesibi hulume lowene hana tletēme.

²⁸ Ebē flēkebē wesibiwa. Flēke bu lalemu nēgeme, olo wesibi kēme hulu sle mēle na liji kēme fufu mēle. Laba afina foke mēle na tokwafe tahweji fata mēle na liji mana fu mēle.

²⁹ Na liji nigliji mēglena, kē ho bu kosina tētlē lotome, bu nigliji mēglebēme nēgeme. (Ebē waflē galibē wayo gali bu melē lēgēbetlālāle. Goto kē tafa lēglelēmēbē oneho, bu feilawa fata mēglame kwe sebo ēje hana hwi noloma na lowene hana nēletēma.)

Mastet inilu lijbē waflē gali

³⁰ Na Jisas ita gali tleme, “Sebo habelē gali nēglame Goto onehome eso home ke tafa lēgletēmēbē. Fēye wesibi hane? Bo some ebē, waflē gali tē nētātēyo.

³¹ Goto onehome eso ho kē tafa lēglelēmēbē, bu mastet inilu liji fenene. Fli inilu liji bu tokwētōkwē ha, kwe mastet inilu liji bu tokwētōkwēmu. Ho bu kē tokwētōkwē mastet liji life mēta sike lēleme.

³² Bu sike lēleme, na bu hulu mleme, na takowa mlememu. Fli inilubē ato bu tokwētōkwēha kwe mastet inilubē ato bu tatakomu. Na kē inilubē tikefo tatakomu so mēbelēkakēmeme. Na fole, kē tatako tikefo tīlego tabo mēta, lo lalowa megigliji mogoleme.” (Goto onehome eso ho kē tafa lēglelēmēbē, bu kē mastet liji fenene. Ebē olēna Goto tēlewa onehome tafa lēlēleme, kwe tokwafe bu feilawa onehome tafa lēglelēmeme.)

Jisas bu waflē galiwa tē tētātēme

³³ Jisas bu onehome feilawa waflē gali tē tētātēme, bubē lowene nijiwa.

³⁴ Bu onehome gali tē sle hana tētātēme. Bu waflē gali nawa tē tētātēme. Kwe bubē lowene esogo mēglelētlabē home fwa tafa tlelēkefēme, bu waflē gali mana tē sle tētākefētēme.

Jisas bu flelumē kale tlole na latliwa tēbe

³⁵ Na kē olēnawa, taboklē, Jisas bubē lowene esogo mēglelētlabē home gali tleme, “Te manuja. Sebo lake jelēfo elē su manēkaka.”

³⁶ Na Jisasbē lowene esogo mēglelētlabē ho, onehome hune mototoma, na Jisas kē tafa lēglebē ihe mēta fēfe mēta. Na bume mētletlula. Na fli oneho mata buna fli ihena mutuja.

³⁷ Na tako flelu tisi, na lake tu ihe elē okokli tokoke, na tu ihe mēta tētafu lēgleme kofene.

³⁸ Na Jisas eso hwesutane mēta gwa totle na ihe elo mēta mana ni tēbe. Na bume ni mago huju mototla, na gali motlola, “Tisa, ju seme maninibo hana eletēnane? Sebo tume susuglu nēglame ekēne.”

³⁹ Na Jisas huju tle na flelumē kale tlole, “Teiyo, kuju ebe.” Na tume mata, kale tlole, “Teiyo.” Na kwe flelu latliwa tēbē na tu sosogli mata lakujuwa tēbe.

⁴⁰ Na bubē lowene esogo mēglelētlabē home takune tleme, “Sobo fēyeme uli elone, bome lowene sle hana eletēnane, hee?”

⁴¹ Na bu tako uli memēta na blalo gēgali mēta, “Euowe! Ebē habētābo hone? Fleluna tuna bubē gali aholokwanewa lamlolefe.”

5

Jisas bu gëgëme këtëglebë hobë ato mago ahwaneme hehë tletëme

¹ Jisas na bubë lowene esogo mëglelëtlabë hona Galili lake tu su mëtëkaka na Gerasabë walujuwa fwa mutula.

² Na Jisas ihe mago fe təkake na ahwane kē tetēbo mototlebë ho matëmatë life mago bu belë tisi tle.

³ Kë ho matëmatë life mëta fwa nini tēbekëfe. Ho liha bume senë tabana lei hana totle.

⁴ Olëli olëli bu toba kaba yafe gëgelo mototokwefëmetla, kwe bubluju latotokwefëme. Na senë tabana yafe lei mototokwefla, kwe eluluwa latotokwefëme. Na ho liha bume hana fa logotleme. Bu afutuku feilawa tēgleme nēgëme.

⁵ Kljijina klabëna bu matëmatë life mëta na fatini mëta measasëwa latlekëfe. Na bu afëflei tlekëfe na bubë ato anijina tëtëlë tēbetëfale.

⁶ Bu Jisasme hwi telëkakle na fëka tokweitle na sēkefo miti latafawa tletle.

⁷⁻⁸ Na Jisas gali tole, “Ahwane ju ebë ho mago eiju.” Na bu kē gali aholokwane tole na bu Jisasme feilawa galina këme gali tole, “Jisas ju tako kalëlegona Gotobë nëba. Ju bome habelë egëtanëmene? Bo jume Gotobë wenijina gali nolë. Ju boma asa tēbo etanë.”

⁹ Na Jisas bume takune tole, “Jubë weniji fë etle.” Na bu gali metafu tëtätle, “Bobë weniji feilawa ho. Sebo lebutako nēgëme.”

¹⁰ Na bu Jisasme anisasana itaita gali tlokwefle, “Ju ahwane kakë life elë asa jine elëkakëme.”

¹¹ Na kwe lebutako kleli bu fatini mëta lolime memonei mëtle.

¹² Na ahwane Jisasme gali motlole, “Ju seme kē kleli belë jine elëkakëna, nēkaklutëma nanëglame.”

¹³ Na Jisas gali tole, “Sobo lalewa eyeu.” Na ahwane kē home kile mototle na kleli belë mëtëkaklutëme. Kë kleli kënji mitlibe 2,000. Na bu fatini mago lake tu elë fëka mëtëmalita na tu mëta lasusugluwa mëtle.

¹⁴ Na kleli mëtëlëma ho bu mëtëlëbouja. Na kē gali li life li life asë mëtëlëla. Na lebutako oneho mutuja kē wesibi hwi namoglomame.

¹⁵ Na bu Jisas belë fwa mutula na ahwane ëbame kē tetēbo mototlebë home mana hwi motlola. Bu lale ëho wateho na këna tafa tle. Na bubë eso hanane yaya tletle. Na bu uli memëtla.

¹⁶ Na ho bubë nabana kē hwi motlomabë wesibime, ho flime gali tē mëtëtätëma. Ahwane kē tetēbo mototlebë hobë gali na klibë gali mata tē mëtëtätëma.

¹⁷ Na oneho Jisasme hehë mëtletla. Bubë life mago luguju nalëgleme, li lifewa.

¹⁸ Jisas bu ihe mëta fe tle. Na ahwane ëbame kē tetēbo mototlebë ho anisasa gali tole, “Bona manëyeuwo.”

¹⁹ Na kwe Jisas këme tole hana tletle. Na bu kē home gali tole, “Jubë lifewa ejumo na feilawa wesibi Goto jume kē sle tēgetabë gali na jume kē maninibo tēgletëbë wesibi jubë ilawa mago home tē eoutatëmeme.”

²⁰ Na fe təkake, kē ho tuju na Dekapolis magobë life elëme, Jisas bume kē sle togotlebë gali tē tētagutëme. Na iniwa oneho bu aholokwane motlola na kle memëtletla.

Jisas bu gli këtëglebë nëbame huju tëtamë na ko kē tēglekëfëbë mëse sle tle

²¹ Na kwe Jisas ihena lake tu jelëfowa ita su təkake. Na tu helefo mëta lebutako oneho loko mëtletlëla.

²² Na lotu lobë eso ho tisi. Kë hobë weniji Jairus. Jisasme hwi tlole, na elebolime latitigotlewa.

²³ Na bume anisasana takune tlole, “Bobë tamo nëba tako tēbo lale, gli egleme ekëyo. Ju bobë lowa lalowa egisimene na toba gwa etatēme, ato titika naegleme na mana lalowa tafa naegleme.”

²⁴ Na Jisas buna ilawa mētēyeu.

Na feilawa oneho mata esogo mētlagula. Na Jisasna gēgeniwa mutuja.

²⁵ Na jowa mēse kë onehona mutuja. Kë mēse bu we ita tēle tlibutu ko tle.

²⁶ Na kë mēse lili dokta belë yafe asë tēbelëfa, kwe bubë ato titika sle hana tletë. Na bubë baliti doktame yawe latlometēme. Na kwe bubë tēbo mana tēbetë. Titika hana tle.

²⁷ Na kë mēse bu Jisasbë kë ato sle gali aholokwane tletēme. Na bu onehonabë Jisasnabë nagi këme tuju. Na bu Jisasbë leluju elēme tujutle. Na bubë ëho tobana lu tētatle.

²⁸ Na bu melowene tēgleme nēgame, “Bo tobana ëho mēta lu nogotlëna, bobë ato titika nalēgleme.”

²⁹ Bu ëho lu tētatle na ko latewa tle. Na bubë ato melowene tletle, “Tēbo hana nelëfe, watitika nelëfe.”

³⁰ Na Jisas bu melowene latle, “Bobë kalëlego bome wali wafi kile lētanëfe.” Këme nēgame, bu swaya tle, na takune tle, “Bobë ëho ya lu lētatenëne?”

³¹ Na bubë lowene esogo mëglelëtlabë ho bume gali motlola, “Ju hwi hana elomene, lebutako oneho juna gēgeniwa kë egieyubëye. Na ju fëyeme gali elene, ‘Bobë ëho ya lu lētatenëne?’”

³² Kwe Jisas hwi tēbebokwake.

³³ Na kë mēse lowene tle, “Bubë kalëlego bobë ato mago tēbo wasle lētatenëfe.” Na bu uli tēglebë, lili namëtletle. Na Jisasme loliwa tisi tle. Na elebolime sēkefo miti tafa tletle. Na bu Jisasme iniwa gali ble tētatle.

³⁴ Na Jisas gali tolë, “Mola, ju bome lowene sle egletenëme nēgame, jubë ato këme titika lēletë. Na ju eiju. Tutune asa ele, lalowa tafa eoule. Na jubë tēbo tei sle lēletë.”

³⁵ Na Jisas mana gēgali tlelëbëë, na ho, Jairusbë lo mago wofu mana fata tlelëkakile. Na Jairusme gali motlola, “Jubë nëba wagli elo. Ju tisame ita welili asa eletle. Matëbe.”

³⁶ Kwe Jisas bubë gali boblo tētatēme. Na lotu lobë eso ho, Jairusme gali tlole, “Ju tutune asa ele, bome fwa lowene sle egletenëme.”

³⁷ Na bu feilawa home hehë tletēme, bume esogo jwa namëglagulame. Pita, Jems, na bolijamo Jonname fwa tlelume.

³⁸ Na bu Jairusbë lowa fwa mutula. Na Jisas, bu se lego aholokwane tlome na ye lego mata aholokwane tlome.

³⁹ Jisas lowa tēkaklu na gali tlome, “Sobo fëyeme ye elone? Sobo fëyeme se etlone? Kë nëba gli hana elo. Ni tekwe egëbe.”

⁴⁰ Kwe bu Jisasme tako soso memotlola. Na Jisas bume lo mago hehë tletēme, “Sobo kë mago këkle ekako na eyeumo.” Na Jisas kë nëba bolijyaname botaname na bubë lowene esogo mëglelëtlabë ho aomalë, këme fwa tlelëkakume, nëba mago këme egëbebë lowa.

⁴¹ Na Jisas toba mēta fa tēta na bubë galina megali tolë, “Talita kumi.” Ebë galibë wayo melëgëbelalële, “Mësenëba tokwëfo, bo jume gali nolë, ju huju ele!”

⁴² Na bu lahujuwa tle na kë lo mēta asë tēbelëfa. Kë nëba bu we ita tēle tlibutu këniji tafa tle. Na bu këme hwi mëtla, na klelego memëtla.

⁴³ Na Jisas bume gali tlome, “Sobo ebë wesibi ho lime asa gali elolo. Na sobo bume hi wesibi elëyome.”

6

Nasaret life mago oneho Jisasmë tēbojiwa motlola

¹ Jisas kē lifate kile tle na bubë lifatewa Nasaretwa tuju. Na bubë lowene esogo mëglelëtlabë ho nagi mëtlëla.

² Tafawa olëna bu lotu lowa tuju na bu Gotobë gali onehome mana tē tētātëme. Na lebutako oneho, bu kē gali aholokwane motlola, na bu klelego memëtletla na gali mëtla, “Kë ho bu kē gali na kē lowene hamago fa lotlene? Na bu kē tiho wesibi na kē klelegowa wesibi bu melë kē logotomebë, habelë lalotomene?”

³ Sebo melowene nanëletla, ‘Kë ho bu lo gliji howa. Bu Mariabë nëba. Na bu Jems, Josep, Judas, Saimon nabë bolijahafe. Na bubë bomolunino bu sebona tafa nëlafe. Bu sebo bë life mago hofe na bu kē lowene hamago fa lotlene?’” Bu megali mëtla, na bume tēbojiwa memëtletla.

⁴ Kwe Jisas bume gali tlome, “Iniwa fli life mago oneho bu Gotobë lowene mago gali tē lotokweflebë home tole mletla na gali mëtla, ‘Kë ho bu lale homu.’ Kwe bubë life mago oneho, na bubë ilawa mago oneho, na bubë weife mago oneho bume tole hana mletla na bu melowene hana mletla, ‘Bu lale ho.’ Hanane mu.”

⁵ Na Jisas bu kē life mëta feilawa klelegowa wesibi blëge hana totometëme. Hanane. Bu jowa, jowa tēbo atona onehome fwa, toba gwa tētagutëme na sle totome.

^{6a} Na bume kē lowene sle jwa mëgletlabë onehome tako tutune latletëmemu.

Jisas bubë lowene esogo mëglelëtlabë ho, Gotobë gali tēname na hobë tēbo ato slename jine tēbelëkakëme

^{6b} Na kwe Jisas bu kē lifate mëta gali tē tēbetokwakle.

⁷ Na Jisas bubë lowene esogo mëglelëtlabë ho we ita tēle kënijime gali telokwakëme na bu mitisitla. Na bu tlemalë tlemalë home jine tēbelëkakëme. Na bu wesibi fenene blëge lotome, këha afutuku bume gwa tētātëme. Bu ahwane onehobë ato mago kē afutukuna hehë namëgletëmame.

⁸ Na bu këme mana tafa mëtla, na gali tlome, “Sobo egëyeuna, sobo feilawa wesibi asa ehoujo, asë lijüwa egehøjome. Sobo hi wesibi, musu, baliti musuna asa ehoujo. Matëbe.

⁹ Na sobo juba jibowa ehwëyome, kwe sobo hihijika ëho asa ehoujo. Ato mago ëhowa egehøjome.”

¹⁰ Na bume ita gali tlome, “Sobo li lifatewa tuhu egulona na ho some no lëglëyona, sobo kē lo mëta fwa tafa elome. Sobo kē lo mëta tafa egelobëë, na ita mana eyeume.

¹¹ Na sobo li lifewa tuhu egulona na ho some nëno hana mëglana na sobobë gali aholokwaneme tole hana mëglana, kwe sobo kē life lakilewa elome. Sobo kē life kile egelona, kwe sobobë juba mago flëke bubë naba li mëta bu elome. Bu some këme hwi mëlëyome na melowene namëglame, ‘Fëyeme tēbo nilitayane? Goto seme tēbo lëgëtanamefe.’”

¹² Na kwe bubë lowene esogo mëglelëtlabë ho mana mutuja. Na bu iniwa onehome megali mëtlaguma, “Sobo tēbo lowene aholokwana ti elome na lale lowenewa esogo elelëlome.”

13 Na bu feilawa ahwane, onehobë ato mago hehë mëtlagumetëma. Na bu lëkaluwa welë tu tëbo atona onehome tefo mëtëtagumetëma na bume sle mototoma na bu lalowa tafa mëtla.

Eso ho Herot bu Jisame meweniji latle, "Home kë baptais togotomebë, Jonfe"

14 Iniwa lifatebë oneho, bu Jisas onehome kë sle togotomebë gali waaholokwane motokouja. Na eso ho Herot bu kë gali mata aholokwane tle. Fli oneho bu megali motokouja, "Jisas ebë kwe, onehome kë baptais togotomebë Jon, tekwe nëge, matëmatë mago huju tle. Këme nëgeme, kë klelegowa wesibi melë blëge këme lotome."

15 Na fli oneho megali lamëtla, "Ebë kwe, Elaija tekwe nëge, matëmatë mago huju tle." Na fliye kwe megali lamëtla, "Ebë kwe, Gotobë lowene mago gali të lotokweflebë ho, tekwe nëge, matëmatë mago huju tle. Bu ëtanifu Gotobë lowene mago gali të motokweflabë ho fenene."

16 Na eso ho Herot bu kë gali aholokwane tle na gali tle, "Bu home kë baptais togotomebë Jonfe. Èbame bu wame home boblo logotomebë home gali tlole, na bu tuju na Jonme mou lokwati tlë tujetle. Na bu matëmatë mago wahuju tle."

17-19 Ètani eso ho Herot bu bolijamobë, Filipbë, mëseme hijika totle. Kë mësebë weniji Herodias. Jon Herotme itaita megali latlokwefle, "Blijamobë mëseme kë hijika egotlebë, kë lale lowene nane. Weye." Këme nëgeme, Herodias bu Jonme tako enisusu latletlemu na bume mogo nalë tëkleme tole tletle. Herodias bu Jonme wame togloleme nëgeme na eso ho Herot bu home këme jine tlële, Jonme senë tabana lei lotleme na kalabusu lowa tuku lëleme, Herodias bume tëkle egotlelime.

20 Eso ho Herot bu Jonme melowene latletle. "Bu lale homu na Gotobë lale lowene esogo lëglelëtlebë ho." Na bu Jonme uli këme tletle na bume ululu sle këme totle, bubë mëse Herodias tëkle egotlelime. Bu Jonbë gali yafe aholokwane tlole, maninibona tëbo metletle na tako tutune metle. Kwe bu Jonme aholokwaname tako tole latletlemu.

21 Na kë nalëwa, eso ho Herot bu feilawa hi wesibi loko tëtamë, bota bume këna fu totlebë olëna fleflesu hi nalëglelëmeme. Na Herodias bu melowene sle latle, "Bo metole nanelë, kë fleflesu hi nalë, Jonme mana tëkle nogotlëme, mogo nalë." Na Herotbë gavmanbë eso ho, na wame home boblo mogotomabë eso enëne na Galili provins magobë letitabo ho bu kë fleflesu wesibi hime mitisiya.

22 Kë enëne bu mana hi motokouja na Herodias boko mana tisi tème, elefi naegleme. Na kë layo mëse bu elefi tle. Na eso ho Herot na buna kë hi mëtlabë ho bu kë elefi hwi motlotëya, mëmaune lamëtletëyamu na bubë elefime tako fleflesu memëtletëya. Na eso ho bu kë layo mëseme këme gali tolë, "Ju fëye wesibi tole eletlene? Ju wesibi tole laletlëye, bo jume kë wesibi nëglëme."

23 Na eso ho Herot bume iniyafememu gali tolë, "Bo jume nëgali galimemu gali nolë. Ju wesibi tole laletlëye, bo jume kë wesibi nëglëme. Na ju metole eglena, bobë iniwa wesibi fu notometëme na jume nëlëme, na bobë lifate mata tlë nëtatëme na jebelëfu jume yo nolëme, ebë lalowa, bo tako tolemu nanelë."

24 Na kë layo mëse bu tuju na botame takune tolë, "Bo bume fëye wesibime gali noglolëmene?" Na bota këme gali tolë, "Ju bume, home kë baptais togotomebë, Jonbë esome gali eglonëme, kë eso nalëglëme."

²⁵ Na kēme kē layo mēse bu eso ho belē ita hokweinawa tuju na gali tlole, “Bo metole nanelē, ju eli, home kē baptais togotomebē, Jonbē eso mou lokwati tlē etatle, na kē eso bletē ēhou mēta tuku elēme na kē manogwa bome enēnēme, hwi nanoglolēme.”

²⁶ Eso ho bu kē gali aholokwane tolē na bu tako maninibo metle. Kwe bu kē hi tēglelēmēbē oneho, bubē iniyafe gali aholokwane motlolame nēgēme na bu kēme tiniji tletēme. Kēme nēgēme bu kē mēsebē gali hana boblo lētātēme.

²⁷ Na kēme, bu wame home boblo logotomebē home, gali tlole, “Ju ejume, na Jonbē eso mou lokwati tlē etatleme na bome ehitenēme.” Na kē wame home boblo logotomebē ho, bu kalabusu lowa tuju na Jonbē eso mou lokwati tlē tētatle.

²⁸ Na bu Jonbē eso bletē ēhou mēta gwa tētatle na tehile na layo mēseme tlēkakiji. Na layo mēse kē eso tehule na botame tujuwelē.

²⁹ Na Jonbē lowene esogo mēglelētlabē ho bu Jonme kē tēke toglolebē gali aholokwane mētla na bu mutuja na Jon mogome fa mototla na aniji fuluju matēmatē mēta gwa mutujetla.

Jisas bu hi wesibi 5,000 home sa tētātēme

³⁰ Jisas, Gotobē gali tēme kē jine tēgelēkakēmēbē ho, ita mitisiya na Jisas mēta loko mētlelēkakējaya. Na bu iniwa wesibi kē mētlabē na onehome kē tē mētētāgutēmabē gali Jisasme tē mētētātla.

³¹ Kwe feilawa oneho mitisikefētēmame nēgēme na Jisasna bubē lowene esogo mēglelētlabē hona bu kē nalē kēme haha tafu hana mototla na hi hana mētla. Na Jisas bubē lowene esogo mēglelētlabē home kēme gali tlome, “Te, mana manuja, hojwa tabo elē. Tafa sle nanēglame.”

³² Na bu ihe mēta fēfe mētla na buwa hojwa tabo elē mutuja.

³³ Na feilawa oneho bu hwi mētlaguma na lowene mētla, “Jisas lalēlelumefe, bubē lowene esogo mēglelētlabē home.” Na kēme nēgēme lilife lilife mago oneho bu Jisasna kē mutujabē life elē kēme fēka motokouja na kē lifewa bu afina fwa mutula. Na Jisas bubē lowene esogo mēglelētlabē home nagi fwa tulelēmē.

³⁴ Kēme nēgēme, Jisas bu jelēfowa fwa tule na bu kē feilawa onehome hwi tlome. Bume mehwi latlome. Bu sipsip kleli, ho lēglēmē jwabē fenene. Ho bume hana taitame. Na bu bume tako maninibo kēme tletēme. Na bume feilawa gali tē tētātēme.

³⁵ Tokwafe, taboklē mu, Jisasbē lowene esogo mēglelētlabē ho bu belē mitisiya na bume gali motlola, “Ebē taboklēmu na ebē hojwa life. Sebo hi wesibi hamago fa nogotlamene? Hanane mu.

³⁶ Te, ju onehome mana jine ebelēkakēme. Loli life elē fwa matliwaya, hi wesibi balitina glo namēglame.”

³⁷ Kwe Jisas bubē lowene esogo mēglelētlabē home gali tafu tētātēme, “Hi wesibi bume sobo eglēmome.” Na bu Jisasme takune motlola, “Ēēē, ju melowene lalene, ‘Sebo bletē nage 200 balitina glo nēlamene na bume nēlēmame?’ Sebo kēha baliti hananefe.”

³⁸ Na bume takune tlome, “Habenuju bletē nage mēbetēyone? Sobo hwi ejuwelēmo.” Na bu hwi mutujuwelēma na ita mitisiya na Jisasme gali motlola, “Sebo tobali bletē nage mēbe na mo tēle mēbe.”

³⁹ Na Jisas bume gali tlome, “Sobo lale agosaba mēta loko elagujome na tafa ekujome.”

⁴⁰ Na bu iniwa tafa motokouja. Fli tafa mëtlabë we lujuafe we oneho na fli tafa mëtlabë 50 oneho.

⁴¹ Na Jisas kè tobali bletë nage na tële mo glo tle na hwi tokwake na Gotome lale gali tlole, “Ebë bletë nage na mona yaha fëyeme enënane?” Na bu kdegowa wesibi blëge totle na kè bletë nage fufu totome na bubë lowene esogo mëglelëtlabë home tlëme, onehome sa namëgëtatëmame. Na bu kè tële mo mata fufu totome na sa mëtëtagutëma.

⁴² Na bu iniwa hi mëtla na imo sosolo mototoma.

⁴³ Na bu bletë nage lënena, mo lënena we ita tële basketë musu mëta mëteselokwaya. Na kè basketë musu ëfowa lakalewa mëtla.

⁴⁴ Feilawa oneho bu kè bletë nage hi mëtla na hobë tabëi kè niji 5,000 bu onename nëbalename hana tabei mëtla.

Jisas bu lake tu matawa asë tole

⁴⁵ Na kè nalëwamu, Jisas bubë lowene esogo mëglelëtlabë home, gali tlome, “Sobo ihe elë fëfe elome na jelëfo elë Betsaida lifatewa su ekakome.” Na bu iniwa onehome jine tëbelëkakëme. Buwa lëtabe nalëgleme.

⁴⁶ Onehome afina jine tëbelëkakëme, na bu fatiniwa tokwale, Gotome gëgali nalogolëleme.

⁴⁷ Na atome hwi olëna, bubë lowene esogo mëglelëtlabë ho lake tu ku mëta ihena kakëha mëtemula na Jisas lake tu helefo mëta tlibe.

⁴⁸ Na Jisas bu hwi telokwakëme, bu ihena yafe yegu motokouja, kwe flelu ihe yelu boblo tëgëtatëmeme nëgeme, na ihe alabuju këme tiwatëme.

Tokwafe, fole olëna Jisas lake tu matawa wa bu belë tisi tëme. Bu sigli lëgetokwakëmeme kofene.

⁴⁹ Kwe bubë lowene esogo mëglelëtlabë ho bume hwi motlola, tu matawa wa asë tole. Na bu meweniji lamëtla, “Alibahowa.” Na bu afëfleina memëtla.

⁵⁰ Na iniwa bume hwi motlola na uli memëtla. Kwe Jisas bume hokweinawa gali tlome, “Sobo uli asa elo. Bo tekwe nëge. Sobo lalowa tafa elo.”

⁵¹ Na bu ihewa fe tokwake na buna mëtëtabëya. Na flelu latliwa tëkake. Na bu klelego memëtla.

⁵² Jisas tobali bletë nage feilawa onehome sa tëtätëmena, bubë kalëlego olafa tëtätëme. Kwe bubë lowene esogo mëglelëtlabë ho kè lowenebëme lowene sle hana mëtletla, aholokwana timu mëtla. Këme nëgeme tu matawa wa kè asë tëglebë na flelu kè tli tëgëbebëme klelego këme mëtletla. Bubë lowene mana yaya tletëmemu. Bu bubë kalëlego, lowene sle jwa mëgletlame nëgeme.

Jisas bu feilawa tëbo atona onehome Genesaret lifate mëta sle totome

⁵³ Jisas, bubë lowene esogo mëglelëtlabë hona, lake tu su mëtëkaka na Genesaret lifatewa fwa mëtëtëkekëya na ihe kesi mëtëtaya.

⁵⁴ Bu ihe mago, helefo elë fëfe motokwaka, na hokweinawa oneho bu Jisasmë hwi motlola na weniyane mana mëtëselëla sle mëtla.

⁵⁵ Na ho bu kè lifate li mëta kè lëgëbagubë lifatewa fëka fëka mëtëbelëfaya na onehome gali mëttaguma. Na oneho, bu Jisas kè tafa tuglebë gali, aholokwane mëtla na bu tëbo atona onehome sanëneme gogwa mëtla na bu belë mëtlesuma.

⁵⁶ Na iniwa tatakò lifate elë na tokwëtokwë lifate elë Jisas bu kè tuhu tokoubë, oneho kè mëta loko mëglelëkefëyabë lifeku elëme, tëbo atona onehome kè belëme mëtletluma. Na bu Jisasmë anisasana gali motlola, “O

masiwafe, kē tēbo atona oneho, jubē ēho mēta fwa lalowa lu mētomene, sle namēglame.” Na iniwa oneho melē kē mētlabē, bu laslewa mēta.

7

Gotobē tafa sle gali homubē tafa sle galime boblo lalotle

¹ Farisi enēne na Gotobē tafa sle gali lowene sle mēgletlabē enēne fli, Jerusalem lifate mago kē mitisiyabē, bu Jisame loko mētleletla.

² Na bu mehwi motloma, Jisabē lowene esogo mēgleletlabē ho fli, bu hi wesibi hi mēta kwe bu toba afina swa swa hana motoma, bosemnenibē tafa sle gali fene lēbetēme.

³ Farisi enēne na fli Juda life mago enēne bu bubē bolijafujunibē lowenewa esogo mētleletēma. Bu melowene mēta tafa mēta. “Toba afina swa hana motomana, bosemnenibē tafa sle gali fene tēbetēme, kwe bu hana hi mēglame.”

⁴ Na bu maketwa mugujana na migisiyana na tu tetefo jwa mēglana, bosemnenibē tafa sle gali fene tēbetēme, kwe bu hana hi mēglame. Na bu lili lowene mēta tafa mla, bosemneni fenene tafa mēta. Bu mēlamelekefēya, bu blete, kabo, sospenē, na ni labuku mata swa motokwefēma. Bu bosemnenibē lowenewa esogo metleletēmame nēgeme.

⁵ Na Farisi enēne na Gotobē tafa sle gali lowene sle mēgletlabē enēne, bu Jisame takune motlola, “Jubē lowene esogo mēgleletlabē ho bu sebobē semnenibē lowene esogo jwa fēyeme mēlelelane? Bu hi wesibi manawa fēyeme hi mētlekefēyane? Bu toba afina swa hana motomana, bosemnenibē tafa sle gali fene lēbetēme.”

⁶ Na Jisas bume gali tlome, “Ētani anebo, Gotobē lowene mago gali tē totokweflebē ho, Aisaia, bu some nēgali galime gali tolēyo. Sobo sosogēna hofe bu fene yahi tle. Bu Gotobē gali meyahi latle, ‘Kē oneho bu bome bubē ēfalēbo nawa mēfē mēgētānana, ‘Goto lale homu.’ Kwe bu bome bubē lowenena iniwa tole hana mētleletēna, na lowenena, lowene sle hana mētleletēnamu.

⁷ Bu melē lamēta, bu onehobē tafa sle galiwa tē motokwefla kwe mesosogēna lamotloma, “Kē tafa sle gali ebē Gotobē gali.” Bu bome megali kē moglonabē, “Goto ju lale ho, sebo jume tako tole nanēletēyo,” kwe bome lowene sle hana mētleletēna bubē lowene mēta. Kēme nēgeme bu kē galina bome blawa gali molona.”

⁸ Jisas ita megali tle, “Sobo Gotobē tafa sle gali aholokwana wati telo. Eholo hana elo. Na sobobē bisemnenibē lowenewa eholo. Sobo Gotobē gali, bisemnenibē lowenena lēlamu latatelo.”

⁹ Na Jisas bume fli gali megali latlome, “Sobo Gotobē tafa sle gali kaiselo boblo etokweflo na sobobē lowene mēta fwa etabo. Sobo kē lowene tako lēbeteyo.

¹⁰ Ētanifu ho Moses gali tle, ‘Sobo bitaname, blijayaname boblo asa etomo na bubē galiwa esogo elēletēmome.’ Na bu li gali megali tle, ‘Ho botaname o bolijayaname tēbo gali loglomena kwe ho bume mogo nalē tēkle mogotlame.’

¹¹ Moses kē gali megali latlēyo kwe sobo megali latlekefo, ‘Ho bolijayaname botaname megali loglomena kwe ebē lalowa, “Ayana beēna masiwafe, ebē wesibi some nēgaitome fene kwe ho ebē wesibi Gotome wafi aniji tlometelēfe.”’

¹² Ho bu kē gali, bolijyaname, botaname gali loglomena, na bu botaname, bolijyaname, lēgaitame jwa nēgena sobo megali egelome, ‘Ebē lalowa. Bu Gotome wafi aniji tlometle.’

¹³ Sobo kē gali megali egelona, sobo bisemlenibē lowene mago galiwa tē etatemo na Gotobē gali kēna lēlamu latlo. Na sobo feilawa tēbo wesibi kēha memelē latokwefēmofe.”

Jisas, bu Gotobē naba lime, home kē tēbo mogotomebē wesibime, gēgali tle

¹⁴ Na Jisas onehome gali telokwakēme na bu mitisitla na bume ita gali tē tētātēme, “Sobo iniwa aholokwane elome na lowene sle eletelome.

¹⁵ Iniwa wesibi, ho bu kē hi mēglekefēyabē, kē wesibi Gotobē naba lime home tēbo hana mogotomeme. Hanane. Kwe wesibi hobē lowene mēta kē lēgelubebē na lēkaklibē, kē wesibiwa Gotobē naba lime home bu tēbo motomeme.

¹⁶ Ho bu aholona, bu ebē gali sa aholokwane sle lēle.”

¹⁷ Jisas kē onehome hune totome na bubē lowene esogo mēglelētlabē hona lowa mētēkakluja. Na bubē lowene esogo mēglelētlabē ho bume kē waflē gali wayome takune motlola.

¹⁸ Na bume gali tlome, “Sobo mata wayo gali yaya laletelone? Sobo kē waflē gali lowene hana elone? Sobo aholokwane elo. Iniwa wesibi, ho bu kē hi mēglekefēyabē, kē wesibi Gotobē naba lime home tēbo hana mogotomeme.

¹⁹ Kēha wesibi hobē lowene elē nane muju. Weye. Bu aliji elē fwa muju na gu namela. Kēme nēgeme bu home tēbo hana mogotomeme.” Jisas bu kē galina seme melē lēlekuju latletēna, sebo lalowa iniwa hi wesibi hi nēglame. Hi wesibi bu seme Gotobē naba li mēta hana tēbo mēgētaname.

²⁰ Na Jisas bu ita gali tle, “Wesibi hobē lowene mēta lēgelubebē na lēkaklibē, kē wesibi Gotobē naba lime home buwa tēbo mogotomeme.

²¹ Bo kēme gali nelē, hobē lowene mēta kē lelubebē wesibi bu melē: Tetēbo lowene, lisē lowene, tokli lowene, home mogo nalē tēkle lowene,

²² hona mēseme lisē eglēlēbē lowene, mēmaune lowene, sosogēna lowene, aholabu lowene, gēglē lowene, li home gali fa lowene, home agalēklebē lowene na yayaha lowene.

²³ Kē iniwa tēbo lowene, hobē lowene mēta melubetēme na mēkakli na Gotobē naba lime home bu tēbo motomeme.”

Fonisia lifate mago mēse bu Jisasmē lowene sle latletle

²⁴ Jisas, bubē lowene esogo mēglelētlabē hona, kē lifate kile mētla na Tair lifatebē tokwēfo lifekuwa mutuja. Bu fwa mutula na Jisas bu li lowa hwelutuwa tēkaklu, oneho bume sosalē mogotlalime. Kwe bu mogweliha hana tafa lēgleme, oneho bume wahwi motlola.

²⁵⁻²⁶ Na mēse li bu megali aholokwane tlome, “Jisas bu lo mēta kē tafa lēle.” Na bu hokweinawa bu belē tuju tle. Ahwane tēbo kē mēsebē nēbabē ato mēta lētabetēme nēgeme na bota Jisas belē hokweinawa kēme tisi tle na elebo lime bubusu tletle. Na bu Jisasmē anisasana gali tlole, “Jisas, ju ahwane tēbo bobē nēbabē ato mago kē elēkakētē.” Kē mēse bu li lifate mago mēse. Bu Siria lifate mago na bubē lifekumu Fonisia. Bu Juda lifate mago mēse hanane.

²⁷ Na Jisas bu melowene latle, “Juda life mago oneho bu nēbaleha na fli life mago oneho bu amale ha. Na bo Juda lifate mago onehome afina naitamēme.” Na bu kē mēseme waflē gali latolē, “Bo nēbalebē hi wesibi amaleme afina hana nēglēmēme. Weye. Bo nēbaleme afina nēlēmēme.”

²⁸ Kwe kē mēse bume gali tafu tētatile, “O tako ho, jubē gali nēgali gali. Kwe ama mata, lo malu mēta kē tafa mēlekēfebē, bu nēbalebē lēne hi wesibi, kē mitigokēfebē mehīhi mēlekēfe. Na ju bome mata lēne hi wesibiha aitane.”

²⁹ Na Jisas bume gali tolē, “Ju bobē gali lale lowenena tafu etatenēfe. Kēme nēgema, kē ahwane tēbo jubē nēbabē ato mago wakile lētamē, jubē lowa ita lalowa ejume.”

³⁰ Na kē mēse bubē lowa ita tuju. Na bubē nēba ni labuku mēta hwi tolē na bu lalowa tafa tletē. Kē ahwane bume wakile tēta.

Jisas bu aholo titiji tabo na gali mumu tabo home sle totle

³¹ Kē nalēwa Jisas Tair lifatebē tokwēfo lifeku kile tle na Saidon lifate sigli tētagule na Dekapolis provins sigliwa tētagule, na Galili lake tu elē fwa tule.

³² Na bu aholo titiji tabo na gali mumu tabo home bu belē mētlesula. Na bu Jisasme anisasana gali motlola, “O masiwafe, jubē toba kē hobē ato mēta gwa etatile, sle nalēgleme.”

³³ Na Jisas kē home no tlēle na onehome hune mētelo. Na Jisas toba ku bubē aholo fuluju elēme sei tlēmetle. Na tokwafe bubē toba ku mēta nagutaba tihele tle na kē hobē aleji mēta gogwa tletle.

³⁴ Na Jisas heven lifewa hwi tokwake, na tako maninibo lowenebē haha tafu totle. Na bu kē home, bubē galina, megali tlole, “Efata.” Kē galibē wayo melē lēgēbelalēle, “Tika eletelo.”

³⁵ Na kē hobē aholo latikawa metletle na bume gēgali lēglebē lowene tisitle na bu lalowamu gēgali tle.

³⁶ Na Jisas onehome hehē latletēme na fli onehome gali moglomalime, “Bo kē nogotlēbē wesibime fli onehome asa gali elomo. Matēbemu.” Bume yafe hehē tletēme, kwe bu boblo lamototla, na Jisas togotlēbē wesibime gēgali motokoutla.

³⁷ Na oneho kē hobē sle gali, aholokwane mētla, na klelego memētletla. Na bu gali mētla, “Euowe! Iniwa wesibi bu melē kē lotomebē, lalowamufe. Bu aholo titiji tabo hobē aholo titika lotometēme na gali mumu tabo enēneme mata sle lotometēme.”

8

Jisas bu 4,000 onehome hi wesibi tlēme

¹ Kē olēna, feilawa oneho Jisasme ita loko mētletlētla. Na bu hi wesibi hanane. Na Jisas bubē lowene esogo mēglelētlabē home gali telokwakēme. Na bu mitisitla. Na Jisas bume gali tlome,

² “Bo ebē onehome maninibo nanēletēmē. Bu bona aona olē tafa nēla na bu hi wesibi jwa.

³ Na bo bume fonoba jine nēgelēkakēmēna, kwe bu alēgema foneme nabasahoba mēglame na migitigwēyame. Fli bu kakē mago mitisiyame nēgema.”

⁴ Na bubē lowene esogo mēglelētlabē ho, bume takune motlola, “Sebo hi wesibi hamago fa nogotlamene, kē onehome kē nēglēmame? Ebē afloko mēta ho tafa jwa, mēglame nēgema.”

⁵ Na Jisas bume takune tlome, “Sobo habenuju bletē nage mēbetēyone?” Na bu megali motlola, “Sebo toballi ita tēle kēnijiwa nehweyafe.”

⁶ Na Jisas onehome gali tlome, “Sobo tafa ekoujome.” Na bu kē toballi ita tēle bletē nage glo tle, na Gotome gali tlole, “Weē, ebē bletē nage, yaha fēyeme enēnane.” Na bu klelegowa wesibi blēge totle na kē bletē nage fufu

totome na bubë lowene esogo mëglelëtlabë home tlëme. Na bu onehome sa mëtëtagutëma.

⁷ Na bu tëlewa mo mata mëtehëya. Na Jisas bu kë mo glo tle na Gotome gali tlole, “Weë, ebë mo yaha fëyeme enënane.” Na bubë lowene esogo mëglelëtlabë home gali tlome, “Sobo ebë mo mata, onehome sa etatemo.” Na bu kë mo mata sa mëtëtatëma.

⁸ Na oneho bu yafe hi mëtla, kwe bubë imo sosolo mototomame nëgeme, na lëne mana sigenë metletëme. Na kë lëne hi wesibi mëtëselokwaya na bu tobali ita tële basketë musu tëtafu mototoma.

⁹ Kë onehobë tabei kënji 4,000.

Na Jisas onehome jine telëkakëme.

¹⁰ Na kwe, bubë lowene esogo mëglelëtlabë home ihe mëta fe tlelëme, na Dalmanuta lifate elë mutuja.

Farisi enëne, Jisasmë takune motlola, klelegowa wesibi blëge logotlebëme

¹¹ Bu Dalmanuta lifatewa fwa mutula na Farisi enëne bu Jisas belë mitisitla na mana Jisasna kofe kofe gali mëtlelogwaya. Bu Jisasmë sogëname su namogotlame fene na gali motlola, “Ju semë klelegowa wesibi li lebotane etatëna. Sebo jume melowene nanëgletëyome, ‘Goto jume kë jine tëgelëbakëbë hofe.’”

¹² Na Jisas wabelë tle na gali tlome, “Sobo, ebë olëna kë tafa egelobë oneho, bome klelegowa wesibi lebotane nogotlëbëme, fëyeme takune enonane? Bo some nëgalimu nanëlëyo, bo klelegowa wesibi lebotane hana nogotlëme, sobo melowene naegletëname, ‘Goto bome jine tlënëfe.’ Matëbë mu.”

¹³ Na bume hune mototoma, na ihe elë fëfe mëtla, lake tu jelëfo elë su namëkakame.

Jisas bu Farisi enënebë na Herotbë tëbo loweneme ululu sle galime gali tlome

¹⁴ Bu lake tu mëta mana mëtemula na bubë lowene esogo mëglelëtlabë ho bletë nage mëtehouja hana mëtla, aholokwana ti memëtla. Bu jowa bletë nagewa, ihe mëta tëbe.

¹⁵ Na Jisas anisasana gali tlome, “Sobo Farisi enënebë na Herotbë bletë nage sëse wesibime ululu sle saelo.”

¹⁶ Na kwe bubë lowene esogo mëglelëtlabë ho bu blalo gëgali mëtla, “Bu kë gali fëyeme gali lëlene? Sebo bletë nage nëgehëwëja jwa nëglame nëgeme na bu këme gali lëlenawa.”

¹⁷ Kwe Jisas bubë gali walowene tletëme, na bume megali tlome, “Sobolalo megëgali fëyeme elone, ‘Sebo bletë nage alujawa.’ Sobobë lowene lëgëbetëyo hana lëlene? Hee! Sobobë lowene yaya lalëletëyone? Hee!

¹⁸ Sobo nabana, kwe sobo hwi hana elomo. Na sobo aholona, kwe sobo aholokwane hana elo. Bo bletë nage kë sa tëgëtatëmëbë lowenëbëme, lowene hana elone, aholokwana fëyeme ti telone?

¹⁹ Èbame, bo tobali bletë nage 5,000 home kë fufu totometëmëbë, lili kë mëglebë bletë nagenä, habenuju basketë musu tëtafu totomone?” Na bu gali motlola, “Basketë musu we ita tële kënji.”

²⁰ “Na èbame, bo tobali ita tële bletë nage 4,000 onehome kë fufu totometëmëbë, lili kë mëtëglebë bletë nagenä, habenuju basketë musu tëtafu totomone?” Na bu gali motlola, “Basketë musu tobali ita tële kënji.”

²¹ Na bu gali tlome, “Sobo kë wesibi wahwi tlomofe kwe sobo aholokwana fëyeme ti elone, bo some këha wesibi melë lalowa nëgetatëyome.”

Jisas bu naba titiki tabo home, Betsaida life mēta, sle totle

²² Jisas, bubē lowene esogo mēglelētlabē hona, Betsaida lifewa tuhu mēta. Na naba titiki tabo home bu belē mētlesula. Na Jisame anisasana gali motlola, “Masiwafe, ju ebē home toba gwa etatle, sle nalēgleme.”

²³ Na Jisas kē naba titiki tabo hobē tobame fa totle na bume lifeku mēglēbo elēme fe tlelēkagle. Na bubē naba mēta nagutaba tihele tletle. Na bu toba kē home gogwa tletle na takune tole, “Ju wesibi hwi elome o hanane?”

²⁴ Na kē ho hwi tle na gali tole, “Bo home asēna mehwi nanolomē kwe bume ti fene hwi nolomē.”

²⁵ Na Jisas toba bubē naba mēta ita gogwa tletle. Na kē ho ita hwi tēkake, na bubē naba lalowa mētēbetle. Bu inīwa wesibi hwi sle tlagume.

²⁶ Na Jisas bume bubē lowa jine telēkagle. Na gali tole, “Ju lifeku elē asa ekaku.”

Pita megali latle, “Jisas, ju ebē ho kē nēgebē, Goto jume kē aniji tēglebē ho, onehome nēno naegleme”

²⁷ Jisas bubē lowene esogo mēglelētlabē hona, Sisaria Filipai lifate li mēta kē mēgēbagubē lifatewa asē mētēbelēfaya. Bu alēge mēta mana asē mēta, na mana takune tole, “Oneho bome habelē lowene lamēletēnane?”

²⁸ Na bu gali metafu mētētatla, “Fli howe megali lamla, ‘Onehome kē baptais togotomebē Jon, tekwe nēge, matēmatē mago huju tle.’ Na fliye megali lamla, ‘Elaija, tekwe nēge, matēmatē mago huju tle.’ Na fliye megali lamla, ‘Ētanifu Gotobē lowene mago gali tē totokweflēbē ho, tekwe nēge, matēmatē mago huju tle.’”

²⁹ Na Jisas bume takune tole, “Na sobo ee, sobo bome habelē lowene lalone?” Na Pita bubē gali tafu tētatlē, “Ju ebē ho kē nēgebē, Goto jume kē aniji tēglebē ho, onehome nēno naegleme.”

³⁰ Na Jisas bume meheheē latletēme, “Sobo kē galibēme onehome asa gali elomo. Matēbe.”

Jisas gali tole, “Bo gli nēgelēme na huju nelēme”

³¹ Jisas bubē lowene esogo mēglelētlabē home, meokokwe sle wafi tole, “Tokwafe bome, Gotobē life mago home, lebutako elili na hobota migisitenēme na bo kē mēta tafa nelēme. Na lotu letitabo ho na Gotobē lo mēta wege mēglabē eso enēnene, na Gotobē tafa sle gali lowene sle mēgletlabē ho, bome hehē mēgletēname na mogo nalē tēkle mētaname. Na bo tēle olē nebēme kwe aona olēbēye huju nēgelēme.”

³² Na bu kē gali tē sle tētātēme. Na Pita Jisame mēglēbo elē fe tlelēkagle na bume anisasana kēkale tole, “Ju kēha gali fēyeme gali elene? Kē galime asa gali ele. Matēbemu.”

³³ Na Jisas swaya tokoketēme na bubē lowene esogo mēglelētlabē ho flime hwi tole na Pitame anisasana kēkale tole, “Ju Satanha gali elē. Ju kē mago fe ekake. Ju kēha wesibi lowene egletēmena, kwe ju Gotobē lowene mēta nane tafa ele, weye, ju hobē lowene mēta fwa tafa ele!”

³⁴ Jisas bu onehome na bubē lowene esogo mēglelētlabē ho name gali telokwakēme. Na bu mitisitla na bume gali tole, “Ho bome na bobē lowene esogome tole lēglana kwe bu ebē life magobē lale wesibi, bu kē tole lēgletēmebē, aholokwana timu sle sa lēle na glime ulijwamu lēleme. Ho bume wame gali moglolana na bume mogo nalē tēkleme gali mēglana, bu uli jwa lēleme na bome mana esogo lēlenēnēme.

³⁵ Ho bu melowene lëglena, ‘Bo Jisasmе esogo nëglëlëna fli ho bu bome tëbo mëgëtaname.’ Na bu, bubë ato uli lëglëlëna na bome hana esogo lëglënenëna, kwe këha ho bu tëbo liglitame. Kwe ho bu bome lowene lëglëtenëna na Gotobë lale anebo galiwa lowene lëglëtlena na bubë ato uli hana lëglëlëna kwe kë ho bu hana tëbo liglitame. Ho bu kë home mogo nalë tëkle mogotlana, kë gli sle nane lële, weye, bu unaunalëme lale tafa lëgleme.

³⁶ Ho bu ebë life mago iniwa wesibi glo lëglena, na kë ho bu hel life mëta tëbo liglitana, kwe kë wesibi bume habëna mëgaitalemene? Weyewa. Hana mëgaitalememu. Bu blawa glo lële.

³⁷ Ho bu Gotona unaunalëme tafabë, wesibina hihijika lëglemene? Weye. Hanane mu.

³⁸ Tokwafe, bo kë nëgebë kwe, Gotobë life mago ho, bo ita nigisime. Bo bobë ayabë kljiha, kë u lëglebë elulegona na Gotobë enselna iniwa nigisiamе. Oneho bu Gotome tëbojiwa mëgletlame na tetëbo lowene mlame. Na bu mago ho li, bo kë okokwe noglëyobëme na bome tiniji lëglëtenëna kwe tokwafe bo nigisina, bo mata kë home kofayame tiniji nëgletelëme.”

9

¹ Na Jisas bume ita gali tlome, “Bo some nëgali galime gali nolëyo. So mago emëta kë eglibobë bu mana neme na Goto onehome kë tafa lëgletëmebë olë mana tako kalëlegona fata lëgleme. Na bu kë olë mana hwi mololame.”

Jisasbë ato bu li wenianena fata tle

² Tobali ita jowa olë yawe motlola, na kwe Jisas, bu Pita, Jems, Jon name nëno tle. Na tako fatiniwa tilekome. Na buwa tafa mëtla. Bu Jisasmе hwi moglolabë na mana bubë ato li wenianena hihijika tletle.

³ Na bubë ato mago ëho, olëha mëtëbetle, na bu tatiwamu mëtëbetle. Ebë life mago oneho bu ëho itaita swa mogotomana, kwe bu Jisasbë tatiwa ëho fenene këha hana mëtëbetëme. Bubë ëho tatiwamu nëgeme.

⁴ Na bubë lowene esogo mëglëlëtlabë ho, bu ëtanifuho Elaijaname, Mosesname hwi motloma, bu Jisasna gëgali mëtla.

⁵ Pita bu këme hwi tlome, na Jisasmе gali tlole, “O Tisa, bo tako fleflesu nanelë, sebo ebë life mëta kë tafa nëglabë. Sebo aomalë, aona afeteni tli lo gigliji nëglame. Li jubë lo, li Elaijabë lo na li Mosesbë lo.”

⁶ Kë aomalë ho bu tako uli mëtlame nëgeme, na Pita gali lowene sle jwa tëgleme nëgeme, na bu kë galime blawa këme gali tle.

⁷ Na oloba tetujule na bume iniwa lamu totome. Na Goto kë oloba mago gali tle, “Ebë bobë nëba, bo tako tole nanëletelë. Sobo bubë gali aholokwane elolome.”

⁸ Na bubë lowene esogo mëglëlëtlabë ho yafe hwi mëtebokwaka, kwe bu Jisasmе kë gëgali mëtlelëlobë home hana hwi motloma. Bu Jisasmе fwa hwi motlola. Wenianeme aotome fene hwi motlotla, këhawa ita hwi motlola.

⁹ Bu fatini mago kle mëtëmalitaya, na Jisas bume gali tlome, “Sobo ëje kë hwi eglolobë wesibi lili onehome asa gëgali elelëmo. Awi. Kwe tokwafe bo Gotobë life mago ho, bo matëmatë mago huju nokokwëna, sobo kë hwi eglolobë wesibi li li onehome mana kwe lalowa gëgali elagumome.”

¹⁰ Na bu Jisasbë gali aholona aholokwane mëtla. Na bu kë gali lowene mëta fwa gwa mototla, na bu li li onehome hana gëgali mëtlelëma. Na bu blalo gëgali mëtla, “Jisas bu matëmatë mago habëna huju lëglemene? Kë matëmatë mago huju lëglebë gali ebë fëye galine?”

11 Na bu Jisame gali motlola, “Gotobë tafa sle gali lowene sle mëgletlabë ho bu fëyeme gali mëlame, ‘Elaija bu afina ligisime na Goto kë aniji toglolebë ho bu nagi ligisime?’”

12 Na Jisas bume gali tafu têtatëme, “Ebë gali, nëgali mu, ‘Elaija bu afina lisime na iniwa wesibi sle lotomeme.’ Kwe bu Gotobë bogo mëta bome meyahi lamëtletëna, ‘Gotobë life mago ho, bu lebutako elili fa logotleme, na oneho bume hehë mëgletlame.’ Na bo some takune nolëyo, bu kë gali Gotobë bogo mëta fëyeme yahi mëtlane?”

13 Kwe bo some gali nëlëyo. Elaijaha ho, bu watisife, na oneho bubë tetëbo lowenewa esogo esogo mëtlelëla na bume tetëbo mototla, ëtani Gotobë bogo mëta fene yahi mëtletla.”

Jisas bu ahwane kë tëbo lotlebë nëbame sle totle

14 Jisas bu kë aomalë lowene esogo mëglelëtlabë home tlelume na bubë lowene esogo mëglelëtlabë ho flime esune mëtlëma. Na bu lebutako oneho hwi motloma, bume hwagënë mototoma. Na Gotobë tafa sle gali lowene sle mëgletlabë ho fli, bu Jisabë lowene esogo mëglelëtlabë ho flina kofaya kofaya gali mëtlelogwaya.

15 Na kë oneho bu Jisame hwi motlola na klelego memëtletla. Na bu belë fëka motokouja na bume gali motlola, “Lalemu. Yahala fëyeme esine.”

16 Na Jisas bume takune tlome, “Sobo buna kofaya kofaya gali fëye wesibime gali elelëgone?”

17 Na ho li, bu kë onehona kë mitlijabë bu Jisame gali tafu têtatle, “Tisa, bobë iko nëba ahwane tëbo lëtatënë. Kë ahwane bubë ëfalëbo geni lëtatle. Na bo ju belë nëlesulë, sle naegotleme.”

18 Kë ahwane bume itaita feilawa kiki totokwefle, na bume life mëta itaita meenogli enogli latlekëfe. Na bu nënafuna, enino këkëna melatlekëfe. Na iniwa ato toulego metlekefëtla. Na bo jubë lowene esogo mëglelëtëyobë home metakune yafe tlomë, ‘Sobo bobë nëbabë ato mago ahwane këë elekakëtelo.’ Kwe bu yafe këë mëtletla kwe hanane mu.”

19 Jisas kë gali aholokwane tle na bume gali tlome, “O masiwafe, sobo bome lowene sle jwa fëyeme eletëname? Bo sobona habenuju afe olë tafa nëglelëyomene na mana lowene sle eletëname? Bo sobobë hobota habenuju afe olë fa nëgetatëyomene? Kë nëba bo belë elesulo.”

20 Na bu kë nëba bu belë mëtlesula. Na kë ahwane Jisame hwi tlole, na kë nëba anisasana lili tle, na bu lifeme latitigowa, na lifeme obobwelë tle, na nënafu ëfalëbo elë motowelibetle.

21 Na Jisas bolijayame takune tlole, “Melë kë lëglekefëbë, habenuju afe olëne?” Na bolijaya gali tlole, “Tokwëfome nëgena, kë gëgëme tëglebëë, mana ekë.”

22 Kë ahwane tëbo bume itaita ahoju mëta na tu mëta metuku tuku latlekëfe, bume tëkle sle nalogotleme fene, mogo nalë. Ju bobë nëba lalowa sle egëtatenëna kwe ju seme maninibo eletëname na aitaname.”

23 Na Jisas gali tlole, “Ju megali fëyeme elene, ‘Ju bobë nëba lalowa sle egëtatenëmene?’ Ju bome lowene sle egletënëna, kwe ju iniwa wesibi melë egotomeme.”

24 Na kë nëba bolijaya anisasana lagaliwa tlole, “Bo jume tokwëfo lowene nanëletë, kwe ju bobë kë lowenebë aiatënë, bo jume lowene slemu nanëletëme.”

²⁵ Jisas bu hwi tlome, feilawa oneho bubë li elë fëkana mitisiyame nëgeme, na bu kë ahwane hokweinawa këme wame gali tlole, “Ju, ëfalëbona aholona kë titiji mëgletëbë ahwane, bo jume gali nolë, ju ebë nëbame kile etole na bubë atowa ita asa ekaklutle.”

²⁶ Na kë ahwane, tëbo afëfleiwa yëë tlële, na nëba anisasana lili tle, na bume lakilewa tetokwakle, na latugujuwa. Na këme nëba mogo fene tēbe. Na feilawa oneho bume hwi motlola na gali mëtla, “Wagli lëlefe.”

²⁷ Kwe Jisas bubë tobame fa totle na huju tetëbakle, na bu lalowa tlibe.

²⁸ Tokwafe, Jisas lowa tuju na bubë lowene esogo mëgletëtlabë ho këme hwelutuwa gali motlola, “Sebo kë ahwane hehë jwa fëyeme nëletlane?”

²⁹ Na bume gali tlome, “Sobo këha ahwane manawa hana hehë egletelome. Sobo Gotome fwa gëgali eglelëkeflona, kwe fëyemene, sobo këha ahwane lalowa hehë egletelome.”

Jisas ita gali tle, “Bo gli nelëme na huju nelëme”

³⁰ Jisas, bubë lowene esogo mëgletëtlabë hona, kë lifate kile mëtla na Galili provins kukuwa mutuja. Jisas bu melëme tole tle; ho bume melowene mëgletlalime, “Bu ekë tafa lëlefe.”

³¹ Bu bubë lowene esogo mëgletëtlabë home fwa okokwe nalglomeme nëgeme. Na bume gali tlome, “Bo, Gotobë life mago ho, bu bome wame hobë toba elë gwa mëgëtaname. Na bu bome mogo nalë tëkle mëtaname. Na bo tèle olë nebëme na aona olëbëna kwe huju nëgelëme.”

³² Kwe bu bubë gali lowene sle hana mëtletla. Bu Jisasmë uli mëtletlame nëgeme, na bu kë galime takune jwa këme motlola.

Tako letitabo ho yalëne

³³ Na kwe, Jisasna bubë lowene esogo mëgletëtlabë hona Kaperneam lifatewa fwa mutula. Na bu lowa tlelëkakume. Na Jisas bume takune tlome, “Sobo alëgeme, fëye wesibime gëgali ekweijone?”

³⁴ Kwe bu gali kujuna tei tafa mëtla. Bu Jisasmë tiniji mëtletlame nëgeme. Bu alëge mutujana, na blalo kofaya kofaya megali mëtlelogwayame nëgeme, “Semago, tako letitabo ho tafa, ya lëgletënamene?”

³⁵ Na Jisas tafa tle na bume gali tlome, “Ho tako letitabo home tafame tole lëglena, kwe bu iniwa onehome luglunuta asa malëletëme. Na manawa wege hoha satafa lëletëme na iniwa onehome lëgaitame nalëgleme.”

³⁶ Na Jisas bu nëba no tlële na bubë naba li mëta tlebitëme, na hwë tlële, na bubë lowene esogo mëgletëtlabë home gali tlome,

³⁷ “Ho bome lowene lëgletenëna, na ebëha nëbame lëgaitalena, kwe bu bome laitanë. Na ho bu bome lëgaitanëna, bu bome fwa nane laitanë. Weye, bome kë jine tëglënebë ayame laitale.”

Ho seme wame hana lolonana, kë ho sebobë yabe

³⁸ Jon bu Jisasmë gali tlole, “Tisa, sebo mehwi latlola, ho bu jubë weniji fë tëta na ahwane tēbo hobë ato mago hehë tletëme. Kwe kë ho sebona hana tuja na këme nëgeme sebo bume gali tlola, ‘Ju, Jisasbë wenijina, ahwane tēbo asa hehë eletëme.’”

³⁹ Na Jisas gali tlome, “Sobo këha home asa lëkle etomo. Ho bu bobë weniji fë logotlena, na bu Gotobë afutuku fenene, wesibi melë logotlena, kwe bu bome hokweinawa tēbo gali hana loglonëme.

⁴⁰ Ho seme wame hana lolona, kë ho sebobë yabe.

41 Ho some melowene lëgletëyona, ‘Bo kë home nëgaitamëme, bu Goto kë aniji toglolebë home yonane mëglelëlame nëgëme.’ Na kë ho some hi tume lëgaitona kwe bo some nëgalimemu gali nolëyo, Goto kë tokwëfo wesibi hwi loglolena, na kë home aholokwana hana ti lëgleme. Bu tokwafe bume lale wesibi lëglëleme.”

Tëbo lowene ho, bu lale lowenena hobë lowene tëbo mëtakefëtëma

42 Jisas ita gali tle, “Ho li bome kë lowene lëgletenëbë nëbame tëbo lowene elë tëbo logotlena na kë nëba bome kë lowene lëgletenëbë lowene kile lëglena kwe ebë tëbo wesibimu. Goto kë home habelë logotlemene? Kwe fli ho, kë home aniji mou mëta takuliji mëtatlana na bume nutu elëme tuku mëtëkakanana kë kwe lalowa. Bu kë nëbame tëbo hana logotleme na Goto kë home hana tëbo logotleme.

43 Jubë toba jume tëbo lowene mëta gwa lëgëtana, kwe ju kë toba tlë etokwakleme na tuku ekakeme. Ju jowa tobanawa nëgena na ju kë tëbo lowene hana egotlena kwe ju Gotobë lale lifate mëta unaunalëme tafa egleme. Kë kwe lalemu. Kwe ju tële tobana nëgena na kë tëbo lowene eglena kwe bu jume tokwafe hel lifewa tuku lëgleme. Kë kwe lale nane, kë tëbo. Kë life mago ahoju lële hana lëgleme.

44 Kë life mëta, ‘Fotë bubë ato unaunalëme hi mokoukefëtëmeme na ahoju melë bubë ato mëta unaunalëme tei lëlegokefëtëme.’

45 Jubë kiju jume tëbo lowene mëta gwa lëgëtana, kwe ju kë kiju tlë etokwakleme na tuku ekakeme. Ju jowa kijunawa nëgena na ju kë tëbo lowene hana egotlena, kwe ju Gotobë lale lifate mëta unaunalëme tafa egleme. Kë kwe lalemu. Kwe ju tële kijuna nëgena na kë tëbo lowene eglena kwe bu jume tokwafe hel lifewa tuku lëgleme. Kë kwe lale nane, kë tëbo. Kë life mago ahoju lële hana lëgleme.

46 Kë life mëta, ‘Fotë bubë ato unaunalëme hi mokoukefëtëmeme na ahoju melë bubë ato mëta unaunalëme tei lëlegokefëtëme.’

47 Jubë naba jume tëbo lowene mëta gwa egëtana, kwe ju kë naba lemo etamëme na tuku ekakeme. Ju jowa nabanawa nëgena na ju kë tëbo lowene hana eglena, kwe ju Goto, onehobë eso home kë tafa lëgletëmebë life mëta unaunalëme tafa egleme. Kë kwe lalemu. Kwe ju tële nabana nëgena na kë tëbo lowene eglena, kwe bu jume tokwafe hel lifewa tuku lëgleme. Kë kwe lale nane, kë tëbo. Kë life mago ahoju lële hana lëgleme.

48 Kë life mëta, ‘Fotë bubë ato unaunalëme hi mokoukefëtëmeme na ahoju melë bubë ato mëta unaunalëme tei lëlegokefëtëme.’

49 Këji hi wesibi fene sle motome, tokwafe ahoju mata onehome mesle logotomeme.

50 Këji lale wesibi mu. Kwe këji iji hana mëglena, habelë notomamene na ita iji namëgleme. Hanane mu. Këji bu hi wesibi sle wesibi, na feilawa hi wesibi bu ijina mle. Na sobo onehome melë sle egotomome, këji fenene iji mle na sobolalo tafa sle naegelome.”

10

Jisas bu noninome heheëbëme gali tlome

1 Jisas na bubë lowene esogo mëglelëtlabë ho, kë lifate kile mëtla na Judia lifatebë tokwëfo lifekuwa mutuja. Na bu Jordan tu su mëtëkaka. Na lebutako enëne bume ita loko mëtlelëtlä. Na bu Gotobë gali ita të tëtätëme bu ëbame fene të tëtakefëtëme.

² Na Farisi enēne Jisas belē mitisitla. Bu Jisasme su namogotlame fene. Bu bubē gali tēbo tafu lētatēmenawa na bu mana tēbo namogotlame fene. Na kēme takune motlola, “Sebobē, Juda life mago enēnebē tafa sle gali, melē lēgēbetēmelalēlene o hanane? Ho noninome lalowa hehē mēgletēmamene o hanane?”

³ Na Jisas gali tafu tētātēme, “Ētanifu ho, Moses, bu fēye tafa sle gali yahi tletēyone, bimēsemeninome hehē egletemobē galibēye?”

⁴ Na bu gali tafu mētētlatla, “Moses megali latle, ‘Ho nome heheēme tole lēglena, bu hehē gali laba mēta yahi lēletēme na bume lēlēmē. Na kēna lalowa hehē lēkakētēmē.”

⁵ Na kwe Jisas bume gali tlome, “Sobo aholabu enēne nēgēme, Moses kē tafa sle gali kēme yahi tletēyo.

⁶ Kwe ētanimu, Goto iniwa wesibi blēge totome. Gotobē bogo megali lalatle. ‘Goto home blēge totle na mēse blēge tētāmē.

⁷ Kēme nēgēme ho bu botaname, bolijayaname hune lēle na nona weife mētābome.

⁸ Na bu jowaha tafa melome.’

Bu tlemalēha hana tafa mēgelome. Weye. Bu jowa atoha mētābome.

⁹ Goto, buwa, home mēse wayo tlole na bu weife kēme mētābo. Na ho hana hehē lēgletēmē.”

¹⁰ Tokwafe, Jisas na bubē lowene esogo mēgletētlabē hona, bu lowa ita mutuja. Na bubē lowene esogo mēgletētlabē ho bume kē nonino hehē galibēme takune motlola.

¹¹ Na bume gali tlome, “Ho, nome hehē lēgletēna na li mēseme sei lēglena, kē ho bubē auto mēseme sisile lalēta na lisē lowene mēta tafa lēle.

¹² Na mēse boheme hehē egletlena na li home sei eglēlena, kē mēse bu lisē lowene mēta tafa ele.”

Jisas gali tle, “Sobo nēbale lēkle asa etomo, bo belē matisiya”

¹³ Oneho bu nēbale Jisas belē metlesumētla. Bu metole lamētla, Jisas bubē toba gogwa naloletēmeme na Gotome takune lololeme, bume lēgaitame nalēgleme. Kwe Jisabē lowene esogo mēgletētlabē ho bume hwi motloma na lēkle mototoma, “Teife. Sobobē nēbale bu belē asa elesumo.”

¹⁴ Jisas kēme hwi tlome na bu wame tlome. Na bubē lowene esogo mēgletētlabē home megali tlome, “Sobo nēbale lēkle asa etomo. Bo belē matisiya. Oneho kē nēbaleha nēgena, kwe bu Goto onehobē eso home kē tafa lēgletēmēbē lifatewa, mugujame.

¹⁵ Bo nēgalimu nanolēyo, ebēha nēbale bu Gotome hokweinawa lowene sle lamēletla. Na oneho bu ebē nēbale ha, Gotome lowene sle mēgletlana kwe bu Goto onehobē eso home kē tafa lēgletēmēbē lifatewa mugujame.”

¹⁶ Na bu nēbaleme nēno tle na hohwē tle. Na toba gogwa toletēmē na Gotome takune tlole, bume lēgaitame nalēgleme.

Wesibi lebutakona ho, bu Jisasna gēgali mētelo

¹⁷ Jisas na bubē lowene esogo mēgletētlabē hona huju mētla na mutuja. Na ho li bu Jisas belē fēka tokwei na bubē li mēta bususu tēmalita na sēkefo mīti tafa tletle. Na bume takune tlole, “O Tisa, ju lala ho. Bo jume takune nolē. Bo habelē nēgelēmene, bo Gotona unaunalēmē lala tafa nanēgelome?”

¹⁸ Na Jisas bume gali tlole, “Ju bome lala fē fēyeme etanēne? Ebē life mago ho bu lala nane. Goto buwa lalemu.

19 Ju Gotobë tafa sle gali walowene eletle. Bu megali lalamë, ‘Sobo onehome mogo nalë asa tètëkle etomo. Sobo liseëliseë asa elo. Sobo tokli asa elo. Sobo li home blawa asa so etatelo. Sobo hobë wesibi sogëna galina manawa asa mëmë eletemo. Sobo bitaname blijyaname boblo asa etomo. Bubë galiwa saesogo elelëtemo.’”

20 Na kë ho Jisame gali tlole, “O Tisa. Bo tokwëfome nëgena bo këbë tafa sle gali iniwa melë esogo sle nëlagilë na bo ebë olëna mana esogo nëlelëlë.”

21 Jisas bume hwi tlole na maninibo latletle na tole latletle na bume gali tlole, “Ju li lowenewa mana afolo eletle. Ju melë egleme. Jubë iniwa wesibi balitina hihijika eleme na kë baliti glo eleme na wesibi jwa onehome elëmeme. Ju melë laleye kwe Heven lifate mëta lale wesibimu lamëbetë. Na ju bome esogo elenënëme.”

22 Kë ho bu kë gali aholokwane tlole na lawabelëwatle na witina latugujuwa. Bu feilawa wesibimu mëtëbetleme nëgeme na fli onehome lëglëmeme tole hana tle.

23 Jisas bubë lowene esogo mëglelëtlabë home hwi tlole na gali tlole, “Wesibi lebutakona enëne, Goto onehobë eso ho kë tafa lëgletëmebë lifatewa mugujabëme, ebë kalëlego lalëletëme.”

24 Na bubë lowene esogo mëglelëtlabë ho, bu kë gali aholokwane mëtla na klelego memëtletla. Kwe Jisas bume fli gali megali tlole, “O nëbale, iniwa oneho, Goto onehobë eso ho kë tafa lëgletëmebë lifatewa mugujabëme, ebë kalëlego lalëletëme. Hafëna mugujamene?”

25 Kamel kleli, bu ëho susu nili fulujuwa lëkaklubëme ebë kalëlegomu lalële, kwe wesibi lebutakona enëne, Goto onehobë eso ho kë tafa lëgletëmebë lifewa mugujabëme ebë kalëlegomu lalëletëme.”

26 Kwe bubë lowene esogo mëglelëtlabë ho bu klelego memëtla na blalo gëgali mëtla, “Kë melë nëgena, kwe Gotobë ëhwati tafa yalë fa logotlemene?”

27 Na Jisas bume hwi tlole na gali tlole, “Oneho bu kë wesibi hana mogotlame kwe Goto kë wesibi lalowa logotleme. Goto iniwa wesibi lalowa logotomeme.”

28 Na Pita Jisame li gali megali tlole, “Jisas, ju seme hwi enona. Sebo iniwa wesibi wahune tla na jume waesogo tlelëyo.”

29 Na Jisas gali tlole, “Bo nëgalimu gali nolë, oneho bome tolemu mëgletëname na Gotobë lale gali të mogotlana na bubë lo o bolijamoni o blijahani o mësenëbani o bolijaya o bota o nëbale o nuju hune mëglana, kwe Goto bume lebutako wesibimu lëglëmeme.

30 Bu ebë life mëta mana tafa mëglana, Goto bume lebutako wesibimu lëglëmeme. Ètani kë hune mëtlabë wesibi bu tëlewaha kwe Goto bume kë lëglëmebë wesibi bu lebutakomu. Goto bume lebutako lo na, bolijahani, bolijamoni, mësenëbani, botani, nëbale, na nuju lëglëmeme. Kwe, masiwafe, fli enëne bume tëbo mogotomame, bu bome lowene sle mëgletëname nëgeme. Na tokwafe bu lale tafa memokoukefëyame.

31 Lebutako enëne bu ebë olëna letitabo hoha kë tafa mëglabë, bu tokwafe Gotobë olëna bu atwati hoha tafa mëglame. Na lebutako enëne bu ebë olëna atwati hoha kë tafa mëglabë bu tokwafe Gotobë olëna letitabo hoha tafa mëglame.”

Jisas bu ita gali tle, “Bo gli nelëme na huju nelëme”

32 Jisas na bubë lowene esogo mëglelëtlabë hona, Jerusalem lifate alëge elë motokwala. Jisas bu toutatëme. Na bubë lowene esogo mëglelëtlabë ho

tutune motokouja. Na oneho bume kē nagi mētlēmabē bu uli memētla. Na bubē lowene esogo mēglelētlabē home loko tēta na bume tēbo namogotlabē galime gali tlome.

³³ Bu megali tle, “Sobo aholokwane elo. Sebo Jerusalem lifatewa ekē nuja. Na bo, Gotobē life mago ho, bu bome, lotu lo mēta wege mēglabē eso enēne na Gotobē tafa sle gali lowene sle mēgletlabē honame yo molomame. Na bu tetahē melēmame na bome mogo nalē tēkle mēgētanabē gali sle namogotlame. Na bu bome, Israelbē afenēboni mētābēya jwa mēglabē enēneme, yo namoglomame.

³⁴ Na kē enēne, bu bome tiniyi galina gali namogloname. Na bome sasonatlē namēgētaname. Na bome nagutaba kokose mogloname. Na bome taba afona feilawa lēlafa mētaname. Na bome mogo nalē tēkle mētaname. Na bo mogo tēle olē nebēme na aonabēna huju nēgelēme.”

Jemsna Jonna bu metole lamētelo, eso home tafa namēgelome

³⁵ Na kēme, Sebedibē nēbale, Jemsna Jonna, Jisas belē mitisijo. Na bume takune motlolo, “Tisa, sebo jume wesibime takune nēlēyo. Na ju seme kē wesibi lalowa egotometenomene?”

³⁶ Na Jisas bume takune tlome, “Bo fēye wesibi nogotometēyomene, sobo habē tole lalone?”

³⁷ Na bume gali motlolo, “Tisa, ju tokwafe tako eso home watafa eglena, sebo metole nanelo, sebo juna onehome eso ho tafa nanēgletēmame. Li jubē tobamu toba elēme tafa lēleme na li jubē yemane toba elēme tafa lēleme.”

³⁸ Kwe Jisas bume gali tlome, “Sobo bome kē takune eglonabē, kē wesibime sobo lowene sle hana eletelo. Tokwafe bo tako elili fa nogotlēme, sobo kēha elili lalowa fa egotlomene? Na tokwafe bo gli nēgelēme, sobo kēha megli lalowa egelomene?”

³⁹ Na bu gali motlolo, “Sebo melē lalowa nēgelome.”

Na Jisas bume gali tlome, “Nēgali. Bo elili mefa notlēme, sobo mata kēha elili mefa egotlome, na bo megli nēgelēme, sobo mata kēha megli egelome.

⁴⁰ Kwe ho bu bona eso home kē tafa nēgletēmabē na bobē tobamu toba elē tafa lēglebē o bobē yemane toba elē tafa lēglebē, ebē bobē wesibi nane bo kē aniji noglomēme. Weye. Ebē Gotobē wesibiwa. Bu, bona eso home kē tafa nēgletēmabē home waaniji tlome.”

⁴¹ Na fli we ho, bubē lowene esogo mēglelētlabē, bu Jemsna Jonna, Jisasme kē takune motlolobē gali aholokwane mētlana, bu wame memotloma.

⁴² Kwe Jisas bubē lowene esogo mēglelētlabē ho iniwame gali telēkakēme. Na bu mutujutla na bume kēme gali tlome, “Sobo walowene elo, Israelbē afenēboni mētābēya jwa mēglabē enēnebē eso ho, bu melamela, onehome baba tē motoma, bubē wege manawa fa namēgētātēmame.

⁴³ Kwe, kē eso ho fene mētābēya, sobo kēha lowene mēta asa tafa elo. Weye. Matēbe. So mago ho, bu sobobē eso home tafame tole lēglena, bu melē lēglēme, some wege lēgletēyobē hoha lētabeme.

⁴⁴ Na somago ho, bu iniwa onehobē logouta home tafame tole lēglena, bu melē lēgleme, iniwa onehobē manawa wege hoha tafa lēletēmeme.

⁴⁵ Na bo, Gotobē life mago ho, bu melēme nane tisi, oneho bome mēgaitana namēglame. Weye. Bo melēme tisi, onehome nēgaitamē nanēgelēme. Na bobē gli lebutako onehome laitame nalēgleme. Bubē tēbo lowene bobē glina hihijika nanogotometemēme.”

Jisas bu naba titiki tabo hobë naba sle totometle

⁴⁶ Jisasna bubë lowene esogo mëglelëtlabë hona, Jeriko lifatewa fata mëtla. Na Jeriko lifate kile mototla. Na buna bubë lowene esogo mëglelëtlabë hona, feilawa onehona mutuja. Na Bartimeus, Timeusbë bowene, alëge mëglëbo lime tafa tlekëfe. Bu naba titiki tabo ho. Na bu onehome balitime gëgëba latlokwefëme.

⁴⁷ Na bu kë gali aholokwane tle, “Nasaret life mago Jisas, bu lisi.” Na bu anisasana we tlole, “Jisas, Devitbë bosemle, ju bome maninibo eletenë!”

⁴⁸ Na feilawa oneho bume këkale motlola, “Euowe! Ju kaju ebe.” Kwe bu anisasana we tlole, “Devitbë bosemle, ju bome maninibo eletenë!”

⁴⁹ Na Jisas bubë we lego aholokwane tlole na këme tibe, na gali tle, “Sobo gali elëbaklo, ligisi nalëgleme.” Na bu kë naba titiki tabobë home we mëtelëkakla na gali motlola, “Ju fleflesu ele. Ju huju ele. Bu jume ekë we lelëbakë.”

⁵⁰ Na kwe bubë tli lime kë gelo totokweflebë ëho hwaga totle na hokweinawa huju tükake, na Jisas belë tuju.

⁵¹ Na Jisas bume takune tlole, “Bo jume fëye nëgëtëmene?” Na kë naba titiki tabo ho bume gali tlole, “Tisa, ju bobë naba sle etometenë, bo hwi nanëgelëme.”

⁵² Na Jisas bume gali tlole, “Ju bome lowene sle eletenëme nëgëme, jubë naba këme sle meletë. Ju lalowa eiju.” Na hokweinawa bubë naba lalowa memëtletlemu. Na bu hwi tükake. Na bu Jisasme alëge elë nagï telëkakle.

11

Jisas bu tako eso ho ha, Jerusalem lifatewa tükaku

¹ Jisasna, bubë lowene esogo mëglelëtlabë hona, Jerusalem lifatewa lololi mëtla, na bu Betfage lifekuwa na Betani lifekuwa loliwa fwa mutula. Kë lifeku bu Oliv fatini li mëta metëbe.

² Na Jisas bu tlemalë lowene esogo mëglelëtlabë home jine tlëme na bume gali tlome, “Sobo kë hwi eglëkakëlobë lifekuwa eyeume. Sobo eyeume, na ti mëta takuliji tabo afeku donki kleli hwi eglolome. Ëbame, ho kë donki kleli matawa hana tafa tle. Sobo taba tohwa etatelome na elesutëname.

³ Na ho li some metakune loglëyona, ‘Sobo ebë donki kleli fëyeme elelulone?’ Kwe sobo bume metaful saetatelo, ‘Sebobë tako ho bu tole lëletle. Bu këna asë lëleme na bu seme hokweinawa ita jine lelëbakëname, ebë donki kleli ita nëglesutëyome.’”

⁴ Na kwe bu mëtëyeu, na bu afeku donki kleli, alëge li mëta kë liglibebë hwi motlolo. Fli ho bu kë donki kleli, lo ino li mëta watakuliji mototla. Na kwe kë tlemalë ho bubë taba tohwa mëtëtatelo.

⁵ Na lolime kë mitlijabë ho takune motloma, “Sobo kë donki kleli fëyeme tohwa etlone?”

⁶ Na tlemalë bu gali tafu mëtëtatemo, Jisas bume fene gali tlome. Na kë enëne, bume gali motloma, “Sobo lalowa elelulo.”

⁷ Na kwe tlemalë, kë donki kleli Jisasme sei mëtlëkakitelo. Na bubë heletabo ëho donki klelibë amlebo mëta kahëba motolo. Na Jisas kë ëho matawa tafa tole.

⁸ Na feilawa oneho bubë heletabo ëho tothwa mëtla na alëge mëta kahëba motokouja. Bu Jisasme fleflesu mëtletla, eso hoha fata tëgleme nëgëme. Na Jisas donki klelina kë matawa luguju nalëgleme, eso ho fene asë mëtla. Na fli oneho bu yagibeha laba mata glo mëtla na alëge mëta kahëba motokouja.

⁹ Na oneho bu Jisasna kè motoutayabè na oneho fli nagi kè mitlijabè, bu kème memomolè motokouja, “Yahala fèyemene. Sebo Gotome fleflesu nègletlame. Goto bu jine tlèle. Bu Gotobè kalèlegona tisi. Goto kè home ululu sle nalogotleme.

¹⁰ Kè ho bu seme eso home tafa nalègletèname tisi, Bosemle Devit, sebo è semlenime eso home fene tafa tletème. Goto kè eso home ululu sle nalogotleme. Sebo Gotome tako fleflesu nègletlamemu.”

¹¹ Na Jisas bu Jerusalem lifatewa fwa tule na tako lotu lowa tèkaklu. Na bu iniwa wesibi hwi tlagume. Kwe olè ki lègèbeme nounou latle na buna bubè lowene esogo mèglelètlabè hona Jerusalem lifate kile mètla na Betani lifekuwa hokweinawa mutuja.

Jisas atowaiha time anisasana hana tlole, “Ju liji ita asa fu ele”

¹² Tokwafe li olèna bu Betani lifeku kile mètla na bu alège mèta mana asè mètla. Na Jisas foneme gli tle.

¹³ Na bu atowaiha ti kakè manogwa hwi telokwakle na bu lebutako labana. Na kwe bu loliwa tuju tle, lijime hohwi nalègètame, kwe bu liji hwi hana tlometle labawa hwi tlole. Ebè atowaiha ti logowalè jwa lèglebè olè nègeme hwi jwa kème tlole.

¹⁴ Na Jisas kè time anisasana hana tlole, “Ju liji ita asa fu ele na oneho bu liji ju mago hi hana mèglekèfèyame. Hanane mu.” Na bubè lowene esogo mèglelètlabè ho kè gali aholokwane motlola.

Jisas bu wesibi balitina hihijika home, Gotobè lo mago hehè tletème

¹⁵ Jisas na bubè lowene esogo mèglelètlabè hona Jerusalem lifatewa fwa mutula. Na Jisas tako lotu lo kè mèta liglibebè life elème tèkaklu. Na bu wesibi balitina kè glo mèglabè enèneme na wesibi balitina kè hihijika mètlabè enèneme hehè teluletème. Bu melatotome. Bu li life li life enènebè baliti kème kè hihijika mètlabè enènebè masei obobwelè tetokwakèmetème. Na bu seuneni fole balitina kè hihijika mètlabè enènebè tafa labuku mata obobwelè totometème. (Bu kè fole Gotome ahøjume ahøjume mètlekèfètlabè.)

¹⁶ Oneho bu wesibina, tako lotu lo li mago lèglesì tabo life elème mètlekèklukefèma. Na Jisas bu kè onehome hehè tletème.

¹⁷ Na bu gali tlole, “Gotobè bogo megali lala, ‘Li life li life mago oneho bobè lo elème migisiyabè, bome gègali namèlelèkèfèname.’ Kwe sobo ebè lo tèbo latlo na bu tokli enènebè loha lilibetèyo.”

¹⁸ Na lotu lo mèta wege mèglabè eso enène na Gotobè tafa sle gali lowene sle mègletlabè ho bu kè gali aholokwane motlola, na alège hohwi mètètatla, Jisame mogo nalè tèkle namogotlame. Iniwa oneho bu Jisame tako tole lamètletla. Melème nègeme bu kè tètè togotlebè gali kle klelego lamètlekefètla, na lotu lo eso enène bu Jisame kème uli mètletla.

¹⁹ Na atome hwi olè, Jisasna bubè lowene esogo mèglelètlabè hona Jerusalem lifate kile mètla na mutuja.

Ho bu Gotome lowene sle lègletlana na bume mana gègali lèglelèlana kwe bu wesibi glo lègleme

²⁰ Na li olèna, olobalèwa, Jisasna bubè lowene esogo mèglelètlabè hona, Jerusalem lifatebè alège mèta mana asè mètlabè, na bu kè atowaiha ti ita hwi mètlekèkakla, bu wakoko tèbefè.

²¹ Na Pita bu Jisas kë time këhana toglolebë gali ita lowene tletle na gali tle, “Euowe, Tisa, yame ju kë atowaiha time anisasana mehana tlole, ‘Ju liji ita asa fu ele.’ Na ëje bu wakoko lëbe.”

²² Na Jisas megali tlome, “Sobo Gotome melowene sle egletelome, bu kalëlego ho.

²³ Bo some nëgali gali nanëlëyo. Ho bu fatinime megali loglëna, ‘Ju huju elëme na ju nutu elëme okli ekakeme.’ Na kë ho bu tële lowene hana lëglëna na Gotome lowene sle lëgletlëna kwe Goto bu melë logotleme, kë ho fene gali lële.

²⁴ Sobo Gotome wesibime takune eglolona na sobo melowene sle egletelona, ‘Goto bu seme kë wesibi lëglënamefe,’ kwe Goto bu some kë wesibi lëglëyome, sobo fene takune elolo.

²⁵⁻²⁶ Sobo Gotome gali eglolona, na sobo li ho, some kë tëbo tęgëtohtë lowenebë, ita lowene egletelona, kwe sobo kë hobë tëbo lowene aholokwana ti egletelome. Sobo melë eglona, kwe sobobë aya, heven life mëta kë tafa lëglebë bu sobobë tëbo lowene mata aholokwana ti lëgletëyome.”*

Bu Jisasmë takune motlola, “Ju kë egotomebë wesibime, ya gali tolëne”

²⁷ Jisasna, bubë lowene esogo mëglelëtlabë hona, Jerusalem lifatewa ita fwa mutula. Na Jisas bu tako lotu lo li mago lëglesiti tabo mëta asë tle. Na lotu lo mëta wege mëglabë eso enëne fli, na Gotobë tafa sle gali lowene sle mëgletlabë enëne fli, na lotu letitabo enëne fli, bu belë mitisiya.

²⁸ Na bu metakune motlola, “Ju kë kalëlego hamago fa totlene?”

²⁹ Na Jisas bume gali tlome, “Bo mata, some li wesibime takune nolëyo. Sobo bobë gali tafu sle latatëna kwe bo some kalëlego kë mago kë fa nogotlëbë gali, gali noglëyome.

³⁰ Bo some metakune nëlëyo, onehome tume kë baptais totomebë Jonme ya jine tlëlene? Goto bu jine tlëlene o ho jine mëtlëla? Sobo bobë gali tafu etatëna.”

³¹ Na bu blalo gëgali mëtla, “Sebo megali noglolana, ‘Goto bu jine tlële,’ kwe bu seme megali logloname, ‘Kë nëgali nëgebë, sobo bume lowene sle egletelo jwa fëyemene?’

³² Kwe sebo megali noglolana, ‘Ho jine mëtlëla,’ kwe oneho bu seme habelë mëgëtanamene?” Bu kë gali fëyeme gali mëlane? Bu onehome uli mëtletëmame nëgeme. Iniwa oneho bu melowene lamëtletla, “Jon bu Gotobë lowene mago gali të lotokweflebë homu.”

³³ Na bu Jisasmë gali metafu mëtëtatla, “Sebo, Jonme kë jine tęgëlebëme, lowene hana nëla.” Na Jisas bume gali tlome, “Bo mata sobobë takune tafu hana nëgetatëyome. Na bo kalëlego kë mago kë fa nogotlëbëme hana gali nëglëyome.”

12

Ebë wain taba liji nuju kë hwi motlolabë tëbo enënebë wafle gali

¹ Jisas, Juda life mago lotu letitabo home, wafle gali tletëme. Bu megali latle, “Ho bu wain taba, nuju mëta ola tle na lëglesiti tle. Na bu life ha totle na

* **11:25-26** Fli lowene ho bu melowene lamëtla, li gali mana lëbe kë gali mëta. Kë gali melë lëgëbelalële, “Kwe sobo iniwa onehobë tëbo lowene aholokwana hana ti egletemona, kwe sobobë aya, heven life mëta kë tafa lëglebë bu sobobë tëbo lowene mata aholokwana hana ti lëgletëyome.”

fuluju yefi tle, wain taba liji kē mēta fēfe namēglame, bubē tu hi namēglekefēyame. Na bu akolalo, kē nuju mēta gliji tle, ho kē lo mēta sei namogowelēkeflame, ho tokli mēglalime. Na bu fli home gali tlome, ‘Sobo bobē wain taba nuju hwi elotēna. Na tokwafe liji mogwalēna, fliye sobobē na fliye bobē.’ Na kē ho hune totome na kakē lifewa tuju.

² Tokwafe, wain taba liji nigliji mētle, bubē wege home, bubē nuju kē hwi moglotlabē ho belē jine tletēme, bubē hi wesibi kē nuju mago glo nalēgleme. Na bu tuju.

³ Kwe nuju kē hwi motlotlabē ho, bu belē kē tigisitēmebē home anisasana tēkle mētētāgula na kē mago hehē mētēkaketa. Na bu kē mago manawa latēglēbouwa.

⁴ Na ita nuju bolijaya, li home jine tletēme. Kwe kē enēne kē hobē eso labulewa mētētātla na bume tēbo mototla.

⁵ Na ita li home jine tletēme. Kwe bu kē home mogo nalē tēkle mototla. Na kēme, bu feilawa home kē enēne belē jowa jowa jine tlēkefēmētēme. Na bu fli home tētēkewa mēta na flime mogo nalē tētēke mēta.

⁶ Na jowa howa tafa tle. Kē ho kē nēgebēye nuju bolijayabē bowene, na bume tako tole latletlemu. Na yawememu, boweneme, bubē nuju kē hwi motlotlabē ho belē jine tletēme. Bolijaya melowene latle, ‘Bu bobē nēbabē gali aholokwanewa moglolame.’

⁷ Kwe bubē bowene alēge mēta mana asē tēkeke na nuju kē hwi motlotlabē ho bu blalo gēgali mēta, ‘Ebē ho kē ligisibē ebē kē nujubē bolijayabē bowene. Tokwafe bolijaya gli lēglena, kwe bu kē nuju bolijaya tafa lēgleme. Te, mana mogo nalē tēkle manotla na kē nuju seme lēbetēname.’

⁸ Bu tisitēme na hohwē mētlēla na mogo nalē tēkle mototla. Na mogo fa mototla na nuju mēglēbo elē tuku mētēkaka.”

⁹ Na Jisas lotu letitabo home takune tlome, “Sobo habē lowene lalone, kē nuju bolijaya bubē nuju kē hwi motlotlabē home habēlē logotomemene? Sobo aholō bo eto. Bu ligisina, bu kē home mogo nalē tēbo logotomeme. Na ita kē wain taba liji nuju fli home yo loglomeme, hwi namoglotlame.

¹⁰ Sobo Gotobē bogo mēta kē lēgēbebē gali hwi hana tlo lone? Ēye wahwi tlo. Ebē gali mētēbe latle, ‘Lo gliji ho, bu lo, anijina gliji mēta. Na kwe bu li anijime meweniji lamēta, “Tēbowa.”

Kēme nēgame, mēglēbo elē fo mētetokwakēya.

Kwe kē aniji mēglēbo elē kē fo mētetokwakēyabē bu lale anijimu ebamē.

Lo bulego kē aniji mēta lotle. Kē aniji jwa nēgena, kwe lo fli lēgleme.

¹¹ Goto melē tēgleme nēgame, kē wesibi kēha kēme fata lēle. Sebo yafe hwi nololamu, lale wesibimu tlēna.”

¹² Lotu letitabo ho bu melowene lamēta, “Jisas seme waflē gali lēletēnafa.” Kēme nēgame, bu Jisasmē ējeha fa motlame. Kwe bu onehome uli mētletēmame nēgame. Na bu Jisasmē kēme kile mēta na bu mitliwaya.

Bu Jisasmē takune motlola, “Ho takis baliti, Rom life mago eso ho, Sisarmē, lalowa mēglēlamene o hanane?”

¹³ Lotu letitabo ho, bu Farisi enēne fli na eso ho Herotbē wege enēne fliname, Jisas belē jine mētlēma. Bu metole lamēta, Jisasmē sogēname takune namoglolame na bu Rom life mago eso ho, Sisarmē, tēbo gali naloglolame. Kē tēbo galime fwa bume kēna so namēgētatlame fene.

14 Na kème mutuja na gali motlola, “Tisa, sebo lowene nanëla, ju nêgali gali homufe na ju hobê têbo loweneme na têbo galime uli hana eletême. Ju nêgali galimu tê etagule. Ju baliti musuna home na baliti musujwa home, lili gali hana gali tlagume. Weye. Ju iniwa home, jowa gali mefwa gali tlagume. Ju iniwa onehome, Gotobê lale anebo galiwa tê têtatutême. Na ju habelê lowene lalene? Sebo takis baliti Rom life mago eso ho, Sisarme, lalowa nêglêlamene o hanane? Kêha lowene lalowa nêglamene o hanane?”

15 Kwe Jisas bubê sosogêname wafi lowene tletême na bu kê enêneme megali tlome, “Sobo home fêyeme su etanane? Sobo jowa baliti bome ehitêna, hwi nanoglême.”

16 Na baliti mêtêhitla. Na Jisas takune tlome, “Ebê amtêtomba yalêbêne, na weniji yalêbêne?” Na kème gali motlola, “Ebê Sisarbêyo.”

17 Na Jisas bume gali tlome, “Sisarbê wesibiye, kwe Sisarme eglêlome. Gotobê wesibiye, kwe Gotome eglêlome.” Na bu kê gali aholokwane motlola na klelogo memêtla.

Sadyusi enêne, Jisame, lebo enêne huhuju mëglabême, takune motlola

18 Na kème Sadyusi enêne Jisas belê mitisiya. Kê enênebê lowene metêbetêmelatle, “Lebo mëgebêyabê oneho, hana huhuju mëglame.” Na kème Jisame takune motlola,

19 “Tisa, êtani, Moses ebê gali meyahi latletêna, ‘Ho nêba jwa lebo lêgêbena, na bubê mëse sei ju mana tafa eleme, kwe ita bolijamo sei lêlême, na nêbaneni lêlêlême. Na kê nêbale, lebo kê têglebê hobê wenijina mêtabetla namêglame. Na bu kê hobê nêbaleha tafa namêglame, na lebo kê lêgêbebê hobê weniji hana te lêgletleme na aholokwana hana ti mëglame.’

20 Êtani, ho li tobali ita jowa bolijamonime kêniji tlebime. Bolijaha afina mëse sei tlê na kwe bolijaha nêba jwa gli tle.

21 Kème nêgeme, ita kê sei ju bolijamo sei tlê, na bu mata nêba jwa gli tle. Na ita kê sei ju tafa tle ita li bolijamo sei tlê, na bu mata, melatle, kê fenene.

22 Bu iniwa bolijamoni melamêtla, kê seijume fwa fifiji mêtletlêya na iniwa nêbale jwa gigli mêtla. Na tokwafe kê mëse, bu mata, gli tle.

23 Na sebo jume takune nêlêyo. Tokwafe gigli kê mëglabê oneho huhuju mëglana, kê mëse fêye home tafa egletlemene? Ju wafi lowene ele, bu kêniji mitlibêya, tobali ita têle bu kê mëse iniwa sei mêtletlêya.”

24 Na kème Jisas bume gali tlome, “Sobo Gotobê bogo mêtla kê lêgêbebê gali na Gotobê afutuku lowene sle hana eletelo. Kème nêgeme sobo yaya lowene kème elo.

25 Tokwafe, gigli kê mëglabê oneho huhuju mëglana, kê lebo enêne, one hana sesei mëglame. Weye. Bu heven life mago ensel fene mêtabêya, bu one sesei jwa mëglame.

26 Na eli, bo lebo enêne huhu mëglabê gali tê nêgetatêyome. Sobo Mosesbê bogo mago yahi hwi hana tlonone? Êye wahwi tlolo. Kê gali melê lêgêbelalêle. ‘Ahuju, ti abo mêtla u tle, kwe kê ti abo koko hana têbe. Moses bu kê hwi tlole na Goto ahoju kê u têglebê ti abo mêtla têtabe na bume gali telulubakle, “Bo blijafujunibê Goto mana ekê tafa nelê, Abraham, Aisak, na Jekopnabê.”

27 Gotobê lowene melê lêgêbetlêlêlê, ‘Kê aomalê ho wagigli mêtla, kwe amtêtomba mana mêtabêya, na bubê Goto mana ekê tafa lêtetême.’ Ebê Goto kê nêgebê lebo enênebê Goto nane. Weye. Mana kê tafa mëglabê enênebê Goto. Sobo melowene kê egelobê, ‘Lebo enêne hana huhuju mëglame.’ Kê yaya lowene lêtetêyo.”

Gotobë lale tafa sle galimu habelëne?

²⁸ Gotobë tafa sle gali lowene sle lëgletlebë ho li këme tètabe. Na bu Sadyusi enëne Jisasna kë gëgali mëtlelogwayabë gali aholokwane tlome. Na bu melowene latle, “Jisas bume lale tafu lalëtatëmefe.” Na bu Jisame këme takune tlole, “Gotobë fëye tafa sle gali blo lotomene, iniwa tafa sle galibëme.”

²⁹ Na Jisas bume tafu tëtätëme, “Gotobë lale tafa sle gali kë lëgëbebëye melë, ‘Israel life mago ho sobo aholo ho eto! Goto buwa seobë tako letitabo lëtabetëna. Seobë li Goto hanane lëtabe. Jowa Gotowa lëtabetëna.

³⁰ Sobo Gotome anisasana tole egletelomemu, lowenena ini tolewa egletelomemu.’

³¹ Na li lale tafa sle gali kë lëgëbebëye melë, ‘Ju iniwa onehome anisasana tole egletëmeme, jume fene tole ele.’ Fli tafa sle gali bu kë tële tafa sle galiha hana mëbe. Kë telë tafa sle gali bu fli tafa sle galime boblo lamotome.”

³² Na këme Gotobë tafa sle gali lowene sle lëgletlebë ho Jisame gali tlole, “Tisa, ju gali kë tafu etatenëbë lalowamu. Ebë nëgali, Goto buwa tako letitabo lëtabe. Na li Goto hana lëtabe. Jowa Gotowa tafa lële.

³³ Sebo Gotome anisasana tole nëgletlamemu, lowenena iniwa tole nëgletlamemu. Na sebo iniwa onehome anisasana tole nëgletëmame, seme fene tole nëla. Kë tële anebo gali nëgehweyana na esogo nëglelëmama ebë lalemu. Kwe Gotome afabo kë ahojume ahojume nëglekefëtlabë lowene na iniwa wesibi Gotome kë nëglëlabë lowene ebë laleha.”

³⁴ Jisas kë home aholokwane tlole na melowene latle, “Lale tafu lalotlefe.” Na Jisas bume gali tlole, “Ju Gotome lowene sle egletleme nounou lale, na Goto jume eso home tafa lëgletëme nounou lalëlemu.”

Na bu Jisame li takune, takune moglola bëme uli memëtletla.

Jisas onehome takune tlole, Goto kë aniji toglolebë hobë galime

³⁵ Jisas tako lotu lo lifeku mëta tafa tle na bu gali kë mëta të tëtätëme. Na bu megali latlome, “Gotobë tafa sle gali lowene sle mëgletlabë ho bu megali lamëtla, ‘Goto bume kë aniji toglolebë ho, onehome nëno nalëgleme, kë ho bu Devitbë bosemle.’ Sobo habelë lowene laletelone, bu kë gali fëyeme gali mletlane?”

³⁶ Ètani Gotobë Amtëtomba Devitme lowene tlële na Devit bu kë lowene megali latle,

‘Goto, bu bobë tako home megali lalolole,

“Ju bobë tobamu toba elë tafa egletenëme

na ju bona onehome eso home tafa nëletemome.

Sebo onehome mana tafa nëlelëmome

na bo jume kë wame mëglëyobë home boblo nogotomëme

na bu jubë gali hana boblo mëtome.”’

³⁷ Devit kë aniji toglolebë home mefë latotle, ‘Bobë tako ho.’ Na bo some takune nëlëyo, Gotobë tafa sle gali lowene sle mëgletlabë ho, mefëwa fëyeme mototlane, ‘Kë ho Devitbë bosemle,’ kwe bu mefë jwa fëyeme mototlane, ‘Devitbë tako ho?’ Bo some gali nëlëyo, bu Devitbë bosemle kwe tako home tëtabe. Këme nëgeme, Devit bu tako ho fë këme totle.” Na kë feilawa oneho buna kë mëtëtabyabë, Jisasbë gali fleflesana aholokwane motlola.

Gotobë tafa sle gali lowene sle mëgletlabë ho tëbo lowene esogo mëlelëkefla

³⁸ Na Jisas bume okokwe tlole na megali tle, “Sobo Gotobë tafa sle gali lowene mëgletlabë home ululu egelome. Sobo bubë lakale asa esogo elelëtemo. Bu memelë lamla, heletanëno ëho mehwëa na iniwa onehobë

naba lime asë mëbebokwaka. Oneho bu melowene namëgletëmame, ‘Bu lale letitabo enënefe.’ Na bu oneho këme kë tafa mëglabë lifeku mëta asë mëglana, bu metole namëgletëmame, oneho bume megali namoglomame, ‘O letitabo ho. Lale klijimu.’

³⁹ Bu lotu lome tafa mëglana, bu metole lamla, onehobë naba li mëta, letitabo ho këme tafa mëglekefëyabë tafa labume tafa mlame. Na tako hi olëna, bu metole lamla, onehobë naba li mëta, letitabo ho këme tafa mëglekefëyabë tafa labume tafa mlame, oneho bu melowene namëgletëmame, ‘Lale letitabo enënefe.’

⁴⁰ Bu seiju oneme sosogëna moloma na bubë iniwa wesibi manawa mëglëma namëglame. Na bu memelë lamelekefëya, onehobë naba li mëta, Gotome feilawa gëgali mëlëlëla, oneho bu melowene namëgletëmame, ‘Lale letitabo enëne fe.’ Bubë tëbo lowene këna lëlamu motla. Tokwafe, Goto fli enëneme tëbo logotomena, kwe kë enëneme tako tëbo logotomememu.”

Wesibi jwa mëse bu baliti Gotome tlële

⁴¹ Jisas, baliti Gotome këme sisike melekefëtlabë bokis li mëta tètabe, tako lotu lo mëta. Na bu onehome hwi tlome, bu baliti Gotome kë bokis mëta sisike mëtletla. Na feilawa oneho bu feilawa baliti sisike mëtla.

⁴² Na kwe wesibi jwa seiju mëse tisi. Na bu baliti tokwëtokwë tële sike tle.

⁴³ Na Jisas bubë lowene esogo mëglelëtlabë home gali telokwakëme. Na bu mitisitla na gali tlome, “Sobo kë mëseme hwi elëkakëyo. Bo some nëgali nanëlëyo. Fli oneho bu kë bokis mëta feilawa baliti sisike mla, kwe Goto kë wesibi jwa seiju mëseme melowene lalëletë, ‘Bu feilawamu baliti sike ele.’

⁴⁴ Fli oneho bubë feilawa baliti mëtëbetëme kwe tëlëwa sike mëtla na fli mana mëtëbetëme. Kwe kë seiju mëse bu baliti iniwamu tlële, fli hana mëtëbetë. Na tokwafe hi wesibi fëye balitina glo eglemene? Hanane mu. Bubë iniwa baliti wayawe tolë.”

13

Jisas bu melëme gali tle, “Gotobë tako lo tëbo lëgletleme”

¹ Jisas na bubë lowene esogo mëglelëtlabë hona, tako lotu lo mago metëkaklija na mana bubë lowene esogo mëglelëtlabë ho li gali tlole, “Euowe, Tisa, ju hwi elome. Anijina kë gigliji mëtlabë lo bu lale klisomu. Bu aniji tatakomu na lale klisomu.”

² Na Jisas bubë gali tafu tëtatlë, “Bo sobo, lo kë hwi eglomobë gali, të nëtätëyo. Tokwafe bu ebë iniwa lo yaye mogotomame. Fli aniji matawa hana mëgëbëme. Weyewa. Iniwa sisike mëkakame.”

Jisas bu megali latle, “Tokwafe tëbo olë folokokwëme”

³ Na bu Oliv ti fatiniwa motokwala. Na Jisas kë fatini lufu mëta tafa tole na tako lotu lo hwi tëtelokwakle. Na Pita, Jems, Jon, Andruna buwa bu belë mitisitla, na takune motlola,

⁴ “Ju seme gali enona. Gotobë lo yayeime, kë gali toglonabë gali, habenalë fata lëglemene? Sebo fëye wesibi afina hwi noglomamene na këme lowene nëlame, ‘Hai, kë olë nounou ekë lële.’”

⁵ Na Jisas bubë gali tafu tëtätëme, “Sobo ululu slewa saelo. Ho some sogëna mogleyolime.

⁶ Unina feilawa ho migisiyame na sogëname gali mlame, ‘Bo kë nëgebë kwe Gotobë life mago ho, onehome nëno nëgelëbë ho.’ Na bu feilawa onehome sosogëna mlagumame.

⁷ Na tokwafe, sobo tako wame mëglabë gali aholokwane egelona, na li life elë wame gali fafa mogotlabë gali aholokwane egelona, klelego asa elo. Kë wame kwe melëmane, kwe ebë life tëbo lëglëbë olë mana lebokwetle.

⁸ Li life li life mago ho, li life hona momogli mëtayame. Na li life li life nano ekoujamëme. Na li life li life mago oneho, foneme gigli mokoujame. Kë wesibi bu tokwëtokwë eliliha, mëse nëba amlebo fene fale etamë. Kwe tokwafe tako elili fa mëtagulame.

⁹ Kë olëna, sobo ululu sle saelo. Sobo bome fwa lowene sle eglëtëname nëgëme na bu some bubë letitabobë toba elëme mëglëljujome. Na bu some lotu lo mëta tëtëke mëgelulame. Na bu some gavman ho belë na eso ho belë sei mugujëlëyome. Na kwe sobo Gotobë lale gali të eoutatemome.

¹⁰ Bu Gotobë lale gali iniwa lifeku mago onehome afina të mëtatëmame na yawe olë mana fata lëleme.

¹¹ Bu some fafa mëglana, na hobë gali aholo bo lëgëtabë ho belë mëleljujona, sobo uli asa elo na melowene asa elo, 'Sebo habë gali nëglamene?' Weye. Iniwa gali, Goto some kë olëna kë lëglëyobë, të etlome. Sobowa të egotlome nane. Weye. Gotobë Amtëtomba lowene lëlëyome na kë lowenena të etatemome.

¹² Wali ho, fli home melëkei melëmame, bolijahanime mogo nalë tëbo namotomame. Na wali bolijaya mata bubë nëbaleme kë fene, melë mototomame. Na wali nëbale bubë botaname bolijayaname wame molomame na wame home melëkei melëmame, mogo nalë tëbo namotomame.

¹³ Sobo bome lowene sle eglëtëname nëgëme, iniwa oneho some këme gëglë mëgletëyome. Kwe ho bome fwa esogo lëglënënëna na bubë gli olë nëgëna, bome mana esogo lëglënënëna, Goto bume no lëglëleme."

Tëbo wesibimu fata lëgleme

¹⁴ Na Jisas ita gali tlome, "Tokwafe sobo mehwi egelome, afehi life mëta home tëbo logotomebë wesibi fata lëgleme. Ho ebë gali hwi loglolena, lowene sle salëletle. Na kë olëna, oneho Judia lifate mëta kë tafa mëglabë, bu fatinina tabo elë matlebouja.

¹⁵ Na ho lo sehati mëta lëtabena, bu lowa bubë wesibi glome asa malëkaklu. Weye. Lëglëbouwa malële.

¹⁶ Na ho nuju mëta lëtabena, bubë lowa ëho glome asa maluju. Matëbe. Lëglëbouwa malële.

¹⁷ One, kë olëna, nëbale imonabë na one nëbale kolëbo nabë, bo bume tako maninibo nanëletemëmu. Masiwafe, bu habëna mëglënëboujamene?

¹⁸ Sobo Gotome këme gali eglolome, haliji tu olëna kë wesibi fata jwa nalëgleme.

¹⁹ Kë tëbo olëna tëbo tafamu lëgëbeme. Këha hobota ëtani hana fata tletëme. Ètanimu, Goto iniwa wesibi blëge totomebë olëna, këha tëbo wesibi hana tëbe. Na ëje mata, këha tëbo wesibi hana lëbe. Na tokwafe këha tëbo wesibi hana lëgëbeme.

²⁰ Goto bu kë tëbo olë lëkle jwa logotlebë kwe iniwa oneho tëbo miglitayame fene. Goto fli onehome melowene latletëme, 'Bo ebë onehome waaniji tlomë, bu bobëmufe.' Na bu kë onehome maninibo tëgletëmeme nëgëme na bu kë tëbo olë këme lëkle totle.

²¹ Kē tēbo olēna, ho some megali lēglēyona, ‘Hwi elo, Goto onehome nēnome kē aniji toglolebē ho, ekē lētabe,’ o bu megali lēglēyona, ‘Hwi elo bu ekē tafa lule,’ sobo bubē gali asa aholokwane elolo.

²² Fli ho migisiyana sogēname megali mēglame, ‘Bo ekē, Goto onehome nēnome kē aniji toglolebē ho.’ Na fli ho mata sogēname megali mēglame, ‘Bo Gotobē gali nēgehilēbē ho, bo ekē.’ Na bu Gotobē afutuku fenene, klelegowa wesibi melē blēge motometēmame. Oneho bu meweniji namēglame, ‘Kē enēne Gotobē life mago enēnefe.’ Na bu feilawa onehome sosogēna mlagumame na metole lamēta, Goto bu kē aniji toglomebē onehome mata, sosogēna mlagumame fene.

²³ Kēme nēgame, ululu sle saelo. Bo some iniwa wesibi, unina mefata mēglebēme, wagali nēlēyo.”

Unina Gotobē life mago ho ligisime

²⁴ Na Jisas ita gali tle, “Kē tēbo olē yawe lēkakeme na mana kliji yemena u jwa mēgleme.

²⁵ Na sēgetoba matafa mago luklu mēleme na mitigome. Na iniwa matafa mago wesibina lili mēleme na tēbo mēleme.

²⁶ Na kwe, bo, Gotobē life mago ho, bo oloba nagi netujulēme. Na bobē tako lolokwēnena, na tako kliji elulego fenene kēhana iniwa nigisime.

²⁷ Na kē olēna, bobē enselme jine nēbelēkakēmēme. Na Goto kē aniji loglomebē onehome loloko mētagujayame. Na Gotobē onehome iniwa life mago nēno mokoujame. Matafana, lifena kēme tou mēglebē mago.”

Sobo binibwe time lowene sle egletemome

²⁸ Jisas ita gali tle, “Sobo binibwe time lowene sle egletemome. Bubē laba luklu lēglena na tahweji foke lēglena sobo kēme lowene elome, ‘Ebē wanagli tei fe.’

²⁹ Kē fenene. Sobo kē tēbo olē hwi eglolona, sobo melowene naegletelome, ‘Bo nigisibē olē nounoumu lalēle.’

³⁰ Bo some nēgali nanēlēyo, fli oneho bu ebē olēna kē tafa mēglabē, bu mana mētabēyame na kē iniwa tēbo wesibi mana fata mēgleme.

³¹ Lifena matafana tēbo mēgleme, kwe bobē anebo gali unaunalēme melē lēgēbekēfeme.”

Ho liha bo kēna nigisibē olē lowene hana lēletle

³² Jisas bu ita gali tle, “Ho liha bo kēna nigisibē olē, lowene hana lēletle. Heven life mago ensel mata lowene hana mletla. Na bo, bubē bowene, mata lowene hana nēletelē. Aya buwa lowene lēletle.

³³ Bobē nigisibē olē, sobo lowene hana etelome nēgame. Kēme nēgame sobo ululu sle saelo na walena satafa elo.

³⁴ Bo nuguwibē na ita nigisibē, ebē ho bubē lo kile lēglebē fenene na li lifewa lujū. Bu bubē mēta kē wege mēglekefēyabē home afina gali tlome, ‘Bobē wesibi sahwi elokwefēmetēna.’ Na bu wege bwa bwa tlēwagume. Na bubē lo mēta kē sei lēglēkefēbē home gali tlote, ‘Bo nigisibē olēme, ju walena satafa ele.’

³⁵ Na sobo mata mehwi eglētēname, kē ho fene hwi lēle. Bo lo bolijayaha ho. Na sobo bobē nigisi olēme lowene hana elo. Bo fole olēna nigisimenawa o olobalē nigisimenawa o taboklē nigisimenawa o klabē kuna nigisimenawa. Sobo kē olē lowene hana eteloto.

³⁶ Bo hokweinawa nigrisina, na bo some nina hwi noglokwakijona, kwe kë lale nane? Weye. Kë tëbomu.

³⁷ Ebë gali, kë gali noglëyobë, bo iniwa onehome gali nolomë. Sobo sagli elolome na mana walena satafa elo.”

14

Lotu letitabo ho, gali fa mototla, Jisame mogo nalë tëkle namogotlame

¹ Tële olë mana mëtebokwe na Israelbë afenëbobë tako lotu olë mana folokoke tëmeme. Israelbë afenëbo bu kë olëna, Goto ëtani bolijafujunime këna tëgaitamebë olë na Isip lifate këna kile mëtëglabë olë, lowene mëtëlekefëftla. Na li lotu olë, bu sëse wesibina afulu jwa mëglabë bletë nage hi mëtëlekefëya. Na lotu eso enëne na Gotobë tafa sle gali lowene sle mëgletlabë enëne bu kë olëna blalo gëgali mëtla, “Sebo Jisame hwelutuwa habëna fa nogotlamene na mogo nalë tëkle notlame.

² Sebo kë wesibi, Juda life onehobë tako lotu olëna asa manotla. Sebo tako lotu olëna melë nëglana kwe oneho tako wame huju mogotlame.”

Mëse li, lëkaluwa tu Jisabë eso mëta wë eotatle

³ Jisas bu Saimonbë lo mëta tafa tle, Betani life mëta. Ètani, Saimonbë ato juba jubawa tëgëbetlena na Jisas sle totle. Na Jisas bu masei li mëta tafa tle. Na mëse li mana tisi. Na bu lale lëkaluwa tu aniji botolona tehitle. Kë tubë baliti feilawamu. Na bu kë botolobë ëfo tika totle na lëkaluwa tu Jisabë eso mëta wë totatle.

⁴ Kwe fli ho kë tafa mëtlabë, bu hwi motlola na witi mëtla, na blalo gëgali mëtla, “Bu kë lale lëkaluwa tu blawa fëyeme wë etatlene?

⁵ Sebo kë lëkaluwa tu li hona balitina hihijikame nëglëlana kwe sebo 300 baliti këniji glo nëglame na kë baliti, baliti jwa home nëlëmame.” Na bu kë mëseme wame gali motlëya.

⁶ Na kwe Jisas gali tlome, “Matëbe. Bume asa gali elëyo. Bume fëyeme wame gali elëyone? Bu bome slemu latanëyo.

⁷ Baliti jwa enëne, sobona unaunalëme tafa eglekefome. Na sobo agaitamome tole egletemona, lalowa egaitamome. Bo kwe sobona unaunalëme hana tafa nëglame. Bo sobona tafa jwa nëglana habëna egaitanamene, ebë mëse ëje fene aitanë?

⁸ Ebë mëse wesibi melë kë egëtatënëbë këwa melë tei etle. Bu melë, bu lëkaluwa tu bobë eso mëta wë eotatenë na bobë ato kë tuna matëmatëme nëgëbëbëme sagli elëtenë. Bo some nëgalimu nanëlëyo.

⁹ Bu tokwafë iniwa life, Gotobë lale gali të mëtagulana, kwe bu mëse kë wë tëtatlëbë galime të namëtakefëtëyame na bu këme lowene namëgletëyame.”

Judas lotu eso home gali sle tëtatëme, “Bo some Jisame yo noglëyome”

¹⁰ Kë nalëwa, Judas Iskariot, bu lotu eso home tujutëme na gali tujuwelëme, “Bo tokwafë Jisame yo noglëyome.” Judas bu we ita telë Jisabë lowene esogo mëglelëtlabë ho, bu mago li.

¹¹ Na lotu eso ho bu kë gali aholokwane mëtla na maninibona sle memëtla. Na bume gali sle motlola, “Sebo jume baliti nëglëyome.”

Jisas bubë lowene esogo mëglelëtlabë hona hi mëtla

¹² Na sëse wesibina afulu jwa mëglabë bletë nage kë hi mëtëlekefëyabë olë wafolokoke. Kë olëna bu afeku sipsip kleli tëtëkle mëtëtakefëya na hi hi mëtla. Goto bubë bolijafujunime kë taitamebë olëbë lowene namëgletlame

nëgeme, bu sipsip kleli këme tètëkle mëtëtakefëya. Na Jisasbë lowene esogo mëglelëtlabë ho, bume gali motlola, “Sebo kë tako hi wesibi fëye lo mëta sle nogotomamene, Goto sebobë afuninome kë tégaitamebë olë lowene nanëgletlame?”

13 Na Jisas bubë lowene esogo mëglelëtlabë ho tlemalëme jine tlëme na gali tlome, “Sobo lifate takowa eyeumo. Na tu kë lëgehulebë ho some alëgeme esune lëglëyome. Sobo bume nagi elëkaklome.

14 Bu lowa lëkakluna, sobo mata saekakujo na kë lo bolijaya home megali elujololome, “Tisa bu megali lalële, “Hi lo hametane? Na bo na bobë lowene esogo mëtlelëtë nabë hona kë hi lo mëta, sipsip kleli hi nanëglelëmëme, Goto bu sebobë afuninome kë taitamebë olë lowene nanëgletlame.”

15 Na kwe bu some nogowelë kë logobebë lo lebotane lëgëtatëyome. Kë lo bu maseina, tafa labuna, na bu këna iniwa wasle totome. Na sobo kë hi lo mëta sebobë hi wesibi sle etomome.”

16 Na kwe kë lowene esogo mëtlelëtëlobë ho mëtëyeu. Na bu lifate takowa fwa mutulo, na bu iniwa wesibi hwi motlomo, Jisas fene gali tlome. Na bu hi wesibi sle mutujetomo. Na bu Jisas belë ita mëtëyeu.

17 Na taboklë, Jisas bubë we ita tële lowene esogo mëglelëtlabë home tlesume.

18 Na bu masei labu li mëta tafa motokouja. Na mana hi motokouja na Jisas mana gali tlome, “Bo some nëgalimu nanëlëyo, ho li, sobona kë tafa egelobë, bome wame home yo loglomeme. Kë ho bu bona ekë hi nelo.”

19 Na bubë lowene esogo mëglelëtlabë ho këbë gali yafe aholokwane motlola na kwe bubë lowene mëta sle hana tletëme na witina tafa mëtla. Na jowa jowa ho bume takune motlola, “Ju bomeha gali elene?”

20 Na Jisas gali tlome, “Kë ho bu sobo we ita tële hobë ku mëta kë lëtabetëyo. Kë ho bu bona weife hi nelo. Bo buna bletë nage, hi wesibi tu mëta weife fuflu notomo.

21 Ètani, bu Gotobë bogo mëta meyahi lamëtla, ‘Gotobë life mago ho, bu gli lëgleme.’ Na bo, Gotobë life mago ho, bo gli nëgelëme ekë, Gotobë bogo fene gali tla. Masiwafe, bome, Gotobë life mago home, wame home kë yo loglënëbë ho, bo bume tako maninibomu nanëlelelëfe. Tokwafe bu tëbo liglitamemu. Bota kë home fata jwa egotlebë kwe ebë lalowamu.”

Jisas bu bletë nage na wain taba liji tu bubë lowene esogo mëglelëtlabë home tlëme

22 Bu mana hi motokouja na Jisas bletë nage fa totle, na Gotome fleflesu gali tlole, na fufu totle na bubë lowene esogo mëglelëtlabë home satëtagutëme. Na gali tlome, “Sobo hi elo, ebë bobë ato.”

23 Na bu wain taba liji tuna kabo fa tëtätëme na Gotome lale galimu tlole, na mana tlëme. Na iniwa kë kabo mago hi motokouja.

24 Na Jisas gali tlome, “Ebë bobë wino. Bobë wino kë lugujubë, feilawa onehome lëgaitame nalëgleme. Bobë wino kë lugujubë këme lëlekuju tle, Gotobë gali nëgali galimufe na Goto bu melë lëgleme bu ètani fene gali sle tle.

25 Bo some nëgalimu nanëlëyo, bo wain taba liji tu eli hana hi nëgelëme. Kwe tokwafe, Goto bu onehobë eso home kë tafa lëgletëmebë life mëta fwa, bo tiho wain taba liji tu mana hi nëgelëme.”

26 Na kwe bu Gotobë fleflesu sawa jowa fë mëtëtaya, na bu lifate tako kile mëtla na Oliv ti fatiniwa mutuja.

Jisas megali latle, “Pita bu bome kë lowene lëgletënebë lowenebëme able lëgleme”

²⁷ Jisas bubë lowene esogo mëglelëtlabë home megali latlome, “Sobo tokwafe bome ulime kile egëtaname. Goto, bubë bogo mëta megali tëgleme nêgeme, ‘Bo sipsip kleli lëglëme home mogo nalë tēbo nogotlëme na sipsip kleli ulime mëglënboume.’

²⁸ Kwe bo gli nelëme na huju nelëme na bo afina some Galili provinswa noutatëyome.”

²⁹ Pita bume gali tole, “Kë enëne jume kile mëgëtona, kwe bo jume hana kile nêgëtëmemu. Hanane mu.”

³⁰ Na Jisas bume megali latlole, “Bo jume nêgali gali gali nolë, eli klabë, kakalo tëlafe huju jwa lëglëna, ju bome kë lowene egletenëbë lowenebëme aowafe able eglomeme.”

³¹ Kwe Pita Jisasme anisasana gali tole, “Bo juna ko nêgelona, bo jume kë lowene nêgletëbë lowenebëme hana able nêgelëme. Hanane mu.” Na bubë iniwa lowene esogo mëglelëtlabë ho mata megali motokouja, Pita fene gali tle.

Jisas bu Getsemani nuju mëta Gotome gëgali tlelële

³² Jisas bubë lowene esogo mëglelëtlabë hona nujuwa fwa mutula. Kë nujubë weniji Getsemani. Na Jisas bume gali tole, “Sobo emëta tafa elo. Bo Gotome gëgali nanëglëlële.”

³³ Na bu Pita, Jems, Jonname tlelume. Na bubë lowene mëta tako hobota fata tletle na tutune tle.

³⁴ Na bume gali tole, “Bo tako hobota nanëlëyo. Kë tako hobota lowenebë bome tako boblo laletanë. Sobo ni asa ebo, emëta hwina tafa elo.”

³⁵ Na sogë fewa təkake. Na life mëta latitigowa na Gotome gëgali tlelële. Bu metole latle, ebë enisusu na tēbo wesibi bume kë migisitlebë, bume sigli namogotleme fene.

³⁶ Na bu Gotome megëgali latlelële, “O aya. Ju iniwa wesibi melë lalowa egotomeme. Na bo metole nanelë, ju ebë tēbo wesibi bome kë migisitenëbë, bo mago sike ekaketenë, na bome migisitenë jwa namëgleme. Kwe ju bobë tole asa esogo elëlëtenë. Weye. Matëbo. Jubë tolewa esogo eglelëleme.”

³⁷ Na Jisas bubë lowene esogo mëglelëtlabë ho aomalë betelë tujutëme. Na bume nina hwi tleme. Na Saimon Pitame takune tole, “Pita, ju fëyeme ni ebene? Ju tako tafa hana ele na hokweinawa fëyeme ni ebene?”

³⁸ Sobo ni asa ebo. Tafawa elome na Gotome gëgali elëlëlome. Satan some su lëgëtolime, sobo tēbo lowene esogo jwa naeglelëlome. Sobobë lowene lalowa lëbeteyo kwe sobobë ato mogowa lëbetëyo.”

³⁹ Na Jisas bu ita tuju na bu Gotome ita gëgali tlelële, otome fene gëgali tlelële.

⁴⁰ Na bubë lowene esogo mëglelëtlabë hobëtelë ita tisitëme, na bume nina hwi tlokwakime, bu tako nilafalemu memëtla. Na Jisas bume huhuju totome, na bume tiniji na hwë memëtletla na lowene mëtla, “Habë gali noglolamene?” Bu ni mëtëbeyame nêgeme. Na Jisasme hwiwa motlola.

⁴¹ Tokwafe Jisas aowafeme tisitëme. Na bubë lowene esogo mëglelëtlabë home gali tole, “Sobo itaita fëyeme ni ebekefone? Tatei! Bo, Gotobë life mago ho, bu bome tēbo lowene esogo mëglelëlabë home yo loglomebë olë, ekë folokoke.

⁴² Hwi elo. Bome yo loglomebë ho ekë fata lële. Sobo huhuju elo na bu belë nuguja nanëglame.”

Judas Jisasme wame home yo tole

43 Jisas mana gëgali tle na Judas mana tujutëme. Judas, ebë Jisasbë lowene esogo lëglelëtlebë ho li. Jisasbë lowene esogo mëglelëtlabë ho kënjiji, we ita tële. Na feilawa ho Judasna mitisiya. Na bu kosina, atobeilana mëtehweija. Na lotu lo mëta wege mëglabë eso enëne na Gotobë tafa sle gali lowene sle mëgletlabë ho na lotu letitabo ho, bume jine mëtelëkakëma.

44 Èbame, Jisasme yo gali kë loglomebë ho, bume megali latlome, “Bo tokwafe some melë lëlekujju nëgletëyome. Bo ahino mëta momotlë notlëme na sobo mehwi elome kë ho, ebë Jisas. Sobo kë home fa etlome na kiki sle etlome na elelulome.”

45 Na ebë olë Judas tisi, na Jisas belë hokweinawa tujutle, na gali tlole, “O Tisa.” Na bume ahino momotlë tletle.

46 Na bu Jisasme fa mototla na kiki mototla.

47 Kwe li ho, kë mëta kë tiglibebë, bu Gotobë lo mëta wege mëglabë eso hobë, wege hobë aholo kosina sika metëtatlë. Na aholo life mëta latitigotlewa.

48 Na Jisas bume gali tlome, “Sobo kosina atobeilana bome fame fëyeme esijone, tokli home fame fene mutujutla?”

49 Iniwa olë, bo tako lotu lo mëta kë tafa tëglekëfëbë na onehome gali kë të tëgëtakefëtemëbë, sobo bome mana fa tëtana jwa fëyemene? Kwe matëbe. Gotobë bogo mago gali metëgëbetenë watle, kë nëgali galimu lëgëbeme.”

50 Na Jisasbë lowene esogo mëglelëtlabë ho iniwa ulime lamëtlënëboujawa.

Falake ho latlëboukakuwa

51 Na falake ho, tatiwa lablab ëhowa kë sabu togotlebë, Jisasme nagi esogo tlagile. Na bume yafe fa mototla,

52 kwe bu kë tatiwa ëhowa kile tëkake na flatabowa latlëboukakuwa.

Jisasme hobë gali aholokwane mëglabë letitabo home tetahë mëtlëma

53 Jisasme kë fa mototlabë ho, lotu lo mëta wege mëglabë enënebë eso hobë lowa mëtlelula. Na lotu lo mëta wege mëglabë eso enëne, na letitabo enëne, na Gotobë tafa sle gali lowene sle mëgletlabë enëne, iniwa loko mëtlelëya.

54 Na Pita, Jisasme nagi nagiwa esogo tlagule. Na bu lotu lo mëta wege mëglabë hobë eso hobë lo li mago lëglesli elë tëkaklu. Na bu lo mëta kë sei moglokweflabë hona tafa mëtla na ahojume satle.

55 Lotu lo mëta wege mëglabë eso enënena hobë gali aholokwane mëglabë letitabo ho, fli onehome, gali tuku mëtletëma, “Sobo Jisasbë tëbo lowene hwi eglotelona, kwe sobo esijome na kë galibë të etatëname.” Bu metole lamëtla, Jisasme so mëtatlame na bume mogo nalë tëkle namogotlame. Kwe oneho bu gali të sle hana mëtëtatla.

56 Feilawa ho bume sogëna gali so mëtëtatëma, kwe bubë gali bwa bwa lowene mëta tëtetëme na jowa lowene mëta hana tëtetëme.

57 Na fli ho bu Jisasme gali meso mëtëtatla,

58 “Sebo waaholokwane tlola, bu megali latle, ‘Bo ebë tako lotu lo, ho tobana kë gliji mëtlabë, yayeri nogotlëme. Na bo aona olënawa li gliji nëgelëme, kwe bo tobana hana gliji nëgelëme.’”

59 Kwe kë gali bu kë gëgali mëtlabë, bu mata bwa bwa lowene mëta gëgali mëtla na jowa lowene mëta fwa hana gali mëtla.

60 Na lotu lo mëta wege mëglabë enënebë eso ho, bu hobë gali aholokwane mëglabë letitabo hobë li mëta tlibe na Jisasme takune tlole, “Kë enëne jume so namëtätëyo. Ju bume kofaya gali gali eglome jwa fëyemene?”

61 Kwe Jisas mogweliha latiglibewa na bume gali hana tafu tëtätëme.

Na lotu lo mēta wege mēglabē enēnebē eso ho bume gali tlole, “Ju ebē ho kē nēgebēne, Goto jume kē aniji toglēbē, onehome nēno naeglemene? Ju kē hone? Ju lale Gotobē nēbane?”

⁶² Na Jisas gali tlole, “Bo ta kē hofe. Na tokwafe, sobo mehwi egloname, bo, Gotobē life mago ho, bo tako kalēlegona Gotobē tobamu toba elē tafa nēglēme. Na bo heven life mago oloba nagi nēgetujulēme.”

⁶³ Na lotu lo mēta wege mēglabē enēnebē eso ho bu Jisasbē gali aholokwane tlole, na bubē ato mago ēho kaka totle, bu Jisasbē galime hobota tēgletleme nēgēme. Na bu gali tle, “Sebo fli enēneme hana gali noglomame, seme kē hobē tēbo loweneme gēgali namēglame. Weye. Matēbemū.

⁶⁴ Sobo bubē gali waaholokwane tlole, bu megali latle, ‘Bo Goto fenene.’ Kē gali tēbomū. Bu Gotome tēbo gali latlole. Na sobo habelē lowene lalone, sebo habelē nogotlamene?” Na iniwa anisasana jiyakle mētla, “Bu tēbo lowenena ho, gli malēle.”

⁶⁵ Na fli ho bume nagutabana kokose mētlēla. Na bubē naba ēhona lamu motometla na bume mana tēkle mototla na takune motlola, “Ju iniwa wesibi lowene egletēmena kwe ju seme gali elona, jume ya tēkle lētane?” Na lo mēta kē sei mēglēkflabē ho bume mata tēkle mototla.

Pita bu Jisasmē kē lowene lēgletlēbē loweneme aowafe able lēgleme

⁶⁶ Pita lo li mago lēglesī tabo lifeku mēta mana tlibe. Na lotu lo mēta wege mēglabē enēnebē eso hobē wege mēse tisi.

⁶⁷ Na bu Pitame hwi tlole, ahøjume sa tle. Na kē wege mēse bume hwi sle tlole, na gali tlole, “Ju mata, Nasaret life mago Jisasma, kē tafa tēgelobē ho li.”

⁶⁸ Kwe Pita bu able tle, “Ju kē gali eglēbē gali ho lowene hana nēletelē. Hanane mu.” Na bu ino ēfo elē tuju na ino ēfo mago lēglesī mēta mana telutabe. Na hokweinawa kakalo huju tle.

⁶⁹ Na kē wege mēse bume ita hwi tlole na bu kē tafa mēglabē home gali tlole, “Ebē ho kē nēgebē, buna kē asē mētēglabē ho li ekēyo.”

⁷⁰ Kwe bu ita able tle, “Hanane mu.”

Na Pita sogē tētelēkakawatle, na buna kē mitlijabē ho Pitame gali motlola, “Nēgali mu. Ju buna kē asē tēgelobē ho li ta ekē. Ju mata Galili provins mago ho nēgēme.”

⁷¹ Na Pita bu anisanamu gali tlole na kakēne tletēme, “Iyemanemu! Bo kē home lowene hana nēletelēmu. Hanane mu. Bo nēgali gali hana nēgelēna na Goto bu bome tēbo lēgētānēna kwe tēbo malētānē.”

⁷² Bu wagali tle, na kakalo mana huju tle. Na Pita, Jisas kē gali toglolebē gali ita lowene tletle, “Eli klabē, kakalo tēlāfe huju jwa lēglēna, ju bome kē lowene egletēnēbē loweneme aowafe able egglomeme.” Na Pita kē gali ita lowene tletle na bu wabelē tle na tako yemu kletotle.

15

Bu Jisasmē eso ho Pailat belē mētlelula

¹ Olobalēwamu, lotu eso enēne, na lotu letitabo ho, na Gotobē tafa sle gali lowene sle mēgletlabē ho, na hobē gali aholokwane mēglabē letitabo ho, bu iniwa loko motokweija na blalo gali sle mototla wesibi mogotlabēme, “Sebo habelē nēglamene?” Bu gali wasle mototla na Jisasmē tabana lei mototla na eso ho Pailat belē mētlelula.

² Na Pailat Jisasmē takune tlole, “Ju Juda enēnebē tako eso hone?” Na Jisas tafu tētlatle, “Nakwefēyemene. Ju fene gali ele.”

³ Na lotu eso ho Jisasme lebutako gali so mētētatla.

⁴ Na Pailat bume ita gali tlole, “Bu feilawa gali jume so mētātēyo, na ju gali tafujwa fēyeme etatēmene?”

⁵ Kwe Jisas gali tafu hana tētatle, bu mogweliha tētabe. Na Pailat bu kēme tutune tle.

Pailat gali tle, “Jisasbē ato nilina ti mēta bu eletelo”

⁶ Jowa jowa tlibutuna, bubē tako lotu olēna, oneho kalabusu lo mago hobē weniji fēfē mototokwefēma na Pailat bu kē hobē weniji aholokwane lēletle na kē home kalabusu lo mago jine lelēkakētēme.

⁷ Ebē olēna, li ho bu kalabusu lo mēta tafa tle. Bubē weniji Barabas. Ēbame Barabasma fli hona, bu gavman enēneme tako wame motloma na ho flime mogo nalē tētēkle mototoma. Na gavman enēne bu kē home kalabusu lowa sike mēta.

⁸ Na oneho Pailatme mitisitla na gali motlola, “Ju seme jowa kalabusu lo mago home jine elētēna, ju seme ēbame ho li kalabusu lo mago fene jine tlētēna.”

⁹ Na Pailat bume takune tlome, “Sobo metole lalone? Bo some, Juda life mago onehobē eso ho, Jisasme, kalabusu lo mago jine nēglētēyomene?”

¹⁰ Pailat bu megali fēyeme lēlene? Bu melowene lēgleme nēgeme. “Lotu lo mēta wege mēglabē eso enēne bu Jisasme tēbojiwamu lamletla na bu bo mēta kēme melesula.”

¹¹ Kwe lotu lo mēta wege mēglabē eso enēne, bu onehome anisasana gali tlome, “Sobo Pailatme, gali elēlo, ‘Jisas matēbo. Barabasma fwa kalabusu lo mago jine elobakētēna.’”

¹² Na Pailat bume metakune tlome, “Kē ho, sobo mēfē kē egotlobē, ‘Israelbē afenēbonibē eso ho,’ bo bume habelē nogotlēmene?”

¹³ Na bu feilawa anisasana jiyakle memētletlēla, “Bume ti mēta nilina bu elo.”

¹⁴ Kwe Pailat takune tlome, “Sobo fēyeme gali elone? Bu fēye tēbo wesibi fa totlene? Bu fēye tlene?” Kwe bu feilawa anisasana jiyakle memētletlēla, “Bume ti mēta nilina bu elo.”

¹⁵ Pailat bu melēme tole tle, oneho bume fleflesu namēgletlame nēgeme, na bu Barabasma kalabusu lo mago kēme jine tletēme. Na bu fli home gali tlome, “Sobo Jisasme taba afona feilawa lēlafa etlome.” Na bu Jisasme taba afona feilawa lēlafa mototla. Na tokwafe bu Jisasme wame home boblo mogotomabē enēneme tlēme, bume ti mēta nilina bu namēglame.

Wame home boblo mogotomabē enēne Jisasme tiniji galina memotlola na bume sasonatlē memototla

¹⁶ Fli wame home boblo mogotomabē enēne, bu Jisasme eso hobē tako lowa mētletlēkakula, na bu fli wame home boblo mogotomabē enēneme gali mētletelokwakēma. Na bu iniwa mitisiya.

¹⁷ Na bu Jisasme winowa ēho mētehwatla, eso hoha nafata lēgleme. Na bu analēbana taba glo mēta, na eso hobē eso afeteniha hwatē mētletla, na bubē eso mēta gelo mētētatla.

¹⁸ Na bu tiniji galina gali motlola, “O Israelbē afenēbonibē eso ho, lalelobalē?”

¹⁹ Na bubē eso elēme atobeilana tēke motlola na bume nagutabana kokose mētletla. Na bu Jisasbē elebo li mēta bubusu mētletla, eso home fene bubusu mletla.

²⁰ Bu Jisasme këbë iniwa tiniji galina wafi gali motlola. Na bu kë winowa êho tika mêtêtatla na bubë êhому gelo mêtêtatla. Na bume mêtletlula, bume ti mêtâ nilina bu namëglame.

Bu Jisasbë ato ti mêtâ nilina bu mêtla

²¹ Bu Jisasme mêtletlula na li ho, bubë weniji Saimon, Sairini lifate mago ho, bu li lifate mago tisi na lifate takowa tuju. Kwe wame home boblo mogotomabë enëne bume alëgeme esune mêtîlêla na enisusuna gali motlola, “Se! Ju Jisasbë ti mana ehule.” Na bu mana tehule. Saimon bu Aleksandernabë, Rufusnabë bolijaya.

²² Na bu Jisasme Golgota lifekuwa mitilekola. Golgota weniji bu ebëha gali fenene, “Hobë eso eleboha life.”

²³ Na bu Jisasme wain taba liji tu, malasini na sago, yafe fwei mêtîlêla, tako elili fa jwa nalogotleme fene. Kwe bu yo latletême na hana hi tle.

²⁴ Na kwe, wame home boblo mogotomabë enëne bu Jisasme ti mêtâ nilina bu mêtla. Na bubë ato mago êho melêna sa mêtêtaya. Bu satu salë mêtla na ho mana aniji motloma jowa jowa wesibi glo namëglabëme.

²⁵ Olobalë, kljina, bu Jisasme ti mêtâ nilina bu mêtla.

²⁶ Na bu ti katabo, eso matawa elë fla mêtêtatla. Na bume kë so mêtêtatlabë gali, kë mêtâ yahi mêtla. Bu meyahi lamêtla, “Juda lifate magobë eso ho.”

²⁷⁻²⁸ Na bu Jisasbë ti li mêtâ, tlemalë tokli home ti mêtâ bu mêtla. Lime tobamu elë lë mototla na lime yemane toba elë lë mototla.*

²⁹ Na lifate mago kë mitisiya, mutujabë oneho, bubë eso luluju mototoma na Jisasme sostonatîlêlê memototla, “Te, ju êbame megali latle, ‘Bo ebë tako lotu lo yayeri notlême na aona olênawa li gliji nelême.’”

³⁰ Te, ju këha afutukuna ho kwe ju eli jubë ato mana aitale na kë ti mago kle etëkekeme.”

³¹ Na lotu lo mêtâ wege mëglabë eso enëne na Gotobë tafa sle gali lowene sle mëgletlabë ho bu mata Jisasme têtane lamêtêbetla na blalo gëgali mêtla, “Bu fli home taitame na kwe bubë ato lëgaitale hana lëgleme.

³² Kë ho bu êtani megali latle, ‘Bo kë ho kë nëgebë, Goto bome kë aniji toglonëbë ho, onehome nëno nanëgelême.’ Na bu mata megali latle, ‘Bo Israel life mago onehobë eso ho.’ Te, sebo kë home nabana mehwi noglolana, ti mago kle loleme, kwe sebo mana bume lowene sle nanëletlame.” Na ebë tlemalë tokli ho, Jisasbë li mêtâ ti mêtâ kë bu mêtlabë, bu mata, Jisasme tiniji galina gali motlolo.

Jisas gli tle

³³ Klji kuna, kwe klabëha ki têtetême. Na kë tëgemolebëë na taboklê kljina ita fetiha têtetême.

³⁴ Na taboklê, kljina Jisas anisasana we tole, “Eloi, Eloi, lama sabaktani!” Kë galibë ebëha gali fenene, “Bobë Goto, bobë Goto, ju bome fëyeme kile etanêne?”

³⁵ Fli ho, lolime kë tafa mêtlabë, bu kë we lego aholokwane motlola na gali mêtla, “Aholokwane elo. Elaijame we lolole.”

³⁶ Na li ho fëka tlagutle, na bu sufa iniluha wesibi, wain taba liji tu mêtâ flu têtatle na klenëba mêtâ lei têtatle. Na këna Jisasme mana fwei telokwakle,

* **15:27-28** Fli lowene ho bu melowene lamêtla, li gali mana lëbe kë gali mêtâ. Kë gali melë lëgëbelalêle, Gotobë bogo mêtâ kë lëgëbebë gali bu olafamu këme tēbe. Kë gali melë lëgëbelalêle, “Oneho bume mehwi lamotlola, tēbo ho fenene.”

wain taba liji tu slo nalëgleme. Na bu gali tle, “Awiya, sebo hwi nolola, bale Elaija bu ligisina na kle lëtleleëbakleme nawa o hanane.”

³⁷ Na Jisas feilawa aflei tle na lagliwa tle.

³⁸ Na kë tako ëho, bu tako lotu lo ino ëfo mëta këkesi tëglebë, lakawa tëmalita kufe lokwati.

³⁹ Na wame home boblo mogotomabë enënebë eso ho, bu Jisasbë li mëta tlibe. Bu Jisasbë aflei lego aholokwane tle na kë gli tëglebë hwi tlole na gali tle, “Euowe, nëgali fe, bu Gotobë nëbafë.”

⁴⁰ Na aomalë one bu kakëha mëtelubokwëya na hwi mëtelokwakëma. Li mësebëye, buna tafa mëtla, bubë weniji Maria, Makdala lifate mago. Na li mata, bubë weniji Maria, Jems tokwëfo nabë, Josep nabë bota, na li mësebë weniji Salome.

⁴¹ Èbame Jisas Galili provins mëta tafa tëglena, kë aomalë one bume nagi esogo esogo mëtlelela na mana mëtaitekefla. Na fli lebutako one mata, kë mëta kë mitlijabë bu iniwa Jisasna Jerusalem lifatewa mitisiya.

Bu Jisas mogome aniji fuluju mëta gwa mototla

⁴²⁻⁴³ Na taboklë, Arimatea life mago Josep, tisi. Bu hobë gali aholokwane mëglabë letitabo ho li. Bu lale homu. Bu mata, Goto iniwa onëhobë eso ho kë tafa lëgletëmebë olë hwi loglalebëme hwi lalëlekëfe. Ebë olë ebë Fraide, wesibi sle mototokwefëmbë olë. Uniji ebë bubë tafawa mëgla olë nëgeme, na bu kë olëye wesibi hana sle motomame. Na Josep bu eso ho Pailat belë tujutle. Bu bume uli hana tletle. Na takune tlole, “Bo Jisas mogome ti mago lalowa tohwa nogotlëmene o hanane?”

⁴⁴ Na Pailat bu kelego latle na melowene latle, “Bu waglinawa.” Na bu wame home boblo mogotomabë enënebë eso home gali tujuwelële, ligisinalëgleme. Na bu belë tisi na Pailat bume takune tlole, “Jisas wagli lëlene o mana hwi lëtane?”

⁴⁵ Na kë ho bume gali tlole, “Nëgalimu. Wagli lële.” Bu kë gali aholokwane tle na Josepme gali tlole, “Ju Jisas mogome lalowa tohwa etle.”

⁴⁶ Na kwe Josep bu lale tatiwa ëho heletabo, balitina fa tëtatile na bu Jisas mogome kë ëhona lalei totle. Na bu mogo tehule na aniji fuluju matëmatë mëta gwa telujuwetle. Ho bu kë aniji fuluju tobana go mëtleleëya. Na Josep aniji tako obobwelë tëtagiji na kë aniji fuluju ëfo tiji tletle.

⁴⁷ Na Makdala life mago Maria, na li Maria, Josep bota, bu lolime tafa mëtelo. Na bu Jisas mogome këme gwa togotlebë aniji fuluju hwi mëtlëyo.

16

Jisas bu matëmatë mago lahujuwa tle

¹ Tafawa olë yawe tle, na Makdala life mago Maria, na li Maria, Jems bota, na Salome, bu lëkaluwa welë tu, balitina glo mëtla, Jisas mogome këna tefo namogotlame.

² Na Sande, olobalëmu, bu aniji fuluju matëmatëwa mutuja.

³ Bu mutujabë, na alëgeme blalo gëgali mëtla, “Seme ya lëgaitanamene, kë tako aniji, matëmatë fuluju ëfo mago obwelë nanëgëtayame.”

⁴ Kwe bu mitisiya na lolime mitlija na hwi mëtëkakaka, “Aniji, matëmatë ëfo mëta hana ebamëfe. Kë aniji waobobwelë mëtagujayafe.” Kë aniji tako anijimu.

⁵ Na bu kë aniji fuluju matëmatë elë mëtëkakluja. Na bu falake home, tobamu elë kë tafa tëglebë, hwi mëtelëjuwelëla. Bubë ëho heletabo na

tatiwamu. Bu kë home hwi motlola na klelego memëtletla, na ulina memëtletla.

⁶ Na bume gali tlome, “Sobo klelego asa elo. Bo walowene nelë, sobo Nasaret life mago Jisame hohwi etatelo, ti mëta kë bu mëtlabë home hohwi etatelo. Bu eme hana tafa lële. Bu wahuju lële. Sobo hwi elo, eme kë gwa mototlabë tala alujawa ekë lëbe.

⁷ Kwe sobo Pita name, bubë lowene esogo mëglelëtlabë ho fli name sagali ejuwelëmo, ‘Jisas bu afina Galili provinswa waloutatëyo. Na sobo bume këme hwi egujuwelëlome, bu ëbame fene gali tëlëyo.”

⁸ Na kwe, one bu aniji fuluju matëmatë mago mëtëkaklija na mëtlëbouja. Bu klelego memëtla na lilina hwei memëtla. Na bu këme fli enëneme li gali meha hana gali motloma, bu uli mëtlame nëgeme.

Makdala life mago Maria bu Jisame hwi tlole

⁹ Jisas bu Sande olobalëmu matëmatë mago huju tle. Na bu Makdala life mago Mariame afina tuhu telë. Jisas bu étani tobali ita tële ahwane, kë mësebë ato mago hehë tletëme.

¹⁰ Maria bu Jisasna kë asë mëtlabë onehome gali tujuwelëme. Kë enëne bu maninibo mëtletla na ye mëtlekefëtla.

¹¹ Na Maria bume gali tlome, “Jisas mana tafa lële na bo wahwi nololë! Na kë enëne bubë gali aholokwane mëtla kwe melowene lamëtla, ‘Bu sogëna lale.”

Jisasbë lowene esogo mëglelëtlabë ho tlemalë bume alëgeme esune mëtlëlo

¹² Na tokwafe bubë lowene esogo mëglelëtlabë ho tlemalë, lifate kile mëtelo na alëge alëgewa mëtëyeu. Na Jisas kë tlemalëme li wenianena esune tlëme.

¹³ Na bu kë gali, bubë lowene esogo mëglelëtlabë ho flime, gali mutujuwelëmo. Bu kë gali aholokwane mëtla kwe bubë lowenena hana sle mëtlamu, sogëna tokwë mëgelo.

Jisas bubë lowene esogo mëglelëtlabë home fata tletëme

¹⁴ Na tokwafe bubë lowene esogo mëglelëtlabë ho we ita jowa kënji hi mëtla na Jisas bume mana fata tletëme. Na bume wame galina gali tlome, “Sobo lowene sle jwa fëyeme elone? Na sobo bome, matëmatë mago huju tégelëna kë hwi motlonabë onehome fëyeme boblo totomone na bubë gali aholokwane toglo mo jwa fëyemene?”

¹⁵ Na bume ita gali tlome, “Sobo iniwa lifate Gotobë lale gali, asë elelëtelo. Na Gotobë lale gali iniwa onehome të etagutemome.

¹⁶ Oneho bu Gotobë lale gali lowene sle mëgletlana, na wafi baptais mëglana, kwe Goto bume lëgaitameme na nëno lëgleme, buna unaunalëme tafa nalëglelëmeme. Kwe oneho bu Gotobë lale gali lowene sle hana mëgletlana, Goto bume hehë lëgletëmeme na tëbo miglitayame.

¹⁷ Bome kë lowene sle mëgletë nabë oneho, bu Gotobë afutuku fenene, wesibi melë mogotomame. Bu bobë weniji fë mogotlana, na ahwane hehë mëgletëmame. Na bu lili anigawa galina gëgali mëglame.

¹⁸ Na bu wametabo taiju tobana atineha fa mogotlana, bume hana tëbo logotomeme. Na bu motaba foha wesibi atineha hi mëglana, bu tëbo hana miglitayame na bu gigli hana mëglame. Na bu tëbo atona home, toba gwa motatëmana, na bu ato titika mlame.”

Goto Jisame heven life elë watilekole

¹⁹ Tako Ho Jisas, bume gali watë tëtätëme na Goto bume heven life elë tilekole. Na bu Gotobë tobamu toba elë tafa tletle, Gotona onehome eso home tafa namëgletemome.

²⁰ Na bubë lowene esogo mëglelëtlabë ho mutuja na lale gali të mëtëtagula, li life, li life memëtla. Tako Ho Jisas, bume lataitame, na bubë afutuku lafijiwa tlëme. Na bu, Gotobë afutuku fenene, wesibi melë lamototoma. Na oneho këme hwi mëtla na lowene mëtla, “Bu kë të mëtätë nabë gali nëgalimufe.”

Luk Ebë Lale Anebo Gali Kënëgebëye Jisame Gali nene, Luk Yahi tle

Luk bu kë lale gali Tiofilusme yahi tletle

¹ O letitabo ho, Tiofilus. Ëbame feilawa ho bu, Jisas wesibi sebobë li mëta, melë kë totometë nabë yahi mëtla. Kwe bu iniwa gali yahi hana mëtla.

² Fli enëne, bu iniwa wesibi Jisas kë totomebë bubë nabana hwi motloma. Na bu kë gali boname na fli enënename të mëtëtatëna. Na kë enëne bu kë aholokwane motlolabë gali yahi mëtla.

³ Këme nëgeme, bo metole nanelë, bo mata kë lale gali yahi nelëme na jume nelëbakëme. Bo iniwa wesibi, Jisas melë kë totomebë, onehome itaita takune latlokwe fëmë. Na bo kë wesibibëme walowene sle nëletemë. Na bo ëje kë wesibi, yahi sle nelë.

⁴ Ju bobë yahi hwi sle eglomena, na melowene sle naegletëmeme, “Kë gali bu jume ëbame kë okokwe mëtëglëyobë, nëgali gali mu.”

Ensel Sekaraiame megali latlole, “Jubë mëse Elisabet nëba fu egotleme”

⁵ Herot bu Judia provins mago eso home tafa tëglena, na lotu lome wege lëglebë ho li këme tètabe. Bubë weniji Sekaraia. Bu Abiyabë ilawa mago ho. Abiyabë ilawa mago ho, bu lotu lome wege mëtlekefëya. Bu na bubë mëse mata, lotu lome wege lëglebë letitabo ho Aronbë bosemle. Bubë nobë weniji Elisabet.

⁶ Nona, bohena, Gotobë naba lime lale tafamu lamëtelo. Na bu Gotobë galiwa lowene sle mëtletelo. Na bu këme fëye wesibiha hana mëtelo.

⁷ Kwe bu nëba jwa mëtëtabo. Elisabet layame tlibeme nëgeme. Na bohe hoti tle na no mëseti tle.

⁸ Li olëna, Sekaraiabë ilawa mago enëne, Gotobë tako lotu lo mëta, Gotobë wege fa mëtëtatla. Na Sekaraia mata, Gotobë wege fa tëtatlë.

⁹ Ètani home fene aniji motlokwe fëmë, kë fenene Sekaraiame aniji motlola, lale lëkaluna wesibi Gotome ahojume nalëgletleme, Goto bubë lale ahëya lëkalu hëhë nalëgleme. Bu Sekaraiame melëna aniji motlola bu satu salë mëtla na Sekaraiabë weniji fata tletle. Na bu Gotobë tako lotu lowa tëkaklu, lale lëkaluna wesibi Gotome ahojume nalëgeluletleme.

¹⁰ Na Sekaraia lale lëkaluna wesibi Gotome kë ahojume tletlebë olëna, feilawa oneho Gotobë tako lotu lo li mëta loko mëtlelëya na Gotome mana gëgali motlokwe fla.

¹¹ Sekaraia lale lëkaluna wesibi Gotome mana ahojume lëgletlebë, na kwe Gotobë ensel bume mana olafa tletle na lale lëkaluna wesibi këme ahojumbë masei li mëta, tobamu elëme tlibetle.

¹² Sekaraia, enselme hwi tlole na klikina metletlemu na ulina metletle.

¹³ Na këme ensel bume gali tlole, “Sekaraia, ju uli asa ele. Goto jubë mëse nëba egehlebë gali waaholokwane tolë. Këme nëgeme jubë mëse Elisabet nëba fu egotleme. Na ju bubë weniji mefë saetle, ‘Jon.’

¹⁴ Kë nëba fu egotlena, jubë lowene lalowamu nalëbetëme na fleflesuna etabeme. Feilawa oneho mata fleflesuna mëtabëyame.

15 Tokwafe Goto bume mehwi naloglome nêgeme, lale homu. Bu wain taba liji tu na bia tu na hana hi lëglememu. Bu botabê imo mēta manane na Gotobê Amtêtomba bu mēta mana lelutabetleme.

16 Na bu, Israelbê afenêbome lowene hihijika mēglabême laitameme na ita bubê Gotome esogo meletlame.

17 Gotobê lowene mago gali tē totokweflebê êtanifu ho, Elaija fenene, bu kêha lakalena kalêlegona tafa nalêgleme. Na Tako Home leoutatleme. Bu bolijaya name, nêbale name melê logotomeme, yonane lowene mēta fwa tafa mlame. Na bu Gotobê gali kê momata mēgêtatlabê enêneme sle lotomeme na bu metafa namêglame, lale lowenena enênebê lowene fene lêbetême. Na bu onehoma sagli lëlelêmememe na Gotobê kalêlegona ho ligisibê olême mana hwi namêgletlame.”

18 Na Sekaraia enselme gali tlole, “Bo habêna lowene nêgletelêmene, kê gali nêgali gali mu? Ju hwi ele! Bo wahoti nelê na bobê mēse mata wamêseti ebefe.”

19 Na ensel Sekaraiaame gali metafu têtatle, “Bo Gebriel. Bo Gotobê li mēta kê niglibekêfêbê ho. Goto bu jine lelêfakênê, jume gali nanoglême na ebê lalê gali tē nanêtatême.

20 Te! Ju aholokwane ele. Ju bobê gali lowene sle jwa egletleme nêgeme, elê ju gali mumu egêbeme. Ju gali mumu tabo tafa eglebêê, na jubê mēse nêba mana fu totleme. Bobê gali olafa lêglebê olê, Goto waaniji lolole.”

21 Oneho Sekaraiaame yafe hwi mêtletla na metutune lamêtletla, “Bu lotu lo mēta tako tafa fêyeme lekulene, wesibi liha fata leluletlene?”

22 Tokwafe tekaklina, gêgali lêgleme fene kwe bu hana gêgali tle. Bu tobanawa lëlekuju tēbebokwaketême. Bu gali wamumu tēbe. Oneho bume yafe hwi motlola na melowene lamêtletla, “Gotobê tako lotu lo mēta, Gotobê klelegowa wesibi hwi lelujelêlefe.”

23 Tokwafe, Sekaraia, Gotobê tako lotu lo mēta kê wege tēglebê wege yawe tlole na bubê lifatewa mana tuju.

24 Na tokwafe bubê mēse Elisabet nêba imona têtabe. Na bubê lo mēta fwa tobali yeme tafa tle. Na bu megali tle,

25 “Goto maninibo tletenê. Bome kê fata lêgletenêbê wesibi, ebê Gotobê wesibi. Bo onehobê naba lime, layame kê tiglibebê tiniyi, Goto wasle totle.”

Ensel Mariame megali tolê, “Jisame egehôle naegleme”

26 Elisabet bu nêba imona tobali ita jowa yeme tafa tle na Goto, bubê ensel Gebrielme, Galili provinsbê tokwêfo lifate Nasaretwa mana jine tlêle.

27 Na bu layo mēse belê tujutê, bubê weniji Maria. Kê mēseme, eso ho Devitbê afenêbo mago ho, Josep sei lêglebême wafi aniji motlêya.

28 Na Gebriel gali tolê, “Bo nisiyo. Goto juna etabo na jume lataita na tako tole latletê.”

29 Maria kê gali aholokwane tlole na klelego metletle na tutune tle na melowene tle, “Kê habêtabo galine?”

30 Na ensel gali tolê, “Maria, ju uli asa ele. Goto jume fleflesumu lalêletê.

31 Aholokwane ele. Ju nêba egehôleme. Na ju iko nêba fu egotleme. Na ju bubê weniji mēfê egotleme, ‘Jisas.’

32 Na bu flesu hoha lêgêtabeme. Na bu mēfê namogotlame, ‘Tako kalêlegona Gotobê nêba mu.’ Na Goto bume eso home aniji loglome, bosome Devit fene tafa tle.

³³ Na bu Jekopbë ilawa mago enënebë eso home unaunalëme lëtabetëme nalëgleme. Na bu eso home iniwa olë metafa lokoukëfeme.”

³⁴ Na Maria enselme gali tlole, “Euowe. Bo nëba habëna nëgeholëmene? Bo ho sei hana nëlëlëfe.”

³⁵ Na ensel bubë gali metafu tëtätë, “Gotobë Amtëtomba jume ligisi tëme na kalëlegona Gotobë afutuku jume lamu lëgëtame. Këme nëgeme, kë nëba ju tokwafe fu egotlena bu Gotobë lale homu lëgëtabeme. Na bu mefë namogotlame, ‘Gotobë nëba.’

³⁶ Ju aholo bo eta! Binabi Elisabet bu mësetimu kwe bu mata nëba ehole. Oneho megali kë mëtlekëfëtëyabë, ‘Bu layame eliboo,’ kwe aona yeme neme na bu nëba mana tafa egleme.

³⁷ Goto bu Elisabetme nëba melë lëlë na jume mata nëba lëglëme. Gotome li wesibiha hana lëkle logotleme, bu lalowa iniwa wesibi melë logotomeme.”

³⁸ Na Maria bume gali tlole, “Aholokwane ele. Bo Gotome wege nëgletelëbë mëse. Bu bome melë malëtanë, ju fene gali ele.” Na kwe ensel bume kile tëta.

Maria Elisabetme hwime tujutë

³⁹ Kë nalëwa, Maria bu hokweinawa fatini mëta kë tęgëbebë lifatewa tokwale, Judia provins mëta, Elisabetme hwi naegwelëme.

⁴⁰ Na bu Sekaraiabë lowa təkaklu na Elisabetme gali tole, “Bo nisiyo.”

⁴¹ Elisabet kë gali aholokwane tolë na nëba imo mago klikinamu metletë. Na Gotobë Amtëtomba Elisabet belë tisi tē na buna mëtëtäbo.

⁴² Na bu Mariame anisasana gali tolë, “Goto jume fleflesumu lälëletë na jume tako lëgaitamë lälële kwe fli oneme, melëgaitame hana lële. Na kë nëba jubë imo mëta kë nëgebë, Goto bume mata tako lëgaitale lëglememu.

⁴³ Bo lale mëse nane na bobë Tako Hobë bota, bo belë kë egisibë.

⁴⁴ Aholokwane ele! Bo jubë gali meaholokwane noglëna, ‘Bo nisiyo,’ kwe bobë nëba fleflesu lälëlule na klikinamu melelulëtenë.

⁴⁵ Ju Gotome melowene sle tletle, ‘Goto kë wesibi jume kë gali toglëbë, melë lëgleme, këme nëgeme ju fleflesu këme egleme.”

Maria Gotome kë fleflesu tęgletelëbë sawa

⁴⁶ Maria gali tle,
 “Bobë lowene mago lowenena
 Gotome fleflesu nëlekefëtëlë,
 na bibita notokweflë, ‘Goto bu lale mu.’

⁴⁷ Na bo Gotome fleflesu nëletelë.
 Bu bome lëgaitanë ho,
 bo tafa sle këme nelë,
 bu melë lëgëtanëme nëgeme.

⁴⁸ Bo bubë wege mëse,
 bo lale mëse nane.
 Kwe bu bome hwi tlonë
 na maninibo tletenë.
 Elina, unina mata,
 iniwa oneho megali mokoukëfëtëname,
 ‘Goto bume tako fleflesu latletë.’

⁴⁹ Na Tako Afutukuna Goto, bome lale wesibimume laitanë.
 Ebë kë nëgebë Goto,
 tēbo lowene hanane,
 lale lowene nawa lëtäbe.

- 50 Bubë gali momata jwa kë mogotlabë onehome,
Goto bume maninibo lëglekefëtëmeme.
Bu itaita melë lotokefëmeme,
ebë olëna kë tafa mëglabë onehome
na tokwafe fu onehome mata
itaita melë lotokwefëmeme.
- 51 Goto bubë afutukuna melë totome.
Oneho bu melowene mëtlana,
'Sebo kwe lale enënefe.
Fli enëne bu seboha nane. Weye.'
Na bume fwa fleflesu mëtletëma
na bibita mototoma,
bu këha enëneme hehë tletëme,
na bu mitliwaya.
- 52 Bu kalëlegona eso home boblo totome,
kwe atwati home taitame.
- 53 Bu foneme gigli mëtlabë onehome,
lale wesibi tlëme
na bubë imo sosolo memëtëtaya.
Kwe feilawa wesibina onehome hehë tletëme
na bu alujawa mitliwaya.
- 54-55 Bu bubë wege enëne,
Israelbë ilawa mago enëneme taitame.
Na bu Abraham name, sebobë semlenino name,
gali kë sle tëtatëmebë gali
aholokwana hana ti tle.
Bu bume megali sle tle,
bume na bubë tokwafe fu afenëbome
itaita memaninibo lëkoukefëtëmeme."
- 56 Maria bu Elisabetna aona yeme mëtëtabo na bubë lifatewa tuju.

Elisabet Jonme fu totle

- 57 Elisabetbë nëba fu olë fata tletë, na bu iko nëba mana fu totle.
- 58 Bubë life mago oneho na weife mago enëne, Goto bume kë maninibo tëgletëbë gali aholokwane mëtla na buna iniwa fleflesu mëtlelëya.
- 59 Nëba tobali ita aona olë kënji tëtabe, na bu loko mëtlelëya, kë nëbabë ato jibo tlë namëtatlame. Na bu metole lamëtla, bolijaya Sekaraiabë wenijina lëtabeme.
- 60 Kwe bota gali tlome, "Matëbe. Bubë weniji Jon."
- 61 Na bume gali motlëya, "Ju kë weniji fëyeme fë etlene? Jubë afenëbo mago hobë weniji li këha hana lëbe."
- 62 Na bu kë nëbabë bolijayame tobana lëlekuju mëtletla, "Weniji habelë fë egotlemene?"
- 63 Na bu yahi laba mëglëlabëme, tobanawa lëlekuju tletëme. Na bu mëtlëla na bu kë laba mëta meyahi latle, "Bubë weniji Jon." Na bu kë weniji hwi motlola na klelego memëtla.
- 64 Na Goto Sekaraiabë gali laslewa tëtatile na bu ita mana gali tle na Gotome fleflesu latletle na bibita totle.
- 65 Na bubë life mago oneho kë wesibi hwi motlola na klelego memëtletla. Na kë gali, Judia provinsbë fatini mëta kë tégëbagubë lifatewa fifiji mëtlagula.

66 Na bu kë gali aholokwane motokouja na tako tutune memotokouja na takune mëtla, “Tokwafe kë nëba habëtabo hoha lëgëtabemene?” Bu melowene mët lame nêgeme, “Gotobë kalëlego bu mëta lëtabetle.”

Sekaraia Gotobë lowene mago gali të totle

67 Gotobë Amtëtomba, kë nëbabë bolijaya, Sekaraia belë tisi tle na buna mëtëtabo. Na bu Gotobë lowene mago gali metë totle,

68 “Sebo Israellë Gotome fleflesu manëletla na bibita manotla.

Bu seme, bubë onehome, lëgaitana nalëgleme tisi tëna,
na seme nëno nalëgleme tisi tëna.

69 Goto, bubë wege ho Devitbë afenëbo mago, kalëlegona ho seme jine tlëtëna,
seme lëgaitana nalëgleme, na nëno nalëgleme.

70 Ètani anebomu, Goto bu kë galime gali sle latlona.

Na bubë lowene mago gali të mototkweflabë ho,
bu kë gali sle toglomebë gali të mototla.

71 Bu wagali sle tle, seme lëgaitana nalëgleme.

Na seme kë wame moglonabë enëne magome
na gëglë kë moglonabë enëne magome nëno lëgleme,
bu seme tëbo hana mëgëtaname.

72 Bu ëbaimë sebobë semleninome megali sle latlome,
‘Bo some maninibo nêgletëyome na nêgaitome.’

Na bume kë gali sle toglomebë gali,
mana lowene tlekefëtëme,
aholokwana hana ti tle.

73 Bu sebobë semle Abrahamme gali wasle tëtätle.

Na ebë olë, Goto bu metole lalëletëna,
kë wesibi seme mefata lëgletëname,
bu ètani fene gali sle tle.

74 Bu metole lalële,
bu seme kë wame moglonabë enënebë magome
nëno lëgleme.

Na sebo Gotome esogo sle nanëglelëlame
na wame home uli jwa nanëletëmame.

75 Këme nêgeme, sebo ebë life mëta mana nëtabëyame,
sebo bubë li mëta lalë lowene mëta natafa nêglame.

Na sebobë lowene mëta
bubë lalë lowenewamu lëbetëname.

76 Na ju, bobë nëba, tokwafe jume mefë mëgëtome,
‘Tako kalëlegona Gotobë lowene mago gali të tototkweflebë ho.’

Ju Gotobë kalëlegona hobëme eoutatleme
na bubë alëge fu naegetatleme.

77-78 Ju Gotobë onehome okokwe

na bu melowene namëglame,
‘Goto bume tako maninibo lalëletëme,
na bubë tëbo lowene sle nalëtätëmeme
na bume laitameme.’

Na bu heven life mago elulego seme lëglëname.

79 Na oneho bu tëbo lowene mëta kë tafa mëglabë,
kë elulego bume lalë lowene olafa lëtätëmeme.
Bu lalë tafa lowene seme olafa lëtätëname
na sebobë lowene lalowa nalëbetëname.”

⁸⁰ Tokwafe, Jon, sigli lëleme na bubë lowene lalemu lëbetleme. Bu ho jwa tabo elë lutabeme. Bu lutabebë na mana Israelbë afenëbobë naba li mëta, bubë wege mana fa lotleme.

2

Maria Jisame fu totle

¹ Elisabet bu Jonme wafu totle, na kë nalëwa, Rom lifate mago eso ho Ogastus, bu kë tafa lëglelëmebë onehome tabëi mëglabëme wasle totle.

² Gavman ëbame onehome hana tabëi tle. Ebënawa tabëi lëgleme. Na kë nalëwa, Kwirinius bu Siria provins magobë eso ho tëtabetëme.

³ Këme nëgëme iniwa oneho bubë lifekuwa këme mitliwaya, Gavman bubë weniji gogwa nalëgletëmeme.

⁴ Na Josep Mariana Galili provinsbë tokwëfo lifeku Nasaret kile mëtelo na Judia provinsbë tokwëfo lifeku Betlehemwa mitimo, bubë bosemlebë life nëgëme. Josepbë bosemlebë weniji Devit, Israelbë ëtanifu eso ho.

⁵ Na bume sei lëglëbëme, kë aniji mototlabë Mariana mitimo, weniji bubëna iniwa sle namogotometëmame. Na kwe Maria nëba imona.

⁶⁻⁷ Betlehem lifewa fwa mutulo. Na kë lifeku mago ni lobë ke mëtlame nëgëme na bulmakaubë ni lo mëta këme ni mëtebo. Na bu kë lo mëta mana mëtëtabo na Maria amlebo mana fale tëta. Na bu abwa nëba mana fu totle. Na ëhona lei totle na bulmakaubë hi wesibi iseku mëta tuku tle.

Gotobë ensel, sipsip kleli kë mëglëmabë home gali mëtehitëma

⁸ Na kwe Betlehem life li mëta, sipsip kleli mëtlëmabë ho mana tafa mëtla. Na bu klabëna bubë sipsip kleli këme mëtlëkëfëma.

⁹ Mëtlëmabëë, na Gotobë ensel fata tletëme na Gotobë elulego klijiha sisigli tëtagule na bume hwagënë totome. Na bu tako ulimu memëtla.

¹⁰ Kwe Gotobë ensel gali tlome, “Sobo uli asa elo. Aholokwane elo! Bo some lale galimu nehitéyo. Iniwa oneho bu ebë lale gali aholokwane mëglana, kwe bu tako fleflesu mëglame.

¹¹ Ebë gali melë lëgëbelalële, ebë olëna, Devitbë lifeku mëta, mëse li nëba fu etle. Kë nëba bu some lëgaito nalëgleme, tëbo lowene mago nëno nalëgleme. Bu tako ho, na Goto bume wafi aniji tlole, onehome lëgaitame nalëgleme, tëbo lowene mago nëno nalëgleme.

¹² Sobo mehwi eglolome. Èhona leitabo nëba bulmakaubë hi wesibi iseku mëta ni lëbe.”

¹³ Ensel wagali tlome na feilawa ensel lafatawa mëtletëme. Na bu Gotome fleflesu mëtletla na bibita mototla, na Gotobë sawa mefë lamëtëtatla,

¹⁴ “Goto bu heven life mëta kë tafa lëglebë bu lale na tako mu. Oneho Goto kë fleflesu lëgletëmebë, bubë lowene lëgëbetëme sle malëletëme.”

Sipsip kleli kë mëtlëmabë ho, Jisame hwime mutuju

¹⁵ Na kwe ensel bume hune mototoma na heven lifewa motokwala. Na sipsip kleli kë mëtlëmabë ho mana gali mëtla, “Te, mana manuja, Betlehem lifekuwa. Goto seme kë gali toglonabë wesibi hwi nanugujelëame.”

¹⁶ Na bu hokweinawa mutuja. Na bume hohwi mëtëtagutla. Na Josep na Maria name nama hwi motloma. Na bulmakaubë hi wesibi iseku mëta kë ni tëgëbebë nëbame mata hwi motlola.

¹⁷ Bu hwi motlola na bu ensel kë gali toglobebë gali tē mëtëtatëma.

¹⁸ Na iniwa oneho, bu sipsip kleli kë mëglëmabë hobë gali aholokwane motloma, na klelego memëtla.

19 Kwe Maria k  wesibi aholokwana hana ti tle na itaita lowene tlekef tle.

20 Na sipsip kleli k  m tl mab  ho, k  aholokwane m tlab  gali na k  hwi motlomab  wesibime Gotome fleflesu motokoutla. Inywa wesibi mel  m tleme n game, Gotob  ensel fene gali tlome.

Bu k  n bab  weniji mef  mototla, "Jisas"

21 Tobali ita aona ol  t tabe na bub  ato jibo mana tl  m t tatla, na bub  weniji mana f  mototla, "Jisas." Maria k  n ba tehole jwa n gena kwe Gotob  ensel k b  wenijib me mana gali tol .

Simeonna Anana Jisasm  tako lotu lo m ta hwi m telujel lo

22 Na k  ol  fotokoke t me, Josep Mariame Jerusalem lifatewa tleouli, toba mago sasu ko, Gotob  naba li m ta sle naegotomeme, Mosesb  gali fene t betle. M se bu n ba tafa eglena, toba sasu kowa egehona, kwe Gotob  naba li m ta t bo lal ta. Na kwe bu n ba Jerusalem lifatewa m tlelulo, Gotome m gl lo nam gelome.

23 Tlomal  bu metole lam telo, Gotob  gali k  l g bebeb , k  galiwa esogo m tleletelo. K  gali mel  l g belal le, "Sobo abwa mago iko n ba k  n geb , Gotome egl lome."

24 Na Gotob  tafa sle gali mata mel  l g betlelal le, "Sobo t le seuneni o t le yolime n bale, Gotome egehotelome, Gotob  naba li m ta, toba mago sasu ko k na sle naegotomeme." Na bu fole k me m tehoujo, lotu lome wege l gleb  ho, k  fole Gotome ahojume nal gletleme.

25 Na k  nal , ho li Jerusalem lifate m ta t tabe. Bub  weniji Simeon. K  ho k  n geb  bu lale lowenewa esogo tlel le na bu Gotome fwa lowene slemu tletle. Na Gotob  Amt tomba bu m ta telutabetle. Simeon bu Goto k  jine l gleleb  hob me hwi tletle. Israelb  ilawa mago onehome l gaitame nal gleme.

26 Gotob  Amt tomba bume megali sle latlole, "Ju ilawa hana gli egleme.  tani Goto bu megali slemu latle, 'Bo ho jine n gl l me, onehome t bo lowene mago n no l gleme.' Ju k  home afina hwi eloleme na ju mana gli el me."

27 Na kwe Gotob  Amt tomba Simeonme tisi tle na bu Gotob  tako lotu lowa k me t kaklu. Na Jisasb  botana bolijaya name, Jisasm  Gotob  lowa m tlelulo, k  n bame mel  namogotlame, Gotob  gali fene l betle.

28 Na Simeon k  n bame hwi tlole na fa totle. Na bu Gotome fleflesu tletle na bibita totle na megali tle,

29 "Tako ho, jub  gali sle gali wat bet ,
na bo, jub  wege ho, bo maninibona wasle nel ,
bo mana lalowa gli nel .

30 Seme n no l gleb  home,
ju k  jine t gl leb  ho,
bo nabana wahwi nolol .

31 Ju k  home,
iniwa onehome ek  lebotane etat me.

32 Na kliji elulegoha, bu Gotob  lowene,
Israelb  afen boni m tab ya jwa m glab  en neme
olafa l g tat meme.
Na bu Israelb  afen bome,
l gaitame nal gleme
jub  lowene esogo m gl l lab .

Kë oneho ebë jubë.”

³³ Jisashë botana, bolijayana, Simeon nëbame kë gali toglolebë gali aholokwane mêtelo na klelego memêtletelo.

³⁴ Na Simeon Gotome gëgali tlelële, bume lëgaitame nalëgleme. Na bu kë nëbabë bota, Mariame, gali tolë, “Aholokwane ele! Goto ebë nëbame meaniji latlole, Israelbë lebutako afenëbome melë logotomeme. Lebutako oneho bume kë lowene sle mëgletlabë lowene, kile mlame na lebutako oneho bume kë lowene mëgletlabë lowene esogo sle melelëlame. Ebë nëba kë nëgebëye, Gotobë lale lowene, onehome lebotane lëtatëmebë ho. Kwe feilawa oneho bume tëbo gali moglolame,

³⁵ na bubë lowene mago tëbo lowenebë olafa lëgletëmeme. Na tokwafe ju tako hobota egleme, sëfa yo sle eglëbë fenene.”

³⁶ Na Gotobë lowene mago gali të egotlebë mëse li kë mëta tafa tle. Bubë weniji Ana. Bu Aserbë afenëbo magobë mëse, Fenuelbë nëba. Ètani bu ho sei tlële na bu kë hona tobali ita tèle tlibutu kënjiji tafa mêtelo

³⁷ na bohe mana gli tletë. Na bu sei ju tètabe. Na ëje bu 84 tlibutu kënjiji etabe. Bu Gotobë tako lotu lo kile hana tletle. Bu hi wesibi itaita yo tlekefe, Gotome lowene sle naegletleme. Na bu Gotome mana gëgali tlelëkefle. Kljijina, klabëna Gotome fwa lowene tlekefëtële.

³⁸ Na kë nalë, Ana bu nëba loliwa tisi tle na Gotome mana gali tlole, “Ebë nëba, yaha fëyeme enënëane.” Na feilawa oneho bu mehwi kë mëtlekefëyabë, Goto bu Jerusalem lifate mago onehome nëno lëgleme. Na bu kë nëbabë gali kë onehome të tëtätëme.

Josep, nona, Jisasma, Nasaret lifewa ita mutuja

³⁹ Bu iniwa wesibi, Gotobë gali fene tëbe, melë wamototoma. Na kwe bu Galili provinsbë tokwëfo lifeku Nasaret lifekuwa ita mutuja. Ebë bubë life.

⁴⁰ Na kë nëba sigli lëleme na lolokwëne lëgleme. Na lale lowene bubë lowene mëta lëbetleme na Goto bume tako tole lëletleme na bume laitaleme.

Jisas, falake tokwëfo nëgena, na botana bolijayana tako lotu lowa bume iniwa mêtêlululo

⁴¹ Iniwa tlibutuna, Jisas bolijayana, botana, Jerusalem lifatewa itaita lamëtëyeoukefo, Gotobë tako lotu olë lowene mêtletelome nëgeme. Israelbë ilawa mago oneho, bu kë tako lotu olë, Goto ètani bosesmlenime kë tégaitamebë olë na Isip lifate këna kile mëtëglabë olë, lowene mëtlekefëtla.

⁴² Jisas bu we ita tèle tlibutu kënjiji watle. Na kwe bu Jerusalem lifatewa ita mutuja bu ëbame fene mutujukefëya, Gotobë tako lotu olë lowene mëgletlame nëgeme.

⁴³ Kë tako lotu olë yawe motlola, na kwe bu Jerusalem lifate kile mëtla na bubë lifekuwa mutuja. Kwe falake tokwëfo Jisas, Jerusalem lifate mëta mana tafa tle. Botana bolijayana melowene hana mêtletelo, “Jisas mana tafa lële.”

⁴⁴ Weye, bu mweniji lamêtelo, fli enënëna mana asë melawa. Këme nëgeme olë jowa buwa mëtëyeu. Tokwafe, bubë ilawa mago onehome na bubë yabe home, tètakune mêtlagumo.

⁴⁵ Bu yafe tètakune mêtlagumo, kwe hana hwi motlolo. Këme nëgeme bu lu mêtelo na Jerusalem lifatewa ita mëtëyeu, hohwi namogutatelome.

⁴⁶ Bume aona olë yafe hohwi mëtëtato. Na tokwafe bume tako lotu lo mëta hwi motlolo. Bu Gotobë gali okokwe moglomabë hobë ku mëta tafa

tletême. Na bubë gali mana aholokwane tlagukefême na bume têtakune tlokefême.

⁴⁷ Inywa oneho, bubë lowene yafe hwi motlotla na bubë tafu gali yafe aholokwane motlotla, klelegomu memêtletla.

⁴⁸ Botana bolijayana hwi motlolo, na klelono memêtletelo. Na bota bume gali tole, “O hëyai, ju seme melë fëyeme etanone? Sebo blijayana jume yafe hohwi nêtatëyo na maninibona tëbo menëletëyo.”

⁴⁹ Kwe bubë gali tafu têtatême, “Sobo bome fëyeme hohwi etatenone? Sobo bome melowene hana eletëname, ‘Bo bobë ayabë lo mëta tafa manelë?’”

⁵⁰ Kwe bubë gali lowene hana mêtletelo bu yaya lamêtletelo.

⁵¹ Na kwe buna Nasaret lifewa ita mutuja. Na bubë lowenewa esogo tlelëkefêtême. Kwe Maria bowene meta kë hwi toglometlebë wesibi, bubë lowene mëta mana tehotle.

⁵² Na Jisas sigli tle na bubë lowene lalemu lëbetleme. Na Goto bume fleflesu lëletleme na iniwa oneho mata bume tole mëgletlame.

3

Tu mëta baptais logotomebë ho, Jon, gali të têtatême

¹ Eso ho Taiberius, bu we ita tobali tlibutu këniji, Rom life enënebë tako eso home tafa tletême. Kë nalëwa, Pontius Pailat Judia provins enënebë eso home tafa tletême. Na Herot Galili provins enënebë eso home tafa tletême. Na bolijamo Filip bu Ituria na Trakonitis provins enënebë eso home tafa tletême. Na Lisaniyas, bu Abilene provins enënebë eso home tafa tletême.

² Na Anas na Kaiafas bu lotu lo mëta wege mëglabë enënebë eso ho mêtëtabo. Kë nalëwa, Sekaraia bowene Jon, ho jwa tabo mëta tafa tle na Gotobë gali bubë lowene mëta mana fata tletle.

³ Këme nêgeme, Jon bu Jordan tu lime kë tafa mêtlabë lifekuwa tuju na gali metë têtagutême, “Sobo tëbo lowene aholokwana ti elome na lale lowenewa esogo elelëlome na baptais elome. Na Goto bu sobobë tëbo lowene aholokwana ti lëgletëyome na hana lëgeholeme.”

⁴ Kë wesibi mefata latle, Gotobë lowene mago gali të totokweflebë ho, Aisaia, fene yahi tle. Bu meyahi latle, “Tokwafe, li ho, ho jwa tabo mëta mewe lëgleme, ‘Sobo tako hobë alëge fu etatelo, alëge sle etometelo.”

⁵ Bu iniwa klukulego tabobë na iniwa fofu tabobë sle motomame. Na iniwa alëge, ekekë mëglebë sasle mëtaguma. Na iniwa alëge tëbo mëglebë, sasle motoma.

⁶ Na iniwa oneho, Goto onehome kë nëno lëglebë wege hwi moglotlame.”

⁷ Feilawa oneho Jon belë mitisitla, bume baptais nalogotomeme. Kwe Jon bume gali tlome, “Sobo tëbo taijuha. Sobo tëbo enëne. Goto tako wame loglëyome na tëbo lëgëtome. Sobo melowene lalone hee! Bo some baptais nêgëtona kwe Gotobë wame some hana tëbo lëgëtomene? Weyewa.

⁸ Sobo tëbo lowene aholokwana ti eglona na Gotobë lale lowenewa esogo eglëlëlona, ta kë lowene saolafa etlo, bu melowene namëgletëyome, ‘Bubë tëbo lowene aholokwana wati mëlafa na Gotobë lale lowenewa esogo melelëlafa.’ Na sobolalo megëgali asa elo, ‘Sebo Abrahambë afenëbo, këme nêgeme Goto bu seme hana tëbo lëgëtaname.’ Weye. Bo some gali nolëyo, Abrahambë afenëbo ebë tokwëfo wesibi. Goto ebë anijime, Abrahambë afenëbome lalewa fata lotomeme.

⁹ Gotobë wame bu onehome fata lëgletëmeme nounou lalëletëmemu, yasi ti wayome wafi lëbe. Na iniwa ti, lale liji mogwalë hana mëglena, kwe Goto kë ti tëtëka lëgleme na ahojume sike lëleme.”

¹⁰ Oneho bu Jonbë gali aholokwane motlola, na bume metakune motlola, “Sebo habelë nëglamene na Goto seme tëbo jwa nalëgëtaname?”

¹¹ Na bume megali tlome, “Fli enëne bu gelowa ëho tële tële nëgena, bu fli alujawa kë nëgebë enëneme sa mëlëma. Na fli enëne hi wesibina nëgena, bu hi wesibi jwa kë nëgebë enëneme sa mëlëma.”

¹² Takis baliti glo mëglabë ho fli, bu belë mitisiya, bume mata baptais nalogotomeme. Na bu takune motlola, “Tisa, sebo habelë nëglamene?”

¹³ Na bume megali tlome, “Sobo takis baliti meglo egletemome, gavman fene gali tlëyo. Sobo fli baliti manawa asa glo eletemo.”

¹⁴ Na wame home boblo mogotomabë enëne fli, bu mata takune motlola, “Na sebowa, sebo habelë nëglamene?” Na bume gali metafu tëtatëme, “Sobo fli enëneme gëglë asa elëlëmo na bubë baliti toklime glo elome. Na sobo fli onehome gavmanbë naba lime blawa asa so etatemo na bubë baliti blawa glo eletemome. Na gavman some wege baliti kë lëglëyobë, këme fwa fleflesu egelome. Fli baliti glome asa tole elo.”

¹⁵ Na oneho Jonme hwi motlola, na bubë lowene fotokoke tëme na bubë lowene nawa melowene mëtla, “Jon bu kë ho nawa, seme na nëno lëglebë ho nawa. Goto kë aniji toglobë ho nawa.”

¹⁶ Këme nëgëme Jon bubë gali metafu tëtatëme, “Bo some tu mëta fwa baptais nëlelëyo. Kwe tokwafe bobë nagi ho li ligisime. Na kë ho kë ligisibë bubë afutuku takomu kwe bobë afutuku tokwëfomu. Bo lale ho nane kë ligisi home kë nëgaitalëme, manawa wege ho fene laitale. Weye. Bo bubë jiteho hana titika nëgletelëme. Bu letitabo homu nëgëme na bo atwati homu. Bu some Gotobë Amtëtombana, ahojuna baptais lëglëlëyome.

¹⁷ Na kë ho kë ligisibë bu tëbo lowenenabë enëneme na lale lowenenabë enëneme lëselokwame, nuju bolijaya hwetikina witi liji mago fene lëselokwa. Na bu lale lowene enëneme heven life elë sei lëlëmeme, nuju bolijaya bu witi liji, lale lo mëta fene gogwa lële. Kwe bu tëbo lowene enëne lële jwa ahoju life elëme sike lëgleme, nuju bolijaya witi liji mago hwetiki ahojume fene sike lële.”

¹⁸ Jon bu feilawa gali tëtätëme, onehobë lowene huju tëtätëme, lowene sle namëglame. Na kë esome fwa, Gotobë lale gali këme tëtätëme.

Herot bu Jonme kalabusu lowa tuku tle

¹⁹ Herot, Galili provinsbë eso ho, bu bolijamobë mëseme, Herodiasme, hijika totle na sei tlë. Na Jon bume këme wame gali tlole. Na iniwa fli tëbo lowene Herot bu kë tëglebëmeha bume wame gali tlokwefle.

²⁰ Na Herot bu li tëbo lowene tle. Bu melëme, Jonme kalabusu lowa tuku tle.

Jon Jisame baptais totle

²¹ Kë nalëwa, Jon kalabusu lome tafa jwa tëglena. Bu iniwa onehome wabaptais totome, na bu Jisame mana baptais totle na Jisas Gotome mana gëgali tlole. Bu Gotome mana gëgali tlelëlebëë, na heven inoha latikawa tle.

²² Na Gotobë Amtëtomba seuneni foleha ji tëtëkeketle. Na bu matafa mëta gali tle, “Ju bobë lale nëba. Bo jume tako tole nanëletë, tako fleflesu nanëletë.”

Jisasbë bosemenibë weniji

²³ Jisas bubë aowafewe tlibutu mutuju tle na bubë wege mana fa totle. Na kwe oneho bume meweniji lamëtletla, Josepbë bowene.

²⁴ Josep Helibë bowene. Na Heli Matatbë bowene. Na Matat Livaibë bowene. Na Livi Melkibë bowene. Na Melki Janaibë bowene. Na Janai Josepbë bowene.

²⁵ Na Josep Matatiasbë bowene. Na Matatias Amosbë bowene. Na Amos Nahumbë bowene. Na Nahum Eslibë bowene. Na Esli Nagaibë bowene.

²⁶ Na Nagai Matbë bowene. Na Mat Matatiasbë bowene. Na Matatias Semembë bowene. Na Semen Josekbë bowene. Na Josek Jodabë bowene.

²⁷ Na Joda Joananbë bowene. Na Joanan Resabë bowene. Na Resa Serubabelbë bowene. Na Serubabel Sealtielbë bowene. Na Sealtiel Neribë bowene.

²⁸ Na Neri Melkibë bowene. Na Melki Adibë bowene. Na Adi Kosambë bowene. Na Kosam Elmadambë bowene. Na Elmadam Erbë bowene.

²⁹ Na Er Josuabë bowene. Na Josua Elieserbë bowene. Na Elieser Jorimbë bowene. Na Jorim Matatbë bowene. Na Matat Livaibë bowene.

³⁰ Na Livi Simeonbë bowene. Na Simeon Judabë bowene. Na Juda Josepbë bowene. Na Josep Jonambë bowene. Na Jonam Eliakimbë bowene.

³¹ Na Eliakim Meleabë bowene. Na Melea Menabë bowene. Na Mena Matatabë bowene. Na Matata Natanbë bowene. Na Natan Devitbë bowene.

³² Na Devit Jesibë bowene. Na Jesi Obetbë bowene. Na Obet Boasbë bowene. Na Boas Salmonbë bowene. Na Salmon Nasonbë bowene.

³³ Na Nason Aminadapbë bowene. Na Aminadap Atminbë bowene. Na Atmin Arnibë bowene. Na Arni Hesronbë bowene. Na Hesron Peresbë bowene. Na Peres Judabë bowene.

³⁴ Na Juda Jekopbë bowene. Na Jekop Aisakbë bowene. Na Aisak Abrahambë bowene. Na Abraham Terabë bowene. Na Tera Nahorbë bowene.

³⁵ Na Nahor Serukbë bowene. Na Seruk Reubë bowene. Na Reu Pelekbë bowene. Na Pelek Eberbë bowene. Na Eber Selabë bowene.

³⁶ Na Sela Kainanbë bowene. Na Kainan Arpaksatbë bowene. Na Arpaksat Siembë bowene. Na Siem Noabë bowene. Na Noa Lamekbë bowene.

³⁷ Na Lamek Metuselabë bowene. Na Metusela Enokbë bowene. Na Enok Jaretbë bowene. Na Jaret Mahalalelbë bowene. Na Mahalalel Kenanbë bowene.

³⁸ Na Kenan Enosbë bowene. Na Enos Setbë bowene. Na Set Adambë bowene. Na Adam Gotobë bowene.

4*Satan bu Jisasme tëbo loweneme fene susu totle*

¹ Gotobë Amtëtomba, Jisas mëta telutabetle na bu Jordan tu mago ita tuju. Na Gotobë Amtëtomba bume ho jwa tabo elë tlelule.

² Na Satan bume niliafewe olë tëbo loweneme fene susu totokwefle. Na kë nalë, Jisas hi hana tle na bu foneme gli tle.

³ Satan bume gali tlole, “Ju Gotobë nëba nëgebë kwe, ju ebë anijime gali eolëme na bu bletë nageme fata naeglamëme. Na ju hi elëme.”

⁴ Kwe Jisas bume gali tafu têtatle, “Gotobë bogo megali lala, ‘Hi wesibiwa, onehome, lala tafame hana lëgaitameme.’”

⁵ Na kwe Satan bume kë mago mana tilekole. Na bume iniwa tatako lifate lalobotanewa totometle.

⁶ Na gali tole, “Bo jume tako afutukume nēgaitēme, kē iniwa lifatebē onehome eso ho tafa naegletēmeme na ju tako eso home tafa elēme. Na bo kē lifatebē iniwa lale wesibi jume yo noglēmē. Kē iniwa lifate na wesibi ebē bobē, bu bome wayo tlonē. Na bo li home yo noglolēbēmē tole nēgelēna, kwe bo lalowa yo noglolēmē.”

⁷ Ju bome sēkefo miti tafa eletenēna na bome megali eglonēna, ‘Ju bobē lale tako eso ho tafa eletenē, bo jume tako tole nanēletē, kwe bo kē iniwa lifate na iniwa wesibi jume yo noglēmē.’

⁸ Kwe Jisas bume gali tafu tētatile, “Gotobē bogo megali lala, ‘Goto buwa jubē eso home tafa lēletē. Ju bume fwa satole eletle na saesogo eelēlē.’”

⁹ Na Satan Jisasme Jerusalem lifatewa tlelule na tako lotu lo leli elē tilekole. Na bume gali tole, “Ju Gotobē nēba nēgebē kwe, ju lalowa emagowa okli etēkake na ju tēbo hana eglitame. Hanane mu.

¹⁰ Gotobē bogo megali eglamēmē nēgēme, ‘Goto, bubē enselme jine lēglēmētēmē, na bu jume ululu mēgētōme.’

¹¹ Na bu mata megali lala, ‘Bu jume fa mēgēmalitōme bubē tobana, na jume aniji yo hana sle eglēmē.’”

¹² Na Jisas bubē gali tafu tētatile, “Gotobē bogo megali lala, ‘Jubē tako Gotobē afutuku asa su etatile.’”

¹³ Satan bu Jisasme memelē wesibina wasusu tēbetēfale, na bume kile totle, li olē nalē ita su nalogtōleme.

Jisas bu Gotobē lale gali, Galili provins mago onehome afina tē tētātēmē

¹⁴ Jisas bu, Gotobē Amtētombabē afutukuna, Galili provinswa ita tuju. Na Jisas kē tafa tēglebē gali, Galili provinsbē li life li life mago onehome fifiji mētlagutēmā.

¹⁵ Na bu li life li libebē lotu lo mēta, Gotobē gali onehome okokwe tlagukefēmē. Na iniwa oneho bume fleflesu mētletla na bibita mototla.

Nasaret life mago oneho Jisasme enisusu memētletla

¹⁶ Jisas bu Nasaret lifewa tuju. Ētani bu kē lifeme sigli tle. Na bubē tafawa olēna, bu lotu lowa tēkaklu, bu ēbame fene tlelēfe. Na bu hujuna tlibe, Gotobē gali hwi naloglotēmeme.

¹⁷ Na bogo kē ululu sle logotokwefēmēbē ho, Gotobē lowene mago gali tē totokweflēbē, Aisaiabē bogo, bume tlēle. Na bu bogo ya tētāmē. Na kēme kē galibē hwi tlōme, kē gali melē lēgēbelalēle,

¹⁸ “Gotobē Amtētomba bo mēta tētabe. Kēme nēgēme, Goto bu bome waaniji tlonē, bubē lale gali, wesibi jwa onehome tē nanēgētatemēmē. Na bu bome kēme jine tlēnē, kalabusu mēta kē tafa mēglabē onehome megali nanoglomēmē, ‘Sobo kalabusu lo lalowa kile elo.’ Na naba titiki tabo onehome megali nanoglomēmē, ‘Sobo lalowa hwi elo.’ Na bu bome kēme jine tlēnē, gēglē kē mēglēlēmabē onehome nanēgaitamēmē na bubē afowelili sle nanogtōmetēmē.

¹⁹ Na bu bome jine tlēnē, onehome megali nanoglomēmē, ‘Goto, bubē onehome kē lēgaitamēbē olē, ekē folokoketle.’”

²⁰ Na Jisas bogo geni tēta, na bogo kē ululu sle logotokefēmēbē home tlēle na mana tafa tle. Na iniwa oneho, lotu lo mēta kē tafa mētēlulabē, Jisasme fwa wēya mētēlēlēla.

²¹ Na kwe bume gali tlōme, “Ebē gali, sobo Gotobē bogo mago kē aholokwane egelobē, bu ēje iniyafememu ekē fata lēle.”

22 Lale gali të totleme nëgeme na bume këme fleflesu mëtletla na bibita mototla. Na bume kë të têtatëmebë gali mana lowene mëtletla. Kwe, bu megali mëtla, “Bu ebë galime, kë gali loglonabë, habelëme gali lëlene? Bu seme kë gali loglonabëye, kwe Josepbë nëba tekwe nëge.”

23 Na Jisas bume gali tlome, “Bo walowene sle nëletëyo. Tokwafe sobo kë ètanifu anebo gali bome të egêtatëname, ‘Dokta, jubë ato elili sle egotleme, na ilawa mago hobë ato elili mata sle etome tëmeme.’ Na sobo mata gali egloname, ‘Ju Kaperneam lifeku mëta wesibi melë kë totomebë sebo waaholokwane tletëyo. Na sebo metole nanëla, ju ebë lifekume mata, kë wesibi melë egotomeme.’

24 Bo some iniyafeme gali nolëyo, bubë life mago oneho, Gotobë lowene mago gali të mototokweflabë hobë gali aholokwaneme, tole hana mëtla.

25 Bo some iniyafeme gali nolëyo, Gotobë lowene mago gali të totokweflebë ho, Elaija mana têtabena, na seiyo one feilawa, Israel provins mëta tafa mëtëkouja. Na kë nalë wanagli tako temotëme na aona tlibutu na tobali ita jowa yeme tu hana teto. Na tako fone iniwa lifateme fata tokoutëme.

26 Kwe Goto bu Elaijame Israelbë ilawa mago seiyo mëse belë hana jine tletëme. Weye. Bu li ilawa mago seiyo mëse belë fwa jine tlëtë, bume lëgaitame nalëgleme. Kë mëse bu Saidon provinsbë tokwëfo lifeku Sarefat mago mëse na bu Israelbë ilawa mago nane.

27 Na kë mata, Gotobë lowene mago gali të totokweflebë ho, Elisa mana têtabena, na feilawa ato juba jubawa kë mëtëgeholabë oneho, Israel lifate mëta mëtëtäbëya. Kwe, Elisa kë mata juba jubawa onehome li hana sle totle. Weye. Bu Siria life mago ho, Namanme fwa sle totle. Naman bu Israelbë afenëbo nane, li afenëbo mago ho.”

28 Na oneho, lotu lo mëta kë tafa mëtëluabë, bu kë gali aholokwane mëtla na melowene mëtla, “Bu seme, Israelbë afenëbome, gali lëlefe” na tako enisusu memëtletla.

29 Na fe mëtëkaka na Jisame fa mototla, na bume lifeku tiniju elëme so mëtëlagula, fatini mleibu elëme so namëtëlekaklame fene. Bubë lifeku fatini mëta tobetëme.

30 Kwe bu kukuwa lateiwa têtägi na latugujuwa.

Jisas ahwane hobë ato mago hehë tletëme

31 Na kwe Jisas Galili provinsbë tokwëfo life, Kaperneamwa tëmätule. Na bubë tafawa olëna, onehome Gotobë gali të têtatëme.

32 Bubë gali aholokwane motlola, na klelego memëtla. Bubë gali flesu hobë galiha nëgeme, kalëlegona tlëme.

33 Na kë nalë, li ho lotu lo mëta tafa tle na ahwane bubë ato mëta telutabetle. Na bu feilawa aflei tle,

34 “Nasaret life mago Jisas, ju seme habelë egêtaname esine? Ju seme tëbo naegêtaname esine? Bo jume wafi lowene nëletë, ju kë ho kë nëgebë, Goto jume kë jine tëglëbë homu. Ju Gotobë lale homu.”

35 Kwe, Jisas kë ahwaneme anisasana gali tlole, “Ju kuju ebe na ebë home kile etoleme.” Na ahwane kë home life elëme so telëkakle na masana ku mëta titigo. Na kë ahwane, bume li atoha hana tëbo têtatle na bume kile togotlena.

36 Na iniwa oneho klelego memëtla na blalo gëgali mëtla, “Euowe! Ebë fëye galine? Bubë gali flesu hobë gali fene, kalëlegona tlëme. Bu ahwaneme anisasana gali tlome na bu home lakilewa mototome.”

³⁷ Na iniwa wesibi, Jisas melë kë totomebë, kë galibë, Galili provinsbë li life li life mago onehome fifiji mëtleletëma.

Jisas bu Saimonbë bokokame sle tëta

³⁸ Jisas lotu lo kile tle, na Saimonbë lowa tækaklu. Saimonbë bokokabë ato, tako ahojute latletë. Na bu Jisasme takune motlola, sle nalëgëtamë.

³⁹ Na kwe, Jisas bu loliwa tujutë, na kë ahojuteme anisasana gali tlole, bume kile nalëgëtamëme. Na ahojute bume lakilewa tëta na bu lahujuwa təkake na hi wesibi ahojume tletëme.

Jisas feilawa onehome sle totome

⁴⁰ Atome hwi olë, oneho bubë yabenime, ato elili kë mëtlabë, Jisas belë mëtlesuma. Na bubë toba iniwa ato elili enëneme gogwa tokoutëme na bu iniwa sle tëtagume.

⁴¹ Na bu ahwane hehë tletëme. Na bu feilawa onehome hune mëtëtagume na meafëflei lamëtë, “Ju Gotobë nëbafë.” Kwe Jisas bume anisasana gali tlome, na gëgalime lëkle totome. Kë ahwane bu melowene mëtleme nëgëme, “Bu Goto kë aniji toglobë ho, onehome nëno nalëgleme.”

Jisas li life li life asë tëbelëfa

⁴² Olobalë mu, Jisas kë life kile tle na ho jwa tabo elë tuju. Na oneho bume hohwi mëtëtatla na bume mana hwi motlola. Na bume yafe lëkle mototla, bume kile jwa nalogotomeme.

⁴³ Kwe bume gali tlome, “Goto onehobë eso home kë tafa lëgletëmebë lalë gali, fli lifateme mata të nëtagutemëme. Goto bome këme jine tlënë.”

⁴⁴ Na bu Judia provinsbë, li life li life measë tëbelëfa na lotu lo mëta gali të tëtagutëme.

5

Jisas mo fafa home gali tlome, na bume nagi mëtlëla

¹ Li olëna, Jisas, Genesaret lake tu helefome tlibe, na feilawa oneho mitisiya na bume lolime loko mëtleletla, Gotobë gali aholokwane namëglame.

² Na Jisas bu lake tu helefo mëta, tële ihe, hwi tlome. Kë ihe, mo fafa enënebë ihe. Kwe ihe bolijaya enëne bu ihe wahune mëtla na solo swa mototoma.

³ Na Jisas bu Saimonbë ihe mëta fe tle. Na bu Saimonme gali tlole, “Ju iheme fe elëme na so elëkakëme, helefo tokwëfo kilewa naegotleme.” Na Jisas iheme tafa tle, na mana onehome gali të tëtatëme.

⁴ Bu gali watë tëtatëme, na Saimonme mana gali tlole, “Te, ku tako elë yegu ekake na sobo solo sike etëkakome, mo fafa naegelome.”

⁵ Na Saimon gali tlole, “O tako ho, ëje klabë yafe sike sike nëla na olë feti na loko menëlebla, kwe sebo mo liha hana buhe notla. Kwe lalowa, jubë gali esogo nëgletëyome na solo sike nëglame.”

⁶ Na bu melëmëtla, na mo feilawa tēkeji bubuhe mëtla, na solo ëjeha holëye mëleme.

⁷ Këme nëgëme bubë weife wege ho flime, li ihe mëta kë tafa mëgelobëme, we motlomo, bume mëgaitamo namëgelome. Na bu mitisi temo, na mo, kë tële ihe mëta sisike mëtla. Na ihe mo hobota manogwa, ëjeha flu mëleme.

⁸ Na Saimon Pita këme hwi tlole. Na Jisasbë elebo lime sëkefo bubusu totometle na gali tlole, “O, tako ho, ju bome kile etanë. Bo tēbo homu.”

⁹ Saimon na kē tafa mētlabē ho, kē feilawa mo hwi motloma na klelegomu memētletēma.

¹⁰ Na Saimonbē yabe, Jems na Jon, Sebedibē nēbale, bu mata klelego memētelo. Kwe Jisas Saimonme gali tlole, “Ju tutune asa ele. Eje ju mo fafa ele, kwe tokwafe ju onehome bo belē eglesumetenēme, bome esogo namēglenēname.”

¹¹ Na kwe bu yegu motokouja na yenēba mēta fla mēta na ihe yenēbawa kiki motokwaka na bubē iniwa wesibi kēme hune mēta na Jisame nagi mētlēla.

Jisas bu ato juba jubawa kē tēgehobē home sle totle

¹² Li olēna, Jisas li lifate mēta tafa tle. Na ato juba jubawa kē tēgehobē ho kē mēta tafa tle. Bu Jisame hwi tlole, na bu belē tisi tle na sēkefo miti bubusu totometle na gali tlole, “Tako ho, ju tole eglena, ju bobē ato lalowa sle etatenēme na bo Gotobē naba lime lalowa nanētābēme.”

¹³ Na Jisas toba gwa totatle na gali tlole, “Bo tole nanelē, ju lalowa etabeme.” Na kē juba juba lalujuwa mētlele. Na bu lalowamu tētabe.

¹⁴ Na Jisas bume anisananamu gali tlole, “Jubē ato lalowa kē lēgēbetēbē, ho lime asa gēgali elelēle. Matēbe. Ju ejume na jubē ato, lotu lome wege lēglebē home lebotane eoutatleme. Na ju bume wesibi ejuwelēleme, Moses fene gali tle. Na bu kē wesibi Gotome lēlēleme. Na iniwa oneho melowene namēgletēyome, ‘Jubē ato lalowa lēbetē.’”

¹⁵ Na iniwa wesibi, Jisas melē kē totomebē, kē gali, li life li life feilawa fifiji mētlagutla. Kēme nēgeme, lebutako onehomu mitisitla, bubē gali aholokwane namoglolame na bubē tēbo sle nalogotometēmeme.

¹⁶ Kwe bu lebutako olē, onehome hune tlekefe na ho jwa tabo elē, Gotome gēgalime, tuju kefē tle. Na Jisas bubē lowene wahwi tlotēme na kē ato mogowa home gali tlole, “O nēba iko. Bo jubē tēbo aholokwana wafi ti nēletē.”

Jisas ato mogo tabo home sle totle

¹⁷ Li olēna, Jisas onehome gali mana okokwe tlome. Na Farisi ho* na Gotobē galime okokwe moglomabē hona kē mēta tafa mēta. Bu Galili provins mago, na Judia provins mago, na Jerusalem lifate mago, na li life li life mago mitisiya. Na Gotobē afutuku Jisas mēta mana tēbe, na bu onehome kēbē afutukuna sle totome.

¹⁸ Na fli ho, ato mogo tabo home sanēnena mētlesula. Na bume lowa mēglelukakulame yafene, Jisasbē elebo lime gwa namugujetlame fene.

¹⁹ Kwe lebutako oneho lo mēta tafa mētlame nēgeme, na lo wake tle, na bu loliwa hana mētehila. Kēme nēgeme, bu lo leli elē mētehilikola, na anabali tatē mototaya, na ni labuku mēta kē ni tēgēbebē ato mogo tabo home onehobē ku mēta alabujuwa gwa mētēmalitala, Jisasbē li mēta.

²⁰ Kē enēne melowene mēta, “Jisas ebē ato mogowa home lalowa sle logotlemefe.” Na Jisas bubē lowene wahwi tlotēme na kē ato mogowa home gali tlole, “O yabe. Bo jubē tēbo lowene aholokwana wafi ti nēletē.”

²¹ Na Gotobē galime okokwe moglomabē ho fli, na Farisi ho fli bubē gali aholokwane motlola na blalo gēgali mēta, “Eēē! Bu habētābo hone, Gotoha kē fata lēglebēye? Bu kēha gali fēyeme gali lēlene? Bu tēbo homu. Bu Gotome fēyeme boblo lotlene? Ho kwe hobē tēbo lowene aholokwana hana ti

* 5:17 Farisi ho bu Mosesbē gali feilawa esogo mēglelētābē hobē weniji. Bu metole lamēta, Gotobē naba li mēta lale tafa namēglame. Bu Jisasbē olē mēta tafa mēta.

lëgletleme. Hanane mu. Goto bu kwe fëyemene, tēbo lowene aholokwana lalewa ti lëgleme.”

22 Na Jisas bubē lowene walowene tletēme. Na bume takune tlome, “Sobo kēha lowenena fëyeme lowene elone?”

23 Bo bume megali noglolēna, ‘Bo jubē tēbo aholokwana wati nēletē,’ sobo habē lowene lalone, bo bubē tēbo lowene aholokwana wati nēletelē? Sobo kē wesibi hwi hana elolo. Kwe bo bume megali noglolēna, ‘Ju huju ele, na jubē lowa ejume.’ Na bu huju lēleme, kwe sobo melowene egelome, ‘Bo Gotobē kalēlegona ho, na bo tēbo atona ho lalowa sle nogotlēme. Na bo mata hobē tēbo lowene aholokwana lalowa ti nēgletemēme.’

24 Kwe bo metole nanelē, sobo melowene egelome, ‘Bo, Gotobē life mago ho, bo ebē life mēta, kalēlegona homu nētābē. Na bo tēbo lowene aholokwana lalowa ti nēgelēme.” Na Jisas ato mogo tabo home hwi tole na gali tole, “Bo jume gali nolē, ju huju eleme, na jubē ni labuku glo eleme na jubē lowa ejume.”

25 Na kē ho, kē ni tēgēbebē, onehobē naba li mēta lahujuwa tle, na kēme ni tēgēbebē ni labuku glo tle, na Gotome fleflesu tletle na bibita totle na bubē lowa tuju.

26 Na iniwa oneho bu klelego memētla, na Gotome fleflesu mētletla na bibita mototla. Na megali mētla, “Ēje sebo lale klelegowa wesibi fli hwi noloma.”

Jisas Livai me gali tole, “Ju bome nagi enēnē”

27 Tokwafe, Jisas tuju, na takis baliti kē glo lëglekefētēmebē home hwi tole. Bu takis lo mēta tafa telule. Bubē weniji Livai. Na Jisas bume gali tole, “Ju bome nagi enēnē.”

28 Na Livai huju tle, na iniwa wesibi hune tle, na Jisame nagi telēkakle.

29 Na kwe Livai Jisame lebutako hi wesibimu bubē lo mēta ahojume tletle. Na lebutako takis baliti kē glo mēglekefēyabē ho na fli ho mata, buna tafa mētla na hi mētla.

30 Na Gotobē galime okokwe moglomabē ho, na fli Farisi ho, Jisasbē lowene esogo mēglēlētābē home momata mētletlēma na megali motloma, “Sobo, takis baliti kē glo mēglekefēyabē ho na fli tēbo lowene kē esogo mēglēlētābē enēnename fëyeme hihī elēlēkēfēmone? Bu tēbo enēne mu.”

31 Na Jisas bubē gali tafu tētātēme, “Dokta bu tēbo jwa mēglābē home hana sle logotomeme, hanane mu. Ho tēbo mēglābē kwe fëyemene, dokta bume fwa sle logotomeme.

32 Na bo kē fenene. Oneho bu meweniji lamētla, ‘Sebo, Gotobē naba li mēta, lale enēnefe,’ bo kēha onehobē lowene sleme nane tisi. Weye. Kwe oneho bu melē lowenena kē tafa mēglābē, ‘Sebo Gotobē naba li mēta tēbo enēnefe,’ kwe bo kēha onehobē tēbo lowene sleme tisi, bubē tēbo lowene aholokwana ti namēglame na Gotobē lale lowenewa esogo namēglēlētame.”

Jisas bu hi wesibi kē yo yo mēglābē lowenebēme gali tle

33 Na fli ho Jisame gali motlola, “Lebutako olē, Jonbē lowene esogo mēglēlētābē ho bu hi wesibi yo yo mētlekefēya, Gotome lowene sle namēgletame na Gotome gēgali mētletlēkefla. Na Farisibē lowene esogo mētletlētēmābē ho, bu mata melamētla. Kwe jubē lowene esogo mēglēlētēyobē howe, bu kē lale lowene esogo hana mēlētla, bu hihī melekefēya.”

³⁴ Na Jisas wafle gali tlome, “Ho bu mēse sei lēglēna, na mēse sei lēglēbē hi wesibi salē fata logotlena, na kē ho buna mana tafa mēglana, kwe bu hi wesibi yo mēglamene? Weye. Hanane mu.

³⁵ Kwe tokwafe, wame ho bu kē mēse sei home mēglelulana, na bu bubē yabe hona tafa jwa mēglana, kwe kē olēna bu hi wesibi mana yo mēglame.”

³⁶ Jisas bume wafle galime gali tlome. Bu megali latlome, “Ho li tiho gelowa ēho hana ka logotleme, na kē tiho ēho katabo hēno gelowa ēho mēta hana susu logotleme. Weye. Bu melē lēglēna, kwe bu tiho gelowa ēhome tēbo logotleme, na kē tiho ēho ka tabo na hēno gelowa ēhona weife weniyanena hana mēgebome.

³⁷ Na ho li bu tiho wain taba liji tu, ētanifu mēmē kleli jibona kē blēge blēge mototlabē botolo mēta hana wē logotleme. Bu melē lēglēna, na kē tiho wain taba liji tu sēse lēglēna, kwe ētanifu mēmē kleli jibo botolome bule logotleme na wain taba liji tu lifewa owē lēkakeme.

³⁸ Kēme nēgeme, ho li bu tiho wain taba liji tu, tiho mēmē kleli jibo botolo mēta wē logotleme na bu hana bule lēgleme.

³⁹ Oneho bu hēno wain taba liji tu wahi mēglabē, kwe bu tiho wain taba liji tu tole hana mletēma. Bu megali lamla, ‘Hēno wain taba liji tu ebē lalowa mu.’”

6

Jisas, tafawa olēna wege jwa mēgla galibēme gali tlome

¹ Jisas tafawa olēna, witi liji nuju kukuwa bule mētētagujaya. Na bubē lowene esogo mēglelētlabē ho, witi liji tētlē mētla, na sosa mototoma, jibo foke namēgletēmeme. Na mana afabo hi mētla.

² Na Farisi ho fli, bume hwi motloma na kēme takune mētla, “Euowe! Ebē kwe sobo sogēna lalo. Ebē kwe tafawa olē fe. Sobo tafawa olēna, hi wesibi, fēyeme tētlē elone? Fēyeme wege elone? Moses bu ētani kē lowenebēme tako hēhē latle.”

³ Na Jisas bubē gali tafu tētātēme, “Sobo, sebohē ētanifu eso ho, Devitbē gali, Gotobē bogo mago, hwi sle hana elolone? Bo melēme gali nolēyo. Ētani Devitna, kē tafa mētēglabē ho, foneme gigli memētla.

⁴ Na Devit Gotobē lowa tēkaklu, na bu Gotobē naba li mēta kē gogwa mētlabē bletē nage glo telule. Kē bletē nage, oneho hana hihi mētla, lotu lome wege mēglabē ho, buwa hihi mētla. Kwe Devit wali hi tle na bume kē tafa tēglelēmēbē home wali sa tētātēme na bu hi mētla. Sobo kē gali hwi hana elolone? Ēēē?”

⁵ Na Jisas bume ita gali tlome, “Kwe bo, Gotobē life mago ho, bo tafawa olēbē tako ho.”

Tafawa olēna, Jisas toba mogo tabo home sle totle

⁶ Li tafawa olēna, Jisas lotu lowa tēkaklu, na onehome gali tē tētātēme. Na tobamu toba mogo tabo ho kēme tafa telule.

⁷ Na Gotobē galime okokwe moglomabē ho, na Farisi ho, Jisasme mana hwiwa motlola. Bu melēme hwi motlola, bu tafawa olēna, onehome sle logotomemene o hanane? Bu melowene namēglame, “Jisas bu tafawa olēna onehome sle logotomena, kwe bume onehobē gali aholokwane moglomabē letitabo hobē naba li elēme mēglelula namēglame, bume tēbo namogotlame. Bu tafawa olēna wege lēgleme nēgeme.”

⁸ Kwe Jisas bubë lowene walowene tletëme. Këme nêgeme, kë toba mogo tabo home gali tlole, “Ju bo belë esime na emëta elikakime.” Na kë ho bu belë tujü tle na bubë lime tlibetle.

⁹ Na Jisas bume takune tlome, “Sebobë semle Mosesbë gali habelë lëgëbetle lalëlene? Sebo tafawa olëna lale lowene lalowa esogo nêglelëlamene o tëbo lowene esogo nêglelëleme? Sebo onehome lalowa nêgaitamamene, bu lale tafa namëglame o tëbo nogotomame?” Kwe bubë gali tafu hana mëtëtatla.

¹⁰ Na Jisas bume hwi tlagume, na kë home gali tlole, “Jubë toba elili etokwakle.” Na bu melë totle, na bubë toba lalowa tëbetle.

¹¹ Kwe Gotobë galime okokwe moglomabë ho, na Farisi ho, bu tako enisusu memëtletla, na blalo gëgali mëtla, “Euowe, Sebo Jisame habelë nogotlamene?”

Jisas bu we ita tèle home aniji tlome

¹² Na kë nalëwa, Jisas fatiniwa tokwale, Gotome gëgali nalëglelëleme. Na bu klabë tako, Gotome gëgali tégëmaitalebëë na mana feti na loko metleble.

¹³ Kliji fe tole, na bubë lowene esogo mëglelëtlabë home gali telokwakëme, bu belë migisitla namëglame. Na bu belë mitorisitla. Na bu we ita tèle home aniji tlome, na Aposel* wenijina fëfë totome.

¹⁴ Bu Saimonbë aniji tlole. Na Jisas bume li tiho weniji fë totle, “Pita.” Na bu Saimonbë bolijamo, Andrume mata aniji tlole. Na bu Jems, Jon, Filip, Bartolomyu,

¹⁵ Matyu, Tomas, Alfusbë bowene Jems, Saimon name aniji tlome. Saimon bu Selot ho.†

¹⁶ Na bu Jemsbë bowene Judas name aniji tlome. Na Judas Iskariot name mata aniji tlome. Judas Iskariot bu Jisame wamehome kë yo toglobebë ho.

Jisas lebutako onehome sle totome

¹⁷ Jisas, bu kë aniji toglobebë ho name, fatini mago kle mëtëmalitaya. Na buna fli lowene esogo mëglelëtlabë hona, lale tabo mëta tlebime. Na feilawa oneho, Judia provinsbë li life li life mago, na Jerusalem lifate mago, na Tair na Saidon nutu helefo li mago, bu mata kë mëta mëtëtabëya.

¹⁸ Bu këme loko mëtletletla, Jisasbë gali aholokwane namoglolame na bubë tëbo sle nalogotometëmememe. Na ahwane kë tëbo mototomebë onehome, sle totome.

¹⁹ Na iniwa oneho bume yafe lu mototla. Tako afutuku bu mëta tégëbetleme nêgeme, na kë afutuku bume laslewa totome.

Atwati enëne fleflesu matla

²⁰ Jisas swaya tletëme na bubë lowene esogo mëglelëtlabë home hwi tlagume na këme gali tlome, “Sobo tèlewa wesibina enëne, kwe fleflesu egelome. Sobo Gotobë oneho etabetelo, na Goto bu some eso home tafa lëletëyo.

²¹ Sobo fonoba kë tafa egelobë enëne, kwe fleflesu egelome. Tokwafe sobo hi wesibina memelë wesibina matahëna fe egelome.

Sobo ye kë eglekefobë enëne, kwe fleflesu egelome. Tokwafe sobo soso egelome.

* **6:13** Aposel weniji ebë Jisasbë wege kë fa nogotlabë enënebë weniji. Jisas, Gotobë gali tème kë jine tégëmebë enënebë weniji. † **6:15** Selot enëne bu metole lamla, li life mago ho bu seme eso home asa tafa malëletëna.

²² Sobo bome, Gotobë life mago home, esogo eglename nëgeme, bu some tëbojiwa kême mëglëyome, na kême hehë mletëyome na kême klëi galina gali möglëyome na kême sobobë weniji sisile mogotometëyome. Oneho bu some këha melë mëgëtona, kwe sobo fleflesu egletemome.

²³ Sobo fleflesu elome na têtane ebome. Tokwafe, Goto some heven life mëta feilawa wesibi lëglëyome. Ètani bubë bosemleino, bu Gotobë lowene mago gali të mototokweflabë home mata melamototokwefëma.

²⁴ Kwe sobo feilawa balitina enëne. Sobo hai! Sobo, sobobë lale wesibi wafi glo elo na sobobë lale tafa wafi fa etlo. Sobo tokwafe naba lalawa egotome.

²⁵ Sobo hi wesibi mëta kë egemulubë na imo feilawa kë têtafu egotomobë enëne. Sobo hai! Kwe tokwafe sobo fone egelome na naba lalawa etome.

Sobo sosonawa kë egëtabobë enëne. Sobo hai! Tokwafe sobo ye egelome. Na naba lalawa etome.

²⁶ Na iniwa oneho some fleflesu mëgletëyona na bibita mëgëtona. Sobo hai! Ètani bubë bosemleino bu Gotobë lowene mago gali të mototokwefëmabë sosogëna enëneme kë fene melë lamototoma.”

Some kë wame möglëyobë enëneme tole sle egletemome

²⁷ Jisas ita gali tleme, “Sobo bobë gali kë aholokwane eglëtabë enëneme gali nolëyo, some kë wame möglëyobë enëneme tole sle egletemome. Na ho some gëglë mëglelëyona, sobo bume tole sle egletemome na maninibo egletemome.

²⁸ Fli ho some hana mëglëyona, sobo Gotome gali elëlome, bume lëgaitame nalëgleme na bume lale wesibi lëglëme nalëgleme. Some kë gëglë mëglelëyobë enëneme, Gotome gali elëlome, bume maninibo nalëgletëmeme.

²⁹ Na ho jume ahino elë bu lëglëna, kwe bu malële, ju bume kofaya asa tëke elole. Weye. Ju jelë ahino elë obwelë etatleme, bu jubë jelë ahino elë mata bu nalëgleme. Na ho jubë gelowa èho li fa logotlena kwe fa malotle, na kwe li gelowa èho mata elëleme.

³⁰ Ho fli jume wesibime takune mëglëyona, ju bume eglëmewa egleme. Na ho jubë wesibi fa logotlena, ita lëgleme asa takune elole.

³¹ Iniwa wesibi sobo fenene tole eletemo, some melë lamëto, sobo kë wesibiwa bume melë egotomome.

³² Ho some kë tole mëgletëyobëme fwa tole egletemona, kwe ho sobobë lakaleme habëna lowene mëgletëyomene? Tëbo lakalena enëne mata bume kë tole mëgletëmabë enëneme, bu tole lamëletëma.

³³ Ho some kë mëgaitobë, sobo bume fwa egaitamona, kwe ho sobobë lakaleme habë lowene mëgletëyomene? Tëbo lakalena enëne mata, bume kë mëgaitamabë enëneme memaitama.

³⁴ Sobo melowene egelona, ‘Bu sobobë baliti seme kofayame lalowa mëglënamefe.’ Na sobo bume fwa baliti esokwaneme eglëmona, kwe ho sobobë lakaleme habëna lowene mëgletëyomene? Tëbo lowene enëne bu fli tëbo lowene enëneme baliti esokwaneme memelë melëma. Bu melowene mëgletëmame nëgeme, ‘Kofaya seme mata mëglënamefe.’

³⁵ Kwe sobo, sobobë wame home tole eletemome na lale lowenenawa yonane elëlemome. Sobo bume baliti elëmmome, na melowene asa elo, ‘Bu seme tokwafe ita mëglëname.’ Weye. Sobo melë lalowa, kwe tokwafe sobo lale wesibi fa egotlome, na sobo tako kalëlegona Gotobë nëbale egëtabome.

Gotome fieflesu jwa mëglekëfëtlabë enëneme, na tëbo enëneme mata, Goto bume lalowa lëgaitameme.

³⁶ Sobobë heven life mago blijaya, fli enëneme fene maninibo lëletëme, sobo mata melë maninibo egletemome.”

Sobo fli enënebë lakale asa hwi eletemo. Matëbe

³⁷ “Sobo fli enënebë lakale asa hwi eletemo na megali asa elomo, ‘Bu tëbo enëne.’ Sobo melë egelona, kwe kofaya Goto mata sobobë lakale hwi sle lëgletëyome, na megali lëlëyome, ‘Sobo tëbo enëne.’ Sobo fli hobë tëbo lakale aholokwana ti egletemome na lowene asa elekëfëtemo. Na Goto sobobë tëbo lakale mata aholokwana ti lëgletëyome na hana lowene lëglekëfëtëmeme.

³⁸ Sobo ho lime wesibi elëlome na Goto bu mata some kofayame wesibi lëlëyome. Bu some feilawa wesibimu lëglëyome. Bu wesibi efomemu kale lotomeme, owë mëkaketleme. Na some lëlëyome. Sobo wesibi home këniji elëmowe, kwe Goto mata some kënijiwa lëglëyome.”

³⁹ Jisas bume wafle galime gali tlome, “Naba titiki tabo ho, li naba titiki tabo home alëge lalowa lebotane lëgëtagutlemene? Weye. Bu melë mëgelona kwe bu iniwa fulujuwa mitigwëyome.

⁴⁰ Tisa kë okokwe loglalebë nëba bubë tisabë lowene hana sigli lëtatleme. Kwe tokwafe bu tisabë lowene, lowene sle lëletlena, kwe bubë tisabë lowene fene lëbetle, bu këha melë lëgleme.

⁴¹ Ju hwetiki tokwëfo, blijahabë naba mëta kë egëbatlebë, fëyeme hwi elotlene na kwe jubë naba mëta tako ti bule tabo tako kë lëgëbetëbë, lowene jwa fëyeme eletleme?

⁴² Ju tako ti bule tabo tako jubë naba mëta kë lëgëbetëbë hwi hana eglolena kwe ju li afame habë gali eglolmene, ‘O afa, bo jubë naba hwetiki tokwëfo, lalowa tufiji nëgëtatëmene?’ Weye. Ju sosogëna ho. Tako ti bule tabo, jubë naba mëta kë lëgëbetëbë afina tufiji etokwakleme. Na tokwafe ju hwi sle ekakeme na tokwëfo hwetiki, blijahabë naba mëta kë egëbatlebë, mana lalowa tufiji egëtatleme.”

Tëbo ti, tëbo liji mogwalëme

⁴³ Jisas ita wafle gali tle, “Lale ti, tëbo liji hana mogwalëme. Na kë fenene, tëbo ti mata, lale liji hana mogwalëme.

⁴⁴ Ho bu ti liji afina hwi molola na weniji lowene mletla. Ho bu atowai liji, walëlëba ti mago hana tëlë lëgleme na bu wain taba liji, ikiji taba mago hana tëlë lëgleme.

⁴⁵ Lale ho bu feilawa lale lowene bubë lowene mëta lëbetle. Këme nëgeme bu lale lowenena këme tafa lële. Kwe tëbo ho bu feilawa tëbo lowene bubë lowene mëta lëbetle këme nëgeme bu tëbo lowenena këme tafa lële. Tëbo lowene bu mëta lëbetlena, kwe tëbo galime gali lële. Kwe lale lowene bu mëta lëbetlena, kwe lale galime gali lële.”

Lale lo gliji ho na tëbo lo gliji ho

⁴⁶ “Sobo bome mēfë fëyeme etanane, ‘Sebobë tako ho,’ kwe tobë gali esogo jwa fëyeme elelëtëne?”

⁴⁷ Ho bu ho belë ligrisina na bobë gali aholokwane lëglena na esogo lëglelëlena, bo këha hobë lowene some gali noglëyome.

⁴⁸ Kë ho bu lale lo gliji lëglebë ho fenene. Bu life afina kakë yefi lële, na mēsëbahiha ti këme lë lëtamë. Na lo kë matawa gliji lole. Na tokwafe haliji tu

ligisina na kë lo yafe bēbē logotlena kwe bu hana fli logotleme, bu lale kalēlego lo gliji tēgleme nēgeme.

⁴⁹ Kwe ho bobē gali aholokwane lēglena na esogo hana lēglelēlena, bu tēbo lo gliji lēglebē ho fenene. Bu life hana yefi lēgleme na kalēlego jwa ti lē sle hana lēgētame. Tokwafe haliji tu ligisina na kë lo bēbē logotlena kwe bu lafliwa lotleme na tēbo lēleme.”

7

Jisas bu wame home boblo mogotomabē enēnebē eso hobē wege home sle tētatlē

¹ Jisas onehome gali watē tētātēme na Kaperneam lifewa tuju.

² Na wame home boblo mogotomabē enēnebē eso ho kë life mēta tētabe na bubē wege ho jowa. Bu kë wege home tako tolemu latlekefētīle, kwe bu tako tēbomu latletle na ējeha gli lēletleme.

³ Na wame home boblo mogotomabē enēnebē eso ho Jisas kë tafa tēglebē gali aholokwane tle, na kwe bu Israelbē afenēbonibē letitabo enēne fli, Jisas belē jine tlēme, bume takune namoglolame, bu ligisi nalēgleme na bubē wege home sle nalēgētatlēme.

⁴ Bu Jisas belē mutuju tla na bume anisasana gali motlola, “Kē wame home boblo mogotomabē enēnebē eso ho, bu lale homu. Ju lalowa egaitalēmene?”

⁵ Bu seme, Israelbē afenēbonime, tole latletēna, na bu sebobē life mago lotu lo gliji tletēna.”

⁶ Na kwe Jisas buna mutuja na loliwa fwa mutula na kë wame home boblo mogotomabē enēnebē eso ho, bubē yabe home Jisas belē jine tlēme, bume megali namoglolame, “Tako ho, matēbe, menuju asa kēkē ele. Bo lala ho nane, ju bobē lowa kë ekaklime. Weye. Bo tēbo ho.

⁷ Na bo mata, bo lale ho nane, ju belē kë nigisime. Weye. Bo tēbo ho. Kwe, ju galiwa elēme, na bobē wege ho lalowa nalēgetabetenēme.

⁸ Bo ebēha gali kēme gali nelē. Fli eso ho bu bome tafa mlēlēna na bo mata wame home boblo mogotomabē enēneme tafa nēlēmē. Na bo ho lime megali noglolēna, ‘Ju eiju,’ kwe bu lalugujuwa. Na bo ho lime megali noglolēna, ‘Ju esi,’ kwe bu laligisiwa. Na bobē wege home megali noglolēna, ‘Te, ju wege ele,’ kwe bu lawegewa lēle.”

⁹ Jisas kë hobē gali aholokwane totle, na klelego metletle, bume tako lowene sle lēgletleme nēgeme. Na bume kë esogo mētletlēlabē onehome swaya tletēme na gali tlome, “Bo some gali nolēyo, bo Israelbē afenēbo ku mēta, këha lowene sle lēgletenēbē home hana hwi nololē. Kē wame home boblo mogotomabē enēnebē eso ho bu bome tako lowene sle lēletēnē kwe Israelbē afenēbo bu iniwa këha nane, bu bome tokwēfo lowene slewa lamletēna.”

¹⁰ Na kë ho, kë jine tēglēmēbē, bu kë eso hobē lowa ita mitisiya, na kë wege home yafe hwi motlola, kwe wasle tle.

Jisas bu seiju mēsebē nēba huju tētatlē

¹¹ Tokwafe, Jisas bu li lifekuwa tuju. Kē lifekubē weniji Nain. Na bubē lowene esogo mēglelētēlabē hona na fli feilawa onehona, bu nani iniwa mutuja.

¹² Na bu kë lifekubē lēglesī ino elēme loliwa fwa mētēkakija, na bu u mogo kë mētletēkakilabē home esune mētlēma. Na kë u mogobē bota, nēba jowa na bu seiju tafa ele. Na feilawa oneho kë lifeku mago, bu kë seiju mēseme nani mētlesujaya.

13 Jisas k  m seme yafe hwi tol  na tako maninibomu metlet  na gali tol , "Asa ye ele."

14 Na bu loliwa tuju tle na u mogo k  l g b b  san ne lu totome. Na u mogo k  m tehilab  ho mana k me fwa mitlija. Na Jisas gali tle, "Falake, bo jume gali nol , ju mana huju ele."

15 Na gli k t g leb  falake, huju tle na tafa tle na mana g gali tle. Na Jisas botame tl .

16 Na iniwa oneho klelego memotokouja na Gotome fleflesu m tletla na bibita mototla na gali m tla, "Goto bub  lowene mago gali k  t  togotleb  ho tako kal legona ek  jine l let na. Goto bu wafi lisi t na, bub  onehome l gaitame nal gleme."

17 Na Jisas k  n ba k  huju totleb  gali, Judia provinsb  li life li life fifiji m tlagula na kak  el  mago life mata fifiji m tlagutla.

Tu m ta k  baptais totokwef m b  Jon, bub  lowene esogo m tlel telob  ho, Jisas bel  jine tl me

18 Jonb  lowene esogo m g l t lab  ho, iniwa wesibi Jisas k  sle totomeb , Jonme gali motlola.

19 Na Jon bub  lowene esogo m tlel telob  home, gali telokwak me, na bu mitisijo. Na bu k  tlemal  home Jisas bel  jine telokwak me, bume metakune namoglolome, "Goto jine gali k  l g leleb  ho, k  ho ju ek nene, o kwe sebo li home hwi n g letlamene?"

20 Na k  tlemal  ho, Jisas bel  mitisijo. Na bume gali motlolo, "Tu m ta, k  baptais totokwef m b  Jon, seme ju bel me jine l l bak no, na bu jume metakune lalol , 'Goto jine gali k  l g leleb  ho, k  ho ju ek nene o kwe sebo li home hwi n g letlamene?'"

21 K  nal wa, Jisas, bu lebutako onehob  memel  ato elili sle sle totomet me, na onehob  ato mago lebutako ahwane heh  tlet me. Na bu lebutako naba titiki tabo onehome sle totomet me.

22 Na Jisas Jonb  lowene esogo m tlel telob  hob  gali tafu t tat me, "Iniwa wesibi sobo k  hwi eglomob  na k  aholokwane egelob  sobo Jonme sagali ejuwel lo. Naba titiki tabo oneho wahwi mla, na elebo t bona oneho as  sle mla, na ato juba jubawa k  m t bet m b  oneho, bu lale tafa mla, na aholo titiji tabo oneho bu waaholokwane mla, na gigli k  m geb yab  oneho wahuhuju mla, na bu Gotob  lale gali, wesibi jwa en neme t  m tat ma.

23 Oneho bome k  lowene sle m g let nab  lowene kile jwa m glana kwe bu fleflesu matla."

24 Jonb  gali k  m tehilob  ho wam t yeu, na Jisas Jonb  gali onehome megali tlome, "Sobo  bame ho jwa tabo el  k  t g yeub , sobo hab tabo home hwime t yeune? Sobo li li lowenena home hwime t yeune, flelu agosaba fene abeiabei lotome? Weyewa.

25 Sobo f ye wesibi hwime t yeune? Sobo, lale  ho k  gelo togotleb  home hwime t yeune? Weyewa. Ho bu lale lale  ho ato m ta k  m g bet m b  na lebutako lale wesibi k  m g bet m b , bu walujume nane tafa mla. Weyewa. Bu tako lifateb  eso hob  lo m ta tatafa mla.

26 Sobo f ye wesibi hwime t yeune? Gotob  lowene mago gali t  totokwefleb  home hwime t yeune? Kwe n gali fe? Na bo some gali nol yo, k  Gotob  lowene mago gali k  t  togotleb  ho bu lalowa mu, kwe fli Gotob  lowene mago gali k  t  mogotlab  ho bu sog  lalowaha.

²⁷ Gotobë bogo, Jonme, megali lalatle, ‘Aholokwane elo, kwe tokwafe bo ho lime jine nëglëlème, bobë gali të nalëtaguleme. Na bu jume loutatème. Na bu alëge jume fu nalëgëtagutème.’

²⁸ Bo some gali nolëyo, Iniwa oneho bu ëtani kë tafa motokweijabë na ëje mana kë tafa mokouja, bu letitabo hoha kwe Jonye bu tako letitabo homu. Kwe, Goto eso home kë tafa lëgletëmebë oneho mago, li atwati homu kë tëtabebë, bu letitabo homu kwe Jonye bu sogë letitabo ho.”

²⁹ Na iniwa oneho na takis baliti kë glo mëglekefëyabë hona bu kë gali aholokwane mëtla na gali mëtla, “Gotobë lowene ebë lale mu.” Jon bume wafi baptais totomeme nëgeme na bu kë galime këme gali mëtla.

³⁰ Kwe Farisi ho, na Gotobë galime okokwe moglomabë hona bu Jon mëta baptaisme iweniji lamëtla. Këme nëgeme bu, Goto kë lebotane tëtatëmebë lale loweneme, tëbojiwa këme molola.

³¹ Na Jisas bu ita gali tlome, “Ebë olëna kë tafa mëglabë oneho bu fëye wesibihane? Bo some wafle galina lëlekuju nëletëyo.

³² Kë oneho bu fli hobë gali tole hana mletëma. Bu nëbale lifeku kume kë salë mëglabë fenene. Bu fli nëbaleme gali melëkakëma, ‘Iniwa wesibi sebo metole kë nëgletëmabë, sobo kë wesibime tole hana eletemo. Sebo some ifeife nëletëyo, sebo sobona sawa nanëglame kwe sobo sawame tëbojiwa lalo. Na sebo maninibo ye nëla kwe sobo tëbojiwa lalo na ye hana elo.’”

³³ Na Jisas ita gali tlome, “Jon, onehome kë baptais totomebë ho, bu tisi na bu bletë nage na wain tabo liji tu hana hi tle. Kwe sobo gali telo, ‘Ahwane tëbo bu mëta tafa lële.’

³⁴ Na bo, Gotobë life mago ho, bo tigusibë na bo hi wesibi hi telë na wain taba liji tu hi telë na sobo gali tlekefo, ‘Sobo hwi elo, bu feilawa hi lëglekefëbë ho na feilawa wain taba liji tu hi lëglekefëbë ho. Na bu takis baliti kë glo mëglekefëyabë hobë yabe na tëbo lowene kë fa motokweflabë hobë yabe.’

³⁵ Sobo këha gali gali elekefo, kwe oneho bu Gotobë lowene kë fa mogotlabë, bu seme melebotane mëtatëname, Gotobë lowene ebë nëgali mu.”

Mëse li, Jisasbë juba lëkaluwa tuna swa totometle

³⁶ Farisi ho, bubë weniji Saimon, Jisame no tlële, buna hi namëgelome. Na Jisas kë hobë lowa tëkaklu na hi labuku mëta tafa tle.

³⁷ Na lisei lisei tëglebë mëse, li kë lifeku mëta tëtabe. Kë mëse, gali meaholokwane tle Jisas Farisi hobë lo mëta kë lëtabe. Na bu lale anijina kë blëge blëge mëtëtayabë botolona lëkaluwa tu fa totle.

³⁸ Na bu Jisas kë mëta tafa lëglebë lowa tlelëkakule, na Jisasbë elebo li mëta tlibetle. Na mana ye tle. Bu ye tlebë na nabatu Jisasbë juba mëta tuha tetotë. Na bubë eslehuba heletanënona, Jisasbë juba mago nabatu sosa totometle. Na bubë juba ëfalëbona itaita momotlë tletle na lale lëkaluwa tu juba mëta wë tëtate.

³⁹ Na kë Farisi ho Jisame bubë lowa hime kë notëglëlebë, kë mëse, Jisame kë fa tëgëtatlebë wesibi yafe hwi tole na bubë lowenenawa melowene tle, “Kë ho, Gotobë life mago nëgebë, kwe bu melowene lëgletëme fene, ‘Bu tëbo lakalena mëse.’”

⁴⁰ Jisas bu kë hobë lowene walowene tletle na bume gali tole, “Saimon, bo jume li galime gali nolëme.” Na Saimon bume gali tole, “Tisa, jubë gali tle etle.”

41 Na Jisas gali tle, “Tlemalë ho bu baliti li hobë toba mago esokwaneme glo mëtelo. Li ho bu we lujuafe we baliti esokwaneme këniji glo tle na liye we lujua balitiwa esokwaneme këniji glo tle.

42 Kwe tokwafe kë tlemalë ho kofaya baliti mëglëlome fene kwe bu baliti hanane. Na këme nëgeme bu kë tlemalë hobë kofaya baliti glo lëglebë lowene aholokwana ti lëletëmeme na kë balitime ita hana takune loglomeme. Na ju habë lowene lalene, bu mago tlemalë ho ebë kë nëgebë feilawa tole yalë lëgletlemene o sozi tolewa yalë lëgletlemene?”

43 Na Saimon bume gali tafu têtatle, “Bo melowene nanelë, we lujuafe we baliti esokwaneme kë tëglëlebë ho, bume tako tole latletle.” Na Jisas bume gali tlole, “Jubë gali nëgali galimu.”

44 Na Jisas mëseme swaya tokokwetë na Saimonme gali tlole, “Saimon, ju ebë mëse kë eglibebëme hwi hana eolëne? Bo jubë lowa nëkakilina, kwe ju bobë juba tuna swa hana etometenë. Kwe ebë mëse kë nëgebë, bubë nabatuna bobë juba swa etometenë. Na bubë esolehubana sosa etometenë.

45 Na ju bome ëfalëbona sësle hana etanë, kwe ebë mëse bobë juba ëfalëbona sësle etometenë.

46 Na ju bobë eso mëta welë tu hana wë etatenë, kwe ebë mëse, bobë juba mëta lëkaluwa tu wë etatenë.

47 Këme nëgeme bo jume gali nolë, ebë mëse kë nëgebë, bo bubë feilawa tëbo lowene aholokwana wati nëletë. Këme nëgeme bu bome tako tole këme eletenë. Kwe ho bubë tëbo lowene tokwëfo, na Goto kë tëbo lowene aholokwana wati lëletle kwe bu Gotome tokwëfo tolewa lëletle.”

48 Na Jisas kë mëseme gali tolë, “Bo jubë tëbo lowene aholokwana wati nëletë.”

49 Na buna masei li mëta kë tafa mëtabë ho, bu kë gali aholokwane mëtla na blalo mana gëgali mëtla, “Ebë habëtabo hone? Bu sogëna lalële, tëbo lowene aholokwana habëna ti eglemene?”

50 Na Jisas kë mëseme gali tolë, “Ju bome lowene sle egletenëme nëgeme, na Goto jubë tëbo lowene aholokwana këme ti lëletë. Jubë lowene wasle nëtätë. Ju fluflesuna eiju.”

8

Jisasna kë mutujabë one

1 Tokwafe, Jisas li life li life asë tēbelëfa na onehome, Goto onehobë eso home tafa lëgletëmëbë, lalë gali tē tētāgutēme. Na bubë lowene esogo mëglelētlabë ho we ita tēle, buna mutuja.

2 Na fli one mata, ëbame ahwane tēbo bubë ato mago kë hehë tēgletēmëbë na tēbo kë sle totōmetēmëbë, buna mutuja. Liye, Makdala life mago Maria. Èbame Jisas, tobali ita tēle ahwane tēbo, bubë ato mago hehë tletēme.

3 Na liye Joana na Susana na fli feilawa one mata buna mutuja. Kë one kë nëgebë, bu Jisasna bubë lowene esogo mëglelētlabë hona, bubë balitina, hi wesibina mëtāitama. Joana ebë Kusabë no. Na Kusa, eso ho Herothë lo tafa lēlēkefētlebë eso ho.

Jisas mewaflë gali latlome, “Ho aoba liji nujume sike lëkou”

4 Li life li life mago oneho Jisas belë mitisiya. Na feilawa oneho bume loko mëtlelëta. Na bume waflë gali tē tētātēme,

5 “Ho li nujuwa lujua, aoba liji sike nalëkoume. Bu aoba liji sike lëkoubëe, na fliye alëgeme mititigo tle. Na oneho jubana fëfë melekefëya na fole jiwa mëtëkekebë lahiwa mële.

⁶ Na fli aoba lijiye anijina flêke mēta mititigo. Na liji hulu mēle kwe kē flêke tu jwa nēgeme, na lakokowa mēbe.

⁷ Na fli aoba lijiye, ikiji taba wayo mēta mititigo. Na kē ikiji tabana aoba liji weife hulu mētle na kē aobame lamuwa mototome.

⁸ Na fli aoba lijiye bu lale flêke mētamu mititigo. Na bu hulu mētle na bubē liji feilawamu motowalē. Bubē liji kēniji motowalēwagu, we lujuafe we, we lujuafe we.” Jisas kē waflē gali watē tētātēma na onehome gali tlome, “Ebē gali aholokwane lalo, sobo salowene sle eletelo.”

Jisas bu fēye lowene nane, waflē gali kē tē tētātēmebēye

⁹ Jisasbē lowene esogo mēglēlētābē ho bume kē waflē gali wayobēme takune motlola.

¹⁰ Na bu kēme gali tlome, “Ētani, Goto, onehobē eso home kē tafa lēglēlēmēbē gali olafa hana tletēme. Kwe ebē olēna bu kē ēho gali some waolafa tētātēyo. Kwe bo fli onehome waflē galinawa gali tlome. Bo waflē galiwa kēme gali tlome, bu mana itaita hwi mēglekefēyana kwe wesibi lowene sle hana mēgletlame. Na bu gali itaita meaholokwane mēglekefēyana kwe gali wayobē lowene hana mēgletlame.”

Jisas bu aoba liji waflē gali wayobē tohwa sle tētātēme

¹¹ Na Jisas ita gali tlome, “Kē aoba liji waflē gali wayobē melē lēgēbetlālēle. Aoba lijiye, Gotobē galime lēlekuju ne.

¹² Na aoba liji alēgeme kē mititigobēye, bu Gotobē gali aholokwane mēglābē enēneme lēlekuju ne, kwe Satan ligisiwa lēglēbē na kē gali bubē lowene mago lafawa letokwakētēme. Satan bu melowene lālēle, ‘Gotome lowene sle mēgletlālime na Goto bume nēno lēglēlime.’

¹³ Na aoba liji, anijina life mēta kē mititigobēye, bu ebēha enēneme lēlekuju ne. Bu Gotobē gali aholokwane mla na hokweinawa lowene mletla na fleflesu mletla. Kwe bubē gali bubē lowene mēta lēgēbetēme sle hana lēletēme, olo wesibi fenene tayafo su sle hana motometēme. Kēme nēgeme, kē nalēwa kēme lowene mletla. Kwe hobota olē yafe fata lēletēme, Gotome aholokwana latiwa mla.

¹⁴ Na aoba liji, ikiji taba wayome kē mititigobēye bu ebēha enēneme lēlekuju ne. Bu Gotobē gali aholokwane mla na lowene mletla, kwe bu ebē life mago hobota wesibime fwa tako lowene lamletēma, na feilawa baliti glo mēglame fwa lowene mla, na bu ebē life mago lale wesibime fwa fleflesu mla. Na kē wesibiwa Gotobē gali lēlamu mētātle, na bu Gotobē gali lowene sle jwa kēme mletla. Bu tētētābo hi wesibi fenene.

¹⁵ Na aoba liji lale flêke mēta kē mititigobēye bu ebēha enēneme lēlekuju ne. Bu Gotobē gali aholokwane mla, na bu kē gali bubē lowenena kiki motla. Bubē lowenena maninibona lalowa mēbetēmumu. Na bu kē gali aholokwana hana ti mla na bubē lowene li wesibi mētaha hana soslo lēletēme na bu lale lowene mēta fwa tafa mla.”

Oneho lamo fiji tabo isekuna hana lamu mēgētayame

¹⁶ Jisas ita gali tle, “Oneho bu lamo fiji mētayana, na isekuna hana lamu mēgētayame o ni labuku lokwalēfe mēta hana ēho mēgētayame. Hanane mu. Bu masei mēta gwa mētaya. Na oneho lowa mēkaklijana, bubē elulego hwi namoglotēyame.

¹⁷ Na wesibi elulego mēta fene olafa tletēme, iniwa wesibi ēho kē mēglēbē, kwe tokwafe Goto olafa lotomeme. Na iniwa wesibi oneho ēho kē

motomabë, kë mata, tokwafe Goto olafa lotometëmeme na oneho bu hwi molomame.

¹⁸ Sobo ululu sle saelo, gali aholokwane sle naegelome. Ho bu Gotobë gali lowene sle lalëletlee kwe ita Goto bume fli lowene lëglëleme. Kwe ho bu Gotobë gali lowene sle hana lëletlee kwe Goto kë hobë tokwëfo lowene ita hijika logotleme na bu kë lowene aholokwana ti lëleme.”

Jisasbë bota na bolijahanino na bolijamonino yalëne

¹⁹ Na kë nalëwa, Jisasbë botana bolijamonina mitisiya, bume hwi namoglolame. Kwe feilawa oneho bume loko mëtlelëtlame nëgeme na bubë li elë hana mutuju tla.

²⁰ Na bume gali motlola, “Bitana, blijamonina, jume hwime misiya. Bu lo mëglëbo elë ekë miliya.”

²¹ Kwe bume gali metafu latëtätëme, “Oneho Gotobë gali aholokwane mëgläbë na esogo meelëkefëtlabë, buwa bobë beënino na keinëbalenino na afanino.”

Jisas tu name flelu name gali tlome na latliwa mëtëbe

²² Na kë nalëwa, Jisasna bubë lowene esogo mëglëlëtlabë hona, ihe elë fëfe mëtla. Na megali tlome, “Te, sebo lake tu jelëfo elë mana su manëkaka.” Këme nëgeme bu mutuja.

²³ Ihe tigiwabë na Jisas ni tëbe. Na tako flelu lake tu mëta fata tletëme, na lake tu ihe elë okokli tokoke, na tu tëtafu lëgleme kofene, tëbo namiglitayame kofene.

²⁴ Na bu Jisame ni mago huju mototla na gali motlola, “Tako Ho, huju ele. Sebo tëbo niglitayame ekëyo.” Na bu huju tle na tu susugli name, flelu name kale tlome. Na kwe fleluna tu susuglina latliwa mëtëbe. Na tu mëgelimeha latëgemulewa.

²⁵ Na bubë lowene esogo mëglëlëtlabë home takune tlome, “Bome lowene sle jwa fëyeme eletënanane?” Kwe bu Jisasbë kalëlego hwi motlolame nëgeme na bu ulina tutunena memëtla na blalo gëgali mëtla, “Euowe! Ebë habëtäbo hone? Bu galiwa lëglëna, na fleluna tuna bubë gali laholokwanewa molole.”

Jisas ahwane tëbo, hobë ato mago hehë tletëme

²⁶ Jisasna bubë lowene esogo mëglëlëtlabë hona Galili provins kile mototla na Galili lake tu jelëfo elë ihena su mëtëkaka na Gerasabë walujuwa fwa mutula.

²⁷⁻²⁹ Jisas ihe kile tle na helefowa fe tokwake, na ahwane kë tetëbo mogotlebë ho bume esune tlële. Kë ho bu feilawa olë, ëhona nane tëtäbekëfe na bu lome fwa nane tatafa tlekëfe. Weye! Bu matëmatë life mëta fwa tatafa tlekëfe. Olëli olëli ho bume itaita fa mototkwëfla na bu senë tabana, toba kabana yafe gëgelo mototkwëfëmetla, kwe bu laeluluwa tototkwëfëme. Na kë ahwane tëbo bume ho jwa tabo elë memëtlukefle lamëtla. Kë ho Jisame hwi tlole, na tako afëflei metle na bubë elebo lime latitigotlewa. Na Jisas kë ahwaneme megali tlole, “Ju ebë home kile ele.” Na bu anisasana këme afëflei tle, “Jisas ju tako kalëlegona Gotobë nëba mu. Ju bome habelë egëtänëmene? Masiwafe, ju bome asa tëbo etanë.”

³⁰ Na kwe Jisas bume takune tlole, “Jubë weniji fë etlemo.” Bume feilawa ahwane mëtëkaklu tleme nëgeme na bu metafu këme tëtätla, “Bobë weniji feilawa ho.”

³¹ Na kë ahwane Jisame anisasana itaita gali motlokwefla, “Ju seme ahोजना fuluju elë asa jine enëna. Matëbe.”

³² Na kwe lebutako kleli bu fatini mleibu li mëta monei mëtle. Na ahwane Jisame anisasana gali motlole, “Ju seme kë kleli belë jine elëkakëna, nëkakluja nanëglame.” Na kwe Jisas gali tlome, “Sobo lalowa eyeumo.”

³³ Na ahwane kë home kile mototle na kleli belë mëtëkaklutëme. Na bu fatini mago lake tu elë fëka mëtëmalita na tu mëta lasusugluwa mëtle.

³⁴ Na kleli mëglëmabë ho bu kë wesibi hwi motlola na mëtlëbouja. Na kë gali li life li life të mëtëtagula.

³⁵ Na iniwa oneho mutuja kë wesibi hwi namoglomame. Na bu Jisas belë fwa mutula na ahwane bume kë kile mototlebë home mana hwi motlola. Bu lalë ëho wateho na bubë eso hana yaya tletle. Na bu Jisasbë elebo lime tafa tletle. Na bu iniwa uli memëtla.

³⁶ Oneho Jisame ahwane kë hehë tęgletëmebëme kë hwi motlola, bu tokwafe kë mitisiyabë onehome kë gali të mëtëtatëma.

³⁷ Na Gerasa lifate li mago life enëne bu kë gali aholokwane mëtla na bu tako uli memëtla na Jisame këme hehë mëtletla, bubë lifeku mago luguju nalëgleme. Na këme nëgeme Jisas ihe mëta fe tle, muguja namëglame fene.

³⁸ Kwe ahwane kë kile mototlebë ho Jisame anisasana takune tlole, “Bona lalowa nëgëyeumene?” Na kwe Jisas bume hehë metletle na këme gali tlole,

³⁹ “Jubë lifekuwa ejumo, na Goto jubë tëbo wesibi kë sle totometëbë gali të eoutatëmeme.” Na kë ho tuju, na kë lifate mago onehome, Jisas bume kë tęgaitalebë gali të tutatëme.

Jisas bu gli këtëglebë nëbame huju tëtamë, na tëbo atona mëseme sle tëtamë

⁴⁰ Na kwe Jisas ihena lake tu jelëfowa ita su mëtëkaka. Na feilawa oneho bume hwi mëtlekefëtla na bume hwi motlola na tako fleflesumu memëtletla.

⁴¹⁻⁴² Na lotu lo hwi loglokweflebë eso ho tisi, bubë weniji Jairus. Jisame hwi tlole, na elebo lime latitigotlewa. Kë hobë nëba gli egleme kofene na bume anisasana këme takune tlole, bubë lowa lëglelule nalëgleme. Kë ho bu jowa nëbawa. Na kë nemosana nëbabë tlibutu tabei kënji, we ita tële.

Na kwe Jisas tuju na feilawa oneho buna gëgeniwa mutuja.

⁴³ Na mëse li kë oneho buna iniwa mutuja. Kë mëse bu we ita tële tlibutuna ko latëkoukëfe. Ho bubë ato yafe sle sle mëtëtatëya kwe wino te hanatle.*

⁴⁴ Kë mëse Jisasbë leluju elëme tuju tle. Na bubë heletabo ëho mëta tobana lu totle na ko kë tęgëlebë latewa tle.

⁴⁵ Na Jisas gali tle, “Bome ya lu lëtanëne?” Na iniwa oneho bume gali motlola, “Sebo kwe hanane.” Na Pita bume gali tlole, “Tako Ho, ju hwi hana elene, lebutako oneho juna gëgeniwa kë egëyeubë?”

⁴⁶ Kwe Jisas gali tle, “Bo melowene nanelë, ho li bome tobana lu lëtanë. Bo mesu nanelë, bome fli afutuku wakile mëtanë.”

⁴⁷ Na kë mëse melowene tle, “Bu walowene lëlefe, bo hana ëho nëgelëmefe.” Këme nëgeme bu lilina metle na tisi tle na Jisasbë elebo lime latitigotlewa. Na iniwa onehobë naba lime gali tle, “Bubë ëho, bo lu nëtatelëfe. Melëme nëgeme, bobë ato sle nalëgletenëme. Na bobë ato elili laslewa lëletenë.”

* **8:43** Fli lowene ho bu melowene lamëtla, li gali mana lëbe kë gali mëta. Kë gali melë lëgëbelalële, “Bu lili dokta belë yafe asë tëbelëfa kwe bubë baliti dokta enëneme yawe tlotëme.”

48 Na Jisas gali tolë, “Mola, ju lowene sle egletenëme nëgeme, jubë ato këme titika lëletë. Na ju eiju. Tutune asa ele, lalowa tafa eguleme.”

49 Jisas mana gëgali tlelëbëë, na ho, lotu lo hwi loglokwe flebë eso hobë lo mago nëba wofu mana fata tlelëkakile. Na Jairusme gali tlole, “Jubë nëba wagli elo. Ju tisame ita sosalë asa etle. Matëbe.”

50 Jisas kë gali aholokwane tle na Jairusme gali tlole, “Ju tutune asa ele, bome fwa lowene sle egletenëme na jubë nëba lalowa egëtabetëme.”

51 Na Jisas Jairusbë lowa tuju. Na bu onehome buna mëkaklujame hehë latletëme. Bu Pita, Jems, Jon, kë nëba bota, bolijayaname fwa tlelëkakume.

52 Na kë lo mëta kë tafa mëtlabë oneho bu kë nëbame tako maninibo memëtletëya, na ye mëtlelekefëya. Na Jisas gali tlome, “Sobo fëyeme ye ye elelëyone? Kë nëba gli hana elo. Ni labe tekwe nëge.”

53 Kwe bu Jisame tako soso memëtëlëlamu. Bu melowene mëtlame nëgeme, “Kë nëba wagli sle elefe.”

54 Kwe Jisas kë nëbabë tobame fa tëta na anisasana gali tolë, “Nëba, ju huju ele!”

55 Na bubë amtëtomba ita tisitë na lahujuwa tëkake. Na Jisas bume gali tlome, “Sobo bume hi wesibi elëyomo.”

56 Na kë nëba botana bolijayana klelego memëtelo. Kwe Jisas bume anisasana gali tlome, “Sobo ebë wesibime ho flime asa gali elomo. Matëbe.”

9

Jisas bubë lowene esogo mëglelëtlabë home jine tëbelëkakëme

1 Na Jisas, bubë lowene esogo mëglelëtlabë ho we ita tèle kënijime gali telokwakëme na bu mitisitla. Na bu tako afutuku bume tlëme, bu ahwana onehobë ato mago kë afutukuna hehë namëgletëmame na tëbo kë mëglabë onehome sle namogotomame.

2 Na bu, Goto onehobë eso home tafa lëgletëmebë gali të name na onehobë tëbo ato sle name, jine tëbelëkakëme.

3 Na bume gali tlome, “Sobo egëyeuna, sobo wesibi asa ehoujo. Sobo liji, musu, hi wesibi, baliti, hihijika ëhona asa ehoujo. Matëbe.

4 Sobo li lifekuwa tuhu egulona na ho some nëno lëglëna, sobo kë lo mëta fwa nini ebekefome. Kë lo mëta nini ebekefobëë, na mana kë magowa eyume.

5 Na sobo li lifekuwa tuhu egulona na kë lifeku mago oneho some nëno hana mëglana, kwe sobo kë lifeku lakilewa elome. Sobo kë life mago egëyeuna, kwe sobobë juba mago flëke bubë naba li mëta bu elome. Bu some këme hwi mëglëyona na melowene namëglame, “Fëyeme tëbo nilitayane? Goto seme tëbo lëgëtanamefe.”

6 Na bubë lowene esogo mëglelëtlabë ho bu mana iniwa lifeku elë mitliwaya. Na bu Gotobë lale gali të mëtëtagumetëma na iniwa onehobë ato elili sle mëtëtagumetëma.

Herot Jisame yaya tletle

7 Galili provins enënebë eso ho Herot, bu Jisas kë totomebë wesibi aholokwane tle, na bu feilawa këme tutune tlekefe. Fli oneho megali mëtlame nëgeme, “Ebë kwe, onehome kë baptais togotomebë, Jon, matëmatë mago wahuju tle.”

8 Na fli oneho megali lamëtla, “Ebë kwe, ëtanifu ho, Elaija tekwe nëge, matëmatë mago huju tlefe.” Na fliye kwe megali lamëtla, “Ebë kwe, Gotobë

lowene mago gali ëtani k   t   mogotlab   ho li, tekwe n  ge, mat  mat   mago huju tle.”

⁹ K  me n  geme Herot megali latle, “  bame, bo wame home boblo logotomeb   home gali tlole, na bu Jonb   eso, mou lokwati iniwa tl   t  tatle. Kwe k   f  ye homune? Bo ho mago meaholokwane nanolokwef  m  , bu klelegowa wesibi bl  ge lotokwef  me.” Na bu Jisasme hwime tole tletle.

Jisas bu hi wesibi 5,000 home sa t  tat  me

¹⁰ Gotob   gali t  me k   jine t  gel  kak  meb   ho, ita loko m  t  kakija na bu iniwa wesibi mel   k   m  tlab  me, Jisasme t   m  t  tatla. Na Jisas bume n  no tle, na bu fli onehome hune m  tla na bume fwa li lifekuwa tlelume. K  b   life weniji Betsaida.

¹¹ Tokwafe lebutako oneho melowene m  tla, “Bu wafi mujafe.” Na kwe bu nagi esogo m  tlaguma. Bu bel   mitisitla na Jisas gali tlome, “Sobo lalowa esijo.” Na bu, Goto onehob   eso home k   tafa l  glet  meb   gali, t   t  tat  me. Na bu t  bo atona onehome sle totome.

¹² Na tabokl   mu, Jisasb   lowene esogo m  glel  tlab   ho we ita t  le, bu bel   mitisiya na bume gali motlola, “Te, ju onehome mana jine ebel  kak  me, lolime k   m  g  beb   lifeku el   mana migliwaya, hi wesibime hohwi nam  tayame na ni lo mata hohwi m  tatlame. Eb   ho jwa life n  geme.”

¹³ Kwe Jisas bume gali tlome, “Sobowa hi wesibi el  mo.” Na bume gali motlola, “Sebo feilawa hi wesibi hanane. Sebo tobali blet   nage na mo t  le, k  wa ek   m  be. Ju melowene lalene, ‘Sebo hi wesibi k   iniwa onehome balitina glo nan  glet  mamene, hee?’”

¹⁴ Eb   hob   tabei k  niji 5,000.

Na Jisas bub   lowene esogo m  glel  tlab   home gali tlome, “Sobo onehome gali elomo, 50, 50 m  ta tafa namokouja.”

¹⁵ Na bu mel   m  tla na iniwa oneho tafa motokouja.

¹⁶ Na Jisas k   tobali blet   nage na mo t  le glo tle, na matafa el   hwi tokwake na Gotome lala gali tlole, “Eb   blet   nagna mona yaha f  yeme en  nane?” Na bu klelegowa wesibi bl  ge totome na k   blet   nagna mona fufu totome na bub   lowene esogo m  glel  tlab   home tl  me, onehome sa nam  g  tat  mame.

¹⁷ Na bu iniwa hi m  tla na hahana mem  tlel  ma. Na bub   lowene esogo m  glel  tlab   ho, l  ne hi wesibi loloko m  t  taya na we ita t  le k  niji basket   musu t  tafu mototoma.

Pita megali latle, “Jisas, ju eb   ho k   n  geb  , Goto jume k   aniji togl  b   ho, onehome n  no naegleme”

¹⁸ K   nal  wa, Jisas, buwa Gotome g  gali tlel  le, na bub   lowene esogo m  glel  tlab   ho bu bel   mutuju tla. Na Jisas bume takune tlome, “Oneho bome hab   weniji lamlane?”

¹⁹ Na bume gali tafu m  t  tatla. “Fli onehowe megali lam  tla, ‘Onehome k   baptais togotomeb   Jon, tekwe n  ge, mat  mat   mago huju tle.’ Na fliye megali lam  tla, ‘Gotob   gali,   tani k   t  gehileb   ho, Elaija, tekwe n  ge, mat  mat   mago huju tle.’ Na fliye megali lam  tla, ‘Gotob   gali   tani k   m  tehilab   ho li, tekwe n  ge, mat  mat   mago huju tle.’”

²⁰ Na Jisas bume takune tlome, “Na sobo bome hab   weniji lalone?” Na Pita bub   gali tafu t  tatle, “Ju eb   ho k   n  geb  , Goto jume k   aniji togl  b   ho, onehome n  no naegleme.”

Jisas gali tlome, “Bo gli nelēme na huju nēgelēme”

21 Na Jisas bume anisasana gali tlome na meheheē latletēme, “Sobo kē galibēme fli onehome asa gali elomo. Matēbemu.”

22 Na Jisas bubē lowene esogo mēglelētlabē home gali tlome, “Tokwafe bo, Gotobē life mago ho, lebutako elili na hobota fa nogotlēme. Na letitabo enēne na lotu lome wege mēglabē eso enēne, na Gotobē galime okokwe moglomabē ho, bu bome hehē mēgletēname na bome mogo nalē tēkle mēgētaname. Na bo matēmatē mēta tēle olē nebēme kwe aona olēbēye mana huju nelēme.

23 Ho bome na bobē loweneme esogome tole lēglēna kwe bu ebē life magobē lale wesibi, bu kē tole lēgletēmebē, aholokwana satimu sle lēletēme na glime uli jwamu lēleme. Ho bume wame gali moglolana na bume mogo nalē tēkleme gali mēglana, bu uli jwa lēgleme na bome iniwa olē mana esogo lēlenēme.

24 Ho bu melowene lēglēna, ‘Bo Jisasme esogo nēglelēlēna fli ho bu bome tēbo mēgētaname.’ Na bu, bubē ato uli lēglelēlēna na bome hana esogo lēglenēnēna, kwe kēha ho bu tēbo liglitame. Kwe ho bu bome lowene sle lēgletenēna na bubē ato uli jwa lēglelēlēna kwe kēha ho bu hana tēbo liglitame. Ho bu kē home mogo nalē tēkle mogotlana, kē ho gli sle nane lēle. Weye. Bu unaunalēme lale tafa lēgleme.

25 Ho bu ebē life mago iniwa wesibi glo lēglēna, na kē ho bu hel life mēta tēbo liglitana, kwe kē wesibi bume habēna mēgaitalemene? Hanane. Bu blawa glo lēle.

26 Tokwafe, bo, Gotobē life mago ho, bo tako elulegona nīgisime. Bo bobē ayabē na bubē enselbē klijiha, kē u lēglebē elulegona nīgisime. Na ho li, onehobē naba li mēta bobē galibēme able loglomena na bome able lēglēna kwe tokwafe bo nīgisina, bo mata kē home kofaya able nēgletelēme.

27 Bo some nēgali nanolēyo. So mago emēta kē tafa egelobē bu mana neme na Goto onehobē eso home kē tafa lēgletēmebē olē mana fata lēleme. Na bu kē olē mana hwi mololame.”

Jisasbē ato li weniyanena fata tletle

28 Jisas kē gali wagēgali tle. Na tokwafe tobali ita aona olē mētlēbou na kwe Jisas, Pita, Jems Jonname nēno tle. Na tako fatini lufuwa tilekome, Gotome gēgali nalogolelēleme.

29 Bu Gotome mana gēgali tlelēlebēē, na bubē weniyanē li weniyanena mana fata tletle na bubē ēho melē tatiwamu fata tletle na feilawamu u tletle.

30 Na tlemalē ho lafatawa mētletelo na bume gēgali mētlelēlo. Kē tlemalē hobē weniji, Elaija na Moses.

31 Na bu Gotobē elulegona fata mētletelo. Na bu Jisasme, Jerusalem lifate mēta wesibi fata mēgletlebēme na bu gli lēglebēme na ebē life kile lēglebēme kē galime gēgali mētlelēlo.

32 Pita bume kē tafa tēglelēmebē ho bu feilawa nilafale mētla na ni mētebēya. Na bu ni mago huhuju mēta na Jisasbē elulego, na bume kē mētlelibōbē elulego, hwi motlētēma.

33 Na tokwafe, kē tlemalē ho, Jisasme kile mogotlome kofene kwe Pita gali tlole, “O tisa, sebo eme tafa nēglabē, ebē lalowa. Sebo aomalē, aona afeteni ti lo gigliji nēglame. Li jubē lo, na li Elaijabē lo na li Mosesbē lo.” Pita bu

yaya hoha gali tle na bu kë gali tëglebë gali lowene hana tletle. Bubë efalëbowa lëleguli tletle.

³⁴ Pita mana gëgali tlebëë, na oloba mana tetujule na bume iniwa lamu totome. Na bubë lowene esogo mëglelëtlabë ho uli memëtla.

³⁵ Na Goto kë oloba kweli mana gëgali tle, “Ebë bobë nëba. Bo bume wafi aniji tole, bobë wege fa nalëtatënëme. Sobo bubë gali aholokwanewa eglolome.”

³⁶ Kë gali wayawe tole, na bu Jisaswa tlibe. Na bubë lowene esogo mëglelëtlabë ho, kë olëna, kë hwi motlomabë wesibi, ho flime hana gali motloma.

Jisas bu ahwane kë tëbo lotlebë nëbame sle totle

³⁷ Li olëna, Jisas na bubë lowene esogo mëglelëtlabë ho aomalëna, fatini mago kle mëtëmalitaya. Na feilawa oneho Jisasme alëgeme esune mëtëlëla.

³⁸ Na ho li kë onehobë ku mago we tole, “Tisa, bo jume anisasana gali nolë, bobë nëba hwi naeglolome. Bobë jowa nëba nëgeme!”

³⁹ Ahwane bume itaita lalëkaklufëtë na bu afëfleina mëtëkëfe. Na kë ahwane bume lilina lalogotlewa na nënafu bubë ëfalëbo elë mowelëbetle. Na këbë ahwane bubë ato tëbo lëtakefëtë na bume hokweinawa hana kile logtleme.

⁴⁰ Na bo jubë lowene esogo mëglelëtëyobë home anisasana yafe takune tlomë, këbë ahwaneme hehë namëgletlame fene. Kwe bu hana hehë mëtletla.”

⁴¹ Na Jisas metafu tëtlatle, “Sobo oneho, sobo lowene sle hana elo. Sobo tëbo lowene ehola. Bo sobona li olë tafame tole hana nelë. Bo sobobë hobota ita fa nogotlëbëme tole hana nelë.” Na bolijayame gali tole, “Te! Jubë nëba ebelë elesutëna.”

⁴² Kë nëba Jisas belë loliwa tisi tle, na ahwane bume lifewa so telëkakle na life mëta tujetigo, na bume feilawa lili totle. Na Jisas këbë ahwaneme anisasana kale tole na kë nëbame sle totle na bolijayame tlële.

^{43a} Na iniwa oneho klelego memëtla, Gotobë tako afutuku hwi motlolame nëgeme.

Jisas, bubë glime ita gali tle

^{43b} Jisas kë togotlebë wesibime, oneho mana lowene mëtëkefëya, na Jisas bubë lowene esogo mëglelëtlabë home gali tlome,

⁴⁴ “Te, sobo ahola bo sle eto. Bo, Gotobë life mago ho, bu bome home yo moglomame.”

⁴⁵ Kwe bubë lowene esogo mëglelëtlabë ho, këbë gali wayobë lowene hana mëtletla. Goto, kë gali wayo bume ëho tëgëtatëmeme nëgeme na bu kë gali wayo lowene sle jwa këme mëtletla. Bu Jisasme uli mëtletlame nëgeme, na bu kë gali wayobëme takune jwa këme motlola.

Logouta ho yalëne

⁴⁶ Li olë na, bubë lowene esogo mëglelëtlabë ho, blalo kofaya kofaya megali mëtletlogwaya, “Semago, logouta home, ya tafa lëlene?”

⁴⁷ Na Jisas bubë lowene walowene tletëme. Këme nëgeme bu nëba tokwëfo no tlële na bubë lime tlibe.

⁴⁸ Na bubë lowene esogo mëglelëtlabë home gali tlome, “Ho bome lowene lëgletënëna, na ebëha nëbame lëgaitalëna, kwe bu bome laitanë. Na ho bu bome lëgaitënëna, bu bomewa nane laitanë. Weye, bome kë jine tëglënëbë

ayame laitale. Na ebë nëba fenene, ho somago atwati hoha metafa lëglena kwe kë ho logouta home tafa lëgletëyome.”

Ho some wame hana loglëyona, bu sobobë yabe

⁴⁹ Jon bu Jisame gali tlole, “Tako Ho, sebo ho li mehwi latlola, ho jubë wenijina ahwane tëbo hobë ato mago hehë tletëme. Kwe ahwane kë hehë lëgletlebë ho bu sebona jume hana esogo nëglelëyome nëgeme, sebo bume këme fene lëkle totla.”

⁵⁰ Kwe Jisas gali tlole, “Sobo këha home asa lëkle etlo. Ho some wame hana loglëyona, bu sobobë yabe.”

Samaria provinsbë li lifeku mago enëne, Jisas bu belë ligisime tole hana mëtletla

⁵¹ Goto, Jisame heven lifekuwa kë no lëglelebë olë nounou lalële. Këme nëgeme, Jisas lowene fa sle totle, Jerusalem lifatewa nalugujume. Na bu tuju.

⁵² Na bu fli home jine tlëme, mogoutaya namëglame. Na bu motoutaya na Samaria provinsbë, lifeku tokwëfo elë mëtëkakluja, Jisasbë wesibi sle namogotometlame.

⁵³ Kwe kë life mago oneho, Jisas bu belë ligisime tole hana mëtletla, Jisas bu Jerusalem lifatewa tugujume nëgeme. Bu melowene lamëtla, “Bu sebona lotume tole hana lëletënawa na bu Jerusalem lifatebë tako lotu lowa këme lju.”

⁵⁴ Na bubë lowene esogo mëtletelëlobë ho, Jems na Jon, kë lifekubë onehobë lowene hwi motlometemo na Jisame takune motlolo, “Tako Ho, ju metole lalene, sebo Gotome takune nanoglolome, kë onehome heven life mago, ahoju tuku nalëtëkakëtëmeme, temu namëgebëyame?”

⁵⁵ Kwe Jisas swaya tëkakëtëme na këkale tlome.

⁵⁶ Na bu li lifekuwa mutuja.

Jisame esogome tole mëglabë enëne

⁵⁷ Jisasna bubë lowene esogo mëglelëtlabë hona, alëge elë mutuja na ho li Jisame gali tlole, “Iniwa lifeku ju egujuna kwe bo jume nagi nëglagwime.”

⁵⁸ Kwe Jisas bume gali tlole, “Mëgali bu ni mëgebebë fuluju nane na fole mata ni tiji nane. Kwe, bo, Gotobë life mago ho kë nëgebë, bo kwe ni nëgebëbë lo hanane.”

⁵⁹ Na kwe Jisas li home gali tlole, “Ju bome nagi enënë.” Kwe kë ho gali tlole, “O tako ho, bo bobë ayame matëmatë mëta afina lalowa gwa nugujetlëmene na mana jume nagi nëlëme?”

⁶⁰ Na Jisas bume gali tlole, “Gigli mëglabë ho, buwa, gigli mëgebëya home lalowa matëmatë motoma. Kwe juwe, Goto onehobë eso home tafa lëgletëmebë gali tē etagutëme.”

⁶¹ Na li ho Jisame gali tlole, “Tako ho, bo jume nagi nëglëme, kwe bobë weife mago enëneme kaiyo afina lalowa nugujelëmene?”

⁶² Na Jisas gali tlole, “Ho bu ihena yegu lëglena kwe bu miti nagi itaita hwi lokoukëfena kwe bu ihe yegu sle hana lëglelëme. Na kë fenene, ho bome nagi lëglënëna kwe bu wesibina honame kë hune tēglebëme lowene lëglekëfëtëmena, kwe këha ho bu Goto onehobë eso home tafa lëgletëmebë wege hana fa logotleme.”

¹ Tokwafe, Tako Ho Jisas, bu 72 home mata aniji tlome. Na bu tlemalë tlemalëme jine tëbelëkakëme, bume mogoutatla namëglame. Inywa lifate na iniwa lifeku bu kë belëme lugujume kë tole lëglebë, bu kë enëneme kë iniwa lifate na lifeku elëme jine tëbelëkakëme.

² Na bume wafle gali tlome, “Feilawa hi wesibi bu nuju mago wanigliji mëbe, kwe lebutako wege ho hana mëtabëya, kë hi wesibi fa namogotlame. Këme nëgeme sobo nuju bolijaya, Gotome, sagali elolo, bu wege home jine nalëglëmeme, bubë nuju mago hi wesibi fa namëgëtatlame.”

³ Na bume gali tlome, “Sobo eyeumo. Aholokwane elo. Bo some kë jine nëglëyobëye, sobo sipsip kleli nëbale, wame tabo amalebë ku mëta fene mëtabe.

⁴ Sobo baliti musu o wesibi sisike musu o juba jibo asa ehujjo. Na some alëgeme kë esune mëglëyobë onehome, tafana asa gëgali elelëmo. Weye. Sobo hokweinawa saeyeu.

⁵ Na sobo lowa ekaklujona, sobo kë lo mago onehome afina megali eglomome, ‘Sobo ebë lo mëta kë tafa egelobë lowenena sle elo.’

⁶ Na tu taba ka ho, kë lo mëta tafa lëglena, kwe sobobë lowene sle gali bu mëta malëbetle. Kwe këha ho, kë lo mëta tafa hana lëglena kwe sobobë lowene sle gali sobelë lukwaiji lëkeketëyome.

⁷ Sobo kë lo mëta fwa sani ni ebekefo. Li lo li lo asa elo. Na iniwa hi wesibi some kë lo mago kë mëglëkefëyobë sahi hi elo. Bo ebë galime fëyeme gali nelëne? Ho wege lëglekëfëna, kwe bubë wege wesibi lalowa glo lëgleme. Na kë fenene, ho bu Gotobë wege, wege lëgletlena, kwe bubë wesibi glo lëgleme.

⁸ Sobo li lifatewa tuhu egelona na ho some bubë lowa no lëglëyona, kë hi wesibi some kë mëglëyobë, sahi elo.

⁹ Sobo kë life mago ato elili onehome sasle etomo. Na sobo gali metë saetatemo, ‘Goto bu sobobë eso home natafa lëgletëyobë olë nounou lalëletëyo.’

¹⁰ Na sobo li lifatewa tuhu egelona na kë life mago oneho some nëno hana mëglana, kwe sobo kë lifatebë alëge mëta elibome na megali elëmome,

¹¹ ‘Sobobë lifate flëke sobobë jubame kë lesili mëglebë sebo sosa nanotoma. Some melebotaneme nëgeme, ebë wesibi sobo kë egelobë wafi tëbo elito. Kwe sobo lowene sle elo, Goto bu sobobë eso home natafa lëgletëyobë olë nounou lalëletëyo, kwe sobo kë olë tole hana eletelo.’

¹² Bo some gali nolëyo, Goto, iniwa onehobë gali aholokwane loglomebë olë na onehome fufu logotomebë olë fata lëglena, kwe bu ebë lifatebë onehome tako tëbo logotomeme kwe bu Sodom lifatebë onehome sogë tëbowa logotomeme.”

Jisas, bume lowene sle jwa enëneme, maninibo tletëme

¹³ Na Jisas ita gali tlome, “Sobo Korasin lifate mago oneho na sobo Betsaida lifate mago oneho, masiwafe, tokwafe tëbo wesibi somëta fata mëgletëyome. Èbame, bo sobobë ku mëta Gotobë afutukuna, klelegowa wesibi blëge blëge tëtätëyo, kwe sobobë tëbo lowene aholokwana ti hana elo. Ètani, bo Tair na Saidonbë onehome këha klelegowa wesibi hana blëge blëge tëtatemë. Kwe bo Tair na Saidonbë onehome, këha klelegowa wesibi blëge blëge nëgëtatëmëbë, kwe bu ètani anebo bubë tëbo lowene aholokwana wati mëglame fene na lalë lowenewa esogo mëglëlëlame fene. Na bu tëbo èho wafi

gëgelo motomame fene na atikafa wafi ju mëglame fene, bu melëme lëlekuju mëtla, bubë tēbo lowene wahune mëtla.

¹⁴ Goto, iniwa onehobë gali kē aholokwane loglomebë olë na onehome kē fufu logotomebë olë fata lëglena, bu some tako tēbo lëgëtome kwe bu Tair na Saidon life mago onehome sogë tēbowa logotomeme. Sobo kē klelegowa wesibi hwi toglomome nēgeme kwe sobobë tēbo lowene aholokwana hana ti elo.

¹⁵ Na sobo Kaperneam life mago oneho, sobo melowene lalone, ‘Sebo lalene nēnemu nēgeme na Goto seme heven life elë nēno lëgleme.’ Weye. Hanane mu. Goto some tēbo lëgëtome na hel lifewa sike lëtëkakeme.”

¹⁶ Na Jisas bubë lowene esogo mëglelëtlabë home gali tlome, “Oneho sobobë gali aholokwane sle lameletëyo bu mata bobë gali aholokwane sle mëgletëname. Na oneho some hehë lameletëyo bu bome mata hehë mëgletëname. Na oneho bome hehë lamëletëna, bu bome kē jine tēglënëbë ho, Gotome mata hehë lamletla.”

Jisas kē jine tēglëmebë 72 ho, ita loko mëtëkakija

¹⁷ Tokwafe, Jisas kē jine tēglëmebë 72 ho, fleflesuna loko mëtëkakija. Na bu gali mëtla, “O, tako ho, sebo jubë weniji fë tētona, na ahwane bu sebobë gali aholokwane mëtle na lamëtëlbouwa.”

¹⁸ Na Jisas gali tlome, “Sobo melë tugulona, bo kwe, mehwi latelë, Satan heven lifate mago latitigowa, wawaine fene tle.

¹⁹ Aholokwane elo! Bo some afutuku wafi tlëyo. Na sobo sebobë wame ho, Satanbë afutuku boblo etatelome. Na sobo wame tabo taiju na mlawalë matawa lalowa asë egolome na iniwa wesibi bu some hana tēbo mëgëtome.

²⁰ Kwe ahwane, bu sobobë gali kē aholokwane mëgletëyobëme na kē mëtlëboubëme, asa fleflesu elo. Weye. Goto sobobë weniji bubë bogo mëta kē yahi tēgletëyobëme fwa fleflesu egelome.”

Jisas bu fleflesu latle na bubë bolijaya, Gotome gëgali tlelële

²¹ Kē nalëwa, Gotobë Amtëtomba, Jisasbë lowenebë fleflesu tëtatlë. Na Jisas gali tle, “Aya, ju heven lifate magobë na ebë life magobë Tako Ho. Yaha fëyemene? Bo jume fleflesu nanëletë. Oneho bume fwa melowene lamëtla, ‘Sebo iniwa wesibi lowene sle nëletëma,’ kwe ju jubë afutuku bume ëho tëtätëme. Kwe oneho bume fwa melowene lamëtla, ‘Sebo nëbale tokwetokwëha, sebobë lowene afluja lalëletëna, sebo iniwa wesibi lowene hana nëletëma,’ kwe ju jubë afutuku bume waolafa tëtätëme. O aya, ju jubë tolewa esogo elële na ju melë eleme.”

²² Na Jisas bu ita gali tle, “Bobë aya bu iniwa afutuku na lowene bome watlënë. Iniwa ho bome bubë nëbame lowene sle hana mëletëna. Bolijaya buwa lowene lëletle. Na iniwa oneho, bolijayame lowene hana mletla. Bo bubë nëba na bo ayame lebotane nëtätëmebë, kē oneho buwa lowene mletla.”

²³ Jisasbë lowene esogo mëglelëtlabë ho, bume fwa tafa tlelëme, na bume swaya tletëme na bume fwa gali tlome, “Sobo lebutako lalë wesibi wahwi tlomo, na sobo fleflesu egelome.

²⁴ Bo some gali nolëyo, ëtani, lebutako Gotobë lowene mago gali tē mototokweflabë ho na lebutako life mago eso ho bu metole lamëtla, sobo kē hwi toglobë wesibi, hwi moglomame fene, kwe bu hana hwi motloma, na bu metole lamëtla, sobo kē aholokwane tēgelobë gali, aholokwane mëglame fene, kwe bu aholokwane hana mëtla.”

Samaria lifate mago ho, bume kë wame toglobebë home taitale

²⁵ Gotobë galime okokwe toglobebë ho Jisas belë tisi tle, bume tēbo loweneme su nalogotleme fene. Na bu takune tlole, “Tisa! Bo habelë nēgelēmene, lale tafa unaunalēme fa nanogotlēmē?”

²⁶ Na Jisas bume takune tlole, “Gotobë bogo mago gali habë gali lalane? Ju habë hwi laeolēne?”

²⁷ Na Gotobë galime okokwe toglobebë ho gali tafu tētatile, “Sobo tako Gotome anisasana tole egetelomemu. Lowenena, afutukuna, ini tolewa egetelomemu. Na jubë ato fene tole eletle, ju lime mata metole egetleme.”

²⁸ Na Jisas bume gali tlole, “Ebë lalowa. Ju gali tafu sle latle. Ju melë eglena, na ju lale tafa fa egotleme.”

²⁹ Kwe kë Gotobë galime okokwe toglobebë ho bu metole latletle, Jisas bume melowene nalēgletleme, “Lale lowenena hofe.” Kēme nēgeme bu Jisasmē kēme takune tlole, “Gotobë bogo mago gali, bobë fēye yabe home gali elane?”

³⁰ Na kwe Jisas metafu tētatile, “Ēbame, ho li, Jerusalem lifate kile tle na Jeriko lifatewa tēmatule. Bu tematulebëë na wameho alēgeme ēho mētla, na bu alēgelēme okli mētelēkukiya na fa mototla na tēkle mototlabëë ējeha gli lēleme. Na bubë ēho titika mētletla na bubë iniwa wesibi mata glo mētletla na mana bume alēge mēglēbo mēta lakilewa mētēkaka na bu mētlēbouja.

³¹ Na kë olē nawa, lotu lome kë wege lēglebë ho mata kë alēge elēme tēmatule. Kwe bu alēge mēglēbome kë lēgēbebë home hwi telokwakle na alēge mēglēbo elē sigli tētagule na latugujuwa.

³² Na tokwafe, Livaibë afenēbo, lotu lo mēta kë wege lēglekefēbë, bu mata kë alēge elēme tēmatule na kë home hwi telokwakle, na lolime hwime tuju tle na hwi tlole kwe bu mata sigli tētagule na latugujuwa.

³³ Kwe Samaria lifate mago ho li,* bu mata nagi tēmatule. Na bu kë home hwi telokwakle, na bume tako masiwamu metletle.

³⁴ Na bu loliwa tuju tle, na bu wain taba liji tu, welë tuna, bubë juba këna swa totometle na kë juba, ēho kaka tabona lalei totometle. Na bume hujū tole na bubë donki kleli amlebo matawa gwa towetle. Na bume oneho kēme ni mētēbekefēyabë lowa tlelule, na bume ululu sle latotle.

³⁵ Na li olēna, bu tēle baliti kë ni lo bolijaya home tlēle na gali tlole, ‘Ju ebë balitina, ebë home këna satafa elelēle. Na jubë baliti, bume tafa eglelēbēme, sike eglena, kwe tokwafe bo nigisina, bo kofaya baliti jume nēglēmē.’”

³⁶ Na Jisas kë Gotobë galime okokwe toglobebë home takune tlole, “Ju habë lowene lalane? Wame ho kë tēkle mototlabë hobë yabe yalēmune?”

³⁷ Na bu gali tle, “Ebë ho bume kë masiwa lēgletlebë na kë lēgaitalebë, ebë bubë yabemu.” Na Jisas bume gali tlole, “Ju ejume na kë ho fene laitale ju melë egleme.”

Jisas Marta nabë, Maria nabë lo mēta tafa tle

³⁸ Jisasna bubë lowene esogo mēglelētlabë hona Jerusalem lifatewa mutujabë na li lifekuwa fwa mutula. Na kë lifeku mago mēse, bubë weniji Marta, Jisasmē bubë lowa no tlēle.

³⁹ Martabë bolijamobë weniji Maria. Maria, bu Jisasbë elebo lime tafa tletle na bubë gali mana aholokwane tlokwefle.

* 10:33 Israelbë afenēboni bu Samaria life mago enēneme yonane hana mētlelogwaya.

⁴⁰ Kwe Marta bubë hi wesibi kësle totomebë wegeme tutune tlekëfe na Mariame tëbo lowene fa tëtätë. Na bu këme Jisas belë tuju na gali tlole, “O tako ho, bobë keinëba bome wakile etanë iniwa wege bowa no tlë. Ju këme lowene jwa fëyeme elene? Ju bume gali eolë! Bome egaitanë naegleme.”

⁴¹ Kwe Jisas bume gali tolë, “O, Marta, Marta. Ju feilawa wesibime fëyeme tutune elene?”

⁴² Maria bu bona kë tafa nëgelobë na kë gëgali nëgelobë wesibi, ebë lale wesibimufe. Këme nëgeme sebo ebë lale wesibime bume hana lëkle nëgetayame. Ju ebë wesibime fwa lowene egletleme.”

11

Jisas, Gotome gëgali mëglelëla lowenebëme okokwe tlome

¹ Li olëna, Jisas Gotome gëgali tlelële. Bu Gotome wagëgali tlelële na bubë lowene esogo tlelëtlebë ho li, bume megali tlole, “O tako ho, ju seme Gotome gëgali nëglelëlabë lowenebëme okokwe enona, ëbame Jon bubë lowene esogo mëglelëtlabë home fene okokwe tlome.”

² Na Jisas bume megali tlome, “Sobo Gotome gëgali eglelëlona, kwe megali eglolome.

‘O, Aya, iniwa oneho bu megali samëla,

“Ju lalemu.”

Sebo metole nanëla,

ju onehobë eso home tafa egletë nabëme esitëna.

³ Iniwa olë, ju seme hi wesibi
kë olë nijiwa saelëkefëna.

⁴ Ju sebobë tëbo lowene aholokwana sati eletëna,
fli enëne seme tëbo lowene kë mëgletë nabë lowene
aholokwana fene ti nëletëma.
Ju seme su mëgëtanabë wesibi elë asa hwiwa enona.”

⁵ Na Jisas bume ita gali tlome, “So mago ho li bu yabena nëgena, na bu klabë kuna bubë yabebë lowa lujuna na gali loglolona, ‘Ju bome hi wesibi eglënëme.

⁶ Bobë yabe kakë mago walisi na bo nëglëlëbë hi wesibi hanane.’

⁷ Na bubë yabe bume lo mago megali lëgelubaklena, ‘Ju bome asa sosalë etanë. Ino watiji nelë, na bu bobë nëbale labuku mëta wani mebëya. Bo huju hana nëgelëme na jume hi wesibi hana nëglëme.’ Na sobo fëye lowene lalone, kë ho bu habelë lëglemene?”

⁸ Bo some gali nolëyo, sobo aholokwane elo, kë ho ebë lo bolijayabë yabemu, kwe bu hana huju lële na bume hi wesibi hana lëlële. Kwe bubë yabe itaita takune lëgelulukwakleme nëgeme na hana kile lotle, na bu këme huju lëgleme na iniwa wesibi bubë yabe kë tole lëgletëmebë mana nalëglëlëme.

⁹ Bo some gali nolëyo, sobo Gotome wesibime takune elokweflome na bu some wesibi lëglëyome. Sobo wesibi hohwi etakefëtelome kwe sobo hwi eglolome. Sobo inome këke elekefëtelome na Goto some ino tika lëgëtatëyome.

¹⁰ Iniwa oneho Gotome wesibime takune moglokweflana, kwe bu wesibi glo mëglame. Na iniwa oneho wesibi hohwi mëtakefëtemana kwe bu hwi moglomame. Na iniwa oneho inome këke mëglekefëyana kwe Goto bume ino tika lëgëtatëmeme.

11 So mogo ho li nēbana lētabe na kē nēba bolijayame mome takune loglolena, kwe bolijaya bume waiye lēglēmene? Weye. Hanane mu.

12 Na bu bolijayame kame takune loglolena, kwe bolijaya bume mlawalē lēglēmene? Weye. Hanane mu.

13 Sobo tēbo lowene itaita esogo elelēkēflo kwe sobo lale wesibi sobobē nēbaleme itaita lēlēkēfēmo. Kēme nēgeme sobo melowene egelomemu, ‘Sobobē aya heven life mēta kē tafa lēglebē, bu metole lalēle, oneho bume kē takune moglolabē, bubē Amtētomba, bume lēglēmeme.’”

Bu megali lamēta, “Jisas Belsebulna wege melo”

14 Jisas gali mumu tabo hobē ato mago ahwane hehē tletle. Ahwane wafi kile totle na kē ho mana gēgali tle. Na iniwa oneho hwi motlola na klelego memētletla.

15-16 Kwe fli metole lamēta, Jisame su namogotlame, na bume kēme takune motlola, “Jisas ju klelegowa wesibi li lebotane etatēna. Sebo jume melowene nanēgletēyome, ‘Gotobē afutuku ju mēta lēbetēfe.’” Na fli ho blalo megali mēta, “Bu, tēbo alibahobē eso ho, Belsebulbē, afutukuna ahwane kēna hehē lēlēkēfētēme.” (Belsebulbē li weniji Satan).

17 Kwe Jisas bubē lowene wahwi tlotēme na bume waflē galina gali tlome, “Li lifate mago enēne, bu bwa bwa lowene mēta tafa mēglana na momogli mēgētayana kwe bu blalo tafa sle hana mēglame. Na weife mago enēne blalo momogli mēgētayana kwe bu iniwa tēbo miglitayame.

18 Na Satanbē ilawa mago alibaho, bu bwa bwa lowene mēta tafa mēglana na momogli mēgētayana kwe bu afutuku mēglamene? Weye. Bu tēbo miglitayame. Bo walowene nelē, sobo bome melowene laletēna, ‘Bu ahwaneme Belsebulbē afutukuna hehē lēletēme.’

19 Kwe ebē nēgali nēgebē, Belsebul bome lalaitanē na bo ahwane tēbo kē hehē nēgletēmēbē, kwe sobobē lowene esogo mēglēlēlabē home ya laitamene, ahwane kē hehē mēgletēmabē? Belsebul bu laitamene? Sobobē weife mago enēne bu some melebotane mētatēyome, sobobē lowene tēbo.

20 Kwe ho ahwane Gotobē afutukuna hehē nēgletēmēna kwe sobo kēme lowene elome, Goto bu sobobē eso home watafa lēletēyo.

21 Afutuku tabo ho bu wame home boblo wesibi glo lēglana na bubē lo mēta kēna mana sei sle lēglēlana kwe bubē iniwa wesibi mēgēbetle sle mēgleme.

22 Kwe li tako afutuku tabo ho, bu kē tokwēfo afutuku home wameme ligisi tlena na bume wame loglolena na bume boblo logotlena kwe bu kē hobē wame home boblo wesibi bume kē afutuku mēglēlēlebē wesibi glo lēgletleme. Na bu kē hobē iniwa wesibi ho flime sa lētagutēmeme.

23 Oneho bome yabe hana mēglenēnana, bu bome wame moglonabē enēne. Na ho bome onehome loloko nēgētēbēme hana mēgaitanana kwe bu onehome lēlakwanena sisile lamotoma.”

Ahwane tēbo ita tisi tle

24 Jisas gali tle, “Ahwane tēbo home kile logotlena, kwe kē ahwane, lagu lifewa tuju, tafa labume hohwi nalugutame, haha tafu logotlebēme. Kwe haha tafu life hwi hana loglolena kwe bu kēme gali lēle, ‘Bo ēbame kē tafa tēgelēbē lowa ita nuguwime.’

25 Na ita luju na lo mehwi lolole, bu wasle motlafe.

²⁶ Këme nëgeme, bu luju na tobali ita tële yaife tabo ahwane nëno lule. Na bu mëkakluja na këme tafa mla. Ëbame kwe kë ho bu sogë tēbowa tētabe kwe tokwafe bu tēbomu lētabe.”

Fëye enëne fleflesu mëglamene

²⁷ Jisas lebutako onehome gali të tētātēme na mëse li, kë onehobë mago bume anisasana gali tlole, “Jume kë fu tēgetabë mëse na maba kë hi tēgletëbë mëse, bu fleflesu matle.”

²⁸ Kwe Jisas gali tle, “Weye. Oneho bu Gotobë gali aholokwane mëglabë na esogo mëglelëlabë bu kwe fleflesu mëglame.”

Fli oneho Jisame gali motlola, “Ju seme klelegowa wesibi li lebotane etatëna”

²⁹ Lebutako oneho bu Jisame loko motokweitlabë, na bume gali tlole, “Oneho kë nalë kë mētētābëyabë bu tēbo oneho mu. Bu bome takune motlona, ‘Ju Gotobë afutukuna, klelegowa wesibi li lebotane etatëna, sebo melowene nanëglame, ‘Ju Gotobë wege fa etatle.’” Kwe bu klelegowa wesibi li hana hwi moglolame. Bu jowa wesibiwa hwi moglolame. Wesibi Joname kë fata tēgletëbë wesibiwa hwi moglolame.

³⁰ Ëtani, Jona bu mo imo mëta aona olë tafa tle na mana mo imo mago huju tle na Ninive lifate mago onehome gali mana të tutatēme. Na Goto, kë klelegowa wesibina, Ninive lifate mago onehome, melebotane latētātēme, Goto Joname jine tletēme. Na Jona fenene, bo, Gotobë life mago ho, bo tokwafe, onehome ebë nalë kë mëgētābëyabë, klelegowa wesibi lebotane nëgētāmēme, melowene namëglame, ‘Goto bome jine tlënë.’

³¹ Goto, iniwa onehobë gali kë aholokwane loglomebë olë na onehome kë fufu logotomebë olëna, nëgēmowe life magobë eso mëse, bu huju egleme, na ebë nalë kë mëgētābëyabë onehobë tēbo loweneme gëgali egletēmeme. Bu bubë tēbo lowene këme gali egletēmeme. Ëtani kë eso mëse bu kakë lifatemu tafa tuglebë kwe bubë life kile totle na eso ho Solomon belë tisi. Na bubë lale lowene gali gëgali tlelë na aholo bo tētagutle. Kwe ho li somëta kë tafa lëglebë bubë lowene takomu kwe Solomonbë lowene melëha kwe sobo kë tako lowene hobë gali aholokwane hana elolo.

³² Goto, iniwa onehobë gali kë aholokwane loglomebë olë na onehome kë fufu logotomebë olëna, Ninive lifate mago oneho bu huju mëglame, na ebë nalë kë mëgētābëyabë onehobë tēbo lowene gëgali mëgletēmame. Bu bubë tēbo lowene këme gëgali mëgletēmame. Kë Ninive lifate mago oneho, bu Jonabë gali aholokwane motlolame nëgeme na bubë tēbo lowene aholokwana këme ti mëtla. Kwe ho li somëta kë tafa lëglebë, bubë lowene takomu kwe Jonabë lowene bu melëha kwe sobo kë tako lowene hobë gali aholokwane hana elolo na esogo hana elelëtelo.”

Jubë naba bu lamo fenene

³³ Na Jisas ita gali tle, “Oneho bu lamo fiji mëtaya na ëho hana mëgētayame o isekuna hana lamu mëgētayame. Weye. Bu masei mëta gwa mëtayame. Na oneho lowa mëkaklijana, bubë elulego hwi namoglēyame.

³⁴ Jubë naba lamo fenene. Jubë naba lalowa nëgena kwe jubë lowene mago lowene elulego lëgëbetēme na iniwa ato mëta elulego lëgëbetēmemu. Kwe jubë naba tēbo nëgena, kwe jubë lowene mago lowene kilego lëgëbetēme.

³⁵ Sobo ululu sle këme eglome. Elulego ju mëta kë lëgelubetëbë asa kilego malëletë.

³⁶ Jubë iniwa lowene elulegowa lelubetëna na kilego hana lelubetëna, kwe jubë iniwa lowenebë olëha lelubetëme, lamo elulegoha u eglatëme.”

Farisi ho na Gotobë galime okokwe moglomabë ho bu tëbo lowene esogo mëtëlelëkefla

³⁷ Jisas gali watë tëtätëme, na Farisi ho Jisasmë gali tlole, buna hi namëgelome. Na Jisas kë hobë lowa tëkaklutle na tafa tle, hi namëgelome.

³⁸ Na kë Farisi ho bu Jisasmë mehwi tlole, bu hime tafa tle kwe bu toba tu afina swa hana totome, Gotobë wegeho Moses fene gali tle. Na bu klelego metletle.

³⁹ Kwe Jisas bume gali tlole, “Sobo Farisi ho, sobo kabona blete ëhou ato elë fwa swa etokefëmo jubë ato fene swa etole. Kwe waholo kë nëgelujebë bu memelë tetëbo wesibi sosolo lameluletëyo. Sobo kë wesibi hana sle etomo.

⁴⁰ Sobo yaya enëne. Ho bu matawa atowa nane blëge blëge totle. Weye. Bu matawa atona waholona mata iniwa blëge blëge totome.

⁴¹ Kwe wesibi, blete ëhou na kabo mëta kë mëgelubebë, sobo wesibi jwa enëneme elëmo, bume egaitamo naegelome. Sobo melë egelona kwe sobobë iniwa wesibi, Gotobë naba li mëta lalowamu mëgëbetëyome.

⁴² Sobo Farisi ho, sobo hai! Sobo tëbo eglitome! Sobo memelë inilu welujuwa welujuwa lalei egotokwefomome na welujuwa mëta gwa etlome na jowa leitabo Gotome elëkeflome. Kwe sobo lale lowenebë na Gotome tole eglëtlobë aholokwana ti lalekefo. Sobo kë lale lowenebë esogo sle eglëlëlonä na fli lale lowenebë aholokwana ti jwa egelona kwe sobo lale oneho etabome.

⁴³ Sobo Farisi ho, sobo hai! Sobo tëbo eglitome! Sobo lotu lome tafa egelona, sobo metole lalo, onehobë naba li mëta, eso hobë tafa labume tafa egelome. Na sobo oneho këme kë tafa mëglabë lifuku mëta asë egelona, sobo metole lalo, oneho some megali namëglëyome, ‘O letitabo ho. Lale kliji.’

⁴⁴ Sobo hai! Sobo tëbo eglitome! Sobo matëmatë fenene këha mëho lalo. Oneho lowene jwa, na meweniji lamla, ebë lale lifewa, na bu matëmatë matawa measë mogolame na bu Gotobë naba lime tëbowa mëgëtabëyame. Na sobo kë matëmatë fenene. Oneho bu sobobë tëbo lowene hwi hana mogletëyome na meweniji namëglame, sobo lale enëne.”

⁴⁵ Na Gotobë galime okokwe toglobebë ho, bu Jisasbë gali aholokwane tle na bume gali tlole, “Tisa, ju kë gali Farisi home gali eglobebë kwe ju seme mata gëglë lalëna.”

⁴⁶ Na Jisas gali tle, “Sobo Gotobë gali okokwe eglobobë ho. Sobo hai! Sobo tëbo eglitome! Sobo onehome lebutako tafa sle gali okokwe elokwefomo, esogo namëglëlëmame, kwe sobo, kë gali esogo mëglëlëmabëme, egaitamo hana elo na këbëna bume hobota gwa etatemo.

⁴⁷ Sobo hai! Sobo tëbo eglitome! Sobobë bisemlenino bu Gotobë lowene mago gali të mototokweflabë home wamena tëtëkle mëtëtakëfëya. Na sobo kë hobë matëmatë negli etokwefëmetemo.

⁴⁸ Sobo matëmatë negli lakalena, onehome melebotane etatemo, sobobë bisemlenibë lakaleme helawawa laletemo. Bu Gotobë lowene mago gali të mototokweflabë home wamena tëtëkle lamëtëtakëfëya.

⁴⁹ Goto këbë hwi tlolena na bubë lale lowenena megali tle, ‘Bo bobë lowene mago gali të motokweflabë home na bobë gali tëme jine mëglëmabë home jine nëglëmëme, na bu flime wame ijiwa moglomame na flime mogo nalë tëtëkle mëtayame.’

⁵⁰ Ètanimu na mana ekè lèbe bu Gotobè lowene mago gali tè mototokweflabè home mogo nalè tètèkle mètétagijayame nэгeme, na Goto, bu ebè olèna kè mètábèyabè onehome kème tèbo logotomeme.

⁵¹ Bu Gotobè lowene mago gali tè mototokweflabè home mogo nalè tètèkle lamètétagijaya. Bu ètani Abel mèta afina oto mutula, na flime mata mogo nalè tètèkle lamètétagijaya na Sekaraia belè mana fwa tèkaki na bume mata mogo nalè tèkle mototla. Sekaraia bu, Gotome, wesibi kè mèta ahøjume ahøjume melekefètlabè masei jelè, na Gotobè lo jelè, kè afloko mèta tètabe na bume mana mogo nalè tèkle motlola. Na bo some gali nolèyo, ètanifu oneho bu Gotobè lowene mago gali tè mototokweflabè home mogo nalè tètèkle mètétagijayame nэгeme, na Goto bu ebè olèna kè mètábèyabè onehome, kème tèbo logotomeme.

⁵² Sobo Gotobè galime okokwe eglomobè ho. Sobo hai! Sobo tèbo eglitome! Sobo, Gotome kè lowene mэгletlabè lobè inoha tei tiji elo. Na sobowa kè ino hana tika etlome na hana ekaklujome, Gotobè lowene nafa egètateľobème. Hanane. Na oneho bu kè lowa mèkaklujame fene, Gotobè lale lowene fa namogotlame kwe sobo lèkleha latokwefomo.”

⁵³ Na kwe Jisas kè lo mago toho tèkake. Na tokwafe Gotobè galime okokwe moglomabè ho na Farisi ho bume tèboijiwamu lamètletla na memelè tètakunebème takune motlola.

⁵⁴ Bume melème fene sosogèna motlola, tèbo galina tafu lètatème nawa na bume mana enisusu mletlame na mogo nalè mana tèkle motlame.

12

Sobo Farisi hobè sosogèna lowenebème ululu sle saelo

¹ Feilawa onehomu loko mètletlèya. Na bu ke mètłame nэгeme na fli onehome jubame fèfe fèfèha mètletlogwaya. Na Jisas bubè lowene esogo mэгletlètlabè home afina gali tè tètatème, “Sobo Farisi hobè bletè nage sèse wesibime ululu sle saelo. Bo kè gali nэгelèbèye, bubè sosogèna lowenebème gali nelè. Bubè sosogèna lowenebè, sobobè lowene mèta takowa lèbetèyolime. Bo kème gali nelè, sobo ululu sle saelo.

² Iniwa wesibi oneho èho kè motomabè, kwe Goto olafa lotometèmeme na oneho bu hwi molomame.

³ Na iniwa gali sobo hwelutuwa kè gègali egelobè, kwe tokwafe ho li kè gali lifeku mèta onehobè aholo li mèta tè logotleme.”

Sobo Gotome fwa sauli eletelo

⁴ Na Jisas ita gali tłome, “O bobè yabenino, bo some gali nolèyo. Sobo home asa uli eletemo. Weye. Ho some mogo nalè tèke mэгlèyome kwe bu some ita hana tèbo mэгètome.

⁵ Bo some megali sle nèlèyo. Sobo Gotome fwa uli egletelome. Goto bu lalowa, home mogo nalè tèbo logotleme na bubè afutukuna kè home hel lifewa lalowa tuku lègleme. Ho kwe melè hana mogotlame. Bo some gali sle nèlèyo, sobo Gotome fwa uli egletelomemu.

⁶ Fli tokwètokwè fole, ho melowene lamlá, ebè lale wesibi nane, ebè tèboha wesibi tekwe nège. Kwe, Goto bu kè tokwètokwè foleme aholokwana hana ti lèletème. Bu tafa lèlèlème na ululu sle lalotome.

⁷ Na habenuju eslehuba tabèi sobobè kè nэгèbè Goto walowene sle lèletème na iniwa wesibi mata walowene sle lèletème. Kème nэгeme bo some gali nolèyo, iniwa wesibi some kè fata mэгletèyobè, sobo uli asa eletemo.

Sobo walowene elo, tokwëtokwë fole bu tokwëfo wesibiha kwe Goto bu kë foleme mana tafa lëlelëme na ululu sle lalotome. Kwe sobowe, sobo tako wesibi na Goto bu some tako tolemu lalëletëyo na itaita metafa lëglelëkefëyome.”

Sobo megali egelebëme asa able elo, “Sebo Jisame lowene sle nêgletlabë oneho”

⁸ Na Jisas ita gali tle, “Bo some gali nolëyo, ho bu onehome megali loglomena, ‘Bo Jisame lowene sle nêgletelëbë ho.’ Kwe bo, Gotobë life mago ho, bo Gotobë enselbë li mëta megali noglomëme, ‘Bu bome lowene sle lëgletenëbë ho.’

⁹ Na ho bu onehobë naba li mëta bome lowene lëgletenëbëme able lëglena, kwe tokwafe bo Gotobë enselbë li mëta kë home kofaya able nêgletelëme.

¹⁰ Ho bu bome, Gotobë life mago home tëbo gali loglonëna kwe Goto bubë kë tëbo lowene aholokwana ti lëgletleme. Kwe ho bu Gotobë Amtëtombame klëë gali loglolena, kwe Goto bubë tëbo lowene aholokwana hana ti lëgletlememu.

¹¹ Bu some lotu lowa sobobë tëbo lowene gëgalime mëglelujona. O gavman ho o tatako letitabo ho belë sobobë tëbo lowene gëgalime mëglelujona, kwe sobo këme metutune asa elo, ‘Sebo bubë gali habë tafu nêtatëmamene? Sebo habë gali nêglamene?’ Weye.

¹² Kë olëna, Gotobë Amtëtomba, sobo bume këna tafu egëtatembë gali lebotane lëgëtatëyome.”

Baliti musuna hobë waflë gali

¹³ Na ho li, kë feilawa onehona mëtëtabëya na bu Jisame gali tlole, “Tisa, bobë aya wagli lële na bo metole nanelë, ju afame gali elole, iniwa wesibi aya kë hune lëglebë, fulelë lëleme na fli bome lëlënëme.”

¹⁴ Kwe Jisas bume gali tlole, “Ju bome kë galime fëyeme gali enonëne? Ho bome gali aholokwane moglomabë home hana aniji motlona, na bo kë wesibi some hana sa nêgëtatëyome. Weye. Hanane.”

¹⁵ Na bu onehome megali tlole, “Sobo ululu sle saelo, feilawa wesibi mëmaune eglëmolime. Sobo feilawa wesibina nêgebë kwe kë wesibi kwe some lalë tafame hana mëgaitomemu.”

¹⁶ Na Jisas waflë galime gali tlole, “Baliti musuna hobë nuju mëta, feilawa hi wesibi mëbekefëtle.

¹⁷ Na kwe kë ho melowene tle, ‘Bobë hi wesibi loloko lo wake melefe na bo li lo hananefe, bobë fli hi wesibi këme gogwa nanëgelëme. Bo habelë nêgelëmene?’

¹⁸ Na bu gali tle, ‘Ai, ta bo melë nêgelëme. Bobë hëno tokwëtokwë hi wesibi loloko lo yaye notomeme na fli tatako wesibi loloko lo gigliji nelëme na bobë hi wesibi na fli wesibi kë mëta loloko nanëgëtëme.

¹⁹ Na bo bowa melowene nelëme, “Bo feilawa wesibina hofe. Bobë lalë wesibi feilawa tibutu niji mëbetenëfe. Ta bo tafawa manelë. Bo tafawa nêlekefëme na flelesuna hi nêlekefëme.”

²⁰ Kwe Goto bume megali latlole, ‘Ju yaya homu. Ebë klabëna ju gli egleme. Na iniwa wesibi ju kë loloko egëtabë yalë glo lëgletëmene?’”

²¹ Na Jisas gali tle, “Na wesibi kë home fenene fata tletle, ho li Gotome lowene hana lëgletlena na bubë feilawa lalale wesibi loloko loloko lëgëтана, na kë wesibina fli onehome lëgaitame jwa lëglena kwe këna lakale Gotobë naba lime sle hana lëletle.”

Sobo tutune asa elo. Goto bubë nêbaleme tafa sle lëglelëmeme

22 Na kwe Jisas bubë lowene esogo mëglelëtlabë home gali tlome, “Sobo ebë galibë lowene sle eletelo. Na sobobë tafa lale lëgëbetëyobëme tutune asa elo na megali asa elo, ‘Sebo fëye wesibi hi nëglamene? Sebo ëho hamago glo nëglamene?’

23 Hi wesibi na ëho bu some lale tafame hana mëgaitome. Jubë lale tafa ebë tako wesibi, kwe hi wesibi ebë tokwëfo wesibi. Na jubë ato ebë tako wesibi, kwe ëho ebë tokwëfo wesibi.

24 Sobo abagou foleme lowene eletemo. Bu hi wesibi hana tobalo mële na bu hi wesibi loloko hana mëta. Na bu hi wesibi loloko lo hanane. Kwe Goto bume hi wesibi lëlëkefëme. Kë fole kwe bu tokwëfo wesibiha kwe sobo oneho tako wesibimu na Goto bu some mata hi wesibi lëglëyome.

25 Na ho bu ebë life mëta kë tafa lëglebë olëme tutune lëglëna kwe bubë olë lalowa kikli lëgetokwaklemene? Weye. Hanane mu.

26 Sobo ebëha tokwëfo wesibi melë hana egelona kwe sobo fli wesibime blawa fëyeme tutune elone?

27 Sobo lale ti tahweji lowene eletemo. Bu habëtabo foke melene? Bu këkë hana mëgleme na bubë negli wesibi hana susu motomeme. Kwe bo some gali nolëyo, ëtani eso ho Solomon bu lale lale negli wesibi gëgelo totokwëfëme. Kwe bubë negli wesibi bu kwe sogë lalowaha, kwe lale ti tahweji bu lalumu mëbe.

28 Sobo lifeku mago agosaba tahwejime lowene eletemo. Lifeku mago agosaba tahweji lifekume ëje kë foke mëglebë, ho uniji wege mëglame na ahoju fiji mëtayame. Kwe Goto bu këha lifeku mago agosaba tahwejime negli sle lalotokwëfëme. Këme nëgëme sobo lowene sle egletelome, Goto some mata ëhona negli lëgëtomë. Sobo Gotome tokwëfo lowene slewa laletelo.

29 Goto some tafa lëglelëyome. Këme nëgëme sobo hi wesibime metutune asa elo. Sebo fëye wesibi hi nëglamene o sebo fëye tu hi nëglamene?

30 Gotome lowene jwa mëgletlabë oneho bu kë wesibime feilawa tutune melekefëya. Kwe iniwa wesibi sobo kë tutune egletemobë, sobobë blijaya këbëme walowene lëletëyo.

31 Sobo wesibime tutune asa elo. Weye. Sobo Gotome fwa melowene eglekefëtelome, ‘Bu sebobë eso ho lëtabetënafe, na bubë tolewa esogo eglelëtelobëme lowene elome. Na kwe bu hi wesibina ëhona some mata lëglëkefëyome.’”

Sobo heven life mëta wesibi loloko egëtomë

32 “Sobo bobë enëne tle. Bo some kë tafa nëglelëyobë, ho sipsip kleli fene lëlëme. Sobo uli asa elo. Sobobë blijaya bu wafi gali tle, bu sobobë eso home tafa lëgletëyome na sobo buna eso hoha onehome tafa elelëmome.

33 Sobobë iniwa wesibi balitina hihijika elome. Na kë baliti glo elome na wesibi jwa onehome aitamome. Sobo melë egelona, kwe sobo unaunalëme tafa wesibi glo egelome, na sobo heven life mëta lale wesibi loloko egotome. Tokwafe sobo heven life mëta këha wesibi hwi eglomome. Heven life mago wesibi, flawei hana mëgleme. Na ho toklime glo hana mëglame, na lahwë hana sisile mogotomeme na gu hana mëglelëme.

34 Sobobë wesibi fëye mëta mëbetëyowe, sobobë lowene mata kë mëta lugubetëyome.”

Lale wege enëne bu sagli melëlame na walena satafa mla

35 “Sobo iniwa wesibi sagli elëlome na walena satafa elo. Sobo ëho gëgelo etomome na lamo fifiji etomome na këna tafa elome.

³⁶ Sobo këha metafa egelome, ho bubë eso home, bubë tako salë mago ligisibëme fene hwi mletla. Bubë eso ho bu ino mëta këke lëglena kwe bu hokweinawa tika mëtatlame.

³⁷ Na bu ligisina na mehwi lëglena, bubë wege ho bu ni hana mëgebëyana, kwe kë wege ho bu fleflesu matla. Bo some nëgali gali nanolëyo, kë eso ho bu wege ëho gëgelo lotomeme, na bubë wege home gali lolomeme, 'Masei mëta tafa elome.' Na buwa hi wesibi bume lëlëmeme.

³⁸ Na bu klabë kuna o fole olëna ligisina na mehwi lëglena, bubë wege ho bu ni hana mëgebëyana, kwe kë wege ho bu fleflesu matla.

³⁹ Sobo ebë wesibi lowene sle eletemome. Ho bu tokli ho ligisibë olë lowene lëgletlena, kwe bu kë tokli home lëkle logotleme na bu lowa hana lëkaklume.

⁴⁰ Sobo mata sagli elëlome na mana walena satafa elo. Bo këna nigisibë olë sobo lowene hana eletelo. Sobo melowene jwa elome, 'Bu ebë olëna hana ligisime, kwe bo, Gotobë life mago ho, kë olëna mana nigisime.'"

Ebë lale wege hobë na tëbo wege hobë wafle gali

⁴¹ Pita Jisame metakune tole, "Tako Ho, ebë wafle gali ju seme fwa gali enonane o iniwa onehname gali elome?"

⁴² Na bu gali tafu tëtatl, "Bo iniwa lale wege kë fa mogotlabë na lale lowenena kë mëtabëyabë wege home gali nëlëyo. Eso ho bu këha lale wege home meaniji logloleme, bubë fli wege home tafa nalëglelëmeme na hi wesibi bume nalëglëmeme, eso ho kë gali toglolebë olë mëta.

⁴³ Eso ho ligisina na bubë wege home mehwi loglolena, bubë lale wege mana fa lotokwefëtlege. Kwe kë wege ho bu fleflesu malële.

⁴⁴ Bo some nëgali nanëlëyo. Eso ho bu këha lale wege home meaniji lëglëyome, bubë iniwa wesibi tafa nalëglelëmetleme.

⁴⁵ Kwe kë wege ho bu melowene lëglena, 'Bobë eso ho hokweinawa hana ligisimefe,' na bu fli wege onehome tëtëke lëglena, na bu feilawa hi wesibi na biaha wesibi hi lëglena,

⁴⁶ na kwe bubë eso ho ligisibë olë lowene sle jwa lëletleme na bu lili sloşlawa lëleme na bubë eso ho mana lisime. Na bu kë wege home latëbowamu logotleme, na Gotome lowene sle jwa kë mëgletlabë enëne belë jine lelëkakleme.

⁴⁷ Wege ho bu bubë eso hobë tole lowene lëgletlena kwe bu sagli hana lëgletlena na bubë eso hobë tole hana esogo lëglelëtlena kwe bubë eso ho bume anisananamu feilawamu lola lëgëbetëfaleme.

⁴⁸ Kwe wegeho bubë eso hobë kë tole lëgletlebë lowene, lowene sle hana lëgletlena na bu wege sle jwa lëleme kwe bubë eso ho bume tokwëfo tëklewa loglotleme. Goto onehome feilawa lowene lëglëmena kwe tokwafe bume takune loglomeme, 'Bo some kë tëglëyobë lowenena, feilawa wege fa totlone?'"

Jisas onehome fufu nalogotomeme këme ligisime

⁴⁹ Jisas ita gali tle, "Bo kë nigisibëye, bo Gotobë wame ahojuha ebë lifekuwa tuku nanëgelëme nisi, iniwa tëbo lowene na tëbo wesibi temu namëgleme. Na bo metole nanelë, Gotobë wame bume ahojuha hokweinawa u nalëgletleme.

⁵⁰ Tokwafe feilawa elili na gli bome lamu lëgëtanëme, tu mëta home fene baptais melelëma na bo tako tutune këme nelë. Bo metole nanelë, kë wesibi bome kë fata lëgletenëbë bu hokweinawa tli nalëkaketenëme.

⁵¹ Sobo bome melowene laletēnane, ‘Bo ebē lifeku mago wame sleme tisine?’ Weye. Hanane mu. Bo kē tigusibē, onehome fu nanogotomēme tisi. Oneho bu bobē gali aholokwane mēglana na fu fu mlame. Fli bobē gali lowene sle mletlabē na fli bobē gali lowene sle hana mletlabē.

⁵² Ebē olēna na tokwafe, tobalimalē ilawa mago ho jowa lo mēta kē tafa mēglabē, bu bobē lowene esogo mēglēlabēme momata mēlame na fu fu melelogwayame. Na aomalē bu tlemalēme wame moglomame na tlemalē bu aomalēme wame moglomome.

⁵³ Bu bobē lowene esogo mēglēlabēme momata melelogwayame na fufu melelogwayame. Na bolijayani bowenenime wame moglomame na boweneni bolijayanime wame moglomame. Na botamenino bokoninome wame moglomame na bokonino botameninome wame moglomame. Na bolujawani bu boweneninobē noninome wame moglomame na boweneninobē nonino bolujawanime wame moglomame.”

Oneho bu wesibi kē fata mēglebē esobēme lowene hana mla

⁵⁴ Na Jisas bu kē feilawa onehome na gali tlome, “Sobo matafa kē tēbo lētatlabē hwi elolome na megali lalekefo, ‘Tu lēgetomefe.’ Na tu leto.

⁵⁵ Na sobo kliji naba mehwi egowelēkaklona, yemeha fata eola kwe megali lalekefo, ‘Eli tako kliji lēgemoleme.’ Na kliji bu tako lēgemolelē.

⁵⁶ Sobo sosogēna enēne. Sobo klijina matafana hwi elomo na sobo melowene eletemome, ‘Wesibi tokwafe fata mēgleme.’ Sobo kēha wesibi kwe walowene eletemo kwe ēje kē fata mēglebē wesibibē waiyo sobo hwi sle jwa fēyeme elēmone?”

Onehobē gali aholokwane loglomebē ho belē, kē lēgloulibē hona lowene sle etlome

⁵⁷ Jisas bume ita gali tlome, “Sobo lale lowene kē egelobē loweneme lowene sle jwa fēyeme eletelone?”

⁵⁸ Ho li, bu jume onehobē gali aholokwane loglomebē ho belē lēgloulina na sobo alēgeme mana asē elome kwe ju kē hobē lowene alēgeme yafe sle etatlome. Ju sle hana etatlona kwe bu jume onehobē gali aholokwane loglomebē ho belē lēgloulime na bu jume plismanē belē lēloulime na bu jume kalabusu lowa tuku lēleme.

⁵⁹ Bo jume gali sle nolē, jume kēniji kē aniji moglotēyobē balitina sle hana egotlona, kwe ju kalabusu lo mēta mana tafa egleme.

13

Ho bubē tēbo lowene aholokwana ti hana lēglona kwe bu tēbo liglitame

¹ Jisas gali wafi tē tētātēme na fli enēne bu belē mitisiya na megali motlola, “Galili provins mago ho bu Gotome kleli afabo ahojume mētletla. Na eso ho Pailat bubē wame home boblo mogotomabē enēneme jine tlēme, kē enēneme mogo nalē tētēkle namēgētayame. Bu Gotome kleli afabo mana ahojume mētlekefētlabē, na bume mogo nalē tētēkle mētētaya.”

² Na Jisas bume gali tlome, “Sobo melowene lalone, ‘Kē Galili provins mago enēnebē tēbo lowene bu takomu lēbetēme na kwe fli Galili provins mago enēnebē tēbo lowene bu kwe tokwēfoha lēbetēme na kē tēbo wesibi bume kēme fata lēletēme?’ Sobo ebē loweneme melowene lalone, hee?”

³ Weye. Kē melē hanane mu. Bo some gali sle nēlēyo, sobo tēbo lowene aholokwana ti hana eglona, kwe kē enēneme fene tēbo mototoma, kēha wesibi some fata lēgletēyome.

⁴ Na sobo ita lowene elo, ëtani, Siloam lifeku magobë akolalo bu mogo nalë 18 home tëtafu tle. Na sobo melowene lalone? ‘Kë enënebë tëbo lowene takomu lëbetëme na kwe fli Jerusalem lifate enënebë tëbo lowene bu kwe tokwëfoha lëbetëme na kë tëbo wesibi bume këme fata lëletëme.’ Sobo melowene lalone?

⁵ Weye. Kë melë hanane mu. Bo some gali sle nëlëyo, sobo tëbo lowene aholokwana ti hana egelona, kwe kë enëneme fene tëbo mototoma, këha wesibi some fata lëgletëyome.”

Ebë ti liji, logowalë jwabë waflë gali

⁶ Na Jisas waflë gali metë tëtätëme. “Ho bu niyi olo bubë wain taba liji nuju mëta lë lotle. Na kë niyi bu sigli lële. Na kë ho itaita lisi, niyi hwi naloglokwefleme. Kwe niyi logowalë hana lële.

⁷ Këme nëgeme bubë nuju tafa lëglelëtlebë home gali lolole, ‘Ju aholo bo eta. Aona tlibutu kë mutujubë bo ebë niyi yafe hwi tlolkwakikeflë, kwe bu logowalë hana lële. Te ebë niyi mana tëka etokwakle. Ebë flëkebë ëfiëbo yawe loglotlelime.’

⁸ Kwe bubë nuju kë tafa lëglelëtlebë home gali lolole, ‘Eso ho. Awi. Ebë tlibutuna kwe malilibe. Bo waiyo mago flëke yefi nëletelëme na ahoju somalëfa u nëletelëme.

⁹ Bo melë nogotlëna kwe bo melowene nanelë, Li tlibutuna kwe logowalëme. Kë tlibutuna logowalë jwa lëglëna na kwe lalowa tëka nogotlëme.”

Tafawa olëna, Jisas mëseme sle tëtamë

¹⁰ Tafawa olëna, Jisas onehome bubë lotu lo mëta gali okokwe tlome.

¹¹ Na ahwane kë tëbo tëtamëbë mëse këme telutabe. Na kë ahwane bume 18 tlibutu këniyi tëbo tëtakëfëme nëgeme na kë mësebë amlebo nemoha busu këme tlatë na lale tiglibe hana tle.

¹² Na Jisas bume hwi telokwakë na gali telokwakë bu belë egisi tle naegleme. Na bu tisi tlee na gali tolë, “Bo jubë tëbo wasle nëtatë.”

¹³ Na toba bubë ato mëta gwa totatë na bu tlibe sle tle, na Gotome fleflesu tletle na bibita totle.

¹⁴ Kwe lotu lo hwi loglokweflebë eso ho bu Jisame këme wame tlole, bu tafawa olëna, kë mëseme sle tëtëtamëme nëgeme. Këme nëgeme bu onehome gali tlome, “Tobali ita jowa olë ebë wege olë lëbe. Sobo metole lalo, ho sobobë ato sle lëtätëyome kwe sobo kë wege olëna egisijome. Kwe sobo tafawa olëna home ato sleme asa takune elolo. Matëbe.”

¹⁵ Na kwe Jisas bubë gali tafu tëtätle, “Sobo sosogëna enëne. Sobobë gëgali na sobobë lowene bwa bwa mëbetëyo. Sobo megali elo, ‘Tafawa olëna asa wege elo.’ Kwe sobo tafawa olëna, bulmakau kleli lowa kaiselo eyeukefo, na sobobë bulmakau kleli na donki kleli tu hime kaiselo elelukwefëmo.

¹⁶ Sobo tafawa olëna, bulmakau kleli itaita kaiselo aitakëfëmo kwe sobo bome fëyeme gali enonane, tafawa olëna kë mëseme asa sle eta? Sobo hwi elo, ebë mëse kë nëgebëye, Abrahambë afenëbo. Na Satan bume kë yage tëtëtabë 18 tlibutu këniyi yage tle. Këme nëgeme bo kë tëbo, tafawa olëna lalowa sle nëtatëme.”

¹⁷ Na bume kë wame motlolabë ho, kë gali aholokwane motlola na tiniyi na hwë memëtletla. Kwe iniwa oneho bu iniwa wesibi melë kë totomebëme fleflesu mëtletla.

Goto bu tokwafe eso home tafa lëgletëmëbë waflë gali

18 Na Jisas ita gali tlome, “Goto onehobë eso home kë tafa lëgletëmebë, ebë fëyeha wesibine? Bo some ebë wesibime wafle gali nolëyo.

19 Goto bu onehobë eso home kë tafa lëgletëmebë, bu atowai liji fenene. Atowai liji bu tokwëtokwë mu. Kwe ho bu kë tokwëtokwë atowai liji flëke mëta sike lële. Na bu hulu mële na tatakoto tiwa milibe na iniwa fole bubë tikefo mëta, lo gijliji mëkaki.”*

Bletë nage këna sëse mëglebë wesibibë wafle gali

20-21 Na Jisas ita gali tlome, “Goto bu onehobë eso home kë tafa lëgletëmebë ebë fëyeha wesibine? Bo some ebë wesibime wafle gali nolëyo. Goto bu onehobë eso home kë tafa lëgletëmebë bu bletë nage këna sëse mëglebë wesibi fenene. Mëse, bletë nage këna sëse mëglebë wesibi tëlewa glo ele na lebutako bletë nage obo mëta u etëkake na këna afulu ele. Na bu iniwa flële lëbebokwake na kë bletë nage iniwa feilawa sëse mele.”†

Sobo tokwëfo ino elëme ekaklujome

22 Jisas Jerusalem lifate alëge elë tuju. Na bu li life li life onehome okokwe tagume.

23 Na ho li bume takune tlole, “Tako ho, tokwafe Goto jowa jowa onehome nëno lëglemene o feilawa onehome nëno lëgleme?” Na Jisas gali tlome,

24 “Sobo ino tokwëfo elëme ekaklujome saafutuku elo. Bo some gali nolëyo, feilawa oneho bu heven lifewa mëkaklujame fene, kwe hanane.

25 Tokwafe, lo bolijaya ho, bu huju lëleme na ino tiji lëleme. Na sobo kë ino ëfo li mëta elibome na ino mëta këke eletelome na mewe elome, ‘Tako ho, ino seme tika etatëna.’ Kwe bu some metafu lëtatëyome, ‘Bo some lowene hana nëletëyo, sobo hamagobë enënëne?’

26 Na sobo bume megali eglolome, ‘Sebo juna hi tlekefëya na ju seboë lifeku mëta seme okokwe latlona.’

27 Kwe bu some megali loglëyome, ‘Bo some lowene hana nëletëyomu, sobo hamagobëne? Sobo tëbo lowene esogo eglëlëobë enëne. Sobo hai! Sobo bo mago eyeu.’

28 Bu some hehë mëgletëyome na sobo Abraham Aisak Jekopna iniwa Gotobë lowene mago gali të mototokweflabë home mehwi elokwakëmome, bu Goto onehobë eso home kë tafa lëgletëmebë lifate mëta mëtabëya. Kwe sobowa mëglëbo elë egëtabome. Na sobo tako ye eglekefome na enino këkë etokwefomome.

29 Na iniwa life mago oneho, Goto onehobë eso home kë tafa lëgletëmebë lifewa migisiyame. Bu nogowelë mago na notowelë mago na nëgetujuwelë mago na nëgemowelë mago migisiyame. Na bu kë life mëta tafa mlame na hi melekefëyame.

30 Sobo aholokwane elo. Fli enëne bu ebë olëna letitabo home kë tafa mëglabë, bu tokwafe kë olëna atwati ho tafa mëglame. Na fli enëne bu ebë olëna atwati home kë tafa mëglabë bu tokwafe kë olëna letitabo ho tafa mëglame.”

Jisas Jerusalem lifate mago onehome maninibo tletëme

* 13:19 Goto bu onehobë eso home kë tafa lëgletëmebë, bu kë atowai liji fenene. Ebë olëna Goto bu tëlewa onehobë eso home tafa lëletëme, kwe tokwafe bu feilawa onehobë eso home tafa lëgletëmeme.

† 13:20-21 Bletë nage këna sëse mëglebë wesibi, bletë nage mëta fene flële lëkake, Gotobë afutuku meflële lëbebokwaketeme na Goto bu tokwafe iniwa onehobë eso home tafa lëletëmeme.

³¹ Na kë nalë, Farisi ho fli mitisitla na Jisame gali motlola, “Eso ho Herot jume mogo nalë təkeme wahau lëletë. Ju emago li lifewa ejumo.”

³² Na Jisas bume gali tlome, “Sobo kë kulekule home megali ejuwelëlome, ‘Ebë olë na uniji olë bo ahwane, hobë ato mago awi hehë nëletemë na onehobë ato elili awi sle sle notometemë na aona olëbëna bobë wege mana yawe noglölëmë.’

³³ Kwe eli olë uniji olë kë olë bo Jerusalem lifatewa nuguwi nuguwiwa awi nelë. Melëme nëgëme, Gotobë lowene mago gali të lotokweflebë ho, li lifate meta mogo nalë hana tëkle mogotlame. Weye. Bubë ko Jerusalem lifate mëta fwa lugujutleme.

³⁴ O Jerusalem lifate mago enëne. Masiwafe. Sobo Gotobë lowene mago gali të mototokweflabë home mogo nalë tëtëkle etakefëyo na Goto kë jine tégëlëkefëmebë home anijina mogo nalë metëtëkle etakefëyo. Bo some sago nanëgëtome fene, tëbo wesibi some tëbo lëgëtolime, tamo kekelo bubë nëbale fene sago etome na hwaklona lamu etome. Kwe sobo tole hana elo.

³⁵ Sobo aholokwane elo. Goto some hune lëgleme na ita hana lëgaitome. Bo some megali sle nëlëyo. Sobo bome eli hana hwi egloname. Sobo afina gali egelona, ‘Gotobë tolëna afutukuna kë ligisibë ho, Goto bume lëgaitalëmë.’ Na sobo bome mana ita hwi enoname.”

14

Jisas bu ato sëse sëse tabo hobë ato sle tëtätle

¹ Tafawa olëna Jisas, Farisi hobë eso hobë lowa hime tuju. Bu kë lo mëta tafa tle, na buna kë hi mëtlabë enëne bume mana hwi mëtëbelëkaka, eli bu habelë lëglemene? Bu tëbo lowene fa logotlemene?

² Na ato sëse sëse tabo ho Jisas belë tisi tle.

³ Na Jisas kë home hwi tlole na bu Gotobë galime okokwe moglomabë ho na Farisi honame takune tlome, “Sebobë anëbo gali habelë lëgëbetëna lalëlene? Sebo tëbo atona home, tafawa olëna, lalowa sle nogotlamene o matëbe?”

⁴ Kwe bu mogweliha tafawa mëtla. Këme nëgëme bu kë tëbo atona home no tlële na sle totle na jine tlële.

⁵ Na bume gali tlome, “Sobobë nëba o bulmakau kleli tafawa olëna yefi fulujuwa mëtetigotëyona kwe sobo tafawa egelomene? Weye, sobo glo egotolome.”

⁶ Kwe bu kë gali tafu hana mëtëtätla.

Jisas gali tle, “Ju atwati hoha etabe”

⁷ Na Jisas hime kë mitisiyabë enënebëme hwi tlagume. Fliye eso enënebë tafa labume tafa motokouja. Këme nëgëme bu wafle gali këme të tëtätëme. Bu megali latle,

⁸ “Ho bu mëse sei lëglebë olëbëme, fleflesu hi wesibi hime gali lëglëna na ju kë hi wesibi hime egujutlena kwe ju eso hobë tafa labume asa tafa eoule. Ju melë eglëna na bu kë tafa labu li eso home wafi aniji loglotlona,

⁹ kwe jume kë hi wesibi hime kë gali loglëbë ho bu jume gali loglëme, ‘Ju ebë tafa labu ebë eso home kile eletle.’ Na ju tako tiniji egleme na ju atwati hobë tafa labume tafa eoule.

¹⁰ Ho bu jume hi wesibi hime gali loglëna na ju kë hi wesibi hime egujuna kwe ju atwati hobë tafa labume tafa eouleme. Ju melë eglëna kwe jume hi wesibi hime kë gali loglëbë ho bu jume gali loglëme, ‘Yabe, ju eso hobë tafa

labu mēta tafa eoule.’ Bu jume melē lēgētana kwe juna kē hi egelobē oneho jume melowene mēgletēyome, ‘Bu lale eso hofe.’

¹¹ Ho bu megali lēglēna, ‘Bo tako afutukuna eso hofe,’ kwe Goto bume megali loglōleme, ‘Hanane ju atwati homu.’ Kwe ho bu megali lēglēna, ‘Bo kwe, bo atwati hofe,’ kwe Goto bume megali loglōleme, ‘Ju eso ho fe.’”

Jume kofayame mēglēyo jwa enēnebēme sle egotomeme

¹² Jisas bume hi wesibi hime kē gali loglōlēbē home gali tlole, “Ju tako salē hi wesibi sagli eglēlena, kwe ju yabe enēneme na blijahanime na weife mago enēneme, na weife life mago feilawa balitina kē nēgebē enēneme migisitēyome asa gali elome. Ju melē eglēna kwe bu tokwafe jume kofaya hime gali mēglēyome.

¹³ Weye. Kēha melē asa ele. Matēbe. Ju tako salē hi wesibi sagli eglēlena, kwe ju wesibi jwa enēneme na yage tabo enēneme na naba titiki tabo enēneme gali elagumeme, kē salē hi wesibi hime migisiya namēglame.

¹⁴ Kēha enēne jume kofaya hi mēglēlēyobēme hana gali moglēyome. Kēme nēgeme ju safleflesu ele. Tokwafe, Goto bu lale enēneme matēmatē life mago huhuju logotomebē olēna, kwe bu wesibi jume kofayame lēglēme.”

Tako salē hi wesibi waflē gali

¹⁵ Na ho li, Jisas buna kē hi mētlabē, kē gali aholokwane tle na Jisasmē gali tlole, “Tokwafe, Goto, onehobē eso home kē tafa lēgletēmebē life mēta kē hi mēglābē oneho, bu fleflesu mēglame.”

¹⁶ Kwe Jisas mewaflē gali tle, “Ho li tako salē hi wesibi sagli lēglēleme. Na bu feilawa onehome gali tuku tēkoutēme, tokwafe migisitla namēglame.

¹⁷ Na tokwafe kē tako salē hi wesibi olē fata tle. Na bu bubē wege home jine tlēle ēbame kē gali toglomebē onehome, megali nalugujelēmeme, ‘Sobo esijomo. Olē ekē fata lēleo. Salē hi wesibi iniwa wasagli lēlēle.’

¹⁸ Kwe iniwa bu megali mētla, ‘Sebo hana nigisiyamo.’ Ho li gali tle, ‘Bo balitina nuju wahihijika telē na bo kē nuju hwime nuguwimo. Masiwafe, bo kē salēme hana nigisime.’

¹⁹ Na ho li gali tle, ‘Bo jowafe we bulmakau kleli balitina waglo telē na bo bubē afutuku hwime nuguwitemēmefe. Masiwafe, bo kē salēme hana nigisime.’

²⁰ Na ho li gali tle, ‘Bo mēse tokwafe sei nēlēfe na kēme nēgeme kē salēme hana nigisime.’

²¹ Na kwe kē wege ho, kē enēnebē gali bubē eso home gali tujuwelēle. Na bu kē gali aholokwane tle na tako enisusu metle na bubē wege home gali tlole, ‘Ju hokweinawa kē lifatebē tokwētōkwē alēge elē na tatako alēge elē eiju. Na ju wesibi jwa enēneme na tēbo atona enēneme na kiju tēbona enēneme na naba titiki tabo enēneme nēno eouleme na elesume tenēme na bobē lowa elelēkakime tenēme.’

²² Na kwe kē wege ho melē tle, bu fene gali tle. Na bubē eso home gali tlole, ‘Eso ho, bo melē wanelē ju fene gali ele kwe oneho lo ke hana mla.’

²³ Na eso ho bume gali tlole, ‘Ju ebē lifate tako kile eleme na waluju life elēme asē ebelēfame. Na ju onehome hwi elomena ju bume anisasana sagali elome, bobē lowa migisiya namēglame. Bo metole nanelē, bobē lo ke nalēglame.

²⁴ Bo jume megali nolē, ēbame bo kē gali toglōmēbē oneho, bu bo kē sagli nēglēlēbē hi wesibi hana hi mēglame.”

Ho bu afina lowene sle lēleme na Jisasmē mana esogo lēlēlēleme

²⁵ Lebutako oneho bu Jisasna asê mëtla na Jisas swaya tletême na gali tlome,

²⁶ “Ho bobê lowene esogo home fatame tole lëglena, bu bome tako tolewa salêletênê na bubê bolijaya, bota, no, bolijahani, bomoluni, bolijamoniname tokwêfo tolewa salêletême na bubê atome tokwêfo tolewa salêletle. Bu melê hana lëglena kwe bu bobê lowene esogo home hana fata lëgleme.

²⁷ Ho bu bobê lowene esogo home fatame tole lëglena, kwe melowene lëglena, ‘Bo Jisame esogo nêglelêlêna kwe ho bome têbo mēgētaname,’ kwe bubê ato uli lëglelêlêna, na fli hobê wame galime uli lëglena na glime uli lëglena kwe kêha ho bu bobê lowene esogo home hana fata lëgleme.

²⁸ Ho bu kabana lo glijime tole lëglena, bu kê lo gliji baliti afina melowene sle lêletêmememe, ‘Bobê baliti kaba nijine o hanane? Bo ebê balitina lo yawe noglolêmene o hanane?’

²⁹ Bu melê hana lëglena, na bubê baliti yawe loglomona, na bu lo hana yawe loglolona kwe oneho bume sasonatlêtlê memogotlamemu.

³⁰ Na bu megali moglolame, ‘Hwi elolo. Ebê ho bu lo yafe gliji lêle kwe yawe hana lolole.’

³¹ Li lifate mago eso ho bu li lifatewa wameme lugujume fene kwe bu afina lowene fa sle lotleme, ‘Bobê lifate mago wame home boblo mogotomabê enêne tēlewamufe kwe bubê wame home boblo mogotomabê enêne feilawamufe. Sebo bume boblo nogotomamene o hanane?’

³² Na bu melowene lëglena, ‘Sebo bume hana boblo nogotomamefe,’ kwe bu melê lëgleme, bume wame moglolabê ho kakê mana neme, kwe bu fli home afina kê lifatebê eso ho belê mana jine lelêkakêmememe, aisenê hi namêglame.

³³ Na kê fenene, somago ho li bubê iniwa wesibi aholokwana hana ti lëglena kwe bu bobê lowene esogo home hana tafa lëgleme.”

Iji jwa kê mēglebê kējibê waflē gali

³⁴ Kêji lalê wesibi mu. Kwe kêji iji tēbo mēglena, sebo habelê nogotomamene na ita iji namêgletêname? Hananefe.

³⁵ Kêha iji jwa kêji bu hi wesibi hana sle motomeme watêbomu mēle. Sebo sike manêkaka. Sobo ebê gali aholokwane egelona, lowene sle eletelome.

15

Sipsip kleli kê flawei tēglebê waflē gali

¹ Takis baliti kê glo mēglekefêyabê ho na fli tēbo lowene kê esogo mēglelêlabê enêne bu Jisas belê loliwa mitisitla, bubê gali aholokwane namoglolame.

² Na Farisi hona, Gotobê galime okokwe moglomabê hona wame gali mëtla, “Kê ho bu tēbo lowene kê esogo mēglelêlabê enênena fêyeme yonane lêlêlêmene? Na buna fêyeme hi mēlekefêyane?”

³ Jisas bubê gali aholokwane tlome na bu ebê waflē gali kême gali tlome,

⁴ “So mago ho li, we lujafe we sipsip kleli lëglêmena, na jowa flawei lëgletlena, bo melowene nanelê, bu fli 99 sipsip kleli tako ona mēta hune lêlema na flawei kê lëgletlebê sipsip kleli mana hohwi lêttagutleme. Hohwi lêttagutlebê na hwinaloko lujelêleme.

⁵ Bu sipsip hwi lolole na feiji mēta gwa lowetleme na mana bubê lifekuwa fleflesuna lehileme.

⁶ Bu lifekuwa lehileme, na bubë yabe name, weife mago enënename gali lëlagumeme, migisitla namëglame. Na bu misitlame, na bume gali lolomeme, 'Bobë sipsip kleli li flawei tëglebë bo ita wahwi nolölë. Sobo bona weife iniwa fleflesu nëla.'"

⁷ Na Jisas megalit tle, "Bo some gali nolëyo, tëbo lowene kë esogo lëglelëlebë ho, bubë tëbo lowene aholokwana ti lëglena na Gotobë lale lowenewa esogo lëglelëtlena kwe heven life mëta kë tafa mëglabë ensel, bu tako fleflesumu mëglame, sipsip kleli kë hwi toglolebë ho fene fleflesu tle. Kwe 99 enëne bu melowene mëglana, 'Sebobë lowene lalowa lëbetënafe, sebo sebobë tëbo loweneme ita hana gëgali nëglamefe,' kwe heven life mëta kë tafa mëglabë ensel, bu tokwëfo fleflesuwa mëgletëmame."

Baliti kë flawei eglabë waflë gali

⁸ Na Jisas ita gali tle, "Mëse libë baliti we këniyi mëgëbetëna na jowa flawei eglatëna, bu habelë eglemene? Kwe bu esi fiji etole na iseku enijina lo mago obo sle etagule na kë baliti mana hohwi etatë. Bu hohwi etatëbëë na mana hwinaloko meeolë."

⁹ Bubë baliti wahwi eolë na bubë yabe name, weife mago enënename gali elome, migisitëya namëglame. Na bu misitëya. Na bume gali elome, 'Sobo bona iniwa fleflesu nanëglame. Bobë baliti flawei eglabë, bo ita wahwi nolë.'"

¹⁰ Na Jisas gali tle, "Bo some gali nolëyo, tëbo lowene kë esogo lëglelëlebë ho, bubë tëbo lowene aholokwana ti lëglena na Gotobë lale lowenewa esogo sle lëglelëtlena kwe Gotobë ensel bu tako fleflesumu mëgletlame, baliti kë hwi toglobë mëse fene fleflesu tle."

Falake nëba bolijayame kë kile togotlebë waflë gali

¹¹ Na Jisas megalit latle, "Ho li iko nëbale tële."

¹² Na nagi fu nëba bolijayame gali tlole, 'Aya, bo walowene nelë, ju glime nounou lale, kwe jubë iniwa wesibi seme afana mana fufu egotometëname. Kwe bo metole nanelë, bobë wesibiye, eliwamu eglënëme. Tokwafe kwe matëbe.' Na këme bolijaya bubë iniwa wesibi tlemalë nëbaleme fufu totometëme na tlëme."

¹³ Tako tafa hana tle, na nagifu nëba, bubë iniwa wesibi balitina hihijika tle. Na bu kë baliti glo tle na kakë lifatewa këna tuju na këme tafa tule. Bu tafa tugulebëë, na memelë tëbo wesibi fafa totle. Na bubë iniwa baliti kë mëta yawe tlome."

¹⁴ Bu baliti wayawe tlome, na kë life mëta, tako fone mana fata tletëme. Kë fone mëta tafa mëtëglabëë na bu foneme ëjeha gli lëleme."

¹⁵ Këme nëgëme, na bu wegëme hohwi tëttagwi. Na kë life mago ho li bubë luku lëglëmetlebë wege fame jine tlële."

¹⁶ Kë luku bu alima jibo hihi mëtlekëfe, na kë falake kë alima jibo hime tako tole latle, bubë imo këna tëtäfu nalëgëtame bu foneme tako glimu latle. Kwe ho bume hi wesibi hana mëtlëla. Hanane mu."

¹⁷ Na tokwafe bu lowene fa totle na gali tle, 'Bobë ayabë wegeho bu kwe feilawa hi wesibi mu mëbetëme, kwe bo foneme kwe gli nelë."

¹⁸ Bo eme hana tafa nëgelëme. Matëbemu. Ita aya belë nuguwime na bume gali nolölëme, "Aya, bo Gotome tëbo lowenena watëbo totlë na jume mata watëbo tëtë."

¹⁹ Bo lale ho nane ju bome mefë kë egëtanëme, bobë nëba. Matëbe. Ju bome melë egëtanëme, jubë wegeho fenene.'"

²⁰ Na kwe bu kë mago, fowa tokokebë na bolijaya belë tuju.

Bu kakë mana asë tëkeke, na bolijaya hwi telokwakle. Na tako maninibo metletle. Na fëkawa tokoutlebë na lahwëwa tlële na këme sësle totle na ahino momotlë tletle.

²¹ Na bowene këme gali tlole, ‘Aya, bo Gotome tëbo lowenena watëbo totlë na jume mata watëbo tëtë. Bo lale ho nane ju bome mefë kë egëtanëme, “Bobë nëba.” Matëbe.’

²² Kwe bolijaya bubë wege home gali tlome, ‘Sobo hokweinawa lale heletabo ëho ehilo na bume gelo etatelome. Na toba baliti lale, toba mëta ehwatelome, na juba jibo mata ehotelome.’

²³ Na sobo bobë lale bulmakau nëba elesulome na tëke elolome. Sebo hi nanëglame na fleflesu nëlame.

²⁴ Bobë nëba leboha tęgletenëme nëgeme kwe bu mana ekë lëtabetenë. Bu waflawei tlita kwe sebo ita ekë hwi nolola.’ Na kwe bu hi mëtla na tako fleflesu memëtla.

²⁵ Na kë nalë, abwa nëba nuju mëta mana nuje. Na bu nuju mago tisi, na lolime tlibe na mana fleflesu kë mëtletlabë sawa lego aholokwane tlome.

²⁶ Na këme li wege home we tlole na takune tlole, ‘Kë fëye legone? Fëye mëlane?’

²⁷ Na wege ho këme gali tlole, ‘Blijamo wafi lisiyo. Na blijaya lale bulmakau kleli nëba walemitle. Bu boweneme tako fleflesu lalëletle, bu ita ligisi tleme nëgeme na lalowa tutabetle.’

²⁸ Abwa nëba kë gali aholokwane tle na tako enisusu metletle na lowa hana təkaklu. Na bolijaya təkaklitle na lale lale galina yafe gali tlole, bubë lowene tli nalëgëbetleme fene.

²⁹ Kwe bu bolijayame kofaya gali tlole, ‘Fëyemene? Wege hoha, jubë wege feilawa tlibutu fa tëtakëfëtë. Na bo jubë gali momata hana tëtätë. Kwe ju bome mëmë kleli nëba tokwëfoha hana yo tlonë bobë yabenime këna fleflesu nanëglelëmëme. Hanane mu.

³⁰ Kwe jubë nëba kë nëgebëye, jubë baliti lisei oneme fwa yawe tlometëme. Kwe ëje bu lisi na ju bume fëyeme fleflesu eletlene na lale bulmakau kleli nëba fëyeme emitlene?’

³¹ Na bolijaya bume gali tlole, ‘Hëyai! Ju itaita bonawa nëtabekefo. Na bobë iniwa wesibi kë nëgebëye, ebë jubëwa.

³² Kwe sebo eliyë, blijamome fleflesu nëgletlabë olë. Jubë blijamo leboha tęgleme nëgeme kwe bu mana lëtabe. Bu waflawei tlita kwe sebo ita ekë hwi nolola.’”

16

Ululu sle logotomebë hobë wafle gali

¹ Jisas bubë lowene esogo mëglelëtlabë home gali tlome, ‘Ètani, lebutako balitina ho, bubë wege ho jowa tafa tletle. Kë wege ho, kë lebutako balitina hobë wesibi ululu sle totokwëfëmetle. Na fli ho kë lebutako balitina ho belë mitisitla na bubë wesibi ululu sle logotomebë hobë wegeme metëtahë lamëtliëla, ‘Jubë wesibi ululu sle logotomebë ho, jubë wesibi fli blawa sisile lotometë.’

² Këme nëgeme kë lebutako balitina ho bubë wesibi ululu sle logotomebë home gali telokwakle, ligisi nalëgleme. Na bu loliwa tisi tle, na mana bume gali tlole, ‘Bo ebë gali kë aholokwane nëgletëbë, ju fëye tlene? Bobë iniwa

wesibi, ju mēta mana mēgēbena, tabei elēme na laba mēta yahi elēme. Ju bobē wesibi ululu sle egotomebē home hana tafa egleme.’

³ Na kwe kē ululu sle logotomebē ho mana melowene tle, ‘Bo habelē nēgelēmene? Bobē wege eso ho, bome ebē ululu sle wegebē mago hehē lēgletenēmefe. Bo life yfi wegebē fa nogotlēmē fene, kwe bo kēha afutuku hana lēbetenē. Na bo fli onehome balitime na fli wesibime gēgēba noglomēbēme tiniyi nanēletemē.

⁴ Kwe bo wesibi wafi lowene nelē. Bo kē wesibi nēgelēna kwe tokwafe, bobē wege eso ho bu bome hehē lēgletenēna kwe fli ho bome bubē lowa no mēglēname.’

⁵ Kēme nēgeme, bubē wege eso hobē mago, wesibi manawa kē glo mētletlabē home gali telokwakēme, migisi tla namēglame. Jowa ho bu belē afina tisi tle na kē ululu sle logotomebē ho takune tole, ‘Ju manawa, bobē wege eso hobē mago, habenuju wesibi glo tlenē?’

⁶ Na bu gali tle, ‘Bo we lujuafe we ēflēbo tu manogwa dram glo telē.’ Na kē ululu sle logotomebē ho gali tole, ‘Jubē manawa wesibi weniji kē gogwa mētletēyobē laba tuku ekakeme na tiho laba mēta hokweinawa meyahi elēme, 50 dram ēflēbo tu.’

⁷ Tokwafe li ho bu belē tisi tle na bume takune tole, ‘Ju manawa, bobē wege eso hobē mago, habenuju wesibi glo tlenē?’ Na bu gali tle, ‘Bo we lujuafe we witi liji manogwa iseku glo telē.’ Na kē ululu sle logotomebē ho gali tole, ‘Jubē manawa wesibi weniji kē gogwa mētletēyobē laba tuku ekakeme na tiho laba mēta hokweinawa meyahi elēme, 80 witi liji manogwa iseku.’

⁸ Tokwafe, wege eso ho, bubē wesibi ululu sle logotomebē ho kētēglebē wesibi hwi toglometlena kwe bu kē tēbo wege hobēme fleflesu tletle na kēme bibita tole. Wesibi kē wege ho melē kētēglebē, bu tako lowenena hobē loweneha nēgeme. Ebē life mago wesibime fwa, tako lowene kē mēgletēmabē oneho, bubē wege wege mēglabēme, tako lowene slemu lamēletēma. Kwe Gotobē lowene mēta kē mētabēyabē oneho bubē wege wege mēglabēme tokwēfo lowene lamēletēma.

⁹ Bo some gali nolēyo, sobo ebē life magobē baliti, wesibi jwa enēneme elēmo, sobobē yabe tafa namēgletēyome. Na tokwafe kē baliti glo mēglabē olē yawe lēglēna, Goto na bubē ensel some unaunalēmē tafa mēglabē lowa nēno mēglame.

¹⁰ Bo some gali nēlēyo, ho tokwētōkwē wesibi ululu sle logotokwefēmēna kwe tokwafe bu tatako wesibi mata ululu sle logotomeme. Ho li tokwētōkwē wesibi laboweli logotomena kwe tokwafe tatako wesibi mata melaboweli logotomeme.

¹¹ Sobo ebē life mago baliti ululu sle jwa egotomona, kwe Goto bu some heven life mago lale wesibi ululu slebē habēna lēglēyomene? Weye. Hanane mu.

¹² Na sobo fli enēnebē wesibi ululu sle jwa egotomona kwe sobo sobobē wesibi mata ululu sle hana egotomome.

¹³ Wege enēne bu tēle eso home hana wege mēgletēmame. Bu melē mēglana kwe bu li eso home fwa tole sle mletlame na lime kwe tēbojiwa moglolame. Bu li eso hobē galiwa aholokwane mololame kwe lime kwe tēbojiwa mletlame. Sobo tēle lowene hana esogo eglelēmome. Sobo Gotome lowene egletelobē lowene na baliti fa egotobē lowene sobo kēna hana sago egotomome.”

Jisas bu fli gali mata të tētātēme

14 Farisi ho bu baliti tako tole lamētletēma. Kēme nēgeme bu Jisas kē gali tēglebē gali aholokwane motlola, na bu Jisasme sostonatlētēle memototla.

15 Kwe Jisas bume gali tlome, “Sobo metole lalo, oneho some melowene namēgletēyome, ‘Bu lale lowenewa esogo mēglelēlabē hofe.’ Kwe Goto bu sobobē tēbo lowene wahwi lolotēyo. Iniwa wesibi oneho melowene mēgletēmame, ‘Lale wesibi mu,’ kwe Goto bu kē wesibime melowene lalēle, ‘Tēbo wesibi mu.’”

16 Jisas gali tle, “Jon bu fata jwa tēglēna, kwe bu Mosesbē gali na Gotobē lowene mago gali të mototokweflabē hobē galiwa të mētētākefētēma na bu kē galiwa esogo mētēlētēma. Kwe Jon bu wafata tle na ebē olēna, Goto, onehobē eso home kē tafa lēgletēmēbē lale gali të mētagutēma. Na oneho bu Goto, onehobē eso home kē tafa lēgletēmēbē lifate elē mēkaklujame kēkē lamla.

17 Matafana, lifena kwe tēbo mēgleme, kwe Gotobē gali kwe iniwa hana tēbo lēgletleme.”

Jisas one hehē lowenebēme gali tle

18 Na bume ita gali tlome, “Ho, nome hehē lēgletēna na li mēseme sei lēglēna, kwe kē ho bu lisei lowene mēta lētābe. Na ho, li ho kē hehē lēgletēbē mēse sei lēglēna, kwe kē ho bu mata lisei lowene mēta lētābe.”

Ebē tako baliti musuna ho na Lasarusnabē gali

19 Jisas megali tle, “Ētani tako baliti musuna ho tētābe. Na olēli olēli bu lale lale ēhому tehokēfe. Na olēli olēli bu feilawa lale lale hi wesibiwa hi tlekēfe.

20-21 Na wesibi jwa ho bu kē tako baliti musuna hobē lo ino ēfo li mēta ni tēbekēfe. Kē wesibi jwa hobē weniji Lasarus. Bu melēme tole tle, kē tako baliti musuna hobē masei mago kē luklu mēglekēfēbē hi wesibi obobo hi nalēgleme fene. Bubē ato juba jubawa. Na amale bubē juba ololē lamototokwefēmetle.

22 Tokwafe kē wesibi jwa ho gli tle. Na ensel bume heven lifewa mitilekole na Abraham belē sei motowelile. Na kē tako baliti musu na ho mata gli tle. Na matēmatē mutujuwetla.

23 Na bu hel life mēta tototābe na tako elili mēta tētābe. Na bu Abrahamme hwi towelēkakle. Na Lasarus buna mētētābo.

24 Na kwe, tako baliti musuna ho we towelēkakle, ‘O semle Abraham, ju bome maninibo eletenē. Ju Lasarusme gali elole, bubē toba ku, tu mēta flu lowetleme na lēhitenēme bobē aleji mēta gwa nalētatenēme, tli nalēgēbetenēme. Bo ebē ahoju mēta nēgētābēbē na bo tako elilimu mēta nētābēfe.’

25 Kwe Abraham gali tle, ‘O hēyai. Ju wesibi lowene sle etletle. Ju atomuna mana tafa tēglēna, kwe ju feilawa lale lale wesibi mēta tētābe kwe Lasarus bu feilawa tetēbo wesibi mēta tētābe. Kwe ebē olēna, bu fleflesu mēta lētābe na ju elili mēta etābe.

26 Na li wesibi mētābo. Sebobē ku mēta, Goto tako luju blēge totle. Kēme nēgeme, oneho sebona kē tafa nēglabē, bu kē tako luju sobelē habēna su mēkakitēyomene? Hanane mu. Na oneho juna kē tafa egelobē bu kē luju sebelē habēna su mēkakijamene? Hanane mu.’

27 Na tako baliti musuna ho gali tle, ‘Bu kēha nēgebē, kwe, semle, bo jume takune nolē, ju Lasarusme bobē ayabē lowa lalowa jine egelēkakēlemene?’

²⁸ Bobë keinëbalenino tobali. Na Lasarus bume anisasana sagali lolome, bubë tēbo lowene hihijika melame na aholokwana ti melame. Bu kë elili lifate tēbo elēme nagi migisiyalime.'

²⁹ Kwe Abraham gali tle, 'Mosesbë gali na Gotobë lowene mago gali tē mototokweflabë hobë gali mana mëbetēme. Jubë blijamoni kë gali lalowa aholokwane mëglame.'

³⁰ Na tako baliti musuna ho gali tle, 'O semle, Abraham, bu kwe hanane. Kwe ho bu matēmatē mago huju lēglena na bume luguju tēmena, kwe bubë tēbo lowene lalowa hihijika melame na aholokwana ti melame.'

³¹ Kwe Abraham bume gali tlole, 'Bu Mosesbë gali na Gotobë lowene mago gali tē mototokweflabë hobë gali, aholokwane jwa mëglekefēyana, kwe matēmatē mago huju lēglebë hobë gali mētabo hana aholokwane moglolame. Bubë tēbo lowene hana hihijika mëglame na aholokwana ti hana mëglame.'"

17

Tēbo lowene onehobë, lale lowene sisile lētātēme

¹ Jisas bubë lowene esogo mëglelētlabë home gali tlome, "Memelë wesibi onehome fata mëgletēmeme, bume tēbo lowene belë ki namëkakeme. Kwe ho bu li home tēbo lowene belë ki lëkakena kwe masiwafe, Goto kë home tēbo logotlememu.

² Oneho bome tokwafe lowene sle mëgletēnabë, ho li bume tēbo lowene belë ki lëkakena kwe ebë tēbo wesibimu. Kwe Goto kë home tako tēbo logotlememu. Kwe fli ho, kë home afina tako aniji mou mëta kesi mētatlabë na bume nutuwa tuku mētëkakabë na bu tu mëta suglu lēglebë kë kwe lalowa. Bu kë onehome tēbo lowene belë kiki hana lëkakeme na Goto bume hana tēbo logotleme. Kēme nēgeme sobo ululu sle saelo."

³ "Sobo bome kë lowene sle egletēnabë oneho, somago ho li tēbo lowene mëta litigona kwe sobo eyutelome na bubë tēbo lowene sle etatelome. Bu kë tēbo lowene aholokwana ti lēglena kwe sobo bubë tēbo lowene aholokwana ti egletelome.

⁴ Na bu jume jowa olëna tobali ita tēlafe tēbo lēgëtakefēna na jume tobali ita tēlafe lisikefētēna na jume megali lolokwefēme, 'Masiwafe. Bo tēbo ho. Bo jume tēbo nanëtakefë ebë olëna.' Kwe ju bubë tēbo lowene aholokwana ti etleme."

Gotome lowene sle nēgletlabëme Jisas gali tle

⁵ Na Jisas bubë gali tēme kë jine tēglëmebë ho, bume gali motlola, "Ju seme aitana, Gotome kë lowene nēgletlabë lowene takowa nalëgëbetēname."

⁶ Na Jisas bume gali tlome, "Sobo Gotome kë lowene egletelobë lowene bu tokwëfowa nēgena, aoba liji tokwëfo fenene, kwe sobo tako wesibi lalowa egotlome. Sobo time megali eglolona, 'Ju fli elēme na nutu mëta ejuwelëbeme,' kwe kë ti sobobë gali esogo lēglelētēyome."

Lale wege hobëme Jisas gali tle

⁷ "So mago ho li, bubë wege home, nuju wegeme o sipsip kleli lēglēmeme jine lēglēlëna na bu wegeme lugujuna na bubë eso ho belë ita ligisina, bubë eso ho bume megali hana loglome, 'Ju hokweinawa tafa elēme na hi elēme.'

⁸ Weye. Bubë wege home megali loglome, 'Ju bobë hi wesibi ahojume eletenēme na kë hi wesibi mana glo eletenēme. Bo afina hi nelēme na ju mana hi egleme.'

⁹ Na kē wege ho bubē eso hobē gali esogo lēglelētlena kwe kē eso ho bubē wege home yaha gali hana loglome. Hanane.

¹⁰ Kēme nēgeme sobo mata, sobo iniwa wesibi Goto some fene gali tolēyo waegelona kwe sobo megali saelo, ‘Sebo wege howa. Goto seme kē gali toglonabē wege, kē wegewa wawege tla. Kēme nēgeme Goto bu seme yaha gali hana loglome.’”

Welujuwa ato juba jubawa home Jisas sle totome

¹¹ Jisas Jerusalem lifatewa tugujubē na bu Samaria provins jelēme na Galili provins jelēme na kē ku kuwa tuju.

¹² Bu li lifatewa fwa tule na ato juba jubawa kē mētehwyabē welujuwa ho, bume alēge mēta esune mētlēla. Bu kakēwa mētelēkwēya,

¹³ na Jisame feilawa we mētelokwakla, “Jisas, tako ho, ju seme maninibo eletēna.”

¹⁴ Jisas bume hwi telokwakēme na gali tlome, “Sobo sobobē ato lotu lome wege lēglebē home lebotane ējuwetēmetelo, bu mehwi nalōglēyome sobobē ato juba juba jwa mēbetēyo.” Na kwe, bu mutujabē na bubē ato juba lalowa mētletēme.

¹⁵ Na bu mago ho li, bubē ato mehwi toglome nēgeme lalewa lēbetenēfe na bu alēgēme lu tule na miti nagi tuju. Na bu Gotome feilawamu fleflesu tlele na bibita totle.

¹⁶ Bu Jisame esune tlēle na bubē elebo li mēta latitigo tlewa na bume gali tlole, “Yaha fēyeme sle etanēne?” Na kē ho bu Samaria provins mago ho. (Samaria provins mago enēne bu Israelbē afenēbonina yonane hana mētlelogwaya.)

¹⁷ Jisas kē home hwi tlole na gali tlole, “Bo melowene nanelē bo ēje welujuwa home sle notomē fene. Na fli tobali ita nilinabēye, hameta mētabēyane?”

¹⁸ Ebē ho bu Israelbē afenēboni nane kwe buwa fēyeme lu lulene Gotome fleflesu nalēgletleme na bibita lotleme? Kwe Israelbē afenēboni fli bu ita lulu jwa fēyeme mēlane?”

¹⁹ Na Jisas kē home gali tlole, “Ju huju elēme na ejume. Ju bome lowene sle eglētenēme nēgēme, jubē ato lalowa kēme lēbetē.”

Goto onehobē eso home tafa lēgletēmebē olē fata lēgleme nounou lalēle

²⁰ Farisi ho bu Jisame takune motlola, “Goto onehobē eso home habenalē tafa lēgletēmeme?” Na Jisas bubē gali tafu tētātēme, “Goto onehobē eso home kē tafa lēgletēmebē, sobo nabana hwi eglolobē wesibi nane.

²¹ Na bu megali hana mēglame, ‘Hwi elo, ekē lēbe’ o ‘Hwi elo, ekē lube.’ Weyewa. Sobo aholokwane elo. Goto onehobē eso home kē tafa lēgletēmebē, bu sobobē ku mēta walētabetēyo.”

²² Na Jisas bubē lowene esogo mēglelētlabē home gali tlome, “Tokwafe bo, Gotobē life mago ho, tako afutukuna kēna nigrisibē olē hwime sobo tako tole eglētelome. Kwe sobo kē olē hwi hana eglolome.

²³ Na bu some megali moglēyome, ‘Hwi elo. Gotobē life mago ho ita walisi na bu ebelē ekē lutabē’ o ‘Hwi elo. Bu eme ekē lētabe.’ Kwe sobo bubē gali asa aholokwane elotome.

²⁴ Sobo wawaine walowene eletelo, wawaine lēglēna kwe iniwa oneho mehwi mlagula. Na kē fenene, bo, Gotobē life mago ho, bo nigrisina kwe iniwa oneho bome mehwi mēglaguname, wawaine fene hwi mlagula.

²⁵ Kwe oneho ebë olëna kë tafa mëglabë, bu afina bome tako elili gwa mëtațename na hehë mëletename.

²⁶ Ètani, Noabë olëna, oneho fene mëtla, kwe bo, Gotobë life mago ho, bo nigisibë olëna, bu kë esona melë mëglame.

²⁷ Ètani Noabë olëna bu melë lamëtla, bu memelë wesibi monei monei mëtlekefëyabëë, na one sesei sesei mëtlabë na mana Noa tako sibu lowa təkaku. Na tako haliji tu fuflu totome na iniwa oneho këhaliji tu mëta susuglu mëtla.

²⁸ Na Lotbë olëna, oneho bu Noabë olëna fene mëtla bu këha melë lamëtla. Bu memelë wesibi monei monei mëtlekefëyabëë na bu wesibi balitina hihijika mëtlekefëyabë, na bu nuju toba tobalo mëtlekefëyabë, na lo gigliji gigliji mëtlekefëyabë,

²⁹ na mana Lot bu Sodom lifate kile tle na kë nalëwa anusesi ahojuha to tètëkeketëme, na Sodom life mago onehome kë ahoju iniwa latemuwa totome.

³⁰ Na kë oneho fene mëtlekefëya, kwe bo, Gotobë life mago ho, bo këna ita nigisibë olë mata, bu melë mëglekefëyame. Bubë wesibiwa lowene mëgletëmame. Na Gotome lowene mëgletlabë lowene hana lowene mëgletlame.

³¹ Kë nalë, ho li lo sebati mëta lëtabena, kwe bu lowa bubë wesibi glome asa malëkaklu. Weye. Bu kë magowa hokweinawa lalëglëboukakuwa. Na kë fenene, ho nuju mëta tafa lëglena bu lowa asa maluju. Matëbe. Bu kë magowa lalëglëboukakuwa.

³² Sobo Lotbë mëseme kë fata tęgletëbë tëbo wesibi lowene eletelo.*

³³ Ho bu melowene lëglena, ‘Bo Jisame esogo nëglelëlëna fli ho bu bome tëbo mëgëtaname.’ Na bu, bubë ato uli lëglelëlëna na bome hana esogo lëglenënëna, kwe këha ho bu tëbo liglitame. Kwe ho bu bome lowene sle lëgletenëna na bubë ato uli jwa lëglelëlëna kwe këha ho bu hana tëbo liglitame. Ho bu kë home mogo nalë tēke moglolana, kwe kë ho gli sle nane lële. Weye. Bu unaunalëme lale tafa lëgleme.

³⁴ Bo some gali nolëyo, bo këna nigisibë klabë, tlemalë ho hwëna ni mebome, na Goto lime fwa no lëlëleme na lime kwe kile lëleme.

³⁵⁻³⁶ Na tlemalë one nage labume mëtabome na Goto lime fwa no lëleme na lime kwe kile lëleme.”†

³⁷ Na bubë lowene esogo mëgletëtlabë ho, Jisame takune motlola, “Kë tëbo wesibi hameta fata lëglemene?” Na Jisas bume gali tlome, “Sobo fotë bota jiji mëglena hwi eglomona kwe sobo melowene elo, ‘Wesibi mogo këme lebo.’ Na kë fenene, sobo tokwafe wesibi hwi eglomome na melowene elome, ‘Kë tëbo wesibi këme fata lëgleme.”

18

Ebë onehobë gali aholokwane loglomebë hobë na seiju mësenabë wafle gali

¹ Jisas bubë lowene esogo mëgletëtlabë home, li wafle galime gali tlome, bume meokokwe naloglomeme, bu Gotome itaita gali moglokefla namëglame na tëbojiwa jwa namëglame.

* **17:32** Bu melë latle. Bu bubë wesibi kë hune tęgletëme lowene tletëme na miti nagi swaya tekake na Goto bume tëbo tëtamë. † **17:35-36** Fli lowene ho bu melowene lamëtla, li gali mana lëbe kë gali mëta. Kë gali melë lëgëbelalële, “Na tlemalë nuju mëta wege melekefome na Goto lime fwa no lëlëleme na lime kwe kile lëleme.”

² Bu megali latle, “Li lifate mëta, onehobë gali aholokwane loglomebë ho këme tètabe. Kë ho bu Gotome uli hana tletle na bubë gali aholokwaneme momata latlokweftële na onehome mata tole hana tletëme.

³ Na seiju mëse li bu kë lifate mëta mata tètabe. Na bu kë gali aholokwane loglomebë home itaita tisikeyfëtle na gali tole, ‘Bome wame loglonëbë ho, bome tëbo lëgëtanëme ekëne. Ju bome ebë hobota sleme saaitanë.’

⁴ Èbame kë ho, kë mësebë galime iweniji latlekefëtë, kwe tokwafe bu melowene latle, ‘Bo Gotome momata nanotokweflë na bubë gali aholokwane hana nolokweflë na onehome mata momata nanotokweftëmë.

⁵ Kwe bo këha seiju mëseme uli nanëletë. Bome itaita sosalë latakëfëñë. Bo melowene nanelë, bo bubë hobota sasle nëtatë. Bo bume nëgaitëme. Bo bume nëgaitë jwa nëgena kwe bu bo belë itaita egisikëfeme na bu bome feilawa sosalë etakefëñëlime.”

⁶ Na Jisas megali tle, “Sobo kë gali aholokwane loglomebë tëbo hobë gali lowene sle eletole. Kë seiju mëse bume itaita yena takune tlakwefle na bume mana taitamë.

⁷ Na sobo melowene lalone? ‘Goto bubë oneho, iniwa olëna klabë yena kë gëgali moglokweflabë hana lëgaitamemene? Na totoko lëglemene?’ Weye. Hanane mu.

⁸ Bo some gali nolëyo. Bume hokweinawamu lëgaitameme. Kwe bo, Gotobë life mago ho, ebë lifewa ita nigisina, na bo onehome hwi noglokwakimëna, bu bome mana lowene sle mëletëna o hanane?”

Tlemalë ho Gotome gëgali mëglelëlobë waflë gali

⁹ Wali enëne bu melowene lamla, “Sebo kwe lale onehomu kwe fliye sebo fenene këha hanane, bu kwe tëbo oneho.” Na Jisas bu këha enëneme waflë galina megali tlome,

¹⁰ “Tlemalë ho bu Gotobë lowa mëtëkaklujo, Gotome nagëgali mëglelëlome. Li bu Farisi ho, na liye bu takis baliti kë glo lëglekëfebë ho.

¹¹ Na kë Farisi ho bu hujuna tlibe na bubë lowene nawa Gotome gëgali tlelële, ‘O Goto bo fli hoha hanane. Weye. Bo kwe lale ho mu. Këme nëgeme bo jume këme gali nolë, “Yaha fëyemene.” Fli ho bu tokli tokli lamelekefëya, na tëbo lowene esogo mëlëlëkefla na honaoneme lisei lisei mëglelëmabë. Kwe bo kwe hanane. Na bo takis baliti kë glo lëglekëfebë hoha nane. Weye.

¹² Iniwa wiki, bo tèle olë, hi wesibi hi jwa metafa nanëlekefë, jume fwa lowene nanëgletëme. Na bobë baliti na fli wesibi bo kë glo nëglekefëbë, bo melë nanëlekefë, bo welujuwa mëta fulelë fulelë nëlekefë, na jowa fulelë tabo jume nëlëkefë.’

¹³ Kwe takis baliti kë glo lëglekëfebë ho kakë tujuwelibe na bu heven lifewa hana hwi tokwake. Na bu tako maninibona yako mëta bu tle na Gotome gali tole, ‘O Goto, bo tëbo ho mu, ju bome maninibo eletënë.”

¹⁴ Na Jisas gali tle, “Bo some gali nëlëyo, kë takis baliti kë glo lëglekëfebë ho bubë lowa ita lugujuna kwe buwa Gotobë naba lime lale ho lëtabeme. Kwe li ho kë kwe hanane. Iniwa oneho bu megali mëglana, ‘Sebo lale oneho mu,’ kwe Goto bume megali loglomeme, ‘Hanane, sobo tëbo enënemu.’ Kwe iniwa oneho bu megali mëglana, ‘Sebo kwe lale enëne nane, sebo tëbo enënemu,’ kwe Goto bume megali loglomeme, ‘Sobo lale enëne.”

Jisas gali tle, “Sobo nëbale lëkle asa etomo, bo belë matisiyao”

¹⁵ Oneho bu tatakona na maba mago nëbale Jisas belë metlesumëtla. Bu metole lamëtla, Jisas bubë atome toba gogwa nalëgletëmeme na Gotome takune nalololeme, bume lëgaitame nalëgleme. Kwe Jisasbë lowene esogo

mëglelëtlabê ho bume hwi motloma na wame gali motloma na lëkle mototoma, Jisame sosalê mogotlalime.

¹⁶ Kwe Jisas nëbaleme gali telokwakême, bu belê migisitla namëglame. Na bubê lowene esogo mëglelëtlabê home gali tlome, “Sobo nëbale lëkle asa etomo. Bo belê matsiyao. Oneho Gotome lowene slemu mëgletlana, ebê nëbale fene lowene slemu mletla kwe Goto bubê eso home tafa lëgletëmeme.

¹⁷ Bo nëgali gali nanolëyo, ebêha nëbale bu Gotome lowene slemu lamletla. Na oneho bu Gotome lowene sle jwa mëgletlabê, ebêha nëbale fene lowene sle mletla, kwe Goto eso home kê tafa lëglebê lifatewa hana mëkaklujame. Hanane mu.”

Wesibi lebutakona eso ho Jisasna gëgali mëtelo

¹⁸ Na wesibi lebutakona eso ho li, Jisame takune tlole, “O Tisa, ju lale ho. Bo jume takune nolê. Bo habelê nëgelëmene, Gotona unaunalême lale tafa nanëgelome?”

¹⁹ Na Jisas bume gali tlole, “Ju bome lale fê fëyeme etanêne? Ebê life mago ho bu lale nane, Goto buwa lalemu.

²⁰ Ju Gotobê gali walowene eletle. Bubê bogo megali lalamê, ‘Honaone na onenaho sobo lisei lowene mëta asa tafa elo. Sobo onehome mogo nalê asa têtêke elo. Sobo tokli asa elo. Sobo sosogëna galina fli onehome blawa asa soso etatemo. Sobo bita name blijaya name boblo asa etomo. Bubê galiwa esogo elelëtëmeme.”

²¹ Na kê ho Jisame gali tlole, “O Tisa. Bo tokwëfome nëgena bo këbê iniwa gali melê esogo tlagimê na bo ebê olêna mana esogo nëlelëmê.”

²² Jisas bubê gali aholokwane tlole na bume gali tlole, “Ju li loweneme mana afole ele. Ju melê egleme. Jubê iniwa wesibi balitna hihijika eleme. Na kê baliti, wesibi jwa onehome sa etagutëmeme. Ju melê eglana kwe heven lifate mëta lale wesibimu lamëbetê. Na ju bome mana esogo elenëneme.”

²³ Kê ho kê gali yafe aholokwane tlole na bu witi tle. Bu lebutako wesibina ho nëgeme.

²⁴ Jisas kê home mehwi tlole, witi lalëlefe na gali tle, “Wesibi lebutakona enêne, Goto bubê eso home kê tafa lëgletëmebême, ebê kalëlego lalëletême.

²⁵ Kamel kleli, bu êho susu nili fulujuwa lëkaklume ebê sogê kalëlego lalêle, kwe wesibi lebutakona enêne, Goto onehobê eso home kê tafa lëgletëmebê lifatewa mëkaklujabême ebê kalëlegomu lalëletême.”

²⁶ Oneho bu kê gali aholokwane mëtlabê, na klelego memëtla na gali mëtla, “Kêha melê nëgena, kwe Gotobê lifateme unaunalême ya tafa lugulemene?”

²⁷ Na Jisas gali tle, “Oneho wesibi mogotoma jwa kê mëglabê, Goto bu kwe lalowa logotomeme.”

²⁸ Na Pita bume gali tlole, “Aholokwane ele! Sebobê lo na iniwa wesibi wahune tula na sebo jume ekê esogo nëlelëyo.”

²⁹ Na Jisas gali tlome, “Bo nëgalimu nanelê. Oneho Goto, bubê eso home kê tafa lëgletëmebê lowenebême, lowene mletlana bubê lo o nonino o bolijahani o bolijamoni o botamenino o bolijayani o nëbale hune mëglana,

³⁰ kwe Goto bume lebutako wesibimu lëglëmeme. Bu ebê life mëta mana tafa mëglana, kwe Goto bume lebutako wesibimu lëglëmeme. Ètani kê hune mëtlabê wesibi bu tèlewaha kwe Goto bume kê lëglëmebê wesibi bu lebutakomu. Na tokwafe bu Gotona unaunalême tafa mokokefëyame.”

Jisas bu gali tle, “Bo gli nëgelême na huju nelême”

³¹ Jisas bubë we ita tële lowene esogo mëglelëtlabë home mëglëbo elëme fo tlelekakëme na gali tlole, “Sobo aholokwane elo, sebo Jerusalem lifatewa ekë nuja. Ètani, Gotobë lowene mago gali të mototokweflabë ho, bu iniwa wesibi bu tokwafe bome, Gotobë life mago home, mefata mëgletenëbëme, Gotobë bogo mëta wayahi mëtletëna. Na eli kë wesibi bu iniyafemu bome mefata mëgletenëme.

³² Na bu bome, Israalbë afenëboni mëtabëya jwa mëglabë enëneme yo moglomame. Na bu bome soso na tlë mëgëtaname na tëboijiwa mëgletëname na nagutabana kokose mogloname.

³³ Na bome taba afona feilawa tëkle tëkle mëgëtaname na mogo nalë gwa mëtaname. Na bo matëmatë mëta tële olë nebëme, kwe aona olëbëye këna huju nëgelëme.

³⁴ Kwe bubë lowene esogo mëglelëtlabë ho bu kë gali wayo lowene sle hana mëtletla. Kë gali wayo bume ëhomu latletëme.”

Jisas bu naba titiki tabo hobë naba sle totometle

³⁵ Jisas, Jeriko lifate lololi totle na naba titiki tabo ho bu alëge mëglëbo li mëta tafa tle. Kë ho onehome balitime gëgëba latlokwefëme.

³⁶ Na bu lebutako onehobë lëleguli lego aholokwane tlagime, na bu loli mago onehome takune tlole, “Kë fëye mëlane?”

³⁷ Na bume gali metafu mëtëtatla, “Nasaret life mago Jisas sigli lële.”

³⁸ Na kwe kë naba titiki tabo ho, bu feilawa we telokwakle, “Jisas, Devitbë afenëbo, ju bome maninibo eletenë!”

³⁹ Na motoutayabë enëne, bume wame gali motlola, “Ju kaju ebe.” Bu ita anisananamu we telokwakle, “Devitbë afenëbo, ju bome maninibo eletenë!”

⁴⁰ Na Jisas këme tlikaku na gali telëkakeme, “Sobo kë home elesutëna.” Na bu loliwa tisi tle na Jisas bume takune tlole,

⁴¹ “Bo jume habelë nëgëtëmene?” Na kë ho bume gali tlole, “O tako ho, bu hwi nanëgelëme fene.”

⁴² Na Jisas gali tlole, “Ju hwi egleme. Ju bome lowene sle egletenëme nëgeme, jubë naba këme tika meletë.”

⁴³ Na hokweinawa bubë naba latikawa mëtletle na bu hwi təkake. Na bu Jisasmë fleflesuna nagi tlële. Na Gotome mana fleflesu tokoutle na bibita tëttagule. Na iniwa oneho buna kë mutujabë kë wesibi hwi motlola na bu mata Gotome fleflesu mëtletla na bibita mototla.

19

Jisas Sakiusbë lowa tuju

¹ Na kwe Jisas Jeriko lifate elë fwa tule na lifate kukuwa kë lugujubë alëge, esogo tlagule.

² Na ho li bu kë lifate mëta tafa tle bubë weniji Sakius. Bu takis baliti glo mëglekefëyabë eso ho. Na bu feilawa balitina tafa tle.

³ Bu Jisasmë hwi nalogloleme fene, habëtabo hone? Kwe bu hwi hana tlole. Bu afolo ho nëgeme na lebutako oneho lilifuha memëtletla.

⁴ Këme nëgeme bu afina fëka tokou na ti elë tokwale, kë magowa, Jisasmë hwi nalogloleme. Bu melowene latle, “Jisas eli ebë alëge elë ligisime.”

⁵ Na kwe Jisas kë ti li elë fwa tule na hwi tokwake na Sakiusmë hwi telokwakle na gali tlole, “Sakius, ju hokweinawa kle ele. Eli sebo jubë lowa nëgëyeu nanëgelome.”

⁶ Kème nêgeme hokweinawa laklewa têtêkaketle na bu Jisame bubê lowa feflesuna tlelule.

⁷ Na iniwa ho kê hwi motlolabê wame galina gëgali mëtla, “Bu têbo lowene esogo lêglelebê hobê lo elê fëyeme lujune?”

⁸ Bu lo mêtâ tafa mêtelo na Sakius hujuna tlibe na Jisame gali tlole, “O tako ho. Eli bo bobê iniwa wesibi fu tèle nogotomême. Na jowa fulelê tabo, wesibi jwa enêneme sa nêgêtatemême. Na bo ho lime sogëna toglolêbê na bubê wesibi tokli tégletelêbê kwe bo bume kofayame niliafe nêglêlê nêgelême.”

⁹ Na Jisas bume gali tlole, “Ëje, Goto bu ebê lo mago enêneme walaitame na bubê têbo lowene mago wanêno lêle. Kê ho bu mata Abrahambê afenêbo lêtabe.

¹⁰ Bo, Gotobê life mago ho, bo têbo loweneme kê tafa mëglabê onehome hohwi nêtatemê na bume nêgaitamême na têbo lowene mago nêno nanêgelême. Bo kème tisi temê.”

Welujuwa wege hobê wafle gali

¹¹ Oneho bu Jisabê gali mana aholokwane mêtlagulabêe na bu wafle gali olisina loko metotle na wafle gali metê têtatême. Bu Jerusalem lifate elê lololi tle na oneho bu meweniji mëtla, Goto onehobê eso home kê tafa lêgletêmebê olê, eliwa fata lêglemewa. Kème nêgeme Jisas kêbê wafle galibême gali tlole, bubê kê yaya lowene sle nalêgêtatemême.

¹² Bu megali tle, “Letitabo ho, kakê lifatewa lugujume, bume tako eso home aniji namugujelêlame. Na tokwafe bu ita lisime na bubê lifate mago onehobê eso home tafa nalêkakitêmememe.

¹³ Bu lugujume kofene na bubê welujuwa wege home gali telokwakême bu betelê migisitla namêglame. Na bu mitisitla na bume têlafe we (20) baliti, têlafe we (20) baliti kêniji tlêwagume. Na bume gali tlole, ‘Sobo ebê baliti glo elome, na bobê nagi ebê balitina sawege elo. Sobo wege egelobêe na fli baliti kê wegena saboblo etomo. Sobo mana wege elekefobêe na bo mana fata nêkakime.’

¹⁴ Kwe kê hobê weife lifate mago oneho bume wame lamotlola. Kème nêgeme, bu wafi tuju, na bu gali mêtêhula home nagi jine mêtêlêkakêma, kê lifatebê eso home megali namugujuwelêmame, ‘Sebo kê home sebobê eso home tafame tole hana nêletlamu.’

¹⁵ Kwe bume eso home aniji mutujuwelêla na bu ita tisi. Bu tisi na gali tle, ‘Ëbame baliti kêtêglêmbê wege home gali elokwakêmo, bo belê migisiya namêglame. Bo lowene nanêgelême, bu kofaya baliti kê balitina habenuju boblo mêtêtayane?’

¹⁶ Na kwe bubê wege ho li afina tisi tle na gali tlole, ‘O eso ho, ju kê téglenêbê têlafe we (20) balitina bo wege fa totlê na bo jubê nagi 200 kofaya baliti kêna blêge têtê.’

¹⁷ Na eso ho gali tlole, ‘Ju bobê lale wege ho mu. Ju bobê nagi lale wege fa totle. Ju kê tokwêfo wesibi ululu sle togotleme nêgeme na bo jume meaniji kème nolê, ju jowafe we lifatebê onehobê eso home tafa egletêmememe.’

¹⁸ Na li wege ho bu mata tisi tle na gali tlole, ‘O eso ho, ju kê téglenêbê têlafe we (20) balitina bo jubê nagi wege kêna fa totlê na bo we lujafe we (100) kofaya baliti blêge têtê.’

¹⁹ Na eso ho bume gali tlole, ‘Bo jume meaniji nanolê, ju tobali lifatebê eso home tafa egletêmememe.’

20 Na li wege ho bu mata tisi tle na gali tlole, 'O eso ho. Jubê tëlafe we (20) baliti mana ekê mëbe. Bo këbê baliti afeteni sosa ehona lei totomë na gogwa telê.

21 Bo jume uli tëgletëme nëgëme. Bo melowene latletê, "Ju këha lakalena ho nëgëme ju ho libê wesibi lamomanëbawa etatle. Wesibi ho li gogwa lëglebê kwe ju lafawa etokwakle. Na hi wesibi li ho tobalo lëglebê kwe ju lamëmëwa eletle."

22 Na kwe kë eso ho bu kë wege home gali tlole, 'Ju tëbo wege homu. Bo jubê galime fwa jume tëbo nëgëtëme. Ju bome melowene laletënë, "Bo wesibi momanëba nogotomëbê lakalena ho. Wesibi li ho gogwa lëglebê kwe bo lafawa netokwaklê. Na wesibi li ho tobalo lëglebê kwe bo lamëmëwa nëletelê." Ju melowene laletënë? He?

23 Ju kë lowenebëme walowene egletenëbê, kwe ju bobê baliti, baliti loloko lo mëta gogwa tugule jwa fëyemene? Na bo kënigisibê bo fli kofaya balitina glo nanëkakime fene.'

24 Na bu lolime kë mitlijabê home gali tlole, 'Sobo bu mago tëlafe we (20) baliti glo elome na 200 balitina kë tafa lëglebê home elêlome.'

25 Na bume gali motlola, 'Eso ho. Ju hwi ele. Bu 200 baliti lamëbetlefe. Ju seme fëyeme gali elonane sebo fli baliti mata nëglëlabëme.'

26 Na bu gali tlole, 'Bo seme gali nolëyo, iniwa oneho, Goto kë lëglëmebê wesibi, ululu sle motomana, kwe Goto bume fli wesibi mata lëglëmeme. Kwe iniwa oneho, Goto kë lëglëmebê wesibi, ululu sle jwa motomana kwe Goto kë wesibi bu mago ita hijika logotomeme.

27 Na bome bubê eso home fatame tëbojiwa kë mëtletënëbê wameho, sobo eli bume bo belê elesumome na bobê naba li mëta mogo nalê têtêkle etome."

28 Jisas kë wafle gali wayawe tlole na bu Jerusalem lifatewa mana tokwale. Na bubê lowene esogo mëglelëtlabê ho nagi esogo mëtlagula.

Jisas bu eso hoha, Jerusalem lifatewa təkaku

29 Jisas bu Betfage lifekuwa na Betani lifekuwa loliwa fwa tule. Kë lifeku bu Oliv tiwa fatini li mëta mëtêbe.

30 Na Jisas bubê lowene esogo mëglelëtlabê ho tlemalëme gali tlole, "Sobo ebê kë lugubebê lifeku elê eyeumo. Sobo eyeume, na kë lifekuwa tuhu egulona, kwe sobo afeku donki kleli, hwi eglolome, ti mëta watakuliji mototla. Ètani ho li kë donki kleli matawa hana tafa tle. Sobo taba tohwa etlome na ebelê elesulome.

31 Na ho li some metakune loglëyona, 'Sobo ebê donki kleli fëyeme tohwa etlone?' Kwe sobo bume metafu saetatelô, 'Sebobê tako ho bu këna luguju nalëgleme."

32 Na Jisas bu kë tlemalê home jine tlëme, na bu mëtëyeu. Na bu iniwa wesibi hwi motlomo, Jisas fene gali tlole.

33 Na bu kë donki kleli këna këkesi mototlabê taba mago taba, mana tohwa mototokweflobë na mana kë donki kleli bolijaya ho mana takune telëbakëme, "Sobo ebê donki kleli fëyeme tohwa etlone?"

34 Na bu gali tafu mëtëtatelo, "Sebobê tako ho këna lugujume."

35 Na kwe bu kë donki kleli Jisasme sei mëtlëkakitelô. Na bubê heletabo êho donki klelibê amlebo mëta kahëba motoletelo. Na bu Jisasme mëtitalo, kë donki kleli matawa tafa nalogolebëme.

³⁶ Na bu kēna tuju. Na oneho bubē heletabo ēho totohwa motokouja na alēge mēta gogwa motokouja. Bu Jisame fleflesu mētletla, eso hoha fata tēgleme nēgeme.

³⁷ Na bu Oliv tiwa fatini kle tēmaitabē nounou totle, na Jerusalem lifatewa fwa tuguleme nounou latotle. Na bubē feilawa lowene esogo mēglelētlabē enēne fli, bu fleflesu lamētletla. Na bu, klelegowa wesibi, Jisas kē blēge blēge totomebē, ita lowene mētletēma na bu Gotome anisasana fleflesu kēme mētletla na bibita mototla.

³⁸ “Yaha fēyeme jine tlēlene? Sebo Goto kē jine tēglelēbē eso home fleflesu nēgletlame. Bu Gotobē afutukuna lisi tēna. Goto kē eso home lēgaitaleme na ululu sle logotleme. Goto bu heven life mēta kē tafa logolebē bu lale na tako mu. Goto sobobē, ebē life mago onehobē lowene lēgēbetēme sle malēletēme.”

³⁹ Na Farisi ho, bu kē feilawa onehobē ku mēta mētētābēya na bu onehobē galime tole hana mētletēma na bu kēme gali motlola, “O Tisa, jubē lowene esogo mēglelētlabē home lēkle etome kuju namēgebēyame.”

⁴⁰ Kwe Jisas bume gali tafu tētātēme, “Bo some gali nolēyo, ebē oneho bu kuju mēgebēyana kwe aniji buwa momolē mēgleme na Gotobē weniji bibita mētatlame.”

Jisas Jerusalem lifate mago onehome ye tletēme

⁴¹ Jisas Jerusalem lifate lololi totle na bu kē lifate hwi telokwakle na mana bubē onehome naba tu tletēme.

⁴² Na gali tle, “Oē Jerusalem lifate mago enēne. Bo metole nanelē, iniwa wesibi sobobē lowene kē sle mogotometēyobē, lowene sle egletemome, lalowa tafa naegelome. Kwe kē wesibi ēho lameletēyo na sobo hwi hana elomo.

⁴³ Tokwafe tēbo olē somēta fata lēgleme. Na kē olēna sobobē wame enēne bu some lukume fu sle mēgletēyome na sobobē life mago lēglesī ini sabuwa mogotlame na wameme mokwatēyome.

⁴⁴ Na kē wame enēne bu some na sobobē lifatena iniwa tēbo mēgētome. Na li aniji bu li aniji matawa hana egēbamēme. Bu life silijiwa lēgēbeme. Goto some lēgaitome fene tisi tēyo kwe sobo kē olēbēme lowene sle hana tēgletelome nēgeme na kē tēbo olē some kēme lisitēyome.”

Jisas Gotobē lo mago wesibi balitina hihijika onehome hehē tletēme

⁴⁵ Jisas tako lotu lowa tēkaklu. Na bu seuneni fole na sipsip kleli na bulmakau kleli balitina kē hihijika mētlekefēyabē onehome kē mago hehē tletēme.

⁴⁶ Na bu gali tle, “Gotobē bogo megali lala, ‘Bobē lo, oneho bome kēme gēgali mēglelēkefēnabē lo.’ Kwe sobo ebē lo tēbo latlo na bu tokli enēnebē loha lilibetēme.”

⁴⁷ Na iniwa olē, bu tako lotu lo mēta onehome okokwe latlokwefēme. Na lotu lome wege mēglabē eso enēne na Gotobē galime okokwe moglomabē ho na onehobē letitabo enēne, Jisame mogo nalē tēke moglolabē gali fame oto mētla.

⁴⁸ Kwe bu onehome uli mētletēmame nēgeme. Kē iniwa oneho Jisasbē gali aholokwaneme tako tole mētletlame nēgeme na Jisame mogo nalēme tēkle jwa kēme mototla.

20

Bu Jisasme takune motlola, “Iniwa wesibi ju melë kë egotomebë, ya aniji tolëne”

¹ Na kë nalëwa, Jisas onehome tako lotu lo mëglëbo mëta okokwe tlome na bu Gotobë lale gali të têtatëme. Na lotu lome wege mëglabë eso enëne na Gotobë galime okokwe moglomabë ho na onehobë letitabo enëne bu belë mitisitla,

² na takune motlola, “Ju seme gali enona, iniwa wesibi ju melë kë egotomebë, jume ya aniji tolëne? Kë afutuku ya tlënë?”

³ Na Jisas bume gali tlome, “Bo mata, some li wesibime takune nëlëyome. Sobo bome gali enona,

⁴ Jonme ya aniji tlole, onehome tu mëta kë baptais totomebëye? Goto bu aniji tlole o ho buwa aniji motlola?”

⁵ Bu Jisabë gali aholokwane motlola na blalo gëgali mëtla, “Sebo megali noglolana, ‘Goto bu aniji tlole,’ kwe bu seme megali loglona, ‘Kë nëgali gali nëgebë, sobo bume lowene sle egetelo jwa fëyemene?”

⁶ Kwe sebo megali noglolana, ‘Ho, buwa aniji motlola,’ kwe iniwa oneho bu seme anijina têtëkle mëgëtayame. Iniwa onëho Jonme melowene sle mëgletlame nëgeme, ‘Bu Gotobë lowene mago gali të totokweflebë homu.”

⁷ Na kwe bu Jisasme gali tafu mëtëtatla, “Sebo, Jonme kë aniji toglolebëme, lowene hana nëla.”

⁸ Na Jisas bume gali tlome, “Bo mata, iniwa wesibi bo melë kë nogotomëbë bome kë aniji toglonëbëme some hana gali sle noglëyome.”

Ebë wain taba liji nuju kë hwi motlotlabë tëbo enënebë wafle gali

⁹ Jisas, onehome wafle gali latlome, “Ho bu wain taba, nuju mëta tobalo tle. Na tokwafe bu fli home gali tlome, ‘Sobo bobë wain taba nuju hwi elotëna na tokwafe wali wain taba liji lalowa glo elo, baliti këna glo naegelome.’ Na kë nuju bolijaya bu kakë lifatewa tuju.

¹⁰ Feilawa olë tafa tule na kë wain taba liji mana nigliji mëtle. Këme nëgeme nuju bolijaya ho, bubë wege ho lime, bubë nuju kë hwi moglotlabë ho belë jine telëkakle, bubë wain taba liji, kë nuju mago glo nalëgleme. Na bu tuju. Kwe nuju kë hwi moglotlabë ho, bu kë wege home hwi motlola na tëkle mototla na kë mago hehë mëtëkaketla. Na bu toba alujawa tehou.

¹¹ Na ita nuju bolijaya, li wege home jine telëkakëtëme. Kwe kë enëne, bume hwi motlola na bume mata tëkle mototla na unalëme sosalë sosalë sle memototla na kë mago hehë mëtëkaketla. Na bu toba alujawa tehou.

¹² Na ita li home jine telëkakëtëme. Kwe këbëme mata unalëme sosalë sosalë sle memototla na kë mago hehë mëtëkaketla.

¹³ Na nuju bolijaya bu kë wesibi hwi tlome na këme lowene tle, ‘Bo habelë nëgelëmene? Bo melowene nanelë. “Bobë jowa iko nëba jine nëgelëkakëtëme. Bo bume tako tole nanëletelë. Bu bubë gali aholokwane moglolame na bume hana tëbo mogotlame.” Na bu kë nëbame jine telëkakëtëme.

¹⁴ Na nuju kë hwi motlotlabë ho bu kë nëbame hwi mëtlagila na blalo gëgali mëtla, ‘Ebë ho kë ligisibë ebë kë nujubë bolijayabë bowene. Tokwafe bolijaya gli lëglena, kwe bu kë nuju bolijayame lëtabeme. Te, mana mogo nalë tëkle manotla na tokwafe bolijaya gli lëglena kwe kë nuju sebo nanëglame.’

¹⁵ Këme nëgeme bu tisi tème na bume nuju mëglëbo elëme hehë motokoutla na mogo nalë mana tëkle motlola.

Sobo habë lowene lalone, kë nuju bolijaya bubë nuju kë hwi moglotlabë home habelë logotomemene?

¹⁶ Sobo aholokwane elo, bu ligisi nëgena, na bu kë home mogo nalë tëbo logotomeme. Na ita kë wain taba liji nuju fli home yo lolomeme.” Oneho kë gali aholokwane mëtla na gali mëtla, “Melë asa malële.”

¹⁷ Jisas bume hwi tëbelëkakëme na takune tle, “Ebë gali, Gotobë bogo mëta kë tëgëbebë, bubë wayobë habelëne? Kë gali melëgëbelalële,

‘Lo gliji ho, bu lo, anijina gliji mëtla.

Na kwe bu li anijime meweniji lamëtla, “Tëbowa.”

Këme nëgeme, mëglëbo elë fo mëtetokwakëya.

Kwe kë aniji mëglëbo elë kë fo mëtetokwakëyabë

bu lale anijimu ebamë.

Lo bulego kë aniji mëta lotle.

Kë aniji jwa nëgena, kwe lo fli lëgleme.’

¹⁸ Iniwa oneho bu kë aniji matawa mitigwëyana kwe bu mogo nalë tëbo miglitayame. Na kë aniji, home matawa etigwatlena kwe bume lëlafowa gotleme.”

¹⁹ Gotobë galime okokwe moglomabë ho na lotu lome wege mëglabë eso enëne melowene lamëtla, “Jisas seme fwa wafilë gali lolonafe. Bu melowene lalëletëna, ‘Sebo kë tëbo enëne. Sebo nuju kë hwi noglolabë tëbo enëne.’” Këme nëgeme, bu Jisame ëjeha fa motlame. Kwe bu onehome uli mëtletëmame nëgeme, oneho Jisame tako tole lamëtletla. Na bu Jisame fa jwa këme mototla.

Bu Jisame, takis baliti Sisarme mëglëlabë lowenebëme, takune motlola

²⁰ Gotobë galime okokwe moglomabë ho na lotu lome wege mëglabë eso enëne bu Jisame olëli olëli mana hwiwa mëtëbelëkakla. Na bu ho flime jine mëtlëma, Jisame mogweliha hwi namëbelokwaklame. Kë enëne mesosogëna lamotlola, “Sebo jubë gali aholokwaneme tako tole nanëla.” Bu metole lamëtla, Jisame sogëname takune manolola na bu Rom life mago eso ho, Sisarme, tëbo gali naloglome. Kë tëbo galime fwa bume këna so namëgëtatlame fene.

²¹ Na kë mogweliha hwi ho, Jisame këme takune motlola, “Tisa, sebo lowene nanëla, ju nëgali gali homufe. Ju nëgali galimu iniwa onehome të tëtätëme. Ju lebutako balitina home na baliti jwa home, lili gali hana gali tlome. Weye. Ju iniwa home, jowa galime fwa gali tlome. Ju iniwa onehome, Gotobë gali, iniyafeme fwa okokwe tlome.

²² Na ju habë lowene lalene? Sebo takis baliti Rom life mago eso ho, Sisarme, lalowa nëglëlamene o hanane? Këha lowene lalowa nëglamene o hanane?”

²³ Kwe Jisas bubë sosogëna lowene walowene tletëme na bume këme gali tlome,

²⁴ “Sobo jowa baliti bome ehitëna, hwi nanoglëme.” Na bu baliti mëtëhitla. Na Jisas këbëme hwi tlome na takune tlome, “Ebë amtëtomba yalëbë lëbetlene, na yalëbë weniji lëbetlene?” Na këme megali motlola, “Ebë Sisarbëyo.”

²⁵ Na Jisas bume gali tlome, “Te! Sisarbë wesibiye, kwe Sisarme eglëlome. Gotobë wesibiye kwe Gotome eglëlome.”

²⁶ Bu onehobë naba li mëta bume sogëna galime yafe takune motlola, bu Rom life mago eso home, tëbo gali naloglome fene. Kwe bu tëbo gali hana

gali tle. Bu kë tafu têtatëmebë gali yafe aholokwane motlola na klelego memëtla na tutune memëtla na këme kaju mëtebëya.

Sadyusi ho, bu Jisasmë, ho gli mago hujubëme takune motlola

²⁷ Na Sadyusi ho fli, Jisas belë mitisiya. Sadyusi hobë lowene metëbetëmelatle, “Oneho lebo mëgebéyana, hana huhuju mëglame.”

²⁸ Na bu Jisasmë takune motlola, “Tisa, ëbame, Moses bu ebë gali meyahî latletëna, ‘Ho nëba jwa lebo lëgëbena, na bubë mëse mana tafa eglëna, kwe ita bolijamo sasei lëlë, nëbaneni namëgelome. Na kë nëbale, lebo kë lëgëbebë hobë wenijina namëtabëyame. Na bu kë hobë nëbaleha tafa namëglame, na lebo kë lëgëbebë hobë weniji lëgëbagutle nalëglame.’

²⁹ Ètani, ho li tobali ita jowa kënji bolijamonime tlebime. Bolijaha mëse bu afina sei tlë na kwe kë bolijaha nëba jwa gli tle.

³⁰ Këme nëgëme, ita këme këbë, kë mëseme sei tlë, kwe bu mata nëba jwa gli tle.

³¹ Na ita këme këbë bu mata, melatle, kë fenene. Bu iniwa bolijamoni melamëtla, kë mëseme fwa sei mëtlekefëya na bu iniwa nëba jwa gigli mëtla.

³² Na tokwafe kë mëse, bu mata, gli tle.

³³ Na sebo jume metakune nanëlëyo. Tokwafe gigli kë mëglabë oneho huhuju mëglana, kë mëse fëye hobë mëse tafa egletlemene? Ju wafi lowene ele, kë mëseme tobali ita tële ho kënji kë sei mëtlëya.”

³⁴ Na Jisas bume gali tlome, “Oneho, ebë olëna kë tafa mëglabë bu one sesei melekefëya.

³⁵ Kwe tokwafe Goto bu fli lebo onehome megali loglomeme, ‘Sobo huhuju egelome na bona tafa nëlame.’ Kë huhu mëglabë enëne bu hana sesei mëglame.

³⁶ Bu heven life mago enselha mëtabëyame nëgëme, na bu ita gigli hana mëglame. Goto bume matëmatë mago wahuhuju logotomeme nëgëme, bubë nëbaleha këme tafa mletlame.

³⁷ Na ho some lebo enëne huhu mëglabë gali li të nêtatëyo. Ètani Moses bu mata seme melebotane latëtätëna. Oneho gigli mëglabë, bu matëmatë mago huhuju mëglame. Ètani Moses bu, ahoju ti abo mëta kë u tëglebë galime meanebo gali latletle. Na bu Gotome melë galina yahi tletle, ‘Tako Ho, bu semleninobë, Abraham, Aisak, Jekopnabë Goto mana ekë tafa lële.’

³⁸ Kë gali bu seme melebotane lalëtätëna, Goto bu lebo enënebë Goto nane. Weye. Bu mana kë tafa mëglabë enënebë Goto. Gotobë naba lime, iniwa oneho, giglibë na mana kë tafa mëglabë, iniwa bu mana hwi mëtaya.”

³⁹ Na Gotobë galime okokwe moglomabë ho fli, bu Jisasbë gali yafe aholokwane mëtla na bume gali motlola, “Tisa, ju bume kë tafu ètatëmebë gali lalemu.”

⁴⁰ Na Sadyusi ho bu Jisasmë li loweneme takune moglolame fene, kwe bu uli memëtletlamu.

Jisas, Goto kë aniji toglobë hobë galime, onehome takune tlome

⁴¹ Na Jisas onehome takune tlome, “Bu megali fëyeme mëlekefëyane, ‘Goto kë aniji toglobë ho, onehome nëno lëglebë ho, kë ho bu Devitbë afenëbo.’ Sobo habëlë lowene laletelone, bu kë galime fëyeme gali mëlekefëyane?”

⁴² Ètani Devit buwa Buk Song mëta meyahî latle, ‘Goto, bu bobë eso home megali lalolole,

“Ju bobë tobamu toba elë tafa egletenëme,

na ju bona onehome eso home tafa nëletemome.

⁴³ Sebo onehome mana tafa nëlelēmome,
na bo jume kē wame mëglëyobë home boblo nogotomëme
na bu jubë gali boblo jwa mëtome.”

⁴⁴ Sobo hwi elo. Devit kwe kē home mefë latotle, ‘Bobë eso ho.’ Na bu Devitbë bowene tafa habelë lëglemene?”

Gotobë galime okokwe moglomabë ho bu tēbo lowene esogo mëtlelëkefla

⁴⁵ Iniwa oneho bubë gali mana aholokwane mëtlagulabëë, na mana bubë lowene esogo mëglelëtlabë home gali tlome,

⁴⁶ “Sobo Gotobë galime okokwe moglomabë home ululu sle saeletemo. Bubë lowene mëta asa etabetemo. Bu metole lamla, oneho bume hwi molomame na melowene mëletëmame, ‘Bu lale enënefe.’ Këme nëgeme, bu heletabo ëho gëgelo motokwefëma na asë mla. Na bu këna bume fwa fleflesu mla na bibita motoma. Na bu oneho këme kē loloko mëglabë lifeku mëta asë mëglana, bu metole lamla, oneho bume sësle galina gali namoglomame. Bu lotu lome tafa mëglana, bu metole lamla, onehobë naba li mëta, eso hobë tafa labume tafa mlame. Na hi wesibi salë olëna, bu metole lamla, onehobë naba li mëta, eso hobë tafa labume tafa mlame, oneho bume melowene namëgletëmame, ‘Letitabo enënefe.’ Na bu këna bume fwa fleflesu mla na bibita motoma.

⁴⁷ Na bu seiju oneho sosogëna moloma, bubë iniwa wesibi manawa mëglëma namëglame. Na bu memelë lamla, onehobë naba li mëta, Gotome megëgali gëgali mëglelëlabëë, bubë tēbo lowene këna ëho motoma, oneho bu melowene namëgletëmame, ‘Letitabo enënefe.’ Unina, Goto onehobë tēbo lowene aholokwane loglometëmebë olëna, bu kē Gotobë galime okokwe moglomabë home tēbomu logotomeme.”

21

Wesibi jwa mëse, baliti Gotome tlële

¹ Jisas tako lotu lo mëta tafa tle, na bu lebutako balitina onehome hwi tlome, bu Gotome kē sike melekefëtlabë bokis mëta baliti sisike mëtletla.

² Na bu mana mehwi tolë, wesibi jwa seiju mëse, baliti tokwëtokwë tële kē bokis mëta sike tule.

³ Na Jisas gali tle, “Bo some nëgali nanolëyo. Fli oneho kwe bu kē bokis mëta, tokwëfo balitihä sisike mla, kwe Goto kē wesibi jwa seiju mëse melowene lalëletë, ‘Bu feilawa balitimu sike ele.’

⁴ Fli oneho bubë feilawa baliti mëbetëme kwe tëlewa sike mla na fli mana mëbetëme. Kwe kē wesibi jwa seiju mëse bu baliti tokwëfo mu, kwe bubë hi wesibi glo baliti iniwa sike ele.”

Jisas bu melëme gali tle, “Gotobë tako lotu lo yayei mogotlame”

⁵ Jisasbë lowene esogo mëglelëtlabë ho, bu Gotobë tako lotu lo hwi motlola na gali mëtla, “Ebë lo bu lale klisomu. Bu ebë lo lale lale anijinamu gliji mëtla. Na lale lale wesibina, Gotome kē mëglëlabë, ebë lo neglina lamëtëlëla.”

⁶ Na Jisas gali tlome, “Bo ebë wesibi sobo kē hwi eglomobëme gali nolëyo. Tokwafë bu ebë lo iniwa yayei mogotlame. Fli aniji matawa hana mëgëbëme. Iniwa sisike mëkakame.”

Jisas gali tle, “Tokwafë tēbo olë fata lëgleme”

⁷ Na kwe bu Jisame takune motlola, “Tisa, bu ebë lo fëye olëna yayeï mogotlamene? Sebo fëye wesibi afina hwi noglolamene na këme lowene nëletlame, kë olë nounou ekë lële.”

⁸ Na Jisas gali tlome, “Sobo ululu sle saelo. Ho some sosogëna mogleyolime. Unina feilawa ho migisiyame na sogëname megali mlame, ‘Bo onehomo tëbo lowene mago nëno nëgelëbë ho.’ Na bu gali mëglame, ‘Yawe olë nounou ekë lële.’ Sobo bubë gali asa aholokwane elomo na bume asa esogo elëlëmo.

⁹ Na sobo fli lifate enëne tako momogli mëtayabë gali aholokwane egelona, sobo uli asa elo. Kë wesibi bu afina melë mëgleme, kwe yawe olë nounou hana lëkeke.”

¹⁰ Na bu gali tlome, “Li life li life mago ho, bu li life hona momogli mëgëtayame.

¹¹ Na tako nano ekoujamëme. Na li life li life oneho tako foneme gigli mëkoujame na tako ato elili mëkoujame. Na sobo tokwafe fli tëbo wesibi matafa mago hwi eglomome na sobo kë wesibime tako uli eglomemu.

¹² Kë tëbo wesibi bu fata jwa mëleme na bu some fafa mlame na tëbo mëtome. Bu bubë lotu lo elëme mëlelëkakujome na bubë letitabo enëne belë sei mugujuwelëyome. Na sobobë gali aholokwane molëyome. Na bu some kalabusu lowa sike mlame. Na bu gavman enëne belë na eso enëne belë sei mugujuwelëyome, sobo bome lowene sle egletëname nëgëme.

¹³ Na sobo kë nalë, Gotobë lale gali bume lalowa të egëtatemome.

¹⁴ Kwe sobo tutune asa elo na melowene asa elo, ‘Sebo habë gali noglomamene?’ Weyë.

¹⁵ Bo some kë olëna lale lowene nëglëyome. Na sobo kë lale lowenena gali të egëtatemome. Na some kë wame mogleyobë ho kë gali aholokwane mëglëyona, na sobobë gali hana momata mëgëtatëyome na megali hana mëglame, ‘Bu yaya gali lamla.’ Weyewa. Hanane mu.

¹⁶ Na tokwafe, blijayanino, bitamenino, bolijahanino, ilawa magobë, yabeninona, bu mata some kë wame mogleyobë ho belë sei mugujuwelëyome. Na somago wali mogo nalë tëtëkle mëtayame.

¹⁷ Na iniwa oneho some këme gëglë mëglelëyome, sobo bome lowene sle egletëname nëgëme.

¹⁸ Kwe Goto bu some tafa lëglelëyome na some hana kile lëgëto. Na ho sobobë heven lifate magobë lale tafa hana tëbo mëgëtatëyome.

¹⁹ Sobo kë tëbo olëna bome kë lowene sle egletëname lowene asa elëkëlo. Sobo melë egelona kwe sobo tokwafe unaunalëme lale tafa egelome.”

Jisas gali tle, “Jerusalem lifate tëbo lëgleme”

²⁰ Na Jisas ita gali tle, “Sobo tokwafe mehwi egelona, wame home boblo mogotomabë enëne, Jerusalem lifate lukume fu mëgletlana na ini sabuwa mogotlana, kwe sobo këme lowene elome, kë lifate tëbo lëglebë olë ekë fata lëlefe.

²¹ Na kë olëna, Judia provins mëta kë tafa mëglabë oneho, bu fatiniwa matlëbouja. Na Jerusalem lifate mëta kë tafa mëgelulabë oneho, bu kë lifate kile mlame na jebelëme mëlëboujame. Na Jerusalem lifate li mëta kë tafa mëglabë oneho, bu lifatewa ita asa matëkakluja.

²² Kë nalë, Jerusalem lifate enëneme, memelë tëbo lowene kë mëglabë enëneme Goto tëbo logotomeme. Na iniwa gali, bu Gotobë bogo mëta kë yahi mëtëglabë, bu iniyafemu mefata mëgleme.

²³ Ké olèna, one nèbale imo nabè na one nèbale kolèbo nabè, bo bume tako maninibo nanèletemèmu. Masiwafe, bu habèna mèglènèboujamene? Tèbo olè, ké onehome fata lègletèmememe. Na Goto bu ké onehome wame loglomeme na tèbo logotomeme.

²⁴ Na wame home boblo mogotomabè enène bu flime mogo nalè tèbo motomame. Na iniwa tatako lifate ebè life mèta ké mègèbagubè lifate elè flime mèlelumame na kalabusu lowa sike mokoujame. Na li lifate mago wame enène, na Gotome lowene jwa ké mègletlabè enène, bu Jerusalem lifate hijika motomame na yelukwafe tuku mlame. Bu Jerusalem lifate mana bubè yelukwafe mèta mana lègebetèmembèè, na mana Goto bume gali lolomeme, ‘Sobo emago eyeu.’ Na bu ké lifate kile motlame na mujame.”

Tokwafe Gotobè life mago ho ligisime

²⁵ Jisas ita gali tle, “Ké nalèwa, tetèbo klelegowa wesibi, kliji, yeme, sègetobana mèta fata mègleme. Na iniwa lifate mago oneho, bu nutubè tako liglinitigo lego aholokwane mèglana, kwe bu tako tutune mèglame na tako ulimu mèglame.

²⁶ Na feilawa oneho, iniwa tèbo wesibi ké lifateme ké fata mèglebème tako tutune mèglame. Na bu tako uli mèglame na nabasahoba mlame na mogowa mitigwèyame. Iniwa matafa mago wesibi lili mègleme nègeme na bu kème uli mèglame.

²⁷ Na ké nalè, iniwa oneho bu bome, Gotobè life mago home, mehwi moglona, bo oloba nagi nigisime. Na bo tako lolokwèna, na tako kliji elulego fenene kèhana nigisime.

²⁸ Sobo ké tèbo wesibi hwi eglomona, kwe sobo kème uli asa elo, walena satafa elo. Goto some nèno lèglebè olè nounou lègleme nègeme.”

Jisas binibwe ti tahweji waflè gali latle

²⁹ Jisas waflè gali tlome, “Sobo binibwe time na fli time walowene eletemo.

³⁰ Bubè laba luklu mèglana na tahweji foke mèglana sobo kèbème lowene eletelo, ‘Ebè wanagli tei fe.’

³¹ Ké fenene. Sobo ké tetèbo wesibi, hwi eglomona, sobo melowene naegelome, ‘Goto iniwa onehobè eso home natafa lègletèmembè olè nounou lalèletle.’

³² Bo some nègali gali nanèlèyo, fli oneho bu ebè olèna ké tafa mèglabè, bu mana mètabèyame na ké iniwa tetèbo wesibi, mana fata mèleme.

³³ Lifena matafana tèbo mègleme, kwe bobè gali unaunalème melè lèbagukèfeme.”

Sobo sagli sle elèlome na walena etabome

³⁴ Jisas ita gali tlome, “Sobo ululu sle saelo. Sobo bia na fli biaha wesibi itaita asa hihì elo na kèna yaya elome. Na sobo sobobè ato lègaitalebè wesibime feilawa tutune asa elo. Sobo kèha lowene mèta tafa eglekefona kwe bo ké nigisibè olè bu some hokweinawa tafu lotokwakijome,

³⁵ kole bu klelime fene tafu etole. Ké olè li life li life mago onehome iniwa, lafatawa lokoutèmememe.

³⁶ Sobo olèli olèli walena satafa elekefo. Na sobo Gotome olèli olèli takune elokweflome, bu some lègaito nalègleme na bubè afutuku some lèlèyome. Na tokwafe ké tèbo wesibi somèta, fata mèglana kwe sobo ké afutukuna lalowa

boblo egotomome na bu some hana tëbo mëgëtome. Na sobo tokwafe, bome, Gotobë life mago hobë naba lime, tiniji jwa naeglibetëname.”

³⁷ Na iniwa olë, Jisas tako lotu lo mëta onehome okokwe latlokwefëme. Kwe klabëye, bu Oliv tiwa fatini mëta ni tubekëfe.

³⁸ Na iniwa oneho, bu olobalë mu, tako lotu lowa mutujukefëya, bubë gali aholokwane namoglolame.

22

Judas bu lotu lome wege mëglabë eso enëneme gali sle tëtätëme, “Bo Jisasmë some yo noglëyome”

¹ Israelbë ilawa magobë tako lotu olë fata lëgletëmeme nounou tletëme. Israelbë afenëbo, bu kë lotu olëna, sëse wesibi jwa bletë nage hi mëtlekefëya. Na bu kë lotu olë, Goto ëtani bosemnenime këna tęgaitamebë olë na Isip lifate këna kile mëtëglabë olë, lowene mëtlekefëftla.

² Na lotu lome wege mëglabë eso enëne na Gotobë galime okokwe moglomabë ho bu onehome uli mëtletëmame nëgeme na bu blalo gali këme fa mototla, Jisasmë hwelutuwa mogo nalë tëkle namogotlame.

³ Judas Iskariot na fli we ita jowa (11) hona, bu Jisasbë lowene esogo mëglelëtlabë ho. Na Satan bu Judasbë lowenewa tëkaklu tle.

⁴ Na bu lotu lome wege mëglabë eso enëneme na lotu lo magobë plismanëme këme tuju tème, Jisasmë yo naloglomebë galime gëgali nalëglelëmeme.

⁵ Na kë enëne bubë gali aholokwane motlolabëë na tako fleflesu memëtletlamu na bu buna gali sle mototla, bume baliti tokwafe namëglëlabëme.

⁶ Na Judas bubë galime helawa tletëme. Na bu këme melowene tle, “Bo Jisasmë habëlë yo noglomëmene?” Bu melowene tle, “Lebutako oneho Jisasna mëtabëya jwa mlame na bo Jisasmë mana yo nolomëme.”

Jisasbë lowene esogo mëtlelëtelobë ho hi wesibi loko mëtëto

⁷ Sëse tabo wesibi jwa bletë nage kë hi mëtlekefëyabë olë wafata tletëme. Kë olëna Israelbë afenëbo, bu sipsip kleli nëbale tëtëkle mëtëtakefëya na hihi mëtla. Hihi mëtlekefëyabë, na Goto, bubë bosemnenime këna taitamebë olë lowene mëtlekefëftla.

⁸ Këme nëgeme Jisas Pitaname, Jonname gali tlome, “Sobo eyeumo na tako lotu olëbë hi wesibi loko eoutome. Sebo hi nanëglame.”

⁹ Na tlemalë bume gali motlolo, “Sebo kë hi wesibi hameta loko nëgëtomene?”

¹⁰ Na bume gali tlome, “Sobo Jerusalem lifatewa eyeume. Na ho li, sospenëna tu lëgehilena some alëgeme esune lëglëyome. Na sobo bume nagi elëkaklome. Na bu lowa lëkakluna, sobo mata kë lowa ekaklujome.

¹¹ Na kë lo bolijaya home megali egelujuwelëlome, ‘Sebobë tisa bu megali lalële, “Hi lo hametane? Bona, bobë lowene esogo mëglelëtë nabë hona, kë hi lo mëta, sipsip kleli hi nanëglelëmëme, Goto bu sebobë semleninome këna taitamebë olë, lowene nanëgletlame.”’

¹² Na kwe bu some matawa kë ke logolebë lo ke lebotane lëgëtatëyome. Kë lo bu tafa labuna, na maseina. Sobo kë hi lo mëta sebobë hi wesibi loko etome.”

¹³ Na bu tlemalème mana jine telékakème. Na bu tako lifatewa mètèyeu. Na bu iniwa wesibi hwi motlomo, Jisas fene gali tlome. Na bu hi wesibi sagli motlolo.

Jisas bu bletè nage na wain taba liji tu bubè lowene esogo mëglelëtlabè home tlème

¹⁴ Hi olè fata tle, na Jisas matawa kë ke logolebè lo ke masei mëta tafa tle. Na bubè gali tème kë jine tëglèmebè ho, buna iniwa tafa mëta.

¹⁵ Na bume gali tlome, “Bo ebè hi wesibi sobona hi nëglame, tako tole nanelè, Goto, sebobè semleninome këna tëgaitamebè olè lowene nanëgletlame. Bo sobona ebè hi wesibi afina hi nëlame, na tokwafe bo elili mana fa notglème.

¹⁶ Bo some gali nolèyo, bo sobona ebè tako lotu olèbè hi wesibi ita hana hi nëglame. Kwe tokwafe, Goto iniwa onehobè eso home tafa lëgletèmebè olè fata lëglena, ebè tako lotu olè hi nëglabè wayo mana olafa lëgleme. Na bo ebè tako lotu olèbè hi wesibi ita mana hi nëgelème.”

¹⁷ Na bu wain taba liji tuna kabo fa tètamè na Gotome gali tlole, “Ebè wain taba liji tu, yaha fèyeme enènane?” Na bu gali tlome, “Sobo ebè tu fa etlome na sobo lalo hi ekoujome.”

¹⁸ Bo some gali nolèyo, bo wain taba liji tu eliwa sobona tei hi nëla. Kwe tokwafe Goto bu onehobè eso home tafa lëgletèmebè olè fata lëglena kwe bo wain taba liji tu mana ita hi nëgelème.

¹⁹ Na bu bletè nage fa totle, na Gotome gali tlole, “Yaha fèyeme enènane?” Na fufu totle na bubè lowene esogo mëglelëtlabè home sa tètatème. Na gali tlome, “Ebè bobè atome lëlekuju ne. Bobè ato kë nëglëyobè some lëgaitome. Sebo ebè bletè nage fene hi nëla, sobo itaita melè sa elekefo, bome lowene eglekefëtë nabème.”

²⁰ Bu bletè nage wahi mëta, na bu wain taba liji tu kabo fa tètana bletè nage fene tlème ita metlème tle. Na bu gali tlome, “Ebè bobè winome lëlekuju lèle. Bobè wino kë lugujubè, some lëgaitome. Ètani Goto bu Mosesme megali sle latlole, Israelbè afenëbome lëgaitame. Kwe bobè wino kë lugujubè këme lëlekuju lëgleme, Goto bu bubè onehome tiho gali sle tètatème, bume lëgaitame nalëglebème.

²¹ Sobo aholokwane elo, bome wame ho belè yo loglonèbè ho bu sebona ebè masei mëta weife tafa nëla.

²² Kwe bo, Gotobè life mago ho, bo gli nëgelème, Goto ètani fene gali tle. Kwe kë ho bome kë yo loglomebè, masiwafè, bu tèbo ligitame.”

²³ Na bubè lowene esogo mëglelëtlabè ho kë gali yafe aholokwane motlola, na blalo tètakune mëtlelogwaya, “Melè yalè logotlemene?”

Semago, logouta home, ya tafa lèlene

²⁴ Na kwe bubè lowene esogo mëglelëtlabè ho bu blalo momata mëtlelogwaya, “Semago, logouta home, ya tafa lèlene?”

²⁵ Na Jisas bume gali tlome, “Israelbè afenëboni mëtabèya jwa mëglabè enènebè eso ho, bu memelè lamla, onehome baba tei motoma. Na bu metole lamla, onoho bume megali molomame, ‘Sebobè lale lakalena letitabo ho.’

²⁶ Kwe, kë eso ho fene mëtabèya, sobo këha lowene asa fa etatemo. Weye. Matèbe. Ho li somago logouta home tafa lëglebème tole lëglena kwe bu melè salèletèyo, atwati hoha lètabeme. Na sobobè eso ho bu melè salèletèyo, some wegeme lëgaito hoha tafa lèletèyome.

²⁷ Sobo walowene elo. Mogoutayame kë tafa mëglabë ho, bu memelë lamla, bu masei mëta wege jwa tafawa tei lële na bubë wege ho hi wesibi tobanawa mehweitëma na masei mëta gogwa mëkakitëma na bu mana hiwa lële. Bo kwe, këha hana nëletëyo sobobë ku mëta. Bo some wegeme nëgaito hoha nëtabetëyo.

²⁸ Tëbo wesibi bome kë susu mëtëtanëbë, kwe sobo bona tafa tla na hana kile tëtana.

²⁹ Bobë aya bu bome meaniji latlonë, onehobë eso home tafa nëgletëmë. Na kë fenene bo some këme aniji nolëyo, onehobë eso home bona tafa nanëgletëmame.

³⁰ Na bo tokwafe onehobë eso home tafa nëgletëmëna, sobo bona bobë masei mëta tafa nëglame na hi wesibi hi nëlame. Na sobo eso hobë tafa labu mëta tafa egelome, na sobo Israelbë we ita tële iko nëbalebë bosemnenibë eso home tafa egletemome na bubë lowene mana hwi ebelëkakëtemome.”

Jisas megali latle, “Pita, ju bome kë lowene egletenëbë lowene able eglelëme”

³¹ Na Jisas Pitame gali tlole, “Saimon, aholokwane ele. Satan bu Gotome watakune tlole, sobobë lowene feilawa susu nalogotometëyome. Bu mehwi naloglëyome, sobo bome kë lowene egletë nabë lowene mëta mana tafa egelomene o aholokwana ti egelome.

³² Kwe bo Gotome, jume lëgaitame, wagali nololë, ju bome kë lowene egletenëbë lowene iniwa aholokwana ti jwa naegleme. Kwe tokwafe ju bome kë lowene egletenëbë lowene ita lowene egletena, kwe juna kë tafa egelobë afanime, egaitameme, bu bome kë lowene mëgletë nabë lowene aholokwana ti jwa namëglame.”

³³ Na Pita bume gali tlole, “O tako ho. Bu jume kalabusu lowa mëglelujona, kwe bo juna kalabusu lo mëta weife lalowa tafa nëgelulome na sebo weife lalowa gigli nëgelome. Bo kë wesibime uli hana nëletelë.”

³⁴ Na Jisas bume gali tlole, “Pita, bo jume gali nolë, eli klabë, kekelo gali jwa lëglena, ju bome kë lowene egletenëbë loweneme aowafe able eglomeme.”

Jisas megali tlome, “Sobo baliti, musu, wame kosina meegehoyome”

³⁵ Na Jisas bubë lowene esogo mëglelëtlabë home gali tlome, “Ëbame bo some Gotobë gali tëme jine tëglëyona sobo baliti, musu, juba jibona hana tehojo. Na sobo kë tëgëyobë nalë, sobo wesibi jwa tafa tulone?” Na bume gali motlola, “Weye.”

³⁶ Na bume gali tlome, “Kwe eli, sobo baliti musuna, musumuna meegehoyogelome. Na ju wame kosi jwa nëgena kwe jubë heletabo gelowa ëho, li home balitina hihijikame elëleme na wame kosi kë balitina fa etleme.

³⁷ Ëtani bu, Gotobë bogo mëta wayahi tle, ‘Oneho bume mehwi lamotlola, tëbo ho fenene.’ Na bo some gali nolëyo, tokwafe oneho bome këha melë mëgëtaname. Ëtani bu Gotobë bogo mëta meyahi mëtla, wesibi bome fata mëgletenëme, na kë wesibi bu iniyafe fata mëgleme ekëne.”

³⁸ Na bume gali motlola, “Tako Ho, hwi ele. Sebo wame kosi tële ekëne mëbetëna.” Na bu gali tlome, “Ta tei.”

Jisas Oliv tiwa fatini mëta Gotome gëgali tlelële

³⁹ Na Jisas lifate kile tle na bu Oliv tiwa fatiniwa tokwale, bu itaita fene tokwakefle. Na bubë lowene esogo mëglelëtlabë ho bume nagi mëtlëla.

⁴⁰ Bu kë belê fwa mutula, na bume gali tlome, “Sobo Gotome gëgali eglelêlome, some lëgaito nalëgleme na some su mëgëto wesibi somëta fata jwa namëgletëyome.”

⁴¹ Na bume hune totome. Na ho aniji tuku lëkakeme, kë aniji egujuwetigwabë fenene Jisas kënji mefë latëkake. Na bu sëkefo miti tafa tle na Gotome mana gëgali tlelêle,

⁴² “O aya. Ju metole eglena kwe ju ebë tëbo wesibi bome kë fata mëgletenêbë, bo mago sike ekaketenême. Kwe ju bobë tole asa esogo elelêtenê. Matëbemu. Jubë tolewa saesogo elelêle.”

⁴³ Na heven life mago ensel bume tisi tle na bume taitale.

⁴⁴ Na Jisas bu tako maninibo latle na Gotome anisasanamu gëgali tlelêle. Na bubë afeteni tu, wino fene mesësëbo tletle na life mëta toto tletle.

⁴⁵ Bu Gotome wagëgali tlelêle, na huju tle, na bubë lowene esogo mëglelêtlabë ho betelê ita tuju. Na bume nina hwi tlome, bu tako hobota mëtletlame nêgeme këme ni mëtebëya.

⁴⁶ Na bume gali tlome, “Sobo fëyeme ni ebone? Sobo huhuju elome na Gotome gëgali elelêlome, some lëgaito nalëgleme na su mëgëto wesibi somëta fata jwa namëgletëyome.”

Judas Jisame wame home yo tlome

⁴⁷ Jisas mana gëgali tle na feilawa ho mana mitisitla na Judas kë enêneme toutatême. Judas, ebë Jisabë lowene esogo mëglelêtlabë ho li. Jisabë lowene esogo mëglelêtlabë ho kënji, we ita tèle. Na bu Jisame loliwa tisi tle, bume sësle nalogotleme.

⁴⁸ Kwe Jisas bume takune tole, “Judas, ju bome, Gotobë life mago home, fëyeme sësle etanêne na këna wame home yo elomeme.”

⁴⁹ Na bubë lowene esogo mëglelêtlabë ho, buna kë tafa mëtlabë, bu këme hwi mëtla, bu Jisame fa mogotlame nounou ekênefe. Na Jisame këme takune motlola, “Tako ho, sebo bume wame kosina lalowa têtêke nêglamene?”

⁵⁰ Na bu mago ho li, wame kosi ki tokoke, na lotu lome wege lëglebë letitabo hobë, wege hobë tobamu elë mago aholo sika metëtatle.

⁵¹ Kwe Jisas kë wesibi hwi tlole na gali tlome, “Matëbe. Eme fwa tou elo!” Na bubë toba kë hobë aholome gwa têtatle na laslewa tëkakettle.

⁵² Jisame fame kë mitisitlabë enêne bu melë, lotu lome wege mëglabë eso enêne na lotu lo magobë plismanë, na letitabo enêne. Na Jisas bume gali tlome, “Sobo kosina atobeilana bome fame esijone? Sobo melowene laletênane, ‘Bo tokli ho,’ ëëë?”

⁵³ Itaita, bo sobona tako lotu lo mëta kë tafa tëglekefëyabë na kë nalë sobo bome mana hana fa têtana. Kwe sobo bome këna fa egëtanabë olë ekênefe. Satan bu tako afutukuna ekë lëtabe.

Pita bu Jisame kë lowene lëgletlebë loweneme able tle

⁵⁴ Jisas wagali tlome, na bume mana fa mototla na lotu lome wege lëglebë letitabo hobë lowa mëtelulula. Na Pita bume nagi hwiwa hwiwa tlagume.

⁵⁵ Na bu lotu lome wege lëglebë letitabo hobë lo li mago lëglesli elë tækaklu. Na fli enêne bu kë mëta ahoju hoho mëtelulula. Na Pita buna kë ahoju mëta sa mëtla.

⁵⁶ Na wege mëse bu Pitame hwi tlole, ahøjume sa tle. Na kë wege mëse bume têsêlêle, na gali tle, “Kë ho bu melë Jisasma kë tafa mëtlabë ho.”

⁵⁷ Kwe Pita bu able tle, “Mëse mëtabone. Bo kë home lowene hana nëletelëmu. Hanane mu.”

⁵⁸ Na bu sogë tafawa tle na ho li tëselële na megali tole, “Ju mata, bubë lowene esogo tëgletelobë ho li.” Kwe Pita bu able metle, “Hanane mu. Bo bubë lowene esogo tëgletelëbë ho nane.”

⁵⁹ Bu tako tafaha tle na ho li anisasana gali tle, “Nëgalimu. Hwi elo. Bu mata Galili provins mago holife. Kë ho buna kë tafa mëtlekefëyabë ho.”

⁶⁰ Kwe Pita able tle, “Ju kë gali eglebë gali bo lowene hana nëletelëmu. Hanane mu.” Bu mana gëgali tle, na kekelo mana huju tle.

⁶¹ Na Jisas swaya tletle na Pitame hwi telokwakle. Na Pita, Jisas kë gali toglolebë gali ita lowene tletle. Kë gali melë, “Eli klabë, kekelo gali jwa lëglena, ju bome kë lowene egletenëbë loweneme aowafe able eglomeme.”

⁶² Na Pita bu able kë tëglebëme lowene tle na lo li mago lëgleso mago tëkakli, na tako ye kle totle.

Bu Jisame sasonatlëtlë memototla na tëkle mototla

⁶³ Jisas lotu lome wege lëglebë letitabo hobë lo mëta tafa tle na bume kë fa mototlabë ho bume sasonatlëtlë memototla na bume tëkle mototla.

⁶⁴ Na bubë naba ëhona lamu mototometla na bume mana tëkle mototla na takune motlola, “Ju iniwa wesibi lowene egletëmena kwe ju seme gali sle enoname, jume ya tëke lolëne?”

⁶⁵ Na bume feilawa tiniiji galina gali motlola.

Jisame onehobë gali aholokwane moglomabë letitabo hobë naba li elëme mëtlelula

⁶⁶ Oloba olë, onehobë gali aholokwane moglomabë letitabo ho, Gotobë galime okokwe moglomabë ho na lotu lome wege mëglabë eso enëne bu loko mëtlelëya. Na bu Jisame, kë loko mëtlelëyabë enëne belë mëtlelutëma. Na kë enëne Jisame takune motlola,

⁶⁷ “Ju seme gali enona, Goto kë aniji toglobë ho, onehome nëno naeglebëme. Ju kë ho ekëne?” Na bu gali metafu tëtätëme, “Bo some megali noglëyona, ‘Bo kë ho ekëne,’ kwe sobo bobë gali lowene sle hana egletelome.

⁶⁸ Na bo some fli galime takune noglëyona, kwe sobo bobë gali hana tafu egëtätëname.

⁶⁹ Kwe elina, unina, bo, Gotobë life mago ho, bo tako kalëlegona Gotobë tobamu toba elë tafa nëgelëme.”

⁷⁰ Na iniwa bume takune motlola, “Ju melowene lalene, ‘Bo Gotobë nëba,’ hee?” Na bume tafu tëtätëme, “Sobo nëgali gali gali elo. Bo ta kë ho ekëne.”

⁷¹ Na bu gali mëtla, “Sebo fli enëneme hana gali noglomame, seme kë hobë tëbo loweneme gëgali namëglënëname. Sebo ëje bubë tëbo gali, bubë ëfalëbo mago waaholokwane nolotlame nëgëme.”

23

Bu Jisame eso ho Pailatbë naba li elëme mëtlelula

¹ Na kwe, kë onehobë gali aholokwane moglomabë letitabo ho, bu Jisame eso ho Pailat belë mëtlelula.

² Na bu Jisas kë tafa lëglebë galime Pailatme megali motlola, “Ebë ho bu sebobë life mago onehobë wame lowene tufiji latotometëme. Bu megali latlome, ‘Sobo takis baliti, Rom life magobë eso ho, Sisarme, asa elëlo.’ Na bu megali latle, ‘Bo Goto kë aniji toglenëbë ho, onehome nëno nëgelëbë ho, bo kë eso ho.’”

³ Na Pailat Jisame takune tlole, “Ju Israelbë afenëbobë tako eso hone?” Na Jisas tafu têtatle, “Nëgalife. Ju fene gali ele.”

⁴ Na Pailat lotu lome wege mëglabë eso enëneme na oneho name gali tlome, “Bo ebë hobë, li fëye wesibiha, hwi hana nolotelë na bo manawa hana tëbo nogotlëme.”

⁵ Kwe bu bubë gali anisasana tafu mëtëtatla, “Bu Judia provinsbë, li life li life asë tēbelēfa na onehome okokwe latlagukefēme. Na bu iniwa onehobë wame lowene tufiji latëtagutēme. Bu Galili provins mëta okli tle na bu li life li life asë tēbelēfa na ebelë mana ekë lisi.”

Bu Jisame eso ho Herotbë naba li elëme mëtlelula

⁶ Pailat kë gali aholokwane tlome na takune tlome, “Ebë ho, bu Galili provins mago hone?”

⁷ Pailat melowene tle, “Jisas Galili provins mago hofe. Bo bume Galili provins mago onehobë eso ho Herot belë jine nëgelëkaklëme.” Na bu Jisame eso ho Herot belë këme jine telëkakle. Herot bu ëbame bubë provins kile tle na kë nalë Jerusalem lifateme esokwaneme tafa tle.

⁸ Bu Jisame Herot belë mëtlelula. Herot bu Jisas wesibi kë togotomebë gali waaholokwane tletle na bu anebo Jisame hwi loglome fene kwe bu hwi hana tlole. Këme nëgëme bu Jisame hwi tlole na tako flefesu këme tle. Bu metole latle, Jisas bubë naba lime klelegowa wesibi blëge blëge nalogotometle.

⁹ Këme nëgëme Herot bu Jisame feilawa wesibime këme tëtakune tlole. Kwe Jisas bubë iniwa gali hana tafu totometle.

¹⁰ Na lotu lome wege mëglabë eso enëne na Gotobë galime okokwe moglomabë ho eso ho Herotme loliwa mutuju tla na bu Jisame blawa kë so mëtëtatabë galime feilawa gali motlola.

¹¹ Na kwe Herotna bubë wame boblo mogotomabë enënena Jisame sisile lamototla na klëë galina gali motlola. Na eso ho fene mohweya, bu këha lalë ëho bume mëtehwatla na bume Pailat belë ita jine mëtelëkakla.

¹² Ètani Herotna Pailatna gëglë lamëtlekefo. Kë olëna kwe yonanewa lamëtelo.

Pailat bu gali tle, “Jisasbë ato ti mëta nilina bu eletelo.”

¹³ Na Pailat bu lotu lome wege mëglabë eso enëneme na Israelbë afenëbobë eso enëneme na onehome gali telokwakeme na bu belë loko namokweijame na bu mëta loko mëtëkakija.

¹⁴ Na bume gali tlome, “Sobo ebë home bo belë elesulo, na sobo megali lalona, ‘Ebë ho bu sebobë life mago onehobë wame lowene tufiji latotometëme.’ Na bo sobobë li mëta bume kë galime watakune slemu nololë. Kwe sobo aholokwane elo. Bo ebë hobë, li fëye wesibiha, hwi hana nolotelë. Bo melowene nanelë, ‘Sobo bume fene so etatelobë wesibi, bu melë hana totle.

¹⁵ Na Herot bu mata, bubë li fëye wesibiha, hwi hana lolotle, na bu ebë ho sebelë ita këme jine lelebakle.’ Aholokwane elo, ebë ho bu li fëye wesibiha hana totle na bo megali hana nëgelëme, ‘Bume lalowa, mogo nalë tēke elolo.’ Hanane mu.

16-17 Kème nêgeme, bo bobê wame home boblo mogotomabê enêneme afina gali nolomême, bume taba afona lëlafa motlame na bo mana jine nelëkklême.”*

18 Kwe oneho iniwa anisasana gali mëtla, “Ju kê home mogo nalë têke elole na ju Barabasma kalabusu lo mago jine elëbakëtename.”

19 Barabas, ëtani, fli onehobê wame lowene tufiji têtatême, na bu gavman enêneme tako wame lamotloma, Jerusalem lifate mëtla. Na bu kê nalë, ho lime mogo nalë têke tlole. Na gavman enêne bume kalabusu lowa kême tuku mëtla.

20 Kwe Pailat metole latle, Jisasma jine lëgelëkakleme. Kème nêgeme ita gali tlome, Jisasma jine nalëgelëkakleme.

21 Kwe bubê gali aholokwane hana motlola na anisasana gali mëtla, “Bubê ato ti mëtla nilina bu eletelo! Bubê ato ti mëtla nilina bu eletelo!”

22 Na bume ita gali tlome, “Sobo kê gali fëyeme gali elone? Bu fëye têbo wesibi totlene? Bo ebê hobê, li fëye wesibiha, hwi hana nolotelê na bo megali hana nêgelême, ‘Bume lalowa, mogo nalë têke elolo.’ Hanane mu. Kème nêgeme, bo bobê wame home boblo mogotomabê enêneme afina gali nolomême, bume têklewa namogotlame na bo mana jine nelëkklême.”

23 Kwe bu Pailatme itaita anيسانamu gali motlola, “Bubê ato ti mëtla nilina bu eletelo!” Na Pailat bubê wame gali yafe aholokwane tlakwefême na bu kwasa metletême na melowene tle, “Matêbe. Bu melë matotla.”

24 Kème nêgeme bu bubê lowenewa esogo tlelêtême na gali tle, “Jisas gli malêle.”

25 Na Pailat, Barabasma, kalabusu lo mago tuhu totle na jine telëkakëtême, bu fene gali molola. Barabas, ëtani, fli onehobê wame lowene tufiji têtatême na bu gavman enêneme tako wame lamotloma. Na kê nalë bu ho lime mogo nalë têke tlole. Na gavman enêne bume kalabusu lowa kême tuku mëtla. Na oneho fene tole mëtla, bu Jisasma bubê wame home boblo mogotomabê enënebê toba elë gwa tetokwaketême.

Bu Jisasma ti mëtla nilina bu mëtla

26 Na wame home boblo mogotomabê enêne Jisasma lifeku mago mëtletlula, na bu Sairini lifate mago Saimonme alëgeme esune mëtletlêla. Saimon bu waluju mago Jerusalem lifatewa tuju fene kwe bume fa mototla na bu Jisasma kême bu mëglabê ti, bubê feiji mëtla gwa mototatla na gali motlola, “Se! Mana ehule na Jisasma nagi elëkakleme.” Na bu ti fejina nagi esogo tlagule.

27 Na lebutako oneho bume nagi esogo mëtlagula. Na lebutako one bu yena esogo mëtlagula.

28 Kwe Jisas bume swaya tletême na gali tlome, “Sobo, Jerusalem lifate mago one, sobo bome asa ye eletêna. Matêbe. Sobo some fwa ye elome na sobobê nêbaleme fwa ye eletemome.

29 Tokwafe, li têbo olê fata lëgleme. Kê têbo olê fata lëglena, kwe bu megali mëglame, ‘One nêbaleme yoneti mëglabê bu fleflesu mëglame.’

30 Kê nalë, oneho megali mëglame, ‘Sebo metole nanêla, ebê fatini kwe seme têtafu matla na lamu matêtana, hokweinawa gigli nanëglame na wame ho seme têbo jwa namëgëtaname.’

* **23:16-17** Fli lowene ho bu melowene lamëtla, li gali mana lëbe kê gali mëtla. Kê gali melë lëgëbelalêle. Li li tlibutuna, bubê tako lotu olêna, eso ho Pailat bu jowa jowa kalabusu lo mogo home bu belême jine latlëkefëmetême.

31 Bo li fëye wesibiha hana telë kwe bu bome manawa tëbo mëtana. Bu bome melë mëtanana kwe bu Jerusalem lifate mago enëneme, memelë tëbo lowene mëta kë tafa mëglabë, tako tëbomu mogotomame.”

32 Na wame home boblo mogotomabë enëne, bu tlemalë memelë tëbo lowenebë home mata mëtleluma. Bume, Jisasname mogo nalë tètëke namëglame.

33 Na bu li lifekuwa fwa mutula. Kë lifeku weniji melë, “Eso Elebo.” Na kë fatini lufu mëta wame home boblo mogotomabë enëne Jisasme ti mëta bu mëtla na bu Jisasme kë ti magowa lë mototla. Na bu kë tlemalë memelë tëbo lowenenabë home bubë li mëta mata ola mëtla. Li tobamu toba elë tlibetle na li yemane toba elë tlibetle.

34 Na Jisas ti magowa gali tètëkeke, “Aya, ju ebë enënebë tëbo lowene, bome mogo nalë kë tëke moglonabë lowene, aholokwana ti eletëme. Bome melë kë mëgëtanabë wesibi, lowene sle jwa mëgletlame nëgeme.” Na wame home boblo mogotomabë enëne bubë ato mago ëho blalo melëna sa mëtëtaya. Bu satu salë mëtla na ho mana aniji motloma jowa jowa wesibi glo namëglabëme.

35 Oneho bu mana hwiwa motlokwe fëma, na kwe Israelbë afenëbobë eso enëne, Jisasme mana sasonatlëtë memototla na gali motlola, “Bu fli home taitame. Na bu ebë ho nëgebë kwe Goto bume kë aniji toglolebë, onehome lëgaitameme na nëno lëglebëme, kwe bubë ato lëgaitaleme fene.”

36 Na wame home boblo mogotomabë enëne, bu mata, bume sasonatlëtë memototla. Na bu loliwa mutuju tla na bume kaya tabo wain taba liji tu mëglëla namëglame fene.

37 Na gali motlola, “Ju Israelbë afenëbobë esoho nëgebë kwe jubë ato mana aitale.”

38 Na bu gali ti ka tabo mëta yahi mëtla na Jisasbë eso lufu elë fla mototatla. Bu kë mëta meyahi lamëtletla, “Israelbë afenëbobë tako eso ho.”

39 Jisasname iniwa kë bu mëtëglabë tëbo lowenenabë ho li, Jisasme tiniji galina megali tole, “Ju melowene lalene, Goto jume kë aniji toglobë hone, hee? Hanane mu. Kwe melëbë kwe jubë ato aitalëme na seme mata aitanome. Kwe hanane.”

40 Kwe li tëbo lowene ho, libë gali aholokwane tole na bume wame gali metlole, “Tokwafe Goto jume kë tëbo lëgëtabë wesibime ju uli jwa fëyeme elene? Ju hwi ele, bu seme iniwa tètëkle mëtana.

41 Kwe bu seme kë tètëkle mëgëtanabë kë kwe lalowa, bu sebobë memelë tetëbo lowenebë niji tètëkle mëtana. Kwe ebë ho kë nëgebë, bu li fëye wesibiha hana tole bume blawamu tëkle motla.”

42 Na bu Jisasme gali tole, “Jisas, ju unina eso home tafa eglena kwe ju bome aholokwana asa ti ele.”

43 Na Jisas bume gali tole, “Bo jume nëgalime gali nolë, eli ju bona heven lifeme weife tafa nëgelome.”

Jisas gli tle

44-45 Kliji ku mëta tlibe na kliji ki tetëfatle na tlukufiniwa tëbe. Na këha tégemowagulebë na taboklë kljina ita fetiha tëbe. Na kë tako ëho, bu tako lotu lo ino mëta këkesi tégelulebë, lakawa tëmalita kufe lokwati.

46 Na Jisas anisasnamu afëflei tle, “Aya, bo bobë amtëtomba jubë toba elë ekë gwa netëfaklë.” Bu megali wafi tole na tuku tëkakë.

⁴⁷ Na wame home boblo mogotomabë enënebë eso ho, bu këme hwi tle na Gotome fleflesu tletle na bibita totle na gali tle, “Nëgalimufe. Ebë ho bu lale ho fe. Bu li fëye wesibiha hana tëbo totle.”

⁴⁸ Na oneho kë hwime kë mitisiyabë, Jisas kë gli tëglebë yafe hwi motlola na bu tako maninibo memëtla na bubë lo elë ye motokouja.

⁴⁹ Na Jisasbë yabe enëne na Galili provins mago Jisasna kë mitisiyabë one, bu kakëha mëtelibukëya na iniwa wesibi hwi mëtelëkakëma.

Bu Jisas mogome aniji fuluju matëmatë mëta gwa mototla

⁵⁰⁻⁵¹ Arimatea lifeku mago ho bu kë mëta tètabe. Bubë weniji Josep. Arimatea bu Judia provinsbë li lifeku. Bu lale homu. Bu, Goto iniwa onehobë eso home kë tafa lëgletëmebë olëbëme, hwi lëglekëfebë. Bu onehobë gali aholokwane moglomabë letitabo ho li. Kwe bu onehobë gali aholokwane moglomabë letitabo ho flibë lowenebëme, Jisasme mogo nalë kë tëkle mototlabë lowenebëme, helawa hana tletëme.

⁵² Na Josep eso ho Pailatme tuju tle na takune tlole, “Bo Jisas mogome ti mago lalowa tohwa nogotlëmene?” Na Pailat gali tlole, “Lalowa tohwa etle.”

⁵³ Na kwe Josep Jisas mogome ti mago tohwa tëtetëbakle na bu lale tatiwa ëho heletabona lei totle na tehule na tiho aniji fuluju matëmatë mëta gwa tujuwetle. Kë aniji fuluju, ho tabana go mëtlelëya.

⁵⁴ Bu Fraide taboklë mu, Jisas mogome gwa totle, na bubë tafawa mëglabë olë nounou watletëme.

⁵⁵ Galili provins mago Jisasna kë mitisiyabë one bu Josepme esogo mëtlagula na bu kë aniji fuluju matëmatë hwi motlëya na bu mata Jisas mogome këme kë gwa tégelujuwetlebë tala hwi motlola.

⁵⁶ Bu wahwi motlola na mana bubë lowa mutuja. Na lëkaluwa welë tu na fli lëkaluwa wesibi sle mototoma, Jisas mogome këna tefo namogotlame. Na tafawa mëglabë olë bu tafawa mëtla, Moses bu ëtani fene gali tle.

24

Jisas bu matëmatë mago huju tle

¹ Sande, obolalëwa mu, one bu matëmatëwa mutuja. Na lëkaluwa welë tu na fli lëkaluwa wesibi mata mëtehouja.

² Bu matëmatëwa fwa mutula na mehwi mëtla. Matëmatë ëfo kë tiji mëtlabë aniji waobobwelë mëtagujayafe.

³ Na bu kë aniji fuluju matëmatë elë mëtëkakluja. Kwe bu Jisas mogome hwi hana mëtelujelëla.

⁴ Na melowene mëtla, “Jisas mogo hameta lëbene?” Bu lowene mëtlabëë, na tlemalë ho, bubë lime lamitlikakijowa. Bubë ëho kliji fene u mëtleëme.

⁵ Na kwe one bu tako ulimu memëtla na laibibuwa mëtla. Kë ho bume gali motlomo, “Sobo tuja ato home, gigli enënebë tala mëta, fëyeme hohwi etatelone?”

⁶ Bu eme hana lëtabe. Bu wahuju lële. Bu some Galili provins mëta kë gali toglyëobë gali ita lowene egletelome. Kë gali melë,

⁷ Bu bome, Gotobë life mago ho, Gotome lowene jwa mëgletlabë enëneme yo moglomame, bome ti mëta bu namëglame. Na bo matëmatë mëta tële olë nebëme kwe aona olëbëna huju nëgelëme.”

⁸ Bu tlemalë hobë gali aholokwane mëtla na bu ëbame, Jisas kë gali tëglebë gali ita lowene mëtlela.

⁹ Na bu matëmatë mago mëtëkaklija na ita mutuja. Na bu kë hwi motlomabë wesibi gali, Jisasbë lowene esogo mëglelëtlabë we ita jowa home, na fli onehome, të mututatëma.

¹⁰ Makdala life mago Maria, na Joana na li Maria, Jems bota, na buna kë tafa mëtlabë fli one, bu kë galime, bubë gali tëme kë jine tëglëmebë home yafe gali motloma.

¹¹ Kwe bubë gali tëme kë jine tëglëmebë ho bu melowene mëtla, “Bu sogëname gali molonafe.” Na bubë gali aholokwane hana motloma.

¹² Kwe Pita hujwa tëglebë na matëmatëwa fëka tokou. Na bu blou tle na hwi telukwake na bume këna kë lei mototlabë ëhowa hwi tlotle. Na kwe bu ita lowa tugujuna lowene fafa tëtagule.

Tlemalë ho bu Jisasmë, Emeus lifebë alëge mëta, hwi motlolo

¹³ Kë olë nawa, tlemalë ho, Jisasmë kë esogo mëtlelëlobë, Emeus lifeku elë mëtëyeu. Emeus lifeku bu Jerusalem lifate kakëha lëbe.

¹⁴ Tlemalë bu mëtëyeubëë na bu iniwa kë fata mëtëglebë wesibime gëgali motokoujo.

¹⁵ Bu gëgali motokoujobëë na mana Jisas lafatawa tletëme na buna iniwa mutuja.

¹⁶ Kë tlemalë bume hwi motlolo kwe bume mëtëselëlo sle hana mëtelo. Goto bubë mëtëselëlo sle lowenebë obwelë latëtatëme na mëtëselëlo sle jwa këme motlolo.

¹⁷ Na Jisas kë tlemalë home takune tlome, “Sobo kë egisijobë, fëye wesibime gëgali ekweijone?” Bu megali watle, na tlemalë mana mitlibo na wabelë mëtletelo.

¹⁸ Na bu mago ho li, bubë weniji Kliopas, gali tlole, “Lebutako li life li life mago oneho, Jerusalem lifatewa esokwafe nime fwa mitisiya. Kwe ju Jerusalem lifatewa tokwafe ekë esine. Na juwa kë lifate mëta kë fata mëtëglebë wesibi lowene jwa këme eletëmene?”

¹⁹ Na Jisas bume takune tlome, “Fëye wesibi Jerusalem lifate mëta fata mëtlene?”

Na tlemalë metafu mëtëtatelo, “Sebo, Nasaret lifate mago Jisasmë kë fata tëgletlebë wesibime gëgali nokweijo. Bu Gotobë lowene mago gali të totokweflebë homu na bu Gotobë afutukuna klelegowa wesibi blëge blëge totokwefëme. Bu kalëlego gali të totokwefle ho. Gotona, iniwa oneho mata, melowene lamëtletla, ‘Bu lalë homu.’

²⁰ Kwe sebobë lotu lome wege mëglabë eso enëne na sebobë fli eso enëne, bume gavmanme yu motloma, na bu gali fa mëtëtatla, bume mogo nalë tëke namoglolame na bume ti mëta bu mëtla.

²¹ Sebo ëbame melowene latletla, ‘Jisas kë nëgebë kwe Goto kë aniji toglobebë ho, seme Israelbë afenëbobë wame hobë mago nëno nalëgleme.’

Na li gali mata lalëbe. Bu mogo nalë kë tëkle mototlabë, aona olë wamujutle.

²²⁻²³ Na ëje olobalëwamu semago one fli matëmatëwa muja na bu Jisas mogome, hana hwi molola. Na bu misiya na seme megali lamolona, ‘Sebo, enselme fwa hwi noloma na bu megali lamla, “Jisas tuja ato mana lëtabe.”’ One seme kë galime gali molona na sebo klelego menëletëma.

²⁴ Na semago ho fli, bu mata matëmatëwa muja, na one fene gali mla, bu mata Jisas mogome hwi hana mujuwelëla.”

25 Na kwe Jisas tlemalëme gali tlome, “Sobo yaya fëyeme eletelone na Gotobë lowene mago gali të mototlabë hobë iniwa gali lowene sleme tole jwa fëyeme eletelone?”

26 Gotobë lowene mago gali të mototlabë ho, bu ètani Gotobë bogo mëta meyahi lamëtla, ‘Goto kë aniji toglolebë ho, onehome nëno lëglebë ho, bu ellii afina fa lotleme na mana Goto bume iniwa afutuku lëlelëme na bu Gotona onehobë eso home weife tafa meletemome.’ Sobo kë gali lowene sle jwa fëyeme eletelone?”

27 Na iniwa wesibi bume, Gotobë bogo mëta kë yahi mëtletlabë, bu kë wayo galime okokwe tlome. Bu ètanifu ho, Mosesbë gali wayome afina okokwe tlome na Gotobë lowene mago gali të mototlabë hobë gali wayome mata okokwe tlome.

28 Bu mutujabëë, na tlemalë këme ni mëgebobë lifeku loliwa fwa mutula. Kwe Jisas, luguju lugujuwa nalëgleme fene.

29 Na kwe tlemalë bume lëkle mototlo, na gali motlolo, “Eguju egujuwa asa ele. Kliji walëtetigo na ki lëgebeme ekëne. Ju sebona eme ni nebëya.” Këme nëgeme bume lowa mëtletlulo. Na buna lowa mëtëkakluja. Na tafa mëtletlulo.

30 Na buna hi mëglabë masei mëta tafa mëtla. Na bu bletë nage fa totle na Gotome yaha gali tlole, “Ebë bletë nage yaha fëyeme enënane.” Na bletë nage fufu totle na kë tlemalëme tlëme.

31 Bu melë tēglena, na bubë lowene titika tētātēme na mana bume mëtēsēlō sle mētelo. Na bubë naba li mago laēhowa tēkaketēme.

32 Na buwa gēgali mētelo, “Sebo buna ēje alēgeme gēgali nokweijana, na bu Gotobë bogo mago wayo gali seme të lētatenona kwe sebobë lowene klelego memeleteno na sebo tako fleflesu menelo.”

33 Bu megali mētelo na fowa motokokobë na ita Jerusalem lifatewa lafēkawa mētēkoujo. Na bu Jisabë we ita jowa lowene esogo mëglelētlabë ho na buna kë loko mëtletlëyabë onehome hwi mutujuwelëmo.

34 Na kë enëne bu tlemalëme gali motloma, “Nēgalimufe. Jisas matēmatē mago, wahuju lēlefe na Pita wahwi lololefe.”

35 Na tlemalë bume alēgeme kë fata lēgletēmebë wesibime gēgali mëtletlëmo. Na bu gali mētelo, “Bu bletë nage fufu lētatenona sebo bume mana nëselēlo sle nelo.”

Jisas bubë lowene esogo mëglelētlabë home olafa tletëme

36 Kë tlemalë ho mana gēgali mētelo na mana Jisas bume ku mëta lafatawa tletëme. Na bu megali tlome, “Sobobë lowene lēgēbetëyo sle malëletëyo.”*

37 Kwe bu meweniji lamëtla, “Alibahofe,” na bu këme tako uli memëtla.

38 Na Jisas bume gali tlome, “Sobo klelego fëyeme elone? Sobo tutunena fëyeme tafa elone?”

39 Sobo bobë toba yayahuju na juba yayahuju hwi elokwakimetëna. Ebë bo tekwe nëge. Sobo bobë ato lu etokwakilo lowene naegelome bo afabona, elebona nētābë. Sobo lowene lalo, alibaho bu afabo jwa na elebo jwa mētābëya bu kwe fleluwa.”

40 Bu megali tle na bubë toba yayahuju na juba yayahuju bume lebotane tototetëme.†

* **24:36** Fli lowene ho bu melowene lamëtla, “Kë gali, bu tēle sēgetoba kume kë mëgēbebë, Luk bu nane yahi tle, kwe ho li bubë nagi yahi tle.” † **24:40** Fli lowene ho bu melowene lamëtla, “Kë gali, bu tēle sēgetoba kume kë mëgēbebë, Luk nane yahi tle, kwe ho li bubë nagi yahi tle.”

41 Na bu klelego memëtletla na tako flelesu memëtla kwe bu lowene sle hana mëtla na melowene mëtla, “Ebë Jisas nawa, alibaho nawa.” Na Jisas takune tlome, “Sobo hi wesibi fli mana mëbetëyone?”

42 Na bume muniji mo lëne fa mëtëtatla na mëtëlëla.

43 Na bu hilika totome na bubë naba li mëta hi tletëme.

44 Na bume gali tlome, “Ëtani bo sobona mana tafa tëglana bo some megali latlëyo, ‘Iniwa wesibi, ëtani Moses na Gotobë lowene mago gali tē mototlabë ho, bome kë yahi mëtletë nabë na Buk Song mëta kë yahi mëtletë nabë bu kë iniwa wesibi fata mëgmememu.”

45 Na bubë lowene ha tototëme, Gotobë bogobë wayo gali iniwa lowene sle namëgletlame.

46 Na bume gali tlome, “Gotobë bogo megali lalamë, ‘Goto kë aniji tlolebë ho, onehome nëno nalëglebë ho, bu elili fa lotleme na gli lëleme na bu matëmatë mëta tële olë lëbeme na aona olëbëna kwe huju lëgleme.

47 Na bu bubë wenijina iniwa life mago onehome gali tē mëgëtagutëmame, bubë tëbo lowene aholokwana ti namëglame na Gotobë lale lowenewa esogo namëgleletlame. Bu melë mëglana, kwe Goto bubë tëbo lowene iniwa aholokwana ti nalëgletëmeme. Bu kë gali Jerusalem lifate mëta afina tē mëgëtatëmame.’

48 Iniwa wesibi sobo kë hwi toglobë iniwa lifate mëta satë etagutemo.

49 Sobo aholokwane elo. Ëtani aya Goto bu megali sle tle, bubë Amtëtomba some lëglëyome na bo bume sobelëme jine nëgelëbakëtëyome. Kwe sobo ebë lifate mëta fwa mana hwi elome na Gotobë Amtëtomba somëta mana letujutëyome na bubë afutuku fa etatelome.”

Goto Jisame tilekole

50 Na kwe Jisas bume Betani lifate li elë tlelume. Na bubë toba elili tetokwakëme na Gotome takune tlole, kë onehome lëgaitame nalëgleme na ululu sle lotomeme.

51 Bu Gotome mana gëgali tëglagulebëë, na Goto bume mana heven lifewa alabujuwa tilekole.

52 Na bu sëkefo miti tafa mëtla na Jisame mana lotu mëtletla.† Na bu Jerusalem lifatewa tako flelesuna mutuja.

53 Na bu itaita tako lotu lowa mutujukefëya na Gotome flelesu mëtlekefëtla na bibita mototokwefla.

† 24:52 Fli lowene ho bu melowene lamëtla, “Kë gali, bu tële sëgetoba kume kë mëgëbebë, Luk nane yahi tle, kwe ho li bubë nagi yahi tle.”

Aposel

Jisasbë ëfalëbo mago gali kë mëgehilabë hobë wege melë tëgebetëme latle

Jisas gali sle tlome, Gotobë Amtëtomba jine nalëglëtëmeme

¹⁻³ O yabe Tiofilus. Jisas ebë life mëta tafa tëglëna bu onehome feilawa wesibi totometëme na okokwe tlome. Na Goto bume heven lifewa mana no tlële. Na iniwa wesibi, Jisas onehome kë totometëmbë na kë okokwe toglobebë bo ëbame wayahi tletë.

Jisas elili fa totle na gli tle na matëmatë mago huju tle. Na ebë life mëta niliafewe olë tëtabe. Na kë niliafewe olëna, bu kë aniji toglobebë Aposel home itaita tuhu tlelëkefëme na bume feilawa wesibi lebotane totometëme. Bume melowene namëgletlame, “Bu tuja ato lëtabefe.” Goto bubë onehome, eso home, kë tafa lëgletëmbë galime okokwe tlome. Gotobë Amtëtomba, Jisame lalë lowene tlële. Na bubë Aposel home, loko tëtamë na iniwa wege bu melë namogotomabëme okokwe tlome. Na Goto bume heven lifewa mana no tlële.

⁴ Bubë Aposelna mana mëtëtabëyana, Jisas bume anisasana megali tlome, “Sobo Jerusalem lifate mago hokweinawa asa eyeu. Sobo Aya kë gali sle toglyobë Amtëtomba fame sahwi eletelo. Ëbame bo kë wesibime kë gali toglyobë.

⁵ Ètani, Jon onehome tu mëta baptais totome, kwe tokwafe, tokwëfo olëna kwe aya Goto bubë Amtëtombana some baptais logotome.”

⁶ Na li olëna, Aposel ho bu Jisasna loko mëtlelëya na bu këme takune motlola, “O tako ho, ju ebë olëna, sebobë, Israelbë afenëbonibë eso home tafa eglëtënamene, ètani sebobë semle Devit eso home fene tafa tletëna? Na ju sebobë wame home, Rom life mago home, hehë naegletëmeme.”

⁷ Na Jisas bume gali metafu tëtatëme, “Bobë aya buwa olë wafi aniji tlole, wesibi melë nalogotomëbëme. Ebë olë lowene eglëtëlobëme sobobë wesibi nane.

⁸ Kwe tokwafe, Gotobë Amtëtomba ligisi tëyome, na somëta lëtabeme na bu some afutuku nalëglëyome. Na sobo kë afutukuna, bobë gali të naegëtagutëmome. Sobo Jerusalem lifate mëta, na Judia provinsbë li life li life mëta, na Samaria provins mëta, na iniwa lifate mëta të etagutëmome.”

Jisas heven lifewa tokwale

⁹ Jisas kë gali watë tëtatëme. Bume mana hwi motlolabëë. Na Goto bubë naba lime tlekkole. Na oloba lamo totle na bume hwi hana motlola.

¹⁰ Bu mana hwi motokwakekefëya na tlemalë ho lamitlikakijowa. Bubë ëho tatiwamu.

¹¹ Na kë tlemalë gali motlomo, “Galili provins mago oneho, sobo mana fëyeme elibekefone na matafa elë fëyeme hwi ekwakekefone? Kë Jisame kwe, Goto heven lifewa wafi lilekkole. Kwe tokwafe ita bu lëgetujuleme, ëje sobo matafa elë lokwalebëme fene hwi eluluglo.”

Bu ho lime aniji motlola, Judas fene wege tle, bu këha wege fa nalogotleme

¹² Na Aposel ho kë fatini kile mëtla na Jerusalem lifatewa mëtëmatula. Kë fatinibë weniji ebë “Oliv tiwa fatini.” Bu kakë nane elijamë, loli mëta mu.

¹³ Bu lifekuwa fwa mototola na ebame kë mëta tafa mëtlekefëyabë lowa ita mutuja. Na matawa kë ke togolebë lo ke elë motokwala. Bu kë lo mëta kë tafa mëtlekefëya enënebë weniji melë, Pita, Jon, Jems, Andru, Filip, Tomas, Bartolomyu, Matyu, Alfusbë nëba Jems, Saimon Saimon bu Selot ho*, na li Jemsbë bowene Judas.

¹⁴ Kë enëne bu iniwa loko mëtlelekefëya, na Gotome itaita gëgali mëtlelekefla. Jisas bota Maria, na fli one, na Jisas bolijamoni mata mitisiya, buna iniwa Gotome gëgali namëglelekeflame.

¹⁵ Tokwafe, li olëna, bu loko mëtleleëya, Gotome gëgali namëgleleëlame. Jisame lowene sle mëtlelabë oneho kënji loko mëtleleëya 120. Na Pita ku mëta tlibetëme na gali tlome,

¹⁶ “O bobë afanino na oneglëni, bo some Judasbë galime gali nolëyo. Ètani Gotobë Amtëtomba, eso ho Devitbë lowene huju tëtatile na gali tle. Na kë galibë Gotobë bogo mëta lëbetle. Kë galibë, Jisame wamehome kë yo toglobebë home, Judasme, gali nene. Na ebë olëna kë wesibi wafi fata tle, Devit fene gali tle.

¹⁷ Sebo walowene nëla, ebame Jisas, seme, Judasname iniwa aniji tlon, bubë wege fa nanëtatlame.”

¹⁸ Judas, Jisame wame home kë yo toglobebë balitina, life afloko këna fa totle. Na bu kë life mëta titigo na imo labulewa tlatle na bu aliji tei tabo tëbe.

¹⁹ Jerusalem lifate mago oneho kë gali aholokwane mëtla, na bubë galina kë lifeku mefë mototla, “Akeldama.” “Akeldama” weniji ebë kë gali fenene, “Kola life.”

²⁰ Pita megali tle, “Devit, Buk Song mëta, Judasme gali meyahi latletle, ‘Kë hobë lo mëta ho li hana tafa lëgleme. Kë lo bwa malilibe.’ Na Devit li gali Buk Song mëta meyahi latle, ‘Ho li bubë wege afloko safa lëtatile.’

²¹⁻²² Këme nëgeme, sebo ho lime aniji noglolame, Judasbë afloko mëta wege fa nalogotleme. Na bu sebona Tako Ho Jisas matëmatë mago kë huju tëglebë gali weife të nanogotleme. Sebo ebëha home tole nëletla, Jon Jisame kë baptais totlebë hwi toglobebë. Na bu sebona Jisame mana kë esogo tëglagilabë bubë gli belë fe tækaki. Na bu iniwa wesibi Jisas melë kë tëttagilëbë bu wahwi tlagime. Na bu Jisame hwi tlole, Goto kë no tëglëlebe heven lifewa. Sebo këha home tole nëletla.”

²³ Pita megali tle na bu tlemalë home aniji motloma. Li howe Josep, bume mefë lamototla, Barsabas. Na bubë li weniji, Jastus. Na li howe, Matias.

²⁴ Na bu Gotome megali motlola, “Tako Ho, ju iniwa onehobë lowene wahwi elagumetëna. Këme nëgeme sebo jume këme takune nëlëyo. Ju seme lebotane naegëtatëname. Kë tlemalë mago, ju fëye home aniji tlole,

²⁵ Aposel hobë wege fa nalogotleme. Judas kë wege wakile tle, na bu wagli tle, na Goto kë le tëglëtëmebë tëbo lifewa tuju.”

²⁶ Na bu wenijina goglë sike mëtla na Matiasbë weniji fata tletle. Na bume aniji motlola, we ita jowa Aposel kë nëgebëna tafa namëglame.

2

Gotobë Amtëtomba letujule

¹ Bubë tako lotu olë fotokoke tëme. Kë lotu olëbë weniji Pentikos. Bu kë olë, nuju mago kë fafa mototokweflabë wesibime, Gotome fleflesu mëtleletla.

* **1:13** Selot enëne bu metole lamla, Rom provins mago ho bu seme eso home asa tafa malëletëna.

Na Jisame lowene sle mëtletlabë oneho iniwa jowa lo mëta fwa loko mëtletlëya.

² Na mana, labasagli flelu lego fenene, heven lifate mago latigisitëmewa. Na kë tako lego bu kë mëta loko mëtletlëyabë lo iniwa lakewa tlotëme.

³ Na bu anusesi ahojuha wesibi hwi motloma. Na kë anusesi ahojuha wesibi, iniwa mëta tlëwagutëme. Na bubë eso mëta ahoju naflëboha metlëwagutëme?

⁴ Na Gotobë Amtëtomba kë iniwa enëneme tisi tëme. Na bu mëta tëtabetëme. Na bume afutuku tlëme. Na kë afutukuna lili anigawa gëgalina, gëgali mëtla.

⁵ Kë olëna, Israelbë afenëboni feilawa, Jerusalem lifate mëta mëtëtabëya. Bu Gotome kë lotu melekefëtlabë oneho. Kë oneho li life li life mago mitisiya. Na bubë galina bwa bwa gëgali mëtla.

⁶ Oneho kë legobë lego aholokwane mëtla, hwime loko motokweija. Bu Jisame kë lowene sle mëgletlabë enënebë gali aholokwane motloma na klelego memëtletëmamu. Bubë lili galina gëgali mëtletëmame nëgeme.

⁷ Bu klelego memëtletëma na gali mëtla, “Ebë oneho bu sebobë lili galina kë gëgali mëglabë, bu Galili provins mago tekwe nëge.

⁸ Sebo lowene hana nëletëmafe, bu sebobë lili galina habëna gëgali mëglamene?

⁹ Sebo kë nëgebë, li life li life mago oneho loko nëlëyë. Sebo fliye Partia na Midia na Elam lifate mago enëne. Na sebo fliye Mesopotemia na Judia na Kapadosia na Pontus na Esia provins mago enëne.

¹⁰ Na sebo fliye Frigia na Pamfilia provins mago enëne. Na sebo fliye Isip life mago enëne, na Libia provins li mago lifate Sairini mago enëne, na sebo fliye Rom life mago enëne,

¹¹ na fliye Israelbë afenëbonimu na fliye bu Israelbë afenëboni nane kwe bu Israelbë afenëbonibë lotu tokwafe esogo mëtletlëla. Na sebo fliye Krit life mago na Arebia provins mago enëne. Sebo iniwa, li li galina nëtabëyabë enëne, kwe kë oneho, Gotobë tako afutukuna wesibi melë kë logotlebë, sebobë lili galina ekë të motla.”

¹² Na bu iniwa klelego memëtla na tutune mëtla. Na blalo gëgali mëtlelogwaya, “Ebë wesibi, ëje mefata kë lëglebë ebë fëye wesibine, sebo lowene hana nëletlafa?”

¹³ Kwe fliye sasonatlëtlë memototoma na bume tiniji gëgalina gali motloma, “Tiho wain taba liji tu feilawa hi mëglame nëgeme, bu këme yaya mla.”

Pita gali të totle

¹⁴ Pita na fli we ita jowa Aposelna mitlija. Na bu onehome anisasana gali tlome, “Bobë ilawa mago enëne na sobo fli enëne, Jerusalem lifateme kë tafa egelobë, sobo aholo bo etatëna. Bo some kë wesibi wayobëme gali nëglëyome, sobo lowene naegletelome.

¹⁵ Sobo seme melowene laletëname, ‘Wain taba liji tu hi mëglame nëgeme këme yaya mla?’ Weyewa. Hanane mu. Sobo hwi elo, ebë olobalë klijina, na ho bu olobalë klijina wain taba liji tu hana hi mëlekefëya.

¹⁶ Ebë wesibi ëje kë fata lëglebë, Gotobë lowene mago gali të totokweflebë ho, Joel, ëtani wagali tletle. Bu megali latle,

¹⁷ Goto megali latle, “Yawe olë nounou lëglena, bobë Amtëtomba iniwa enëneme nëglëwagumëme. Sobobë nëbale bobë lowene mago gali të mogotlame. Sobobë falake na filemi ho, bu Gotobë toba mago nimitelë hwi mëglame.

18 Kë olëna, bobë Amtëtomba, bobë wege onehome nëglëmëme. Na bu bobë lowene mago gali të mogotlame.

19 Bo klelegowa wesibi matafa mëta fata nogotomëme na life mëta, mata, fata nogotomëme, bobë afutuku naolafa nogotlëme. Na bu wino, ahoju, tako ahëyana hwi moglomame.

20 Na klji ki letofatleme na klabëwa lëbeme, na yeme u mata obwelë tlamëme na winowa fata tlamëme. Kë wesibi yawe lëkakeme na mana Goto bubë tako afutuku olafa lotleme.

21 Na kë nalë, iniwa oneho, Goto bume lëgaitameme, kë takune moglola, kwe Goto bume lëgaitameme na nëno lëleme. Na bu tafa sle mlame.” Ehtë gali kë nëgebë, Gotobë lowene mago gali të totokweflebë ho bu gali tle.”

22 Na Pita ita gali tle, “Sobo Israelbë afenëboni, sobo aholo bo etatëna. Bo some Nasaret life mago Jisame gali nolëyo. Goto bu kë home aniji tlole. Na tako afutuku tlële. Na bu kë afutukuna, memelë tako afutukuna wesibi na memelë klelegowa wesibi blëge blëge totome, sobobë naba li mëta. Goto melë kë tëglebë, sobo melowene naegelome, ‘Goto ebë home jine tlëlefe.’

23 Goto bu ëtani walowene sle tle. Na bu ebë home some watlëyo, sobo wame home yo naeglomome, bume ti mëta, mogo nalë bu namëglame.

24 Kwe Goto bume matëmatë mago wahuju tle. Bu kë gli tëglebë elili mago wafi no tlële. Gli bume hana fa logotleme.

25 Ètani eso ho Devit bu kë home wagali tletle,
‘Bo Tako Home wahwi nololë,
bobë lime unaunalëmemu lëtabe.

Bobë lime lëtabeme nëgeme
bo li wesibimeha uli jwa këme nëletelë.

26 Këme nëgeme bobë lowene lalowa këme lëbetenë,
fleflesu na këme gëgali nelë.

Lale wesibi, Goto bome melë kë lotometenëbë,
bo kë hwi nëletemë.

27 Ju bome lebo enënebë life mëta kile hana egëtanëme.
Jubë lowenewa esogo sle lëglelëlebë lale wege home,
matëmatë mëta kibo lëglëbëme, hwiwa hana eglolome.

28 Ju bome lale tafa lowenebë walebotane tëtatenë,
na ju bona unaunalëme tafa nëgelome
na ju bome tako fleflesu enënëmu.’

Ehtë gali Devit bu të tle.”

29 Na Pita megali tle, “Bobë afanino na oneglëmino, bo sebobë ëtanifu eso ho Devitme gali sle nëglëyome. Bu wagli tle na bume matëmatë mëta gwa mototla na bubë matëmatë semëta mana mëbe.

30 Kwe Devit bu Gotobë lowene mago gali të totokweflebë ho. Na Goto bume anisasana megali sle latlole, ‘Nëgalimu, ju eso home fene tafa ele, tokwafe, jubë weife mago hobë nëba bu metafa lëgleme.’

31 Devit bu Goto tokwafe logotomebë wesibime lowenemu sle latletëme. Na bu, Goto kë aniji toglolebë home, onehome nëno lëglebë home, melowene sle tletle, ‘Bu matëmatë mago huju lëgleme.’ Këme nëgeme bu megali tle, ‘Goto bume gigli enënebë life mëta hana hwiwa loglome na bubë ato matëmatë mëta kibo hana lëgletleme.’

32 Na kwe kë ho bu ebë Jisas. Na Goto bume matëmatë mago wafi huju tle. Na sebo bume hwi tlola na sebo kë wesibime këme gëgali nëletla.

³³ Goto bume fleflesu tletle na mana no tlële, Gotobë tobamu toba elë tafa nalëgleme, eso home weife tafa namëgelome. Na bolijaya Amtëtomba bume tlële, bu ëtani fene gali tle. Na Jisas ëje seme kë Amtëtomba ekë lënëna. Këme nëgeme ëje kë wesibi sobo kë hwi eglolobë na kë aholokwane egelobë, ebë kë wesibi Jisas seme kë lënëna.

³⁴ Kë galibëme, Devit bu bume nane gali tle. Weye, li home gali tletle. Sobo walowene elo. Devit bu heven lifewa hana tokwale Jisas fene tokwale.

Hanane. Kwe Devit bu megaliwa latle,
 “Tako Ho bobë Tako Home megali latlole,

“Ju bobë tobamu toba elë tafa eleme,
 na eso home weife tafa nëletemome.

³⁵ Sebo onehome mana tafa nëlekefëtemobëë
 na jume kë wame mëglëyobë onehome,
 bo mana boblo nogotomëme
 na bu jubë gali boblo jwa mëgëtatëyome.”

³⁶ Na kwe, sobo Israelbë afenëboni, sobo melowene sle egelome, ‘Ehë ho Jisas kë nëgebë, sobo time kë bu tégelobë, Goto bume Tako Ho lëgëtabëbëme wafi aniji tlole. Bubë enëneme nëno nalëglebëme wafi aniji tlole.’”

Lebutako onehome baptais mototoma

³⁷ Onoho Pitabë gali yafe aholokwane mëtletla na bubë gali bubë lowene sisilemu metëtatëme. Na bu Pitaname Aposel fliname këme takune motloma, “O afanino, eli sebo habelë nëglamene?”

³⁸ Na këme Pita gali tlome, “Sobo jowa jowa kë nëgebë, tëbo lowenebë aholokwana ti elome na Gotome fwa lowene sle etelome na sobo Jisas Klaisbë wenijina baptais elome. Sobo melë egelona, kwe Goto bu sobobë tëbo lowenebë aholokwana ti lëgletëyome na bubë Amtëtomba lëlëyome.

³⁹ Ètani Goto wafi gali sle tle, bubë Amtëtomba some lëglëyobëme na sobobë afenëboni mata na kakë kë tafa mëtlabë onehome mata lëglëmëme. Sebobë Tako Ho, Goto, iniwa onehome, bu belë migisiyabëme, kë we loglomebë, bubë Amtëtomba lëglëmeme.”

⁴⁰ Na Pita bu fli feilawa gali të tëtatëme na këme bume anisasana gali tlome, “Sobo tetëbo wesibime ululu sle sa elo na Goto some lëgaito nalëgleme satakune elokweflo, sobona, tëbo lowene kë esogo mëglelëlabë enënena, iniwa tëbo eglitolime.”

⁴¹ Na feilawa onoho Pitabë gali lowene sle mëtletla na Aposel ho bume mana baptais mototoma. Na kë olëna, Aposel ho, 3,000 onehome baptais mototoma. Na buna, Jisasmë ëtani kë lowene sle mëtletlabë onehona, iniwa sago mëtla.

Jisasmë lowene sle mëtletlabë onoho bu jowa lowenenawa mëtëtabëya

⁴² Iniwa olë, Jisasmë tokwafe lowene sle mëtletlabë onoho, Aposel ho kë të mototokweflabë gali aholokwane mëtlekefëya na kë galiwa esogo sle mëtlelëla. Na bu Jisasmë lowene sle mëtletlabë onoho flina loko mëtlekefëya. Na bu blalo yonane lowenena hi mëtlekefëya na Jisas bu gli tégelëbë olëna kë hi tégelëmebë hi wesibi mata hi mëtlekefëya. Na Gotome gëgali mëtlelëkefla.

⁴³ Na Aposel ho bu Gotobë afutukuna, klelegowa wesibi blëge blëge mototokefëma. Na iniwa onoho hwi motloma na klelego memëtletëma na tako tutune memëtla.

⁴⁴ Na iniwa onoho, Jisasmë kë lowene mëtletlabë, bu jowa lowene nawa tafa mëtlamu. Na bu melowene lamëtla, “Jowa jowa enënebë wesibi kë nëgebëye, ebë sebo Jisasmë kë lowene sle nëgletlabë iniwa enënebë wesibi.”

⁴⁵ Na li li olëna bubë flëke na fli wesibina balitina hihijika mëtla. Na bu kë balitina hi wesibi jwa enëneme mëtaitema.

⁴⁶ Na iniwa olë bu Gotobë tako lotu lo mëta loko mëtlekëfëya. Na bu li lo li lo mëta mana loko motokoukëfëya. Na hi wesibi mana hi mëtlekëfëya. Bu yonane lowenena tafa mëtla na fleflesu lowenena hi motokoukëfëya.

⁴⁷ Na iniwa olë bu Gotome fleflesu lamëtkefëtla na bibita mototokwefla. Na iniwa oneho bume fleflesu lamëtkefëtëma. Olë li olë li, Tako Ho bume lowene jwa mëgletlabë onehobë lowene sle tëtakefëtëme. Na bume lowene sle mëtlela. Jisas bu melë tle na bume lowene sle mëtlelabë oneho feilawamu fata mëtlela.

3

Kiju mogotabo ho sle tle

¹ Li olëna, Pitana, Jonna, taboklë klijina oneho Gotome gëgali mëtlagulabë olëna, Gotobë tako lotu lowa mëtëyeu.

² Na tlemalë, fli enëneme hwi motlomo, kiju mogotabo home mëtlesula. Bu botabë imo mago kiju mogotabo fata tle. Iniwa olë bu kë belë mëtlesukefla na Gotobë tako lotu lobë lëglesu ino ëfo li mëta gwa mototokwefla. Bu kë inobë weniji mëtë lamototla, “Lale Ino.” Na kë kiju mogotabo ho, tako lotu lowa kë mitisikefëyabë onehome, balitime, gëgëba tlokwefëme.

³ Na kë ho tlemalëme hwi tlome, Gotobë tako lotu lowa mëkaklujo namëgelome kofene, na bu balitime mana gëba tlome.

⁴ Pitana Jonna bume anisasana hwi motlolo na Pita gali tlole, “Ju seme hwi elëfakëna.”

⁵ Na kë ho bume anisasana wëya tlelëme na melowene latle, “Baliti mëglënomefe.”

⁶ Kwe Pita gali tlole, “Masiwafe, bo baliti hananefe. Kwe bo jume kë nëglëbë wesibi nane. Bo Nasaret life mago Jisas Klaisbë afutukuna jume gali nolë, ju huju elëme na asë elëme.”

⁷ Na Pita tobamu tobame fa totle na hujume taitale. Na bubë kiju laslewa metlele.

⁸ Na bu hokweinawa huju totokwakle na asë tēbelëfa. Na buna, tlemalë hona, iniwa Gotobë tako lotu lowa mëtëkakluja. Na bu asë tēbelëfa. Na okokli okokli tēbelëfa. Na Gotome mana bibita tētagule.

⁹ Na iniwa oneho lotu lo mëta kë tafa mëtlabë, bume mehwi motlola, bu asë tēbelëfa na Gotome bibita tētagule.

¹⁰ Na bume lowene sle mëtlela na melowene lamëtla, “Ebë ho kë nëgebë kwe bu Gotobë tako lotu lo lëglesu mago ino ëfo li mëta kë tafa lëglekëfëbë ho, balitime kë gëgëba lëglekëfëbë ho.” Bume hwi motlola, kiju lalowa mëbetle na klelego memëtla.

Pita bu tako lotu lome gali tē totle

¹¹ Iniwa oneho kë home kë fata tēgletlebë wesibi gali aholokwane mëtla na klelego memotokouja. Na bu fëka motokweija, kë home hwi namoglolame. Na bume mehwi motlola, Pitaname Jonname tobame fafa tle. Na bu lotu lo sebatu mëta mana mitlija. Bu kë sebatibë weniji mëtë lamotla, “Solomonbë sebatu.”

¹² Pita onehome hwi tlome na gali tlome, “Sobo Israelbë afenëboni, sobo ebë wesibi kë fata lëglebëme fëyeme klelego ekoujone? Na sobo seme anisasana fëyeme wëya elelënane? Sobo melowene lalone, ‘Sebo Gotobë

naba lime asê sle nanelo na kê home mana sle notlo?' Weye. Hanane mu. Sebo kê home sebo bô afutukuna hana sle notlo. Weye. Hanane mu.

¹³ Sebo bô semleninobê Goto, Abraham, Aisak, Jekop nabê Goto seme meolafa latêtatêna, bubê wege ho, Jisas, bu tako afutukuna ho, na bu Jisame tako fleflesumu latletle. Kwe sobo bume wame ho betelê tlelulo, mogo nalê têkle namogotlame. Eso ho Pailat bume jine lëgelëkakleme tole latle fene, kwe sobo bume jine lëgelëkaklebême tole hana tletelo na bume hehê tletelo.

¹⁴ Jisas bu Gotobê iniwa gali esogo sle tëglelêtlebê ho, na bu lalemu na li fêye wesibiha hana totle. Kwe sobo bume tole hana tletelo na hehê tletelo. Na sobo eso ho Pailatme gali tlo, ho mogo nalê kê têke toglolebê home kalabusu lo mago jine nalëglêleme, Jisame asa jine elêtêna.

¹⁵ Jisas bu seme lale tafame sle lëgêtana ho. Kwe sobobê galime fwa nêgeme bume mogo nalê kême têkle mototla. Kwe Goto bume matêmatê mago huju totle. Na sebo tlemalê kê wesibi sebo bô nabana hwi tlolome nêgeme, kê loweneme fwa kême gali nelo.

¹⁶ Sebo melowene sle nêgelome nêgeme, 'Jisas ebê home lalowa sle logotleme, na bubê afutuku ebê home kême sle lotle.' Jisas sebo bô lowene buwa huju lêtateno na kêbê lowenena ebê home sle notlo. Na sobo ebê home wahwi elolo, êtani buwe kiju mogo tabo têtabe kwe êje lalowa ekê asê lëbelêfa.

¹⁷ O, bobê afani, bo walowene nelê, sobona, sobobê eso hona, sobo melowene hana tletelo, 'Goto Jisame wafi aniji tlolefe, onehome nêno nalëgleme.' Sobo kê wesibime lowene hana telo, na Jisame kême têbo totlo. Sobo meweniji latelo, Jisas bu atwati howa.

¹⁸ Gotobê lowene mago gali êtani kê tê mototokweflabê home, Goto megali latlome, onehome nênome, kê gali tëgletlebê ho, bu tako elili fa logotleme na gli lëleme. Iniwa galime bu kê gali toglobebê, bu fatamu latotome.

¹⁹ Kême nêgeme sobo têbo lowene, aholokwana ti elome na Gotome fwa lowene sle eletelome. Sobo melê egelona kwe Goto bu sobobê têbo lowenêbê aholokwana ti lëgletêyome.

²⁰ Na Tako Ho some tiho lowenena tafa egelobê lowene lëglêyome. Na unina, bu Jisame ita jine lëgelëfakleme. Bu kê home wafi aniji tlole seme nêno lëglebême.

²¹ Kwe bu heven lifate mêtâ tafa lëglebê, na Goto iniwa wesibi êtani kê blêge totomebê, ita sle logotomebê olê mana folokoke tleme. Êtani mu, Goto kê galime, gali sle tleme. Na bu bubê lowene mago gali tê mototokweflabê home aniji tleme, kê gali onehome tê namëgêtakêfêtêname.

²² Êtani Moses megali latle, 'Sobobê Tako Ho, Goto, bu sobobê semle lime aniji logloleme, bubê gali tê nalëgêtatêyome. Na bo Gotobê lowene mago gali tê notokweflêbê ho fene tafa nelê, bu mata mefata nalëgleme. Sobo bubê gali aholokwane elolome na kê gali esogo elêlêlome.

²³ Na iniwa oneho, kê hobê gali aholokwane jwa mëglana na esogo jwa mëglelêlana kwe Goto bume têbo logotomeme. Na bu Gotobê onehobê ku mêtâ hana tafa mëgelulame.'

²⁴ Gotobê lowene mago gali tê mototokweflabê ho iniwa, bu ebê olêna kê fata lëglebê wesibime, gëgali motokweiya. Samuel bu kê wesibime afina wagali tle na tokwafe Gotobê lowene mago gali tê mogotlabê enêne fli, Samuelbê nagi kê fata mëtlabê, bu mata kê wesibime gëgali mêtla.

25 Goto bu ëtani megali sle tle, bu ho lime jine lëglëleme, onehome nëno nalëgleme. Na Gotobë lowene mago gali të mototokweflabë ho bu kë galime onehome gali motlokweifëma. Na Goto bu kë home sobelë jine tlëtëyo, bu fene gali mëtla. Goto sobobë bisemleninome megali sle latlome, bume lale tafa nalëglëlememe. Na kë gali sle gali bu soboname iniwame gali tle. Goto bu Abrahamme megali sle latlole, 'Bo tokwafe iniwa lifate mago enëneme lale tafa nëglëmëme. Na kë lale tafa lëglëme ho, jubë bisemleni mëta fata lëgleme.'

26 Këme nëgëme, Goto bubë wege home aniji tlole na sobelëme afina jine tlëtëyo, some ululu sle nalogotome na some jowa jowa onehome, tëbo lowenebë aholokwana ti egelobëme laitome."

4

Bu Pitana Jonname kalabusu lowa sike mëta

1 Pitana Jonna onehome mana gëgali mëtletëmobëë, na lotu lo mëta wege mëglabë ho fli, na Gotobë tako lotu lobë plismanëbë eso ho, na Sadyusi enëne* fli, mana mitisiya.

2 Bu melowene lamëtla, "Tlemalë bu onehome megali të mëtatemo, 'Goto Jisame gli mago wahuju totle.' Na këme sebo melowene nanëla, 'Goto iniwa gigli enëneme huhuju logotomeme.'" Këme nëgëme bu tlemalëme tako wame lamotloma.

3 Na bu tlemalëme fafa mëtla na Israelbë afenëbonibë lotu eso enëne belë mëglumame fene. Kwe taboklëmu nëgëme na bume kalabusu lo elë fwa këme sike mëtla. Li olëna namëglumame.

4 Kwe lebutako oneho bu Pitabë gali aholokwane mëtla na bu Jisame lowene sle mëtletla. Na Jisame lowene sle mëtletlabë onehobë tabei kënjiji mefata latla 5,000 elë ëjeha fwa neme.

Bu Pitana Jonname, Israelbë afenëbonibë lotu eso enënebë naba li elë mëtlesuma, bubë gëgali aholokwane namëgletëmame

5 Jowa olë mëtla na Israelbë afenëbonibë letitabo enënena, lotu eso enënena, Gotobë galime okokwe moglomabë hona, bu Jerusalem lifate mëta loko mëtletëya.

6 Na Gotobë tako lotu lo mëta wege lëglebë tako eso ho Anas, buna iniwa loko mëtletëya. Na Anasbë ilawa mago ho, Kaiafasna, Jonna, Aleksanderna bubë fli ilawa mago ho mata buna loko mëtletëya.

7 Na bu Pitaname Jonname mëtlesuma na bubë naba lime ola mëtëkakija. Na bu tlemalëme metakune motloma, "Some ya gali tloyone, na some kë afutuku ya tlëyone na sobo kë home sle totlo?"

8 Na Gotobë Amtëtomba Pitame afutuku tlële, na bu megali latlome, "O Israelbë afenëbonibë letitabo enëne na sobobë eso enëne.

9 Bale, sobo seme kiju mogo tabo home kë tégaitalobëme takune naeglonamene? Na sobo melowene sle naegletelomene, 'Ebë ho habelë sle lamototlone?'

10 Kwe melë nëgebë, kwe sobo iniwa melowene egletelome, na sobo Israelbë afenëboni iniwa sobo mata melowene egletelome, 'Nasaret life mago Jisas Klaishë afutuku ebë kiju mogotabo home sle totle na sobobë

* 4:1 Sadyusi enëne bu melowene mëta tafa mëtla, "Lebo enëne bu hana huhuju mëglame."

naba li mēta ekē lilibetēyo.' Kwe sobobē so galime fwa bume mogo nalē ti mēta kēme bu mētla. Kwe Goto bume matēmatē mago huju totle.

¹¹ Gotobē bogo, bu ebē wesibime mewaflē gali lalatle, 'Lo gliji ho, bu lo, anijina gliji mētla. Kwe bu li anijime meweniji lamētla, "Tēbowa." Kēme nēgame, mēglēbo elē gwa mētetokwakēya. Kwe kē aniji kē gwa mētetokwakēyabē bu lale anijimu ehamē. Lo bulego kē aniji mēta lotle.' Sobo aholokwane elo. Sobo kē lo gliji enēnena Jisas bu kē aniji fenene.

¹² Jisas buwamu seme nēno lēgleme. Goto, Iniwa life mago onehome, limeha meaniji hana tlole, seme nēno lēglebēme. Goto Jisasmē fwa aniji tlole."

¹³ Na iniwa Israelbē afenēbonibē lotu eso enēne melowene lamētla, "Pitana, Jonna, skulme hana mētēyeu. Tlemalē bu atwati ho." Kwe bume yafe hwi motloma, tlemalē bubē naba lime gēgalime uli hana mētelo. Na bu kēme klelego memētletēma na melowene mētla, ēbame tlemalē bu Jisasna asē mētla.

¹⁴ Na bu kiju mogotabo kē sle tēglebē home hwi motlola, Pitana Jonna weife mitlija, kēme nēgame Pitanabē Jonnabē gali habēna tafu mēgetatēmamene?

¹⁵ Na kwe Israelbē afenēbonibē lotu eso enēne, Pitaname, Jonname bu mago jine mētelēkakēma. Tlemalēme wajine mētelēkakēma na bu blalo mana gēgali mētla,

¹⁶ "Sebo kē tlemalē home habelē nogotomamene? Tlemalē bu klelegowa wesibi blēge mototlo. Na iniwa oneho, Jerusalem lifate mago, bu kēbē wesibi wafi lowene sle mletla. Sebo megali hana nēglame, 'Ebē sogēna wesibi.' Sebo able hana nēglame.

¹⁷ Kwe kē kiju mogo tabo ho, kē sle lēglebē gali, iniwa oneho betelē fifiji mēglagualime. Kēme nēgame sebo bume anisasana lēkle nogotomame, bu fli onehome, Jisasbē galime gali jwa namoglomame."

¹⁸ Na kwe bu tlemalēme ita mētelēkakima na anisasana gali motloma, "Jisas kē totomebē wesibime, itaita asa gēgali elekefo na sobo fli onehome Jisasbē wesibime asa okokwe elokwefomo. Matēbemu."

¹⁹ Kwe Pitana Jonna bubē gali metafu mētētatemō, "Sobo habē lowene lalone, Gotobē naba lime fēye lowene lale lēlene? Sebo Gotobē tole esogo nēglelēlome o sobobē tole esogo nēglelēlome. Sobo kē wesibi mana lowene sle eletemo.

²⁰ Kwe sebo ēfalēbo kujuna hana tafa nēgelome. Sebo Jisasmē kē hwi toglolobē wesibi, na Jisasbē ēfalēbo mago kē aholokwane toglolobē gali, onehome tē nēgetatēmome."

²¹ Na kwe Israelbē afenēbonibē lotu eso enēne bu kē tlemalēme ita anisasana gali motloma. Bu bume tēbo mogotomabē lowene yafe sle mototla, kwe iniwa oneho, Goto kē kiju mogo tabo home kē sle togotlebēme, lowene mētla na Gotome fleflesu mētlekefētla. Kēme nēgame, Israelbē afenēbonibē lotu eso enēne bu onehome uli memētletēma na bu kē tlemalēme hana tēbo mototoma na bume jine mētelēkakēma.

²² Na kē kiju tēbona home, tlemalē Jisasbē afutukuna kē sle mototlobē, bu niliafewe tlibutu wasigli totome na botabē imo mago kiju mogo tabo fata tle.

Bu Gotome gēgali mētelēla Jisasbē gali tē mogotlabēme afutuku nalēglēmeme

²³ Israelbē afenēbonibē lotu eso enēne, Pitaname Jonname wafi jine mētelēkakēma. Na kwe tlemalē Jisasmē lowene sle mētletlabē oneho fli

betelë ita mëtëyeu. Na lotu lo mëta wege mëglabë eso hobë gali na fli Israelbë afenëbonibë letitabo enënebë gali bume gali të mëtëtatemo.

²⁴ Bubë gali aholokwane motloma, na kwe iniwa bu jowa lowenenawa Gotome gëgali mëtletlëla, “Tako Ho, ju matafa blëge totle, na life blëge totle na nutu blëge totle, na iniwa wesibi kë mëta kë mëgëbebë mata blëge totome.

²⁵ Ètanimu jubë Amtëtomba, sebobë semle, Devitme gali tlële. Bu jubë wegeho tafa tlëtë. Na bu megali latle,

‘Gotome lowene jwa mëtletlabë enëne, bu fëyeme enisusu mëlane?

Li life li life mago oneho,

bu Gotome wameme, gali yafe sle mototla, kwe hanane.

²⁶ Iniwa lifate mago eso ho bu wameme sagli metlëla, na bu loko mëtletlëya,

Tako ho na, seme nëno lëgleme

kë aniji toglolëbë honame,

momogli namëgletomame.’

²⁷ Ebë gali Devit kë yahi tëglebë, bu iniyafememu yahi tle. Herotna, Pontius Pailatna, Israelbë afenëboni mëtabëya jwa mëglabë enëne, Israelbë afenëbonina, bu kë lifate, Jerusalem mëta loko mëtletlëya, Jisame tëbo namogotlabëme. Jisas, jubë lale wege ho. Na ju bume wafi aniji tlole, jubë onehome nëno lëleme.

²⁸ Bu kë wesibi melë kë mëtlabë, kwe jubë gali na jubë tolewa esogo mëtletlëla. Jubë afutuku nawa, ju ètani wafi gali sle tle, këbë wesibi fata lëglebëme.

²⁹ Kwe Tako Ho, èje sebo jume gali nolëyo, bu seme kë wame moglonabë gali, lowene egletleme. Na ju seme, jubë wege enëne, afutuku elëëname na sebo jubë gali tëme uli jwa nanëglame.

³⁰ Goto, jubë afutuku onehome olafa etatëmeme na onehobë ato elili sle etometëmeme na klelegowa wesibi mata blëge etometëmeme. Ju kë wesibi jubë wege ho Jisasbë afutukuna melë saetometëme.”

³¹ Bu Gotome wafi gëgali mëtletlëla, na kë mëta, kë loko mëtletlëyabë lo, asëwa tletëme. Na Gotobë Amtëtomba bume afutuku tlëme na bu Gotobë gali feilawa të mototla na bu kë gali të mogotlabëme uli hana mëtla.

Jisame lowene sle mëtletlabë oneho, wesibi blalo sa mëtëta

³² Jisame lowene sle mëtletlabë oneho bu jowa lowene nawa tafa mëtla. Ho li bu megali hana tle, “Ebë wesibi kë nëgebëye, ebë bobëwa.” Weye. Iniwa wesibi kë nëgebë ebë iniwa onehome lëgaitamebë.

³³ Na Aposel ho bu tako afutukuna, Tako Ho Jisas matëmatë mago kë huju tëglebë gali, onehome të mëtetakefëtëma. Na Goto bume lëgaitameme tako fleflesumu latletëme. Na bume ululu sle totome na bu tafa sle mëtla.

³⁴ Na bubë ku mago, li hoha, wesibime hana afolo tle. Hanane mu. Iniwa oneho bu flëke o lona kë mëtëtabëyabë, bu kë wesibi balitina hihijika mëtla. Na bu kë baliti glo mëtla na Aposel ho betelë mëtehweija.

³⁵ Na bubë toba mëta gogwa mëtla. Na Aposel ho kë baliti, wesibime kë afolo mëtlabë enëne sa mëtëtagutëma.

³⁶ Na ho li buna tafa mëtla bubë weniji Josep. Na Aposel ho bume li weniji fë mototla, Barnabas. Barnabas weniji kë nëgebë kë gali fene lëbe, “Onehobë tutune lowene sle lëgëtatëmebë ho.” Barnabas kë nëgebë bu Livaibë afenëbo na bu Saiprus afayo mago ho.

³⁷ Bu bubë flêke afloko li, balitina hihijika tle. Na bu kë baliti tehwei na Aposelbë toba mëta gogwa tle.

5

Ananaiasna Safairana Gotome sogëna motlolo

¹ Na ho li buna tafa mëtla. Bubë weniji Ananaias. Na bubë nobë weniji Safaira. Ananaias bubë flêke afloko balitina hihijika tle.

² Na kë glo tëglebë baliti fli ëho totome. Na no mata kë wesibi lowene latletle. Na Ananaias bu kë baliti lëne glo tle na Aposel home tujuwelëme na sogëna tlome, “Bobë flêke baliti kënjiwa glo telëyo.”

³ Na Pita bume megali tlole, “Ananaias, Ju Satanbë tole fëyeme esogo tlelëtlene? Ju bome megali kë eglonëbë, ‘Ebë baliti bobë flêke mago kënjiwa glo telë,’ kwe ju Gotobë Amtëtombame sogëna lalole.

⁴ Ju kë flêke afloko jubë tole nawa balitina hihijika tle. Na baliti ju kë glo tëglebë ebë mata jubë wesibi. Na ju kë balitina fëye wesibi egleme tole eglebë ebë jubë tolewa. Ju këha tëbo lowene fëyeme tlene? Na mesogëna ele, ‘Baliti kënjiwa ekëne.’ Ju melowene asa ele, ‘Ju onehome sogëna elome.’ Weyewa. Ju Gotomemu sogëna elole.”

⁵ Ananaias kë gali aholokwane tle na bu mogowa latitigowa. Na oneho bu Ananaiasme kë fata tëgletlebë wesibime yafe aholokwane motokouja na bu tako uli memëtla.

⁶ Na falake nëbale bu mitisiya. Na bu mogo ëhona lalei mototla na matëmatë mutuje tla.

⁷ Tokwëfo tafawa tëtëkake, na Ananaiasbë no bu mata tëkakli. Bubë home kë fata tëgletlebë wesibime lowene hana tle.

⁸ Na Pita, bohe kë tëgehweibë baliti bume lebotane totometë na megali tolë, “Ju bome gali enonë, sobo bihena, flêke baliti kë glo tëgelobë ebëwa glo telone?” Na Safaira bume gali tafu tëtatile, “Na kwe fëyemene? Ta kënjiwa fe.”

⁹ Na Pita bume megali tolë, “Sobo bihena gali fëyeme sle totlone? Gotobë Amtëtombame su naegotlomene? Ju aholokwane ele. Biheme kë gwa mogujetlabë falake nëbale, ino ëfo mëta ekë melujuwelukwëya. Na ju mogome mata mëgehojome.”

¹⁰ Na bu mata Pitabë elebo lime mogowa latitigowa. Na falake nëbale metëkaklija na bume mogowa hwi motlëya. Na fa mëtëtaya na mëtehujaya. Na bohebë mëglëbo lime matëmatë mëtëtaya.

¹¹ Na Jisasme lowene sle mëtletlabë oneho iniwa na fli oneho mata bu kë gali yafe aholokwane mëtla na ulimu memëtla.

Aposel ho klelegowa wesibi blëge blëge mototoma

¹² Aposel ho bu feilawa klelegowa wesibi onehobë naba lime blëge blëge mototoma. Na Jisasme lowene sle mëtletlabë oneho bu tako lotu lowa itaita mutujukëfëya na lotu lo sebatu mëta loko mëtlagukëfëya. Bu kë sebatibë weniji mëtë lamototla, “Solomonbë sebatu.”

¹³ Na Jisasme lowene jwa kë mëgletlabë oneho, Jisasme lowene sle mëtletlabë onehome fleflesu lamëtletkefëtëma na bume megali lamëtletkefëtëma, “Bu lale lale oneho mu mëtabëya.” Kwe buna lokome uli lamëtletëma.

¹⁴ Na feilawa onehomu bu Jisasme lowene sle mëtletla na Jisasme lowene sle mëtletlabë oneho flina iniwa sago mëtla.

¹⁵ Iniwa oneho bu klelegowa wesibi Aposel ho kë blëge blëge mogotomabë wafi lowene mëtletëma. Na bu tëbo atona onehome këme mëtlesumetëma. Na Pita kë betelë asë lëglebë alëge mëglëbome ni labuku kahëba motokouja. Bu metole lamëtla, Pita bu loliwa lisime na toba gwa lëtagutëmeme, bubë ato sle mëletëmeme. O melë hana lëglëna, kwe bubë amtëtombawa lamu lotomeme na bu sle mlame.

¹⁶ Na feilawa oneho Jerusalem lifate lime kë tafa mokoujabë bu mata, ato tëbona enëneme na ahwane kë tëbo mogotomebë enënename, Aposel ho betelë mëtlesumetëma. Na bu kë onehome, Jisasbë afutuku sle tëtagume.

Ensel bu Aposel home kalabusu lo mago nëno tle

¹⁷ Gotobë tako lotu lo mëta wege lëglebë tako eso ho, bu Sadyusi enënena ilawa yonane mëglabë ho. Na bu iniwa, Aposel enëne kë mëtëglabë wesibi yafe hwi motloma na bume moumou mëtletëma, feilawa enëne Aposel enënebë loweneme tako fieflesu mëtletëmame nëgeme.

¹⁸ Këme nëgeme Aposel home fafa mëtla na kalabusu lowa sike mëtla.

¹⁹ Kwe klabë Gotobë ensel kalabusu lo ino tika totle na Aposel home tlelëkakime na megali tlome,

²⁰ “Sobo eyeume na Gotobë tako lotu lowa ekakujome na onehome gali tē eoutatemome. Na Gotobë unaunalë lale tafa lëglelëmëbë gali, onehome tē eoutatemome.”

²¹ Aposel ho bu kë gali aholokwane mëtla na kwe olobalëmu Gotobë tako lotu lowa mëtëkakujja. Na bu onehome Jisasbë galime okokwe motloma.

Na lotu lo mëta wege lëglebë letitabo hona bubë yabenina, Israelbë afenëbonibë lotu eso enëneme na fli Israelbë afenëbonibë eso enëneme mata gali mëtletokwakëma migisiya namëglame. Na bu mitisiya na iniwa loko mëtletëya. Na bu lotu lobë plismanë, kalabusu lowa jine mëtletulukakëma, Aposel home nëno namëglame na bubelëme mëglesuma namëglame.

²² Na plismanë kalabusu lowa mutuja kwe bu Aposel home hwi hana motloma. Na bu Israelbë afenëbonibë lotu eso enëne belë ita mutuja na lotu eso enëneme megali motloma,

²³ “Sebo kalabusu lowa tuja na kalabusu ino hwi tlola, tiji sle wamëtla. Na kalabusu ino ëfo mëta kë miglibekefëyabë ho bu mana mitlija. Na kwe sebo ino tika totlana, sebo ho limeha kë mëta hwi hana telujuwelëla.”

²⁴ Gotobë tako lotu lobë plismanëbë eso ho na lotu lo mëta wege mëglabë eso ho kë gali aholokwane mëtla na tako tutune memëtla na gali mëtla, “Bu ebëha wesibi melë kë lëglebë, fëye wesibi fata lëglemene?”

²⁵ Na ho li tisi na gali tlome, “Aholokwane elo! Sobo kalabusu lowa kë tēglelumobë ho, bu Gotobë tako lotu lo mëta milibo na Jisasbë galime onehome okokwe molomo.”

²⁶ Këme nëgeme, lotu lobë plismanëbë eso ho na fli plismanë mutuja na Aposel home nëno mutula na mëtlesuma. Kwe bu Aposel home tēbo hana mototoma. Bu onehome uli mëtletëmame nëgeme, bume anijina mogo nalë tëtëkle mëgëtayalime.

Aposel ho eso enënebë naba lime, Jisasbë gali tème uli hana mëtla

²⁷ Na plismanë, Aposel home mëtlesuma. Na bu Israelbë afenëbonibë lotu eso enënebë naba lime mitlibo. Na Gotobë tako lotu lo mëta wege lëglebë tako eso ho bume megali tlome,

²⁸ “Sebo some Jisasbë galime onehome tème waheheë tletëyo. Kwe sobo sebobë gali boblomu latotlo na sobo kë hobë galime, Jerusalem lifate mago

enëneme iniwa wafi okokwe elagumo. Na sobo seme gali blawa meso naegëtatëname fene, 'Jisas kë gli tëglebë gli eso, somëta lëbetëyo.'

²⁹ Kwe Pitana Aposel flina bubë gali metafu mototla, "Sebo Gotobë galiwa esogo nëglelëtame. Sebo hobë gali hana esogo nëglelëtëname.

³⁰ Sobo Jisame mogo nalë ti mëta bu telo. Kwe sebobë semlenibë Goto, bume huju totle.

³¹ Goto bume tako fleflesu metletle na bume tilekole na bubë tobamu toba elëme tafa lëgletlebëme gali tlole, buna iniwa, onehome eso home tafa namëgletemome. Na bu seme nëno lëglebë ho ekë tafa lële. Na bu seme Israelbë afenëbonime tëbo lowenebë aholokwana ti mëglabëme na lala lowenewa esogo mëglelëlabëme laitaname. Na Goto sebobë tëbo lowene aholokwana ti lëletëname.

³² Jisame kë fata mëtëgletlebë wesibi sebo wahwi tloma. Na sebo onehome kë gali të nëtakefëtëma. Na Gotobë Amtëtomba mata onehome lowene tlëme, ebë gali kë nëgebëye nëgalimu. Oneho, Gotobë lowene kë esogo mëglelëlabë, Goto bubë Amtëtomba bume tlëme."

Gamaliel, Israelbë afenëbonibë lotu eso enëneme gali tlome

³³ Israelbë afenëbonibë lotu eso enëne, bu kë gali yafe aholokwane mëtla na bu feilawamu enisusu mëtla na Aposel home mogo nalë tëtëkle namëgëtayame fene.

³⁴ Kwe letitabo ho li bubë ku mëta tëtabe, bubë weniji Gamaliel. Kë ho bu Farisi ho, na bu Mosesbë tafa sle galime, okokwe loglokwefëmebë ho. Iniwa oneho bume tako fleflesu lamelekefëtla. Na kwe bu huju tle na gali tlome, "Sobo Aposel home toho elelëkakëmo, haha sogë tafuwa namogujetlame."

³⁵ Bu Aposel home toho mëtlelëkakëma. Na Gamaliel bu Israelbë afenëbonibë lotu eso enëneme gali tlome, "O Israelbë afenëboni, sobo kë enëneme wesibi li egëtatemome tole egelona kwe sobo lowene sle afina elome.

³⁶ Sobo walowene elo, ëtani nane, ho li tëtabe, bubë weniji Teudas. Bu bume melowene latle, 'Bo tako ho, eso home lalowa tafa nëgelëme.' Na onehome gali tlome, bume esogo namëglelëtame. Na 400 ho kënniji, bume esogo mëtlelëla, gavman enëneme boblo namogotomame fene. Kwe wame home boblo mogotomabë enëne bume mogo nalë tëke motlola na iniwa ho bume kë esogo mëtëglelëlabë lamëtlëboujawa, na gavmanme wame moglola lowene aholokwana ti mëtla.

³⁷ Na tokwafe, gavman, onehome tabei tokouna, Galili provins mago Judas bu tisi na fli onehobë wame lowene tufiji tëtätëme. Na fli oneho bume esogo mëtlelëla na Gavmanme heheëme wame mla. Kwe wame home boblo mogotomabë enëne bume mogo nalë tëkle mototla. Na iniwa ho bume kë esogo mëtëglelëlabë lamëtlëboujawa. Na gavmanme wame moglola lowene aholokwana ti mëtla.

³⁸ Këme nëgëme, eli bo some gali nolëyo, sobo kë Aposel home asa tëbo etomo. Sobo bume hwiwa elomo, tafa matla. Kwe ebë wege bu kë fa mogotlabë, hobë afutuku magowa nëgena, kwe tëbo lëgletëmeme.

³⁹ Kwe ebë wege bu kë fa mogotlabë, Gotobë afutuku mago nëgena, kwe sobo lëkle hana egotomome. Sobo melë egelona kwe Gotome wame lalolo." Na kwe Israelbë afenëbonibë lotu eso enëne bu Gamalielbë lowenewa esogo mëtlelëtla.

⁴⁰ Na kwe bu ita Aposel home gali motloma, mëkakluja namëglame. Na bu mëtëkakluja. Na bu lotu lobë plismanëme gali motloma, taba afona lëlafa

namogotomame. Na bume lëfafa mototoma. Na Israelbë afenëbonibë lotu eso enëne, bume anisasa galina lëkle mototoma, “Sobo Jisasbë gali onehome itaita asa të eoutatemo. Matëbe.” Na bume mana jine mëtelëkakëma.

⁴¹ Aposel ho, bu Israelbë afenëbonibë lotu enëneme hune mëtla. Na fleflesu motokouja. Bu Gotome melowene mëtletlame nëgeme, “Bu seme fleflesu lalëletëna. Sebo Jisame lowene sle nëgletlabë ho nëgeme na oneho seme këme wame molona.”

⁴² Na iniwa olë bu Gotobë tako lotu lowa mutujukefëya na Jisasbë galime onehome okokwe motlokwefëma. Na onehobë lowa mata mutujukwefëtëma na Jisasbë galibëme onehome okokwe mëtlagukwefëma. Na bu megali sle lamëtla, “Goto Jisame jine tlële, bubë onehome nëno lëglebëme.”

6

Bu tobali ita tële home aniji motloma, Aposel home mëgaitama namëglame

¹ Na kwe, kë olëna, Jisame lowene sle mëgletlabë oneho, bu lebutakomu mëtëtabëya. Na kë mago, Grik gali lowene mëglabë oneho bu Hibru gali lowene mëglabë onehome wame motloma na megali lamotloma, “Iniwa olë sobo hi wesibime kë afolo mëglabë onehome laitakefëmo, kwe sebobë seiju oneme hana aitakefëmo.”

² Këme nëgeme, we ita tële Aposel, Jisame lowene sle mëtletlabë onehome gali mëtelëkakëma, bu belëme migisitëma namëglame. Na bu mitisiya na bume megali motloma, “Sebo hi wesibi sa wege kë fa nogotlabë seme Gotobë gali tëme lëkleha lalëtana. Kë lalë nane. Sebobë wegemuwe, Gotobë galiwa të nogotkweflabë.

³ Këme nëgeme, afanino na mësenëbanino, sobo somago, tobali ita tële lalë home hwi sle saelomo, kë hi wesibi sa wegebëme mogoutatla namëglame. Lalë lowenena mëtabëyabë home hwi sle elomome. Na Gotobë Amtëtombabë afutukuna kë tafa mëglabë home mata hwi sle elomome. Na sebo Aposel ho bume kë hi wesibi sa wegebëme aniji nanoglomame.

⁴ Kwe sebo kwe, Gotome gëgali nëglelëkeflame na Gotobë gali onehome okokwe nolokwefëmame.”

⁵ Iniwa oneho bu kë galime fleflesumu lamëtla. Na bu Stivenme aniji motlola. Stiven bu Gotome feilawamu lowene sle tletle. Na Gotobë Amtëtombabë afutuku bu mëta feilawa tëtabetle. Na bu Filip na Prokorus na Nikanor na Timon na Parmenas na Nikolasname aniji motloma. Nikolas bu Antiok life mago ho na bu Israelbë afenëbo nane. Kwe bu Israelbë afenëbonibë lotu tokwafe esogo tlelële.

⁶ Bu kë tobali ita tële ho, Aposel enënebë naba lime mitlija. Na Aposel ho Gotome gëgali mëtlelëla, kë home lëgaitame nalëgleme. Na bubë toba kë hobë eso mëta gogwa motoletëma, bume kë wege fame aniji motloma.

⁷ Na Gotobë gali li life li life fifiji mëtlelëla. Na Jerusalem lifate mëta, Jisame lowene sle mëgletlabë oneho bu feilawamu fata mëtla. Na lotu lo mëta wege mëglabë ho feilawa mata, Jisame lowene sle mëtletla.

Israelbë afenëboni bu Stivenme bubë lotu eso enëne belëme mëtlelula, bume gali so namëgëtatlame

⁸ Goto Stivenme tako lëgaitale lalële na tako afutukumu tlële. Këme nëgeme Stiven bu feilawa klelegowa wesibi onehobë naba lime këme blëge blëge lotokwefëme.

⁹ Kwe fli ho bu Stivenbë gali tole hana mëtletla na bume momata mëtletlëla. Kë oneho bu Israelbë afenëbonibë li lotu lo mago. Bu kë lotu lo mefë lamototla, “Frimanbë lotu lo.”* Kë ho fli bu Sairini lifate na Aleksandria lifate mago na fliye bu Silisia na Esia provins mago.

¹⁰ Kë ho Stivenbë gali boblo mēgētatlame fene kwe Gotobë Amtëtomba Stivenme lalə lowene tlële na bubë gali boblo hana mëtëtatla.

¹¹ Këme nēgeme bu fli onehome uwabeli baliti mëtłëma, na megali motloma, “Sobo Stivenme megali saso etatelo, ‘Sebo Stivenme waaholokwane tlola, Mosesname, Gotoname tēbo gali latlome.’”

¹² Na kë galina, onehobë, na Israelbë afenëbonibë eso enënebë, na Gotobë galime okokwe moglomabë hobë wame lowene tufiji mëtëtatëma. Na bu Stivenme fame mutuja na Israelbë afenëbonibë lotu eso enëne belë mëtlesula.

¹³ Na fli home mata mëtlesuma, Stivenme gali so namēgētatlame. Kë enëne megali lamëtla, “Kë ho Gotobë tako lotu lome sisile lalotokwefle. Na Goto Mosesme kë gali toglolebë tafa sle galime mata itaita sisile lalotokwefle.

¹⁴ Sebo bume meaholokwane latlola, ‘Nasaret life mago Jisas bu Gotobë tako lotu lo yayei lotleme, na Mosesbë anebo gali ëtani afuninome kë tēglëmebë hihijika lëleme.’”

¹⁵ Na Israelbë afenëbonibë lotu eso enëne iniwa, Stivenme feilawa wëya mëtletlëla, na bubë wenyane, enselbë wenyane fenene mehwi motlotla.

7

Stiven Israelbë afenëbonibë lotu eso enëneme gali tē tētātëme

¹ Na Gotobë tako lotu lo mēta wege lēglebë tako eso ho, Stivenme metakune tlole, “Ju lowene lalene? Ebë gali, ho jume kë so mēgētätëyobë, nēgaline o sogëna lamlā.”

² Na Stiven Israelbë afenëbonibë lotu eso enëneme megali latlome, “O afani na ayani, sobo aholokwane elo. Ètani, sebobë tako afutukuna Goto, sebobë semle, Abrahamme fata tletle. Kë olëna, Abraham bu Mesopotemia provins mēta mana tafa tle. Bu Haran lifatewa tuguju jwa tle.

³ Na Goto bume megali tlole, ‘Jubë home hune elëme. Na jubë life mata kile elëme. Na jume lebotane gali kë nētätëbë life elëme ejume.’

⁴ Na Abraham bubë life, Kaldia, kile tle. Na bu Haran lifate mēta tafa tule. Abraham bolijaya wafi gli tle na Goto, sebo ëje kë tafa nēglabë life elëme jine telëbakle.

⁵ Kwe Goto bume kë lifebë flëke afloko tokwëfo hana tlële. Weye. Hanane. Kwe Goto bume megali slewa latlole, ‘Kwe tokwafe, bo jume ebë life nēglëme. Na kwe kë life melēgëbeme, jubë na jubë bisemleninobë.’

⁶ Goto bu Abrahamme li galime megali latlole, ‘Jubë bisemlenino bu li life mēta tokwafe nibowai mugulame. Na bu kë life enënebë wege manawa fa mētakefëtëmame. Na kë bisemlenime tēbo mogotomabë tlibutu këniji 400.

⁷ Kwe tokwafe bo kë onehome tēbo nogotomëme. Na tokwafe bisemleni kë life kile mlame na misiyame. Na ebë life kë nēgebë mēta bome lotu mēlekefëtëname.’

⁸ Na Goto gali tle, Abraham bubë ato jibo tlë lotleme, na bubë tokwafe fata mēglabë iko nēbalebë ato jibo mata, satëtłë mogotometëmame. Kë

* **6:9** Friman gali melë galibëme gali mla, “Ho, li hobë wege afina manawa kë fa lēgëtakefëtëlebë na tokwafe bubë eso ho, bume jine lelëkakleme, wege jwa manawa tafa nalëgleme.”

yayahuju melēme lēlekuju lēletēmeme, bu Gotobē onehomu mētabēya mēglamemu. Bu kē yayahuju hwi moglomana, Goto bu Abrahamme kē gali sle toglolebē galime, ita lowene mletlame. Na tokwafe, Abraham nēbana tle. Bubē weniji Aisak. Kē nēba toballi ita aona olē kēniji tētabe na bu kē nēbabē ato jibo mana tlē tētatle. Na Aisak bu nēbana tle. Bubē weniji Jekop. Na bume mata kē fene melē latotle. Na Jekop bubē we ita tēle nēbaleme mata melē latotome. Kē we ita tēle nēbale kē nēgebē bu sebobē semlenino.

⁹ Jekophē nēbale, bubē bolijahani Josepme, tako moumou lamētletlēla. Na tēbo lowene memētletla. Na bu Josepme, li life mago enēne mēta balitime hihijika mēta, li hobē wege manawa fa nalētatleme. Na kē enēne bume Isip lifatewa mētlelula. Kwe Goto buna mētētabo.

¹⁰ Goto bume taitale, na iniwa tēbo wesibi bume kē fata mētletlebē, Goto bu sle totometle. Bu eso ho Ferobē naba lime tiglibena, Goto bume taitale na lale lowene tlēle. Kēme nēgemo eso ho Fero bume tako tole latletle na bume Isip lifate mago onehome tafa lēglelēmēbē eso home aniji tlole. Na bubē lo mago iniwa wesibi hwi loglometlebēme mata aniji tlole.

¹¹ Tokwafe tako fone Isip lifate mēta na Kenan lifate mēta fata tle. Na iniwa oneho bu tēbo tafa memētla. Na sebobē semlenino bu hi wesibime afolo mēta.

¹² Kwe Jekop ebē gali aholokwane tle, hi wesibi Isip life mēta kē mēbe. Na bubē nēbaleme Isip lifewa otome afina jine tlēme, hi wesibi glo namugulame. Na bu mutuja hi wesibi glome. Na hi wesibi glo mutula. Na ita mitisiya.

¹³ Na kē hi wesibi wafi yawe motloma na kwe bu ita mutuja na Josep bubē bolijahanime gali tlome, ‘Bo Josep, sebobē keinēba.’ Na tokwafe, Isip life mago eso ho Fero, Josepē ilawa mago enēneme lowene tletēme.

¹⁴ Na kwe Josep, bubē bolijahaninome gali tlome, ‘Sobo eyeume. Na sebobē aya, Jekopme gali ejuwelolome. Buna, sebobē ilawa mago onehona, iniwa esijo naegelome, Isip lifatewa tafa naegelome.’ Na kē enēnebē tabēi bu kēniji, 75 oneho.

¹⁵ Na kwe Jekop, bubē nēbalena, Isip lifewa mitimiya na kēme tafa mētemola. Na tokwafe buna bubē nēbalena, kē mēta fwa gigli mētemola.

¹⁶ Na bu mogo, kē mago Sekem lifewa mētehwoțuja. Na kēme matēmātē mēta gogwa mētetula. Ētani Abraham bu kē matēmātē life, Hamorbē boweninino mago, balitina fa totle.”

¹⁷ Na Stiven ita gali tle, “Ētani Goto Abrahamme megali sle tlole, bubē afenēbonime lēgaitamētleme na wame enēnebē toba mago nēno lēleme. Na kē olē fata lēgleme lololi lalēle. Na Israelbē afenēboni bu Isip life mēta lebutakomu fata mēta.

¹⁸ Na kē nalēwa, tiho eso ho Isip life mēta fata tle. Kwe kē eso ho, Josep ētani kē fa togotlebē wege, lowene hana tletle.

¹⁹ Na kē eso ho bu sebobē semleninome sogēna latlome na tēbo totome. Na bume gali tlome, ‘Sobo iko nēbale fufu egelona kwe walujume sahune elekefo, gigli namēglame.’

²⁰ Na kē olēna, bota Mosesme mana fu totle. Na bu lale nēba klisomu fata mototlo. Botana bolijayana hwelutuwa lo mēta aona yeme mētlēlo.

²¹ Tokwafe bume waluju mēta gwa mutujetla. Na eso hobē boko hwi tujuwelēle na fa totle. Na bubē nēbaha fata tletē.

²² Na Isip life enēnebē iniwa lale lowene, bume okokwe motlola. Na bu gali anisasana anebo gali lēglebē ho tētabe. Na tatako kalēlēgo wege fa togotlebē afutukuna ho tētabe.

²³ Moses bu nili yafewe tlibutu këniji wafi tle na bubë enëneme hwime lowene tle. Kë enëne bu Israelbë afenëboni.

²⁴ Na bu fe təkake, na Isip life mago home hwi tlole, Israelbë afenëbo mago ho lime, tēkle totle. Na bu fewa tēkakebë na bubë ilawa mago home taitale. Na Isip life mago home mogo nalë tēke tlole.

²⁵ Moses bu melowene latle, 'Bubë enëne bume melowene namēgletame, "Goto bume wafi aniji tlole, bume lēgaitame nalēglebëme na Isip life mago nēno nalēglebëme.'" Kwe bu kēbëme lowene hana mētletla.

²⁶ Jowafë niwa tēbe na ita Moses tuju. Na bu tlemalë Israelbë afenëboni blalo momogli mētëto kē labu mēta hwi tlome. Na bu belë tujutëme, bubë wame lēkle nalēgëtatëmeme na gali tlome, 'Hai! Sobo ilawa magofe. Sobo sobolalo memomogli fëyeme etone?'

²⁷ Kwe wame kē togotlebë ho, Mosesbë gali flelesu hana tletle. Këme nēgeme Mosesme so teləkakle, na gali metafu tētatlë, 'Sebobë eso home na sebobë tafa hwi eglotë nabë home jume ya aniji tolëne?'

²⁸ Ju bome gli nalë tēke naeglonëmene, yame Isip life mago home mogo nalë fene tēke tlole? Ju bome melë naegëtanëmenë.'

²⁹ Moses kē gali yafe aholokwane tle na bu Midian lifatewa ulime tlëboukaku. Bu kē mēta tako tafa tule. Na mēse sei tlë. Na iko nēbale tēle fata totome.

³⁰ Moses bu kē lifate mēta niliafewe tlibutu këniji tafa tule. Na tokwafë, li olëna, Moses ho jwa tabo mēta, Sainai fatini wayo li mēta, tafa tle. Na ahोजना ti tokwëfo hwi telokwakle. Na ensel kē ahaju mēta, Mosesme mana fata tletle.

³¹ Moses klelego metletle. Na bu melëme tole tle, lolime hwi sle nalogloleme na kēme nēgeme bu loliwa tuju tle. Na Tako Ho bume megali latlole,

³² 'Bo bisemlenibë, Abraham, Aisak, Jekopnabë Goto.' Na Moses lili tle na ita kē ahaju hwi loglolebëme uli metletle.

³³ Na Tako Ho gali tlole, 'Jubë juba jibo hohwaga ele. Ebë life ju kē mēta kē eglibebë, ebë bobë life nēgeme. Bo kē mēta tafa nēgelëbë life.

³⁴ Bo Isip life mago oneho, bobë onehome kē tēbo mogotomabëme, wahwi nolomë. Bo bubë elili afëflei lego waaholokwane nolotemë. Èje bo kēme netujulë, bume nēgaitamë nanēgelëme, Isip life onehobë toba mago nēno nanēgelëme. Këme nēgeme bo jume gali nolë, ju hujö ele. Bo jume Isip lifatewa ita jine nēgelëkakëme.'

³⁵ Ètani, Israelbë afenëboni bu Mosesme boblo lamototla na megali lamotlola, 'Sebobë eso home na sebobë tafa hwi eglotë nabë home, jume ya aniji tolëne?' Kwe kē Moses fwa Goto jine tlële, Israelbë afenëbonibë eso home tafa nalēgletëmeme. Na bume Isip life mago nēno nalēgleme. Goto bume kē ti tokwëfo wayo mēta enselha fata tletle. Na bume kē wegeme mana aniji tlole.

³⁶ Na Moses bume Isip life mago tlelume. Na bu memelë klelegowa wesibi blëge blëge totome. Bu kē klelegowa wesibi Isip life mēta na Winowa Nutu* mēta mata blëge blëge totome. Na bu ho jwa yenëbawa life mēta, niliafewe tlibutu kē asë tēglelëmebë olëna mata blëge blëge totome.

³⁷ Na kē Moses buwa, Israelbë afenëbonime megali latlome, 'Goto, sobobë ilawa mago ho lime aniji logloleme, bubë gali tē nalēgëtatëyome. Na bo,

* 7:36 Winowa Nutu bubë weniji.

Gotobë lowene mago gali të notokweflëbë ho fene tafa nelë, bu mata mefata nalëgleme.’

³⁸ Sebobë semlenino ho jwa tabo elëme mutuja. Na këme loko mutulelëya na Moses buna tafa tlelëme. Na bu Sainai fatiniwa tokwale na Gotobë ensel bume gali mana tlë. Na bu Gotobë gali fa totle. Kë lale galibë seme ëhwati tafabëme lëgaitana nalëgleme. Na Moses kë gali seme tlëna.

³⁹ Kwe sebobë semlenino Mosesbë gali boblo lamëtëtatla. Na bu Isip lifatewa, ita muguja namëglabëme, tako tole memëtla.

⁴⁰ Moses bu Sainai fatini mëta mana tafa tole, na Israelbë afenëboni Eronme megali motlola, ‘Moses seme Isip life mago kë tëglesunabë, bume fëye wesibi fata loletle nawa. Bu ita hana lëgetujuleme nawa. Këme nëgeme, ju seme fëso li blëge blëge etatëna, na bu Gotoha fata nalëgletëname. Na bu seme lëgaitana nalëgleme na logoutatëna nalëgleme na alëge lebotane nalëtagutëname.’

⁴¹ Na kë nalë bu bulmakau kleli nëba fëso blëge blëge totle. Na bu kë bulmakau kleli nëba fësoma, wesibi ahojume mëtletla na bu kë sinikibome fleflesu nalëgletëmeme. Na bu tako hi wesibi blëge mototla. Na bu kë blëge mototlabë wesibime mana fleflesu mëtletla.

⁴² Këme nëgeme, Goto bume yeolë latletëme. Na bu kliji name, yeme name, sëgetoba name lotu namëgletëmame. Na kë wesibi melë latle, ëtani Gotobë lowene mago gali të mototokweflabë hobë bogo mëta gali fene tëbe. Kë gali melë, ‘Sobo Israelbë afenëboni, sobo ho jwa tabo mëta niliafewe tlibutu kënjiji tafa tëgelobë, sobo bulmakau kleli na sipsip kleli tëtëkle tëtakëfëyo na ahojume ahojume tlekefo. Kwe sobo këha wesibi bome nane totometëna. Weyewa.

⁴³ Na sobo kë asë eglelëlobë selë lotu lo, bobë lotu lo nane. Weye. Bu sogëna goto Molokbë lotu lo. Na sobo, sogëna goto Refanbë sëgetoba wenyaneha wesibi, asë elelëlo. Sobobë tobana kë blëge blëge egotomobë wesibime fwa lotu eletemo. Këme nëgeme bo sobobë life mago këme hehë nëkaketëyome. Na some Babilon lifate elëme jine nelëkakëyome na sobo Babilon lifate sigli etokwaklome na tafa ekekome.’

⁴⁴ Sebobë semlenino bu ho jwa tabo mëta tafa mëtlana, bu Gotobë selë lo asë lamëtletlëkëfëtla. Kë selë lo bu melëme lëlekuju tle, Goto bubë ku mëta tëtabe tëme. Bu kë selë lo kë gliji mëtëglabë, bu iniwa wesibi Goto Mosesme fene gali tlole, bu këha melë lamototla. Na Goto, Mosesme fene lebotane tëtatile, bu këha melë lamototla.

⁴⁵ Tokwafe, kë semleninobë nëbale, bu kë selë lo ita fa mototla, na buna Josuana mitisiya, kë life mago enënëbë life wame nagi hilika mototoma. Na Goto bu kë life mago enënëme hehë tletëme. Na bu kë selë lo kë life mëta lë mototla. Na kë selë lo kë lifeme tlibekëfëbë, na eso ho Devit mana fata tle.

⁴⁶ Na Goto Devitme fleflesu latletle. Na Devit Gotome takune tlole, ‘Bo jubë tako lotu lo lalowa gliji nëgelëmene, bobë semle Jekobë afenëboni, këme lotu namëglekëfëtëyome?’ Kwe Goto kë lotu lo glijime ehe hana tlole.

⁴⁷ Kwe tokwafe Devitbë nëba Solomon kë lotu lo gliji tle.

⁴⁸ Kwe tako afutukuna Goto, bu ho tobana gliji mëglabë lo mëta hana tafa lëglekëfeme. Gotobë lowene mago gali të totokweflëbë ho fene gali tle. Bu megali latle,

⁴⁹ ‘Tako Ho megali lalële, Heven life ebë bobë tafa labu. Na ebë life kë nëgebëye, bo juba këme gogwa nolë. Na bo kë iniwa wesibibë eso ho tafa

nëletemë. Këme nëgeme sobo fëye lo gliji egletënamene, bo këme tafa nanëgelëme? Weye. Sobo bome lo habëna gliji egletënamene?

⁵⁰ Inywa wesibi heven life mago na ebë life mago bowa blëge blëge totomë.”

⁵¹ Na Stiven, Israelbë afenëbonibë lotu eso enëneme, gali tlome, “Sobo aholo titiji tabo enënemu. Sobobë lowene bu tëbo lowenewa lëbetëyo, Gotome lowene jwa mëgletlabë enënebë loweneha lëbetëyo. Na sobo Gotobë gali aholokwane hana elolo na esogo hana elelëlotelo. Sobo Gotobë Amtëtomba galibë itaita boblo latlo, sobobë bisemlenino fene boblo mëtëtatla.

⁵² Sobobë semlenino bu Gotobë lowene mago gali të mototokweflabë home iniwame, wame lamotlokwe fëma. Ètani, Gotobë lowene mago gali të mototokweflabë ho fli, bu megali lamëtla, ‘Gotobë lale lowenewa kë esogo lëglëlekefetlebë home, jine lëglëleme.’ Na sobobë semlenino bu kë gali metletëma bënë enëneme mogo nalë tëtëkle mëtëtaya. Na Gotobë lale lowenewa kë esogo lëglëletlebë ho wafi tisi. Na Goto bume flelesu latletle. Kwe sobo bume wame home yo tlomo na bume mogo nalë tëkle mototla.

⁵³ Goto bubë enselme jine tlëme na bubë gali sobobë semleninome mëtlëma. Na sobo kë gali waaholokwane tletemo kwe sobo esogo hana tletëmo.”

Bu Stivenme mogo nalë anijina tëkle mototla

⁵⁴ Israelbë afenëbonibë lotu eso enëne, Stivenbë gali yafe aholokwane motlola. Na enisusumu memëtletla. Na enino këkë memototometla.

⁵⁵ Kwe Gotobë Amtëtomba Stivenme afutuku tlële na bu heven elë hwi tokwake. Na Gotobë tako elulego hwi telokwakëtla. Na Jisame hwi telokwakle, Gotobë tobanu toba elëme tlibetle.

⁵⁶ Na Stiven gali tle, “Aholokwane elo! Bo heven ino tikatabo wafi hwi nololë. Na bo Gotobë life mago home hwi nololë, Gotobë tobanu toba elëme lilibetle.”

⁵⁷ Bu kë gali yafe aholokwane mëtla, na Stivenme tako wame memotlola. Na bu feilawa juwafe mëtla na bubë tobana aholo titiji mototoma. Na iniwa huhuju mëtëkaka na Stivenme hohwë mëtlëla.

⁵⁸ Na bume Jerusalem lifate mëglëbo elëme tobana anisasana ki motokouja. Na aniji atome mana sisike mëtletla, bume mogo nalë tëkle namogotlame. Na bume gali kë so mëtëtatlabë ho, bubë matawa mago heletanëno ëho totohwa mototoma na falake hobë elebo lime gogwa mëtla. Kë falake hobë weniji Sol.

⁵⁹ Bu anijina mana tëkle mototla na Stiven Jisame mana megali telokwakle, “O Tako Ho Jisas, ju hobë amtëtomba eli sa no elëtenë.”

⁶⁰ Na bu sëkefo miti tafa tle na feilawa we tole, “Jisas, bome kë wame moglonabë onehome kofaya asa wame elome, aholokwana sati ele.” Bu kë galime wafi gali tole na mana tuku tëkake.

8

^{1a} Na Sol, bu Stivenme kë tëkle mototlabë lowenebëme, helawawa latletëme.

Sol, bu Jisame lowene sle mëtletlabë onehome tëbo totome

^{1b} Stivenme kë tëkle mototlabë olëna, Jisame lowene sle mëtletlabë onehome, Jerusalem lifate mëta kë tafa mëtletlabë, kë oneho mëta afina oto mëtla tëbo namëttagumane. Këme nëgeme, Jisame lowene sle mëtletlabë

oneho iniwa Jerusalem lifate kile mëtla na Judia provins na Samaria provins li mago life elëme mëtlënëbouja. Kwe Aposel ho buwa, Jerusalem lifate mëta mëtëtabëya.

² Gotobë lale lowene esogo mëglelëtlabë ho fli, Stiven mogome fa mototla na matëmatë mëta gwa mutujetla na bume tako ye lamëtletlamu.

³ Kwe Sol bu Jisame lowene sle mëtletlabë onehome tëbo totokwefëme. Bu melatotokwefëme. Bu li lo li lowa fe tokoukefëtëme na onehome kë lo mago nëno tokoukëfe na kalabusu lowa tlelukefëme.

Bu Jisabë lale gali Samaria provins mëta të mototla

⁴ Jisame lowene sle mëtletlabë oneho, bwa bwa lifate elë kë mëtlënëboujabë, bu Jisabë lale gali iniwa lifate mëta të mëtëtagutla.

⁵ Filip Samaria provinsbë li lifatewa tuju. Na bu kë life mago onehome ebë gali të tëtätëme, “Jisas bu Goto kë aniji toglolebë ho na nëno lëglebë ho.”

⁶ Feilawa oneho Filipbë gali aholokwane mëtla na bu kë blëge totlebë klelegowa wesibi hwi motlotla. Na këme nëgëme, bubë gali aholo bo sle mëtëtagutla.

⁷ Na bu Filipme mehwi motlola, bu ahwane lebutako onehobë ato mago hehë tletëme. Na kë ahwane aflei tëbowa ëë memëtllële. Na kë onehome lahunewa mototome. Na feilawa oneho, elebo mogo tanënobë na elebo tëbonabë bu lalowa mëtëtabëya.

⁸ Këme nëgëme, ebë life mago oneho bu tako fleflesu këme mëtla.

⁹ Ho li, kë lifate mëta tafa tle, bubë weniji Saimon. Bu itaita humë tlekefe na memelë olo tlësëme. Na lebutako oneho, Samaria provins mago, wesibi bu melë kë tëglebëme, klelego memëtletla. Kë ho bu megali latlekefe, “Bo tako letitabo ho tafa nelë.”

¹⁰ Na letitabo ho fli na manawa oneho, kë hobë gali aholokwaneme, tako tole lamëtla. Na bu megali lamëtla, “Kë ho kë nëgebë, Gotobë tako afutukuna ho!”

¹¹ Bu kë tëglekëfebë wesibime, feilawa oneho klelego lamëtkefëtla. Na këme nëgëme bubë lowene këme esogo mëtlelëkefëtla.

¹² Kwe Filip, Goto onehobë eso home kë tafa lëgletëmebë lale gali, të tëtätëme. Na Jisas Klaisbë lale gali mata të tëtätëme. Na oneho bu kë gali lowene sle mëtletla. Na Filip bume baptais totome.

¹³ Na Saimon bu mata kë gali lowene sle tletle. Na Filip bume mata baptais totle. Na bu Filipna asë mëtelo na iniwa klelegowa wesibi Filip kë totokwefëmebë hwi tlome na klelego metletëme.

¹⁴ Aposel ho, Jerusalem lifate mëta kë tafa mëtlabë, bu meaholokwane mëtla, Samaria provins mago oneho bu Gotobë gali lowene sle lamletla. Këme nëgëme bu Pita name, Jon name këme jine mëtlëma.

¹⁵ Bu Samaria provinswa fwa mutulo, na bu Gotome gali motlolo, bu kë onehome, bubë Amtëtomba lëglëme nalëgleme.

¹⁶ Filip bume ëbame Tako Ho, Jisabë weniji nawa baptais totome kwe Gotobë Amtëtomba bu belë tigiis tëme hana tle.

¹⁷ Këme nëgëme, bu Gotome afina gali motlolo na mana toba gogwa motoletëmo na Gotobë Amtëtomba bu belë tisi tëme.

¹⁸ Saimon bume mehwi tlome, bu toba gogwa mëtletëmo na Gotobë Amtëtomba bu belë tisi tëme. Këme nëgëme baliti glo tle na Jonna Pitana belë tisi tëme na gali tlome,

¹⁹ “Sobo kë afutukubë bome enëna. Na bo mata ho lime toba gwa nëgëtatëlëna, Gotobë Amtëtomba bu belë ligisi tle nalëgleme.”

²⁰ Kwe Pita bume gali tlole, “Gotobë Amtëtomba, Goto manawa kë lëglë nabë, ju balitina hana fa egotleme. Hanane mu. Ju këha tëbo lowene fëyeme lowene elene? Juna, jubë balitina tëbo life mëta tëbo eglitame.

²¹ Jubë lowene Gotobë naba lime lalowa hana lëbetë. Këme nëgëme, ju sebona Gotobë wegeme hana wege nëglame.

²² Ju kë tëbo lowenebë aholokwana ti ele, na Tako Hobë gali eholeme, jubë aholabu lowenebë sle nalëgëtatëme na aholokwana ti lëletëme. Bu jume maninibo lëgletëme nawa na jubë tëbo lowene aholokwana ti lëletëme nawa o hanane.

²³ Bo jume walowene nëletë, mëmaune lowene ju mëta takomu lëbetë. Na ju tetëbo lowene mëta fwa tei tafa elekëfe.”

²⁴ Kwe Saimon, Pitaname Jonname metafu latëtätëme, “Sobo Tako Home gali elolo, bome maninibo nalëgletënëme. Na kë tëbo wesibi, sobo bome kë gali eglonabë, bo belë migisitenë jwa namëgletënëme.”

²⁵ Na kwe Pitana Jonna, Jisasbë lale gali të mëtëtätëme na Jisas bume melë kë totomebë wesibime gali motlomo. Na tokwafe Pitana Jonna Jerusalem lifatewa mëtëyeu. Bu mëtëyeubë, na Jisasbë lale gali, Samaria provinsbë fli life elëme, të mëtëtägutemo.

Filip Jisasbë lale gali, Itiopia lifate mago home të tëtatlë

²⁶ Gotobë ensel bu Filipme megali tlole, “Ju sagli elëleme na nëgemowelëme eimeme. Na Jerusalem lifate mago Gasa lifate elë kë lugujubë alëge elëme ejume.” Kë alëge bu ho jwa tabo mëta lëbe.

²⁷ Na Filip fe təkake na kë alëge elëme time. Bu alëge elëme wafwa temole, na Itiopia lifate mago home, kë alëge mëta hwi tlole. Bu Itiopia lifatebë gavmanbë letitabo ho. Na bu Itiopiabë eso mëse, Kandasibë baliti tafa tlelëkëfëmetëbë ho. Bu Jerusalem lifatewa Gotome lotume tugujubë kë mago tisi.

²⁸ na bubë lifatewa luguju nalëgleme. Bu hos kleli kë kiki mëglebë kalë loha wesibi, wesibi mëta tafa tole. Na bu Gotobë lowene mago gali të totokweflebë ho, Aisaiabë bogo, hwi tlagwi.

²⁹ Na kwe Gotobë Amtëtomba Filipme gali tlole, “Ju kë kalë loha wesibi, wesibi li elëme ejume. Na ju kalë loha wesibi, wesibina, mëglëbo lëlë eyeu elome.”

³⁰ Na kwe Filip loli elë fëka tokou. Na mana aholokwane tlole, kë ho bu Gotobë lowene mago gali të totokweflebë ho Aisaiabë bogo hwi tlagwi. Na Filip këme takune tlole, “Ju kë gali wayobë lowene laletlene?”

³¹ Na bu tafu tëtatlë, “Ho li bubë wayo galibëme bome okokwe jwa loglonëna, bo habëna lowene sle nëgletelëmene? Ju kalë loha wesibi, wesibi elë lalowa etokwalemena na bona weife tafa nelome.” Na Filip bu kalë loha wesibi, wesibi elë fe tokwake.

³² Gali bu kë hwi toglobë, megali lalële, “Bu kë home sei mutujuwelëtëma, sipsip kleli mogo nalë təkeme fene sei mutujuwelëtëma. Na kë ho bu ëfalëbo ji hana totle, sipsip kleli nëbalebë hobo fene le mëlëmetëma na bu afëflei mëgle jwa.

³³ Bume tiniji galina gali motlola. Na bume onehobë gali aholokwane moglomabë ho belëme mëtletelütëma. Kwe bume blawa so mëtëtatlë na blawa təkële mototla. Bume mogo nalë təkële mototla na bu hana tafa lële. Këme nëgëme bu nëbale tafa jwa këme mletla.”

³⁴ Kë ho kë gali hwi tlole na Filipme mana takune tlole, “Bo jume takune nolë, Gotobë lowene mago gali të totokweflebë ho, bu yalëme gali tletlene? Bu bume gali tlene o bu li home gali tletlene.”

³⁵ Na kwe Filip kë home gali okokwe tlole. Bu Aisaia kë yahi tëglebë wayo gali afina okokwe sle tlole na bu Jisasbë lale galime mata okokwe tlole.

³⁶⁻³⁷ Tlemalë bu kë alëge elëme mëtëyeubëë na tu helefo elë fwa mutulo. Na kë ho gali tlole, “Ju hwi ele, tu ekë lemule. Ju bome lalowa baptais egëtanëmene?”*

³⁸ Na kwe, kë letitabo ho, bu hos kleli kë asë lëglelëlebë home gali tlole, “Ju hos kleli lëkle etle.” Na bu Filipna kë tu elë kle mëtëtëkako na Filip bume baptais tetofakle.

³⁹ Na bu tu kile mëtelo na helefowa fe motokoko. Na Gotobë Amtëtomba Filipme kë mago latëglelulewa. Na kë letitabo ho bume ita hana hwi tlole, kwe kë ho bubë lifatewa flefesuna tuju.

⁴⁰ Na Filip bu Asdot lifatewa hokweinawa lafwawa tule. Na Jisasbë lale gali li life li life meta te tëtägutëme na mana Sisaria lifewa fwa tule.

9

Sol lowene hihijika tle

¹ Kë nalë, Sol bu mana anisasana gali tlekëfe, “Bo, Jisame lowene sle mëtletlabë onehome, mogo nalë tëbo nogotomëme.” Na bu Gotobë tako lotu lo mëta wege lëglebë tako eso ho elëme tujutle,

² Na bume takune tlole, “Ju Israelbë afenëbonibë lotu lo hwi moglokeflabë home, Damaskus life mëta kë tafa mëglabë, pasë lalowa yahi ekaketëmeme?” Na kwe Gotobë tako lotu lo mëta wege lëglebë tako eso ho pasë yahi tletëme na Solbë tobame tlële. Kë pasë megali lala, “Sol, Jisame lowene sle mëtletlabë onehome hwi loglomena, kwe lalowa fafa malële na kalabusu lowa sike malële na Jerusalem lifatewa sei lëlëkakimeme.”

³ Na këme, Sol Jerusalem lifate kile tle na Damaskus lifate elëme tuju. Bu Damaskus lifatewa tuhu lëgleme kofene, na heven life mago elulego mana hokweinawa lafatawa tletle na bume ini lamuwa totle. Kë elulego takomu.

⁴ Na Sol lifeme latitigowa. Na bu li hobë we lego aholokwane tlole na bu këme gali tlole, “Sol, ju bome fëyeme tëbo etakefëñë?”

⁵ Na Sol takune tlole, “Tako ho, ju yalëne?” Na bu tafu tëtatile, “Bo Jisas, ju bome tëbo latakefëñë.

⁶ Te! Huju ele. Na Damaskus lifate elë ejume na këme eoutabeme. Na ho li jume gali loglëme na ju kë iniwa gali saesogo sle elelëmetle.”

⁷ Solna kë mutujabë ho klelego memëtletla, na gëgali hana mëtla, ëfasuna tafa mëtla. Bu gali lego aholokwane motlola, kwe kë home hwi hana motlola.

⁸ Na këme, Sol huju tle na bubë naba yafe tika totome kwe bu wesibi hwi hana tlome, bubë naba kilego mëtletleme nëgeme. Këme nëgeme bume tobame fa mototla na Damaskus lifatewa nasi mëtëtägula.

⁹ Bu naba kilego tabo tëtëtabebëë aona olë latle. Na kë aona olëbë bu hi jwa tafa tle.

* **8:36-37** Fli lowene ho bu melowene lamëtla, li gali mana lëbe kë gali mëta. Kë gali melë lëgëbelalële, “Na Filip gali tlole, ‘Ju Jisame lowene sle egletlena kwe bo jume lalowa baptais nëgëtëme.’ Na bu këme tafu tëtatile, ‘Bo wafi lowene sle nëletelëfe, Jisas Klais bu Gotobë nëba.”

¹⁰ Na Jisasme lowene sle lëgletlebë ho li, Damaskus lifate mëta tafa tle. Bubë weniji Ananaias. Na bu nimitelë hwi tle, na Tako Ho Jisas bubë weniji fë têtatle, “Ananaias.” Na Ananaias tafu têtatle, “Tako Ho, bo mana ekë.”

¹¹ Na këme, Tako Ho, megali tlole, “Ju huju eleme, na alëge mefë lamotla, Ininiwa alëge, ju kë belëme ejume. Na ju Judasbë lowa ejume na ho li Tarsus lifate mago kë mëta tafa lële na ju takune eletleme, ‘Tarsus life mago ho hameta lëtabene bo hwi nanoglolëme.’ Kë hobë weniji Sol. Bu Gotome mana kë gëgali lëlelëkefle.

¹² Kë ho bu nimitelë mehwi tle. Li ho, bubë weniji Ananaias, bu tëkaklutle na bubë toba gogwa toletle, bu naba tika namëgletleme.”

¹³ Na Ananaias bubë gali metafufë têtatle, “Tako Ho! Lebutako oneho, kë hobë lakaleme wagali motlona. Bu Jerusalem lifate mëta, jubë onehome memelë tëbo wesibina tëbo lamotokwefëma.

¹⁴ Na ëje bu Damaskus lifatewa tisi, jume kë lotu mëgletëyobë onehome kalabusu nalotomeme. Na lotu lo mëta wege mëglabë eso ho bu wesibi kë ho melë nalëglebëme halawa lamëtletla.”

¹⁵ Kwe, Tako Ho, bume gali tlole, “Ju Sol belë eiju. Kë ho bu bobë wege home fata lëgleme. Bo bume wafi aniji tolë, Israelbë afenëboni mëtabëya jwa mëglabë enëneme, na bubë eso enëneme na Israelbë afenëbonime, bobë gali tē nalëgëtatëmeme, na bu bome lowene sle mëletëname.

¹⁶ Na bo bume meolafa nëtatelëme, ‘Bu bobë galiwa tē logotlena, memelë tetëbo wesibi bume fata mëgletleme.’”

¹⁷ Na Ananaias, Sol kë tafa lëglebë lowa tuju. Na lowa tëkaklu. Na Solme toba gogwa toletle na megali latlole, “Afa Sol, Tako Ho Jisas bu jume alëge mëta olafa tletë. Na buwa bome jine lelëfakënë, jubë naba tika namëgletëme na Gotobë Amtëtomba ju belë naligisitëme.”

¹⁸ Ananaias kë gali wafi yawe tlole, na hokweinawa, mo lënëboha wesibi, Solbë naba mago mititigo tle na bu ita hwi tekake. Na bu huju tle na Ananaias bume baptais tle.

^{19a} Na tokwafe Sol hi wesibi hi tle na afutuku bume ita tisi tle.

Sol Jisasbë lale gali Damaskus lifate mëta tē totle

^{19b} Sol Damaskus lifate mëta, Jisasme lowene sle mëtletlabë onehona fli olëwa tafa mëtla.

²⁰ Na kwe, bu Israelbë afenëbonibë lotu lowa mana latujuwa, na gali metë latëtätëme, “Jisas bu Gotobë nëba.”

²¹ Iniwa ho, Solbë gali kë aholokwane motlola, klelegomu memëtla. Na bu megali lamëtla, “Kë ho kë nëgebë, Jisasme kë lotu mëtlekefëtlabë onehome, tëbo totokwefëmebë ho. Bu Jerusalem lifate mëta melatotokwefëme. Na ëje ebelë kë ligisibë mata, kalabusu lowa nalëglelume, na bume lotu lo mëta wege mëglabë eso ho belë lëglelume nalëgleme, Jerusalem lifatewa.”

²² Kwe Goto Solme afutuku tlële na bu kë afutukuna Israelbë afenëbonime, Damaskus life mëta kë tafa mëtlabë, kalëlego gali tē tëtätëme. Sol megali slemu latlome, “Goto Jisasme kë aniji toglolebë, bubë onehome nëno nalëglebëme.” Israelbë afenëboni, Solbë gali yafe aholokwane motlola. Bubë gali habëna tafu mëgëtatlamene? Bu gali olafa slemu tēgëtatëmeme nëgeme.

Israelbë afenëboni bu Solme wame motlola

²³ Lebutako olë wamutuju na Israelbë afenëboni loko mëtlelëya na gali sle mototla, Solme mogo nalë tēkle namogotlame.

²⁴ Kwe Sol bume kë fa mëtëtatlabë gali waaholokwane tletëme. Na Israelbë afenëboni, olëli olëli na klabë, Damaskus lifatebë lëglesibë ino ëfo li mëta, sei mëtlëkefëtle, Solme mogo nalë tëke namoglolame.

²⁵ Kwe klabë kuna, Solbë yabeni, bume kë lifate mago tako lëglesì mëglëbo li elë mitilekola. Na Solme tatijihà wesibi mëta tuku mëtle na bu kë mëta tafa tokeke na tabana kesì mototla, na kë manogwa lëglesì mëglëbo elëme alabujuwa tuku mëtëmalitaya. Na bu mana tuju.

Sol Jerusalem lifate mëta tafa tle

²⁶ Tokwafe, Sol Jerusalem lifatewa tuju, Jisame kë lowene mëgletlabë enëkena loko namëglame. Kwe bu iniwa uli lamëtletla na melowene lamëtletla, “Bu Jisame lowene lëgletlebë ho nane.”

²⁷ Kwe Barnabas Solme lataitale, na Aposel ho belë sei tlële. Na bume gali tlome, “Sol Tako Ho Jisame alëge mëta wafi hwi tlole. Na Tako Ho Jisas bume wagëgali tlelële. Na Sol mata, Damaskus lifatebë onehome, Jisasbë gali të tëtätëmebëme, uli hana tle.”

²⁸ Barnabasbë gali aholokwane motlola na Aposel enëne lowene mëtle, “Nëgalife.” Këme nëgeme, Sol bu Aposelna, Jisame kë lowene mëgletlabë onehona iniwa tafa mëtle. Na buna iniwa Jerusalem lifate mëta asë mëtle. Na bu Jisasbë gali onehome të tëtätëmebëme uli hana tle.

²⁹ Na bu Israelbë afenëboni flina, Grik gali kë lowene mëtlabë, Jisasbë galime gëgali tlelëme na bume momata lamëtletlëla. Kwe bume melowene mëtlele, “Sebo habelë nogotlamene, bume mogo nalë tëke nanogotlamefe?”

³⁰ Jisame kë lowene mëgletlabë oneho kë wame gali aholokwane mëtle, na bu Solme Sisaria life elëme mëtlelula na Tarsus life elëme jine mëtelëkkakla.

³¹ Na kwe kë nalëwa, Jisame kë lowene sle mëgletlabë oneho, Judia provins na Galili provins na Samaria provins mëta lalowa tafa mëtle. Ho bume hana tëbotome. Na Gotobë Amtëtomba bume afutuku tlëme. Na iniwa bu itaita Jisasbë tolewa esogo mëtlelëkefëtle. Na lebutako oneho bu Jisame lowene sle mëtlele.

Pita Ainasme sle totle

³² Pita li life li life elëme asë tëbelëfa. Na bu Lita lifewa tuju na kë life mëta, Gotobë onehona tafa mutula.

³³ Na bu kë life mago ho li hwi tlole. Bubë weniji Ainas. Bubë iniwa elebo mogowa. Bu tëgëbe tëgëbewa latle. Na bu tobali ita aona tlibutu kënji melë latle.

³⁴ Na Pita bume megali latlole, “Ainas, Jisas Klais jume elë sle lëgetame. Ju huju ele na jubë ni labuku mana hohlo etleme.” Na bu hokweinawa huju tle.

³⁵ Na iniwa oneho, Lita na Saron lifate mëta kë tafa mëtlabë, Ainas kë sle tëglebëme hwi mëtle na Jisame lowene sle mëtlele.

Pita Tabitame gli mago huju tëtamë

³⁶ Jisame lowene sle egletlebë mëse li, Jopa lifate mëta tafa tle. Bubë weniji Tabita. Bu Grik galina bubë weniji mëtë lamëtëtaya, Dorkas. Iniwa olë bu iniwa onehome taitakefëme. Na bu wesibi jwa onehome, hi wesibi na fli wesibina mata tlëkefëme.

³⁷ Na kë olëna, bu atowelili tle na gli tle. Na bu mogo tuna swa mëtëtaya. Na matawa kë ke togolebë lo ke mëta gwa mototaya.

³⁸ Jopa life bu Lita life li mëta lëbe. Na Jisame lowene sle mëtlelelabë oneho gali meaholokwane mëtlele, Pita Lita life mëta tafa lële. Këme nëgeme bu

tlemalë home, Pita belë këme jine mëtlëma. Bu Pita belëme fwa mutulo na bume megali motlolo, “Ju sebobë lifewa hokweinawa saesi. Ju ahuta asa ele.”

³⁹ Na Pita kë tlemalë hona mutuja. Na bu kë lo elëme fata tle. Na matawa kë ke togolebë lo kewa sei motowelëlo. Na seju one iniwa, Pita belëme mitisitla na ye mëtlekefëya. Na Tabita, tuja ato mana têtabela, kë susu totomebë ëho, Pitame lebotane mototometla.

⁴⁰ Na Pita bu iniwa onehome kë mago hehë təkaketëme. Na sëkefo miti tafa têtëkake. Na mana Gotome gëgali tlelëkakle. Na kë gëgali yawe tlole, na bu kë mëse mogobë li elëme swaya tokoke na gali tolë, “Tabita, ju huju ele.” Na kë mëse naba hobo tika totome na Pitame hwi tlole na huju tle na tafa təkake.

⁴¹ Na Pita bume tobame fa têtamë na huju tetokwakë na bu hujuna tlibe. Na Pita, seju oneme na Jisame lowene sle mëtletlabë onehome, gali telokwakëme, migisitla namëglame. Na bu bubëlë mitisitla. Na bume lebotane têtatëme, Tabita tuja ato mana ekëne.

⁴² Na kë gali, Jopa life mëta asë tēbelëfatle. Na lebutako oneho Jisame lowene sle mëtletla.

⁴³ Na Pita Jopa life mëta lebutako olë tafa tle. Bu ho lina tafa mëtelo. Bubë weniji Saimon. Kë ho kë nëgebë, bulmakau kleli jibo slesle totokwefëmebë ho, kibo mëgle lime.

10

Ensel Korniliusme fata tletle na bume gali tlole

¹ Ho li, Sisaria lifate mëta tafa tle. Bubë weniji Kornilius. Kë ho bu Rom life gavmanbë, wame home boblo mogotomabë enënebë eso ho. Na bu we ljuuafe we wame home boblo mogotomabë enëneme tafa tlelëme. Kë enëne, bu Itali lifate mago enëne.

² Kornilius bu Gotobë tolewa esogo tlelëkefëtle. Na buna, bubë nona, nëbalena, na bubë lo mëta kë tafa tēglelëmebë enënena, Gotome lotu melekefëtle. Bu Israelbë afenëboni, wesibi jwa kë tafa mëtlabëme, taitakefëme na baliti tlëkefëme. Na bu Gotome itaita gëgali tlelëkefle.

³ Olë li, taboklë kljina, bu Gotobë enselme nimitelëha wesibina hwi tlole, bubë lowa təkaklitle. Na bume megali latlole, “Kornilius!”

⁴ Kornilius enselme hwi tlokweflebë na uli metletle na gali tlole, “Tako ho, fëyemene?”

Na ensel këme gali tlole, “Ju Gotome kë gëgali eglelëkeflebë, bu kë gali waaholokwane lolokwefë. Na ju wesibi jwa enëneme, wesibi kë eglëkefëmebëme, Goto wahwi lolotë na bu jume tako fleflesumu lalëletë.

⁵ Eli ju ho flime Jopa lifewa sajine elëme, ho lime hohwi namugutatlame. Bubë weniji Saimon na bubë li weniji Pita. Na bume, gali mujelëlame, ju belë ligisitë nalëgleme.

⁶ Na kë ho, bubë wenisa Saimonbë lo mëta lëtabe. Kë ho bu bulmakau kleli jibo sle sle lotokwefëmebë ho, kibo mëglelime. Bubë lo nutu helefo li mëta lilibetle.”

⁷ Ensel Korniliusme wafi gali tlole na kile totle. Na Kornilius bubë tlemalë wege home na jowa wame boblo logotlebë home gali telokwakëme, bu belë migisitla namëglame. Kë wame boblo logotlebë ho mata Gotobë tolewa esogo tlelëkefëtle. Na bu Korniliusme feilawamu taitakefle.

⁸ Aomalë mitisitla na Kornilius iniwa wesibi bume nimitelë mëta kë fata mëtletlebëme gali tlome. Na kë aomalë home Jopa life elëme jine telëkakëme, Saimon Pitame hohwi namugutatlame.

Pita nimitelēha wesibi hwi tle

⁹ Kornilius kē jine tēglēmēbē ho mutuja na alēge mēta jowa klabēwa ni mētebēya na ita kē mago huju mēta na mutuja. Mutujabē na kliji ku mēta tlibe bu Jopa lifate lololi mototla. Na kē olēna, Pita matawa kē ke togolebē lo ke elē tokwale, Gotome gēgali nalēglelēleme.

¹⁰ Pita bu fone latle na hi wesibi hime tole tle. Bu hi wesibi mana sle mototokwefēma na bu nimitelēha wesibi hwi tle.

¹¹ Na matafa inoha latikawa tēkakettle na tako lablab ēhoha wesibi kē mago tuku tēmalitlatle. Nilina taba kē ēho mēta jejelē wako elēme kēkesi mētletle na mana tuku tēmalitlatle.

¹² Kē ēho mēta, memelē kleli na memelē taiju na memelē tato na memelē fole kē mēta motowelibe. (Israelbē afenēboni bu kēha wesibi hana hihi mēlekefēya. Bu melowene lamēta, “Bu kē wesibi hi mēglana kwe bu Gotobē naba lime tēbo miglitayame.”)

¹³ Na Pita gali lego aholokwane tle na megali tole, “Pita ju huju eleme na kē hi wesibi tētēkle etame na hi eleme.”

¹⁴ Kwe Pita gali tle, “Weye. Tako Ho, bo hanane mu hi nēgelēme. Sebo, Israelbē afenēboni, kēha wesibi hihi hana nēlekefēya. Sebo melowene nanēla, ‘Ebē wesibi hi nēglana kwe sebo Gotobē naba lime tēbo nanilitaya.’ Bo ētani kē nēgebē na ēje mana ekē bo kēha wesibi hihi hana nelē.”

¹⁵ Na kē ēfalēbo lego Pitame ita gali tole, “Wesibi Goto megali kē lēglebē, ‘Ebē lale hi wesibi,’ ju megali asa ele, ‘Ebē tēbo hi wesibi.’ Weye.”

¹⁶ Na kē gali lego kē galime aowafe gali tole na mana kē ēho matafa elēme lakiwa tokwake.

¹⁷ Na Pita kē nimitelē mana lowene tlekefētēlebē na Kornilius kē jine tēglēmēbē ho mana fata mētēkakija. Bu fli home afina metakune motloma, “Saimonbē lo hametane?” Bu mitisiya, na Saimon kēme tafa tēglebē lo ino ēfome mitejuwelikwēya.

¹⁸ Na gali motloma, “Saimon Pita ebē lo mēta mana tafa lēlene o hanane?”

¹⁹ Pita bu kē nimitelē gali mana lowene tlekefētēlebē na Gotobē Amtētomba bume mana gali tole, “Aholokwane ele! Jume aomalē ho jume kē hohwi mētagitēyo.

²⁰ Ju huju elēme na kē home esune eglēmēbēme kle etēkakeme na buna eyeume. Ju buna egēyeume tutune asa ele. Bo jine nelēbakēmētē.”

²¹ Na kwe Pita kē ho belē kle tētēkake na gēgali tlelēme, “Sobo kē hohwi etatelobē ho, ta bo ekē. Sobo fēyeme esijone?”

²² Na bu megali mēta, “Wame home boblo mogotomebē enēnebē eso ho, Kornilius, bu jine telēbakēna. Bu lale lakalena homu na bu Gotome lotu lēlekefētēlebē ho. Na Israelbē afenēboni iniwa melowene lamletla, ‘Bu lale lakalena homu.’ Na Gotobē ensel bume wagali tole, ‘Ju ho flime, Jopa lifewa jine elēkakēmeme, Saimon Pitame ju belē mēglesula namēglame. Na ju bubē gali aholokwane naeglotleme.”

²³ Na Pita kē aomalē home lowa nēno tle na kēme weife ni tlebēme. Na olobalē bu nani kē mago iniwa mutuja. Na Jisame lowene sle mētletlabē oneho fli, Jopa life mēta kē tafa mēglabē mata bume esogo mētletlēma.

Pita Korniliusbē lowa tuju

²⁴ Bu mutujabē na alēge mēta ni mētebēya. Na li olēna Sisaria lifatewa fwa mutula. Korniliusbē ilawa mago enēnename, na bubē yabeniname, bu wafi gali tlagume. Na bu wafi loko mētēkakija na Pitame mana hwi mētletla.

²⁵ Pita Korniliusbë lowa fata tule na lowa təkaklu. Na Kornilius, Pitabë li elë tisi tle na sêkefo miti tafa tletle na Pitame lotu tletle.

²⁶ Na kême Pita huju tetëbakle na gali tole, “Ju huju ele. Bo melë, howa, ju fenene. Ju melë asa ele.”

²⁷ Na Pita buna gëgali mêtelobë na oneho buna iniwa kē mitisiyabë lowa mêtəkakluja. Na Pita kême hwi telujuwelëme, lebutako oneho loko mêtelujuwelëya.

²⁸ Na Pita bume gali tlome, “Sobo walowene elo. Sebo Israelbë afenëboni kwe memelë nanëla, Israelbë afenëboni mêtabëya jwa mëglabë enëna hana loko nêglelëyame na sebo buna hana tafa nêglame. Kwe Goto bome melebotane latëtatenë, bo melowene asa manelë, ‘Fli enëne bu Gotobë naba li mëta tëbowa mêtabëya.’ Weye.

²⁹ Kême nêgeme, sobo kē gali tēgelokwakë nabë gali hana boblo nêtatëyo, bo hokweinawa kême tisi. Na bo some takune nêlëyo. Bome sobelë nigisibëme, fëyeme gali telokwakë nane?”

³⁰ Na Kornilius bu kême gali tle, “Aona olë wamutuju, wesibi bome mana fata tletenë. Kē wesibi melë latle. Taboklë kljina, ebë fenene, bobë lo mëta tafa telë na Gotome gëgali tlelëlë. Bo Gotome gëgali tēglelëlëbëë na mana ho li bobë lime latlikakiwa. Bubë ëho klji fene u tletle.

³¹ Na bu gali tle, ‘Kornilius. Ju Gotome kē gëgali eglelëkeflebë, bu waaholokwane lolë. Na ju wesibi jwa enëneme, wesibi kē eglelëkëfëmebëme, Goto wahwi lolë.

³² Na ju ho flime Jopa lifewa sajine elëkakëme, na Saimon Pitame nagali mugujëlame, ju belë nalgisi tême. Kē ho, bowenisa Saimonbë lo mëta tafa lële. Kē Saimon bulmakau kleli jibo sle lotokwefëmebë ho, kibo mëglelime. Bubë lo nutu helefo li mëta lilibetle.’

³³ Kême nêgeme, bo fli home ju belë hokweinawa kême jine telëkakëmë. Na ebë lakale, ju yaha esitënamu. Na ëje sebo iniwa Gotobë naba lime ekë nêtabëya nêtabëya. Na Tako Ho jume kē tēglëbë gali, sebo aholokwane nanëgletlame.”

Pita Korniliusbë lo mëta gali tē totle

³⁴ Na kwe Pita megali latle, “Nëgalimufe. Bo walowene nelë. Habëtabo onehobë, Goto iniwa metole lalëletëme. Bu Israelbë afenëbonime fwa nane tole lëletëme.

³⁵ Iniwa oneho, Gotome lotu mëlekefëtлана na lale lowenewa esogo mëlelëtлана, kwe Goto këha onehome tole lalëletëme na lalaitame.

³⁶ Goto seme Israelbë afenëbonime kē lëglë nabë gali, sobo wafi lowene eletelo. Na kē lale gali melë lëgëbetle lalële, ‘Jisas Klais bu iniwa onehobë eso home tafa lëletëmeme. Jisas seme kaiselo laitakefëna, sebo Gotona yonane nanëglabëme.’

³⁷ Sobo walowene elo. Ètani, Jon bu gali tē tëtatëme, baptais namëglame. Na bu lebutako onehome baptais totome. Jon bu onehome wabaptais totome na mana kē olëna Jisas Israel life mëta lebutako wesibi totometëme. Kē wesibi bu Galili provins mëta afina oto tle. Sobo kē wesibime wafi lowene eletelo.

³⁸ Sobo ebë walowene elo. Goto bu Nasaret life mago Jisasme aniji tole na bubë Amtëtomba na tako afutuku bume tlële. Na Jisas bu kē afutukuna li life li life asë tēbelëfa na onehome taitame. Goto buna tafa mêtëgelome nêgeme, na iniwa oneho Satan kē yage totomebë, bu iniwa wasle tëtagume.

³⁹ Na iniwa wesibi, Jerusalem lifate mēta na Israelbē afenēbonibē li life li life mēta, Jisas melē kē totomebē, sebo wafi hwi tloa. Na wesibi melē kē totomebē, kē gali kēme tē nētata. Na bume mogo nalē ti mēta bu mēta.

⁴⁰ Kwe tēle olē mutuju na aona olēbēna Goto bume gli mago mana huju totle. Na bume olafa tētagutēme, oneho hwi namoglolabēme.

⁴¹ Kwe Israelbē afenēboni iniwa, bume nane hwi motlola. Weye. Goto ēbame sebo Aposel home waaniji tlome, bume ita hwi nanoglolame na bubē gali tē nanēgētatlame. Na bu matēmatē mago huju tēglena, sebo buna hi tla.

⁴² Na bu seme anisasana gali tloa, bubē lale gali iniwa onehome tē nanēgētātame. Na sebo onehome metē sle nanēgētātēmame, ‘Goto Jisame waaniji tlole, gigli mētlabē onehobē lowene na mana tafa mēglabē onehobē lowene abiabi hwi lolotēmeme na mana lēselokwame.’

⁴³ Étani, iniwa Gotobē lowene mago gali tē mototokweflabē ho, Jisame megali lamētletla, ‘Iniwa oneho ebē home kē lowene sle mēgletlabē, Goto bubē tēbo lowenebē aholokwana ti lēgletēmemu.’”

Gotobē Amtētomba Israelbē afenēboni mētabēya jwa mēglabē enēne belē tisi tēme

⁴⁴ Pita gali mana tē togotlebē, na Gotobē Amtētomba, Gotobē gali kē aholokwane mēglabē onehome mana tisi tēme.

⁴⁵⁻⁴⁶ Kēme nēgeme bu lili anigawa galina gēgali mēta na Gotome bibita mototla. Kēme nēgeme, Jisame lowene sle mētletlabē oneho, Pitana kē mitisiyabē, hwi motloma na klelego memētletēma na megali mēta, “Hwi elo, Israelbē afenēboni mētabēya jwa mēglabē oneho, Goto bubē Amtētomba bume walēlēme.” Na Pita bume megali latletēme,

⁴⁷ “Gotobē Amtētomba kē enēneme wafi lisitēme bu ēbame seme fene tisitēna. Ho seme ebē onehome tu mēta baptaisme hana lēkle mēgētaname. Bo melowene nanelē, ‘Sebo bume lalowa baptais notomame.’”

⁴⁸ Na Pita kē onehome megali latlome, “Sobo Jisashē wenijina baptais elomo.” Na Pita bume baptais totome. Na bu Pitame takune motlola, buna habenuju olē tafa namēglame.

11

Pita bume kē fata tēgletlebē wesibime gali tlome

¹ Aposel ho na, Jisame lowene sle mētletlabē oneho flina, Judia provins mēta kē tafa mētlabē, bu megali aholokwane mēta, Israelbē afenēboni mētabēya jwa mēglabē enēne, Jisashē gali lowene sle lamēlēta.

² Pita Jerusalem lifatewa tugujuna, na Jisame lowene sle mētletlabē oneho fli bume wame gali memotlola. Kē enēne bu melowene lamēta, “Bu ato jibo tētlē mogotomabē lakale esogo sle mēglelēlabēme feilawa afutuku mēta.”

³ Bu megali motlola, “Ju ato jibo tētlē jwa motomabē hobē lowa fēye esome tēkaklune na buna fēyeme hi telulone?”

⁴ Na kwe, iniwa wesibi bume kē fata mētletlebē, Pita kēme gēgali tle. Bu megali tle,

⁵ “Bo Jopa life mēta tafa telē na bo Gotome gēgali tēglelēkeflēbē na bo nimitelēha wesibi mana hwi telē. Bo tako lablab ēhoha wesibi hwi tolē, matafa mago tuku tēmalita. Nilina taba kē ēho mēta jejelē wako elēme kēkesi mētle na mana tuku tēmalita.

⁶ Bo kē wesibi lowene sle nanēgletēmeme na bo kē ēho elēme mana hwi sle telokwklē. Na bo mehwi tlomē, memelē tobaluku kleli na memelē waluju

mago kleli, na memelë tato na memelë taiju na memelë fole. Israelbë afenëboni bu këha wesibi hana hihhi mëlekefëya.

⁷ Na ëfalëbo lego bome megali tlonë, 'Pita ju huju ele na wesibi tëtëkle etamë na hi elëme.'

⁸ Kwe bo megali telë, 'Tako Ho, bo hanane mu hi nëgelëme. Sebo, Israelbë afenëboni, këha wesibi hihhi hana nëlamu. Sebo melowene nanëla, "Kë wesibi hi nëglana kwe Gotobë naba lime tëbo nanilitaya." Këme nëgëme këha wesibi hi hana telë, bo ëtani kë nëgebë na ëje mana ekëne.'

⁹ Kwe kë ëfalëbo lego heven life mago ita megali tle, 'Wesibi Goto megali kë lëglebë, "Ebë lale hi wesibi," ju megali asa ele, "Ebë tëbo hi wesibi." Weye.'

¹⁰ Goto kë galime aowafe gali tle na kë ëho matafa elëme ita mana ki tokwake.

¹¹ Kë olë nawa, aomalë ho, sebo këme tafa tëglabë lowa mitisiya. Sisaria lifate mago ho li, bo belëme jine telëbakëme.

¹² Na Gotobë Amtëtomba bome megali tlonë, 'Ju kë enënena egëyeubëme, tutene asa ele. Buna lalawa eyeu.' Na ebë tobali ita jowa afanino kë mëgljabë, bu mata iniwa Sisaria lifatewa bona tuja. Na seme kë gali tëgelëbakë nabë hobë lowa təkakluja.

¹³ Na bu seme megali latlona, 'Ensel bobë lowa təkaklë na këme tlibe na megali tlonë, "Ju ho flime Jopa lifewa sajine elëkakëme, ho lime hohwi namugutatlame. Bubë weniji Saimon Pita. Na bume gali mujelëlame, ju belë naligisitëme.

¹⁴ Na kë ho jume na jubë lo mëta kë tafa mëglabë enëneme gali të nalëgëtatëmeme. Sobo kë gali aholokwane elëlome na Goto some nëno lëleme."

¹⁵ Bu nimitelë gali kë të togotlebë wayawe tlole, na bo mana gali tëme ototelë. Bo gali tokwafe kofene të tëtägulë, na mana Gotobë Amtëtomba bume tisi tëme, seme ëbame otome fene tigisi tënabë.

¹⁶ Na, Jisas ëbame seme kë gali toglonabë gali bo ita lowene tletelë. Bu megali latlona, 'Jon onehome tu mëta baptais totome, kwe tokwafe Goto bubë Amtëtombana baptais lëgëtome.'

¹⁷ ëbame sebo Tako Ho Jisas Klaisme lowene sle tletla na Goto bubë Amtëtomba seme tlëna. Na kë fenene Goto kë enëneme bubë Amtëtomba tlëme. Bo melowene nanelë, 'Kë wesibi ebë Gotobë wesibi. Na bo Gotome hana boblo nogotlëme na bubë tole hana lëkle nëgëtatelëme. Goto bume kë totometëmebë wesibime lëkle hana nogotomëme."

¹⁸ Na kwe, bu Pitabë gali yafe aholokwane mëtla. Na bume kë wame motlolarë lowene latliwa tëbetëme. Na bu Gotome bibita mototla na megali lamëtla, "Israelbë afenëboni mëtabëya jwa mëglabë enëneme, Goto ino tika tëtätëme, bubë tëbo lowene aholokwana ti mëglabëme na unaunalëme lale tafa mëglabëme."

Antiok lifate mago oneho, Jisasmë lowene sle mëtletla

¹⁹ ëbame, Stivenme mogo nalë kë tëkle mototlabë olëna, Israelbë afenëboni fli bu Jisasmë kë lowene sle mëtletlabë oneho flime mana tëbo mototoma. Këme nëgëme, bu mago lebutako, li life li lifewa mitliwaya. Bu Fonia provinswa, na Sairus afayotwa na Antiok lifatewa memitliwaya lamëtla. Na bu Jisabë lale gali mana të mëtëtagutëma. Kwe Israelbë afenëboni mëtabëya jwa mëglabë enëneme gali hana të mëtëtatëma. Weye. Bu Israelbë afenëbonime fwa të mëtëtagutëma.

²⁰ Kwe bu mago ho fli, Saiprus afayo mago na Sairini lifate mago, Antiok lifatewa mutuja na Tako Ho Jisasbë lale gali Israelbë afenëboni mëtabëya jwa mëglabë enëneme të mëtëtatëma.

²¹ Na Tako Hobë afutuku bu mëta tëbetëme na bu kë afutukuna Jisasbë lale gali të mëtëtatëma. Këme nêgeme lebutako oneho Jisasme lowene sle mëtletla na bubë tëbo lowenebë aholokwana ti motokouja. Na Jisasbë lowenewa esogo mëtlelëtla.

²² Na Jisasme lowene sle mëtletlabë oneho, Jerusalem lifate mëta kë tafa mëglabë, kë gali aholokwane mëtla na bu Barnabasme Antiok lifatewa jine mëtelëkakla.

²³ Barnabas Antiok lifatewa tuhu tule na mehwi tlome. Goto kë onehome ululu sle totome na lataitame. Na bu këme tako fleflesu latletëme. Na bume lale galime meokokwe tlome, “Sobo Tako Ho Jisasme unaunalëme lowene sle eglekefëtelome na bubë lowenewa esogo elelëkefëtelome.”

²⁴ Na Barnabas bu lale homu nêgeme. Na Gotobë Amtëtombabë afutuku bu mëta feilawa tëtabetle. Na bu Gotome feilawamu lowene sle tletle. Na këme nêgeme feilawa oneho bu Jisasme lowene sle mëtletla.

²⁵ Na kwe, Barnabas bu Tarsus lifatewa tuju, Solme hohwi nalugutatleme.

²⁶ Bu hohwi tëtagutlebëë na Solme mana hwi tujuwelële. Na no tlële na Antiok lifatewa elebo nagi tlesule. Na tlemalë, Jisasme lowene sle mëtletlabë onehona, kë lifate mëta kë tafa mëtlabë, jowa tlibutuna loko mëtlelëkefëya na Gotobë gali okokwe motlokefëmo. Na Antiok life mëta, bu Jisasme lowene sle mëtletlabë onehome, afina mefë lamototoma, “Kristen.”

²⁷ Kë nalëwa, Gotobë lowene mago gali të mototokweflabë ho fli, Jerusalem lifate mago, Antiok lifewa mitisiya.

²⁸ Na Gotobë lowene mago gali të totokweflabë ho li, bubë weniji Agabus, bu Kristen onehobë naba li mëta hujuna tlibe na Gotobë Amtëtombabë afutukuna megali tlome, “Tako fone, iniwa life mëta fata lokoume.” Na tokwafe, Sisar Klodius eso home tafa tēglena, kë fone mana fata tokou.

²⁹ Kristen oneho, Agabusbë gali aholokwane motlola. Na bu gali sle mototla. Kristen oneho flime, Judia provins mëta kë tafa mëglabë, balitina mëgaitama namëglame. Na jowa jowa ho, bubë baliti musu niji loko mëtëtaya.

³⁰ Na bu Barnabas na Solname jine mëtelëkakëma. Na bu kë baliti, Kristen onehobë letitabo home mëtehoutemo na mutujuwelëmo.

12

Eso ho Herot, Jemsme mogo nalë tëke tlole na Pitame kalabusu lowa tuku tle

¹ Na kë nalëwa, eso ho Herot bubë wame home boblo mogotomabë enëneme gali tlome, Kristen oneho flime tëbo namëttagumame.

² Na bu li home gali tlole, na bu Jonbë bolijamome, Jemsme kosina mogo nalë tëke tlole.

³ Herot bu mehwi latlome, Israelbë afenëboni kë wesibime fleflesu lamëtla. Këme nêgeme, bu Israelbë afenëbonibë tako lotu olëna, bubë wame home boblo mogotomabë enëneme gali tlome, Pitame kalabusu lowa tuku namëglame. Israelbë afenëboni, kë tako lotu olëna, sêse wesibi jwa bletë nage hi mëtlekefëya.

⁴ Bubë wame home boblo mogotomabë enënene Pitame fa mototla na kalabusu lowa tuku mëtla. Na Herot bu, wame home boblo mogotomabë enëne we tobali ita jowa këniji aniji tlome, Pitame hwi namoglokweflame, bu lëglëboukakulime. Nilimalë afina hwi motlokwefla. Na fli mana hwi mëtla.

Na tokwafe fli nilimalë ita hihijika mëtla. Na otobë mutuja. Na bu olëna klabëna mehijikawa lamëtkefëya. Herot bu melowene latle, Israelbë afenëbonibë tako lotu olë yawe lëleme na Pitame kalabusu lo mago mana lëlesuleme, na onehobë naba lime bubë tëbo loweneme takune lololeme.

⁵ Këme nêgeme Pita kalabusu lo mëtla tafa tle. Na wame home boblo mogotomabë enëne bume hwi motlokwefla. Kwe Kristen oneho, Gotome anisasana takune motlokwefla, Pitame lëgaitale nalëgleme.

Ensel Pitame taitale, kalabusu lo kile nalogotleme

⁶ Na kwe Herot bu olë waaniji tlole, onehobë naba li mëtla Pitabë tëbo loweneme takune nalogloleme. Na kë klabëwa, Pita bu wame home boblo mogotomabë enëne tlemalëbë ku mëtla nitëbetëme. Na bume senë taba toba mëtla këkesi mëtletla na li senë tobanu toba elë kë tafa téglebë wame home boblo logotomebë hobë toba mëtla kesi tuletletle na li senë tabo yemane toba elë kë tafa téglebë wame home boblo logotomebë hobë toba mëtla kesi tuletletle. Na wame home boblo mogotomabë enëne fli, kalabusu ino ëfome mana sei mëtëlkefëtla.

⁷ Na kwe Gotobë ensel lafatawa tle. Na kë kalabusu lo, elulego telube. Na ensel Pitame mëglëbo mëtla luluju totle na gali tlole, “Ju hokweinawa huju ele.” Na senë taba, bubë toba mago, lalukluwa mëtëtëkakettle.

⁸ Na ensel gali tlole, “Pita jubë ëhona, juba jibona gëgelo etome.” Na Pita melë tle. Na ensel gali tlole, “Jubë heletabo ëho mata gelo etleme na bome nagi enënëme.”

⁹ Na Pita kë tlë tabo lo tokwëfo kile tle na enselme nagi tlële. Kwe Pita melowene hana tle, “Bume kë fata lëgletlebë wesibi ebë nëgali wesibi o hanane.” Bu melowene tle, “Bo nimitelë hwi nelëwa.”

¹⁰ Tlemalë weife nagi mëtëyeu na kalabusu lo kë hwi moglokweflabë home lasigliwa mototomo. Na ita mëtëyeu. Na kalabusu lo kë hwi moglokweflabë ho flime sigli motujetomo, kwe bume hwi hana motloma. Na tlemalë bu kalabusu lobë ainëna ino elë fwa mutulo, kë kalabusu kile namogotlome, na lifate elë mëyeume. Na kë ino blawa latikawa tëkakettle. Na bu kalabusu lo kile mëtelo na li alëge esogo mëtletlolo. Na kwe ensel Pitame alëge mëtla lakilewa tëkake.

¹¹ Na Pita bu kë wesibime lowene tle na gali tle, “Bo walowene nelë, ebë nimitelë nane. Weye. Goto bubë ensel bo belë jine lëlëtenë, bome lëgaitanë nalëgleme. Këme nêgeme Herotna, Israelbë afenëbonina, bome tëbo mëgëtanabë lowene kë nëgebë, hana tëbo mëgëtaname.”

¹² Na bu Jon-Makbë bota, Mariabë lowa tuju. Lebutako oneho kë lo mëtla loko mëtletlulëya na Gotome gëgali mëtletlëkëfla.

¹³ Pita kë lo ino mëtla këke telukwaketëme. Na li wege mëse, bubë weniji Roda, tisi, ino tika naegetatleme fene.

¹⁴ Bu Pitabë mou lego aholokwane tlole. Na bu tako fleflesu tégletleme nêgeme, ino tika jwa këme tëtatlë. Na bu fëka tokou na fli onehome gali tlole, “Pita walisife, ino efome ekë lelëjuwelëbokwe!”

¹⁵ Kwe bume gali motlëya, “Ju yaya mëse.” Kwe bu anisasana gali tlole, “Weye. Nëgalimu. Bu ino efome ekë lelëjuwelëbokwe.” Na bu gali motlëya, “Sebo melowene nanëla, ‘Ebë bume kë hwi loglokweflëbë enselhane.’”

¹⁶ Kwe Pita ino mëtla itaita këke telukokekëfe. Na këme bu ino tika mëtëtatlë. Na bume hwi motlola na klelegomu memëtletla.

¹⁷ Na Pita bume tobanawa lëkle totome, gali kuju namëgebëyame. Na Tako Ho, bume kalabusu lo mago kë no lëglëlebë gali, të tëtatëme. Na bu megali

latlome, “Sobo kē wesibime, Jems name, Jisame lowene sle mēgletlabē oneho fliname gali elomo.” Na Pita bume hune totome na li lifatewa tuju.

¹⁸ Olobalēwa, kalabusu lo mago wame home boblo mogotomabē enēne, Pitame yafe hwi mētletla kwe bu tafa hana tle. Na bu klelego memētla. Na blalo tētakune mētlelogwaya, “Pita habelē lujune?”

¹⁹ Eso ho Herot, bu kē gali aholokwane tle, “Pita hana tafa lēlefe.” Na bu ho flime jine tlēme, Pitame hohwi namētatlame. Kwe bu Pitame hwi hana motlola. Kēme nēgeme, Herot, Pitame kē hwi moglokweflabē home yafe takune tlome kwe hanane. Na bu li home gali tlole, Pitame kē hwi moglokweflabē home mogo nalē tētēkle nalēgētame. Na tokwafe, Herot Judia provins kile totle na Sisaria lifatewa tuju na kēme tafa tule.

Eso ho Herot wagli tle

²⁰ Eso ho Herot bu Tair lifate mago onehome na Saidon lifate mago onehome tako wame latlome. Kēme nēgeme bu iniwa loko mētletlēya na Herotme hwime mitisiya. Kwe bu Blastusme afina takune motlola, bume lēgaitame nalēgleme. Na bu kēbēme helawa tletēme. Blastus bu eso ho Herotbē lo hwi toglokwevētebē ho. Buna iniwa, Herot belē mutuja, aisenē hi namēlelēlame na bume kē wame toglobebē wame lowene lēglēkēle nalēgleme. Kē enēne, bubē hi wesibi, eso ho Herot kēme tafa lēglebē lifate mago glo mētlekefēya. Na bu melowene lamētla, “Herotbē wame tli jwa lēgebetlena kwe bu hi wesibi bu mago ita glo hana mēglame.”

²¹ Herot bu kē enēnena gēgali mēglabē olē waaniji tlole. Na kē olēna bu eso ho kēna negli mogotlabē ēho gēgelo tle na eso hobē tafa labu mēta tafa tle na kē enēneme mana gēgali tlelēme.

²² Na iniwa oneho Herotme feilawa we motlola, “Ebē ho nane. Ebē goto li, ekē gali lolona.” Na bume lotu mētletla.

²³ Herot bume kē gali motlolabē galime aholokwane tlome, kwe bu lēkle hana totome. Na Gotome fleflesu lēgletlebēme tole hana tle. Kēme nēgeme, Gotobē ensel li bume hokweinawa tako atowelili tlēle. Na bisikēfa bubē alejina imona hi mētletletle na bu gli tle.

²⁴ Na Gotobē gali li life li life fifiji mēttagula. Na lebutako onehomu Jisame lowene sle motokoutla.

²⁵ Jerusalem lifate mēta loko kē mētētayabē baliti mētlemobē wege yawe motlolo. Na Barnabasna Solna Jerusalem lifate mana kile mototlo na bu Jon-Makme, Antiok lifatewa weife mētletlulo.

13

Bu Barnabasname Solname aniji motloma, Jisasbē lale gali tē namētagutemome

¹ Kristen oneho fli Antiok lifate mēta tafa mla. Na bu mago fli, bu Gotobē lowene mago gali tē mototokwefla. Na fliye, bu Kristen oneho flime Gotobē lale galime okokwe motloma. Kē enēnebē weniji melē: Barnabas na Simeon, bume mēfē lamototla, “Kokolebo ho,” na Lusius bu Sairini life mago ho, na Sol, na Manain bu eso hobē Herotbē yonane ho.

² Li olēna, kē oneho, Tako Home lotu mētletla. Na bu hi wesibi hi jwa mētla, Gotome lowene sle namēgletlame. Na Gotobē Amtētomba gali tlome, “Sobo Barnabasname, Solname aniji elomo, bo bume kē aniji toglotēmebē wege fa namogotlome.”

³ Kēme nēgeme, bu ita hi wesibi hi jwa mētla na Gotome mana gēgali mētletlēla, kē tlemalēme lēgaitame nalēgleme. Na bubē toba bubē eso mēta

gogwa motoletēma, bume kē wege fame aniji motloma. Na tlemalēme jine mētēlēkakēma.

Barnabasna Solna Jisasbē lale gali Saiprus afayo magobē onehome tē mētētatemo

⁴ Gotobē Amtētomba tlemalēme jine tlēme. Na bu Selusia lifatewa mētēyeu. Na kēme sibu lo mēta fēfe mētelo. Na sibu lo bume Saiprus afayowa tlelume. Na bu sibu lo mago fēfe mētēkako na Salamis lifatewa mētēyeu.

⁵ Bu Salamis lifatewa fwa mutulo na Israelbē afenēbonibē lotu lo elē asē mētēbelēfo. Na Gotobē gali tē mētētatemo. Na Jon-Mak buna iniwa mutuja, tlemalēme nalēgaitameme.

⁶ Tlemalē Saiprus afayobē li life li life mētēkoujo na Pafos lifatewa fwa mētelo. Na bu Israelbē afenēbo lime mana esune mētēlō. Bubē weniji Barjisas. (Bubē weniji Grik galina mefē lamototla, Elimas.) Bu itaita humēi tlekēfe na memelē olo tlēsēme. Kē ho bu itaita mesosogēna latlokwefēme, “Bo Gotobē lowene mago gali tē nogotlēbē ho.”

⁷ Kē ho bu eso ho Sergius Paulusbē yonane ho. Sergius Paulus bu Saiprus afayo magobē eso ho. Na bu lale lowenenabē ho. Bu Barnabasname Solname gali telokwakeme bu belē migisitelo namēgelome, bu Gotobē gali aholokwane nalēgleme. Na tlemalē bu belē mitisitelo na bume Gotobē gali tē mētētatelo.

⁸ Kwe humēi ho Elimas, kē tlemalēbē wege blo nalēgētātēmeme afutuku tle. Bu metole latle, eso ho Sergius bu Jisame lowene sle jwa na lēgletleme.

⁹ Gotobē Amtētomba Solme afutuku tlēle. Solbē li weniji ebē Pol. Na bu kē afutukuna, Elimasme anisasana hwi tlole na megali latlole,

¹⁰ “Ju Satanbē nēba. Ju iniwa lale loweneme wame eglomebē ho. Tetēbo lowene na kule kule lowene, ju mēta nohwa lelutabetē. Ju Gotobē iniyafe gali, jubē sosogēna galina hihijika elekēfe. Ju kē tēbo lowenebē fēye olēna kile eglomene?”

¹¹ Ju aholokwane ele. Goto jume tēke loglēmē ekēne na jubē naba titiki mēgletēmē. Na ju kljibē elulego hwi hana eglotleme. Na ju tako naba titiki tabo metafawa ekoukēfeme.” Pol bu megali wafi tle na hokweinawa olobaha wesibi tetujutle na Elimasbē naba lamu totometle. Na naba kilego mētletle. Na bu home hohwi tētāmē, bume toba fana mēglelula namēglame.

¹² Eso ho Sergius kē wesibi hwi tlole na bu Jisame lowene sle tletle. Bu tlemalē kē okokwe motlolobē gali klelogo tēgletleme nēgeme.

Sol bu Jisasbē gali Pisidia provins mago lifate li, Antiok mēta tē totle

¹³ Polna, buna, buna kē asē mētēglabē hona, Pafos lifate kile mototla. Na bu sibu lona Perga lifatewa mutuja, Pamfilia provins mēta. Kwe Jon-Mak bume hune totome na Jerusalem lifatewa ita tuju.

¹⁴ Bu Perga lifate kile mētelo na mētēyeu na Antiok lifatewa tuhu mutulo, Pisidia provins mēta. Na bubē lotu olēna bu Israelbē afenēbonibē lotu lowa mētēkaklujo na tafa mētēlulo.

¹⁵ Na lotu lo hwi moglokweflabē eso ho, Mosesbē yahi hwi motloma na Gotobē lowene mago gali tē mototkweflabē hobē yahi mata hwi motloma. Na mana bu ho lime Polname, Barnabasname gali naloglomeme jine metlēla, megali naloglomeme, “O afani, sobo onehome lēgaitamebē gali li egeholona kwe sobo lalowa gēgali eglome.”

16 Na Pol huju tle, na bume tobana lëkle totome, gëgali kuju namëglame na gali tlome, “Sobo Israelbë afenëboni na sobo fli oneho, Gotome kë lotu eglëkefëtelobë, sobo iniwa aholokwane elo.

17 Israelbë afenëbonibë Goto, bu sebobë semleninome meaniji latlome, bubë oneho tafa namëgletlame. Bu bubë life kile mototla na fli enënebë lifate, Isip lifate mëta, tafa mëtla. Na këme Goto bume taitame. Na bu lebutako onehomu fata mëtla. Na Goto tokwafe, bubë afutukuna bume Isip lifate mago nëno tle na ho jwa tabo elë tlelume.

18 Na bu kë ho jwa life mëta niliafewe tlibutu kënjiji asasë mëtla. Na bu kë niliafewe tlibutuna Gotome tetëbo lamototokwefla. Kwe Goto bume lataitakefëme.

19 Tokwafe bu tako flëke elë fwa mutula. Kë flëke weniji Kenan. Tobali ita tële li li afenëbo mago enëne kë flëke mëta tafa mëtla. Kwe Goto, Israelbë afenëbonime afutuku tlëme na bu kë afutukuna, kë tobali ita tële li li afenëbo mago enëneme unalëme tëbo mototoma. Na Goto kë enënebë flëke Israelbë afenëbonime yo tlome, kë flëke bubë flëke fata nalëgletëmeme.

20 Kë flëke fa mototlabëme 450 tlibutu lamëtla. Na tokwafe, Goto bu oneho flime aniji tlome, Israelbë afenëbonibë asë hwi namoglotëmame. Bu melë motokweija na Gotobë lowene mago gali të totokweflebë ho Samuel bume mana tafa tlelëme.

21 Samuel bume tafa tēglelēmēbē, na bu Samuelme takune motlola, li home aniji naloglotēmeme eso home fata nalēgletēmeme. Na kwe Goto, bu Solme aniji tlole, bubë eso home tafa nalēgletēmeme. Na bu eso home niliafewe tlibutu kënjiji tafa lēgleme. Sol bu Kisbë bowene. Bu Benjaminbë afenëbo mago.

22 Kwe Goto Solme eso home tafame hehë tletle na Devitme aniji tlole, bubë eso home tafa nalēgletēmeme. Bu Devitme megali tletle, ‘Bo Jesibë nēbame, Devitme, wahwi nololē na bo bume tako tole nanēletelē. Bu bobē iniwa tole esogo lēglelēmētēnēme.’

23 Ètani Goto megali sle latle, Devitbë afenëbonibë mago, tako letitabo home lēgëtabetēme nalēgleme, Israelbë afenëbonime tëbo lowene mago nëno nalēgleme. Na kë ho bu wa fata tle na bubë weniji Jisas.

24 Jisas, bubë wege fa jwa togotlena na Jon, Israelbë afenëbonime gali metë latëtatēme, ‘Sobo tëbo lowenebë aholokwana ti elome na Gotome fwa lowene sle eletelome na mana baptais elome.’

25 Jon bubë wege yawe loglome nounou tle na bu megali latle, ‘Sobo bome melowene laletë nane, “Goto kë aniji toglolebë ho, onehome nëno lēglebë ho.” Weye. Bo sobo kë hwi eglételobë ho nane. Kwe kë ho kë ligisibë, bubë afutuku takomu kwe bobë afutuku tokwëfo. Bo lale ho nane kë ligisi home kë nēgaitalēme, manawa wege ho fene laitale. Weye. Bo bubë jiteho hana titika nēgletelēme. Bu letitabo homu nēgēme na bo atwati homu. Bu lale homu kwe bo atwati homu.’

26 O afani, Abrahambë afenëboni, na fli enëne Gotome kë lotu eglëkefëtelobë, sobo aholokwane elo. Goto onehome kë nëno tēglebë gali, seme wajine tlëtēna.

27 Jerusalem lifate mëta kë tafa mëtlabë oneho na bubë eso enëne melowene hana mëtletla, ‘Goto, Jisame aniji tlole, seme tëbo lowene mago nëno lēleme.’ Bu Gotobë lowene mago gali të mototokweflabë ho kë yahi mëtlabë gali, iniwa lotu olēna hwi motlokwefla, kwe bu kë gali lowene sle hana mëtletla. Këme nēgēme megali lamëtla, ‘Jisas kwe gli malële.’ Ebëha

lowene kë mëtlabë, kwe bu Gotobë lowene mago gali të mototokweflabë ho ëtani fene yahi mëtla.

²⁸ Bu Jisasbë fëye tëbo wesibiha hwi hana motlotla na bume mogo nalë tëkle mototlamu. Weye. Kwe bu eso ho Pailatme anisasana gali motlola, 'Gli malële.'

²⁹ Gotobë lowene mago gali të mototokweflabë ho, bume ëtani meyahi lamëtletla. 'Oneho bume memelë tetëbo lowene gwa mëtëtatla.' Na bu kë iniwa tetëbo lowene Jisame fwa gogwa motoletla. Na mana bume ti mago tohwa mototla, na matëmatë mëta gwa mutujetla.

³⁰ Kwe Goto bume matëmatë mago huju totle.

³¹ Na Jisasna ëtani kë asë mëtlekefëyabë enëne, Galili provins mëta na Jerusalem lifate mëta, bume lebutako olë hwi motlokwefla. Na kë oneho, Jisame kë hwi motlokweflabë, Israelbë afenëbome, kë lale gali të mëtëtakefëtëma.

³² Na sebo some mata kë lale gali metë nanëtatëyo. Goto seboë semleninome megali sle latlome, ho lime jine lëgletëname, seme tëbo lowene mago nëno nalëgleme.

³³ Na Goto, Jisame matëmatë mago kë huju togotlebë, bu seboë semleninome fene gali sle tlome. Na kë gali sle gali namba tële Buk Song mëta mefata watletëna. Ëtani Devit, Buk Song mëta meyahi latletle,

'Ju bobë nëbamu

na ëje bo onehome walebotane nëtatemë,

bo jubë ayamu.'

³⁴ Goto, Jisame matëmatë mago huju totle, na bu ita hana gli lëgleme na matëmatë mëta kibo hana lëgleme. Goto ëtani kë wesibime megali latle, 'Bo sobobë bisemleme, Devitme, fene gali sle tlole, bo some nëgaitome na lale wesibi nëglëyome. Na kë gali iniyafememu gali telë bu mefata mëgleme, bo ëtani fene gali telë.'

³⁵ Na li gali, Gotobë bogo mëta melëgëbe lalële, kë bu megali latla, 'Ju jubë wege fame kë aniji toglolebë ho, matëmatë mëta kibo lëglebëme, hwiwa hana eglome.'

³⁶ Kë gali bu Devitme hana gali tle. Sebo walowene nëla, Devit ebë life mëta tafa tēglena, bu Gotobë tolewa esogo tlelële. Na bu tokwafe gli tle. Na bume matëmatë mëta gwa mototla, bubë bolijafujunime fene gogwa mëtla. Na bubë ato ini flawa tletle.

³⁷ Kwe Goto matëmatë mago kë huju togotlebë ho, bubë ato kibo hana tletle.

³⁸ Këme nëgëme sebo some, seboë afanime, lale gali metë këme nëtatëyo. Sobo melowene sle naegelome, 'Jisas këme tisi, sobobë tetëbo lowene sle nalotometëyome.'

³⁹ Goto Mosesme kë tëglëlebë tafa sle gali tafa sle gali, sobobë tëbo lowene hana sle lëgëtatëyome, na some mefë hana lëgëtomë, 'Lale oneho.' Kwe iniwa oneho, Jisame kë lowene sle mëtletlabë, Goto bubë iniwa tëbo lowene aholokwana ti lëgletëmeme na mefë logotomeme, 'Lale oneho.'

⁴⁰⁻⁴¹ Ëtani, Gotobë lowene mago gali të mototokweflabë ho, megali lamëtla, 'Sobo bome tetëbo gali kë eglobabë enëne, sobo hwi elo. Na klelego eglome na tëbo eglitome. Bo li wesibi sobobë ku mëta fata nëgëtatëyome. Bo melë kë nogotlëbë wesibime, ho li some gali lëglëyona, kwe bubë gali aholokwane hana eglolome.' Sobo ululu sle saelo. Kë tëbo wesibi some fata lëgletëyolime."

42 Pol bu gali wafi të tètätême. Na kwe buna, Barnabasna, totoho namëkakome kofene, kwe oneho bume megali lamotloma, “Li lotu olë fata lëglena, sobo ita sa esijo na seme gali ita të etätênâme.”

43 Na oneho lotu lo mago totoho mëtëkaka. Na Israelbë afenëboni lebutako na fli enëne, Israelbë afenëbonibë lotu tokwafe kë esogo mëtletlëlabë, bu Polname Barnabasname esogo mëtletlëma. Na tlemalë bume lale galime megali lamotlokweñemo, “Sobo Gotobë tolewa esogo elelëlo na bubë maninibo mëta tafa elome.”

44 Na li lotu olëna, iniwa oneho, kë lifate mago, Polna Barnabasna Gotobë gali të mogotlobë aholokwaneme loko motokweija.

45 Kwe Israelbë afenëboni fli, bu Polname Barnabasname mehwi lamotloma. Lebutako oneho bubë gali aholokwaneme tako tole lamëtla. Na bu tlemalëme tako mounou memëtletlëma. Na bu Polbë gali aholokwane mëglabëme tako kokasa memëtletla. Na bume tiniji galina gali motlola.

46 Këme nëgëme, Polna Barnabasna bume anisasana megali motlomo, “Goto bu seme wagali tlonu, bubë gali some, Israelbë afenëbonime, afina të nëtätëyobëme. Kwe sobo kë gali aholokwane egelobëme kokasa laletelo. Na sobobë kë lowenena, seme melebotane latatëna, sobo Gotobë unaunalëme lale tafa fa hana egotlome.” Këme nëgëme sebo some hune nelome na Israelbë afenëboni mëtabëya jwa mëglabë enëne belë nëyeume, Gotobë lale gali të nanutateme.

47 Sebo bu betelëme këme negëyeume, Tako Ho seme gali toglonome nëgëme. Bu megali latlono, “Bo jume waaniji nolë. Na elulego, wesibi fene olafa lële, Israelbë afenëboni, mëtabëya jwa mëglabë enëneme, bome meolafa etagutëmeme. Na ju iniwa life mago onehome aitawagumeme, bome lowene namëgletênâme. Na bo bume nëno nëkowime.”

48 Israelbë afenëboni mëtabëya jwa mëglabë enëne, kë gali aholokwane motloma na tako fleflesu memëtla na gali mëtla, “Tako Hobë gali kë nëgebë, lale galimu.” Na iniwa oneho, Gotona unaunalëme tafa mëglabëme, kë aniji toglobebë, kë oneho, bume lowene sle mëtletla.

49 Na Tako Ho Jisasbë gali, kë provins mëta li life li life fifiji mëttagula.

50 Kwe Israelbë afenëboni, bu kë lifate magobë letitabo one, Gotome kë lotu melekefëtlabë tëbo lowene tufiji mëtëtätëma, na kë lifate magobë eso enënebë tëbo lowene mata tufiji mëtëtätëma, Polname Barnabasname tëbo namogotomame fene. Na buna, kë lifate mago oneho flina, bu Polna, Barnabasname tëbo lowene fa mëtëtätëma na bubë distrik mago hehë mëtëkakëtëma.

51 Na tlemalë, bubë juba mago flëke, kë lifate mago onehobë naba lime bu mëtelo. Melëme lëlekuju mëtelo, bu kë lowene kë fa mogotlabë tëbo miglitayame. Na bu Antiok lifate kile mototlo na Aikoniam lifatewa mëtëyeu.

52 Kwe Kristen oneho, Antiok lifate mëta kë tafa mëglabë, tako fleflesu memëtla na Gotobë Amtëtomba bu mëta tëtabetëme.

14

Barnabasna Polna, Aikoniam lifate mëta gali të mototlo

1 Polna Barnabasna, bu Antiok lifate mëta fene mëtelo, bu Aikoniam lifate mëta këha wesibi melamototlo. Bu Israelbë afenëbonibë lotu lowa mëtëkaklujo na Jisasbë lale gali të mëtëtätëmo. Bu lale galimu të sle

mētētatemo. Na Israelbē afenēboni lebutako na Israelbē afenēboni mētabēya jwa mēglabē enēne, Jisame lowene sle mētletla.

² Kwe Israelbē afenēboni fli, kē gali lowene sle hana mētletla. Na bu Israelbē afenēboni mētabēya jwa mēglabē enēnebē tēbo lowene tufiji mētētātēma, Kristen onehoname tēbo lowene namēgletēmame.

³ Tlemalē Aikoniam lifate mēta tako tafa lamētelo. Na bu Tako Hobē lale gali tēme uli hana mētelo. Na Jisas bume tako afutuku tlēme. Na bu kē afutukuna memelē klelegowa wesibi blēge blēge mototomo. Na Tako Ho, bu kē klelegowa wesibina, onehome melebotane latētātēme, kē gali bu kē tē mētētatemobē ebē nēgali galimu.

⁴ Kwe kē lifate mago oneho tēlē lowene mēta tafa mētla. Flieye bu Israelbē afenēbonina yonane mētla, na flieye tlemalē Aposelna yonane mētla.

⁵ Tokwafe, Israelbē afenēboni mētabēya jwa mēglabē enēne fli na Israelbē afenēboni fli na bubē letitabo enēnena, iniwa lowene sago mototla. Polname Barnabasname tēbo namogotomame fene na bume aniji sisike namēgletēmame fene, mago nalē tētēkle namēgētayame fene.

Barnabasna Polna, Likonia provins mēta gali tē mototlo

⁶ Barnabasna Polna, bume kē tētēkle mēgētayabē gali aholokwane mētelo. Na bu Listra lifatewa lamētlēboukakujowa. Na bu kē lifate mēta na Derbe lifate mēta asē mētelo. Kēbē lifate bu Likonia provins mēta mēbē. Na bu kē lifate mēglēbo mago life mēta asē mētelo.

⁷ Na tlemalē bu Jisasbē lale gali kē provins mēta tē mētētagutemo.

⁸ Na Listra lifate mēta, kiju tēbona ho li kēme tētabe. Bota bume kiju tēbona mētabo fu totle. Na kē ho bu mana ekē tafa lēle. Bu asē hana tle. Bu metafawa latlekēfe.

⁹ Kē ho Pol kē tē togotlebē gali aholokwane sle tokoutle. Na Pol bume wēya tlelēle na bume melē lowene latletle, kē ho bu Jisame walowene sle lēgletleme nēgeme, na bubē kiju tēbo, Goto lalowa kēme sle lēgētatele.

¹⁰ Kēme nēgeme, Pol bume anisasana wēya tlelēle na anisasa gali tētelokwakle, “Ju huju ekokeme na hujuna elibeme.” Na kē ho bu hokweinawa huju tokoke na kēme asasē tēbelēfa.

¹¹ Lebutako oneho bu Pol kē togotlebē wesibi hwi motlola na bubē Likonia galina momolē mētla, “Sebobē goto, hoha fata mēlefe na bu sebelē ekē metujulo.”

¹² Na bu Barnabasma mēfē lamototla, “Bu sebobē tako goto Sus.” Na bu Polme mēfē lamototla, “Bu sebobē goto, Hermes.” Bu mēfē kēme mototla Pol bu gēgali takowa ho nēgeme.

¹³ Bubē goto Susbē lotu lo, bu kē lifate tiniju elē tlibetle. Na kē lotu lo mēta wege lēglēbē ho, iko bulmakau kleli fli, lifate mago lēglesī ino ēfo elēme tlesume. Na bu lale ti tahweji taba meta susu tujētēme na tehwei. Buna, kē lifate mago onehona, kē bulmakau kleli tētēkle mēgētayame kofene, Barnabasna, Polname lotu namēgletēmame fene.

¹⁴ Kwe Barnabasna, Polna, bume kē fata tēgletēmēbē wesibibē gali aholokwane mētelo, na klelego memētletemo. Na bubē ēho kaka mototomo. Bu melēbēme lēlekujū mētelo, bume kē mototometēmabē wesibime tole hana mētelo. Na bu kē onehobē ku mēta mitlibo na bume feilawa kēkale galina gali motlomo,

¹⁵ “Sobo kē wesibi fēyeme etlone? Sobo melē asa elo. Sebo sobo fenene kēha howa nētabo. Sebo sobelē kēme tisijo, lale ēhwati gali tē nanēgētātēyome.

Kë ëhwati gali melë. Sobo blawa kë lotu egletemobë tëbo wesibi aholokwana ti elome na sobo lowene hihijika elome na tako kalëlegona Gotomume lotu etelome. Kë Goto bu matafana, lifena, nutuna, iniwa wesibi kë mëgebebë, bu blëge blëge totome. Sobo kë lotu egletemobë wesibi some hana mëgaitome.

¹⁶ Ètani kë nëgebë na ëje mana ekë, oneho bubë tolewa esogo mëtlagila na bu memelë wesibime lotu mëtëkweitëma na Goto bume hwiwa latlagime.

¹⁷ Kwe Goto bu ëho nane tle. Weye. Iniwa olë Goto onehome lale wesibi olafa tëttagimetëme, bu melowene namëglame, 'Bu tafa lalëlaginafe.' Bu some tu tlëwagijo. Na bu lale hi wesibi mata fata tëttagimo. Na bu some feilawa hi wesibi tlëwagijo, na sobobë lowene sle tëttagimekëfëtëyo, sobo fleflesuna këme tafa elo."

¹⁸ Oneho bubë gali aholokwane mëtla, kwe bulmakau kleli tëtëkle mëgëtayabëme awi lowene mëtlekefëya, tlemalëme lotu namëgletëmame. Kwe tlemalë bume anisasana lëkle lëkle mototokwefëmo. Na bu melë hana mëtla.

¹⁹ Kwe tokwafe, Antiok lifate mago na Aikoniam lifate mago Israelbë afenëboni, Listra lifatewa mitisiya. Na bu kë lifate mago onehobë tëbo lowene tufiji mëtëtatëma. Na bu Polme wame motlola. Këme nëgëme bu Polme aniji ato elë sisike mëtletla, na bu mogowa latitigowa. Mogo nalë tëkle namoglotlame fene. Na oneho bu meweniji lamëtla, wagli lëlewa. Na bubë ato ki motokouja na lifate mëglëbo elë kile mutula.

²⁰ Kwe, Kristen oneho Polbë ato li elë mutujutla na hwagënë mototla. Na Pol bu huju tle na lifatewa ita tuju. Jowa olëwa tètabe na bu Barnabasna Derbe lifatewa mëtëyeu.

Barnabasna Polna bu Kristen onehome Gotobë lale galina mëtaitamo

²¹ Tlemalë Derbe lifateme, Jisasbë lale gali të mëtëtatemo. Na lebutako onehome mëtaitamo, Jisame lowene sle namëgletlame. Na bu Derbe lifate kile mëtelo na Listra lifatewa ita mëtëyeu. Na Aikoniam lifatewa ita mëtëyeu na Pisidia provinsbë li mago lifate Antiokwa fwa mutulo.

²² Na iniwa life mëta, bu Kristen onehome lale gali të mëtëtagutemo, bume lëgaitame nalëgleme. Tlemalë bume anisasana gali motlomo, "Sobo Jisame kë lowene egletelobë lowene asa elëkëlo. Mana lowene sle saelekefëtelo. Sobo aholokwane elo, Jisasbë lowene esogo nëglelëtlabë lowene ebë kalëlegomu lalëletle. Sebo feilawa hobota mëta afina tafa nëlame na mana Goto bu sebobë eso home unaunalëme tafa nalëgletëname."

²³ Na tlemalë bu Kristen onehobë letitabo home iniwa life mago aniji mëtlagumo, Kristen onehome tafa namëgletëmame. Bu afina hi wesibi yo mëtelo, Gotome lowene sle namëgletelome. Na Gotome gëgali mëtlelëlo, na bu Kristen onehobë letitabo home, Gotobë toba elë mana gogwa mëtelo.

Barnabasna Solna Siria provins mago lifate Antiokwa ita mëtëyeu

²⁴ Tokwafe Barnabasna Solna bu Pisidia provins ku kuwa bule mëtëtagulo na Pamfilia provinswa fwa mutulo.

²⁵ Bu Gotobë gali Perga lifate mëta të mututame, na tokwafe bu Atalia lifatewa mitimo.

²⁶ Na Atalia lifate mëta, sibu lo mëta fe mëtelo. Na sibu lona Siria provins mago Antiok lifatewa mëtëyo. Ètani kë lifate mago, Kristen oneho, tlemalëme aniji motloma, Gotobë lale gali të namëgëtatëmome. Na bu mata Gotobë toba elëme gogwa mëtla, bume lëgaitame nalëgleme na ululu sle

nalogotomeme. Na bume kë aniji motoglomabë wege yawe motlolo. Na bu Antiok lifatewa ita mitisiyo.

²⁷ Tlemalë bu Antiok lifatewa tuhu mêtelo. Na Kristen onehome gali mêtelokwakëmo, bu belë migisiya namëglame. Na bu mitisiya na tlemalë gali motlomo, “Sebo kë tégëyeubë, Goto seme taitano. Na sebo onehobë ato sle têtatemo, na sebo Gotobë gali têtatemo, na sebo onehome taitamo, Jisame lowene sle namëgletlame. Na Goto, Israelbë afenëboni mëtabëya jwa mëglabë enëneme mata, taitame, Jisame lowene sle namëgletlabëme.”

²⁸ Na tlemalë, Antiok lifate mëta, Kristen onehona, lebutako olë tafa mëtla.

15

Kristen oneho, Jerusalem lifate mëta loko mëtlelëya

¹ Na këme, fli ho, Judia provins mago, Antiok lifatewa mëtetujula. Na bu Kristen onehome meokokwe lamotloma, “Sobo, Goto Mosesme ato jibo têtëlë gali kë tégëlëlebë esogo jwa eglëlëlon, na bu sobobë ato jibo têtëlë jwa mogotometëyona kwe Goto some hana nëno lëgleme.”

² Polna Barnabasna kë hobë gali aholokwane motlomo na bubë galime fleflesu hana mêtletëmo. Na buna kë wesibime momata mëtlelogwaya. Këme nëgeme, Kristen oneho, Polna, Barnabasna, fli honame aniji motloma, Jerusalem lifatewa namugujame. Na kë gali, Aposelna, Kristen onehobë letitabo hona sle namugujetlame.

³ Kristen oneho bume Jerusalem lifatewa jine mëtlëma. Na bu Fonisia provins na Samaria provins kukuwa mutuja. Na bu kë provins mago Kristen onehome, megali motloma, “Israelbë afenëboni mëtabëya jwa mëglabë enëne mata Jisame lowene sle mêtletla.” Bu kë gali aholokwane mëtla na bu tako fleflesu memëtla.

⁴ Bu Jerusalem lifatewa fwa mutula. Na Kristen onehona, bubë lotu letitabo enënena, Aposelna gali motloma, “Sobo sebelë egisijome nëgeme, sebo some tako fleflesu këme nëletëyo.” Na Polna Banabasna megali motlomo, “Sebo li life li lifewa kë tégëyeubë, Goto seme feilawa taitano na sebo memelë wesibi melë këme totomo.” Na tlemalë bu kë iniwa wesibime gëgali mëtlelëmo.

⁵ Kwe Farisi ho fli, Jisame lowene sle mëgletlabë, bu huju mëtla na bu megali lamëtla, “Israelbë afenëboni mëtabëya jwa mëglabë enëne, Jisame kë lowene sle mêtletlabë, Goto Mosesme kë tégëlëlebë tafa sle gali saesogo sle mëlelëla na sobo bubë ato jibo satëtëlë etometemo.”

⁶ Na kwe, Aposelna, letitabo hona loko mëtlelëya, kë gali sle namogotlame.

⁷ Bu kë galime, feilawa gëgali mëtla na mana Pita huju tle na gali tlome, “O afani, sobo walowene elo, étani Goto bome somago wafi aniji tlonë, Jisabë lale gali, Israelbë afenëboni mëtabëya jwa mëglabë enëneme têt nanëgëtatemëme, bu aholokwane namlame na bume lowene sle namëgletlame.

⁸ Goto iniwa onehobë lowene wafi lowene lëletëme. Na bubë Amtëtomba kë Israelbë afenëboni mëtabëya jwa mëglabë enëneme watlëme, seme fene tlëna. Na bu këha lowene kë tégëlebë, seme melëme lebotane têtatëna, bu kë Israelbë afenëboni mëtabëya jwa mëglabë enëneme mata fleflesu latletëme.

⁹ Goto seme fene tëtana, bu kë Israelbë afenëboni mëtabëya jwa mëglabë enëneme këha melë wafi totome. Bu Jisame lowene sle mêtletlame nëgeme, na Goto bubë tëbo lowene aholokwana këme ti tletëme, sebobë tëbo lowene aholokwana fene ti tletëna. Na bu Gotobë naba lime lalowa këme tafa mla.

10 Sobo k e onehome, Goto Mosesme k e t eglelebe tafa sle gali esogo m eglelembeme asa gali elomo. Bu k e gali hab ena esogo m eglelembamene? Sobo k eha hobota bume asa el emo. Sobo hwi elo, sebob e semlenino k e tafa sle anebo gali hana esogo sle m etlagima. Na sebo mata k e tafa sle anebo gali hana esogo sle n elagila. Na sebob e afuninona, sebona iniwa k e tafa sle anebo gali esogosle n eglagilabeme tako hobota m eta tafa n ela. Sobo k e onehome mel e egotomona kwe sobo Gotome su etlo. Sobo Gotome f eyeme su etlone?

11 Kwe sebo melowene n eglame, "Tako Ho Jisasb e maninibo m eta fwa, Goto seme n eno tle. Na k e en eneme mata Jisasb e maninibo m eta fwa n eno tle."

12 Pita megali tle, na loko k e m etleleyab e ho, g egali lakujuwa met ebaguja, li gali hana ki m etla. Na bu Polna Barnabas nab e galiwa aholo bo m et etagut ema. Na bu megali motlomo, "Goto seme afutuku tl eno na sebo k e afutukuna memel e klelegowa wesibi, Israelb e afen eboni m etab eya jwa m eglab e en eneb e kume bl ege bl ege totomo." Na bu k e wesibi galib e t e m et etatemo.

13 Tlemal e gali wafi yawe motlolo na Jems mana g egali tle, "O afani, bob e gali aholokwane elot ena.

14 Saimon Pita bu seme megali sle tlonna, Goto, Israelb e afen eboni m etab eya jwa m eglab e en ene bel e alako k e tigitit emeb e, bub e maninibo melobotane nal eg etat ememe. Na bu mago fli, aniji naloglomeme bub emu tafa, nam egletlame.

15 Na Gotob e lowene mago gali t e mototokweflab e ho, k e galime wafi gali m etla.  tani bu k e gali meyahi lam etla,

16 "Tako Ho megali tle, "Devit onehome eso home k e tafa t eglet emeb e wege, lo fene fli tletle. Kwe unina tokwafe bo nigisime k e wege nahuju nogotl eme, ho fli l eglebe lo fene huju lotle. Na Devitb e afen eboni onehob e eso home tafa m eglet emab e wege ita fa motlame.

17 Na k eme Israelb e afen eboni m etab eya jwa m eglab e en ene bome hohwi m eg etakef et ename. K e en ene bu Israelb e afen ebo nane, kwe bo k e en eneme waaniji tlom e, bu mata bob emu nam eg etab et ename."

18 Eb e Tako Hob e gali. Bu  etanimu k e wesibime megali wafi tle, k e wesibi fata m egleme.'

19 K eme n egeme, bob e lowene mel e l eg ebeten e lal ele. Sebo Israelb e afen eboni m etab eya jwa m eglab e en eneme, Jisasm e tokwafe k e lowene sle m etletlab e en eneme gali asa manoloma, 'Sobo, Goto Mosesme k e t eglelebe tafa sle gali iniwa saesogo elel elo.' Weye. Sebo k e hobota galina bume asa gali manoloma. Bu Gotome tokwafe lowene sle mletla.

20 Kwe sebo bume pas e lalowa yahi n elet ema na bume nel ekak emame. Na bume megali nel ekak emame, 'Sobo f esome k e gogwa m eglab e hi wesibi asa hi elo. Na sobo lisei lowene asa elo. Na bu ko iniwa luguju tleslejwab e kleli asa hi elo. Na komu mata asa hi elo.'

21 Bu k e lowene esogo jwa m eglelelana kwe Israelb e afen eboni bu tiniji m eglame. Israelb e afen eboni bu iniwa tafa sle gali, Moses k e yahi t eglebe, lowene sle lamletla. Na  tani anebomu na eb e ol e mata, Goto Mosesme k e t eglelebe tafa sle gali iniwa life m eta t e m et etaguf etla. Na iniwa tafawa m eglab e ol ena, Israelb e afen ebonib e lotu lo m eta, bub e gali hwi m etlagik ef etla."

Bu Israelbê afenêboni mêtabya jwa mëglabê enêneme, Jisasme tokwafe kê lowene sle mêtletlabê enêneme, pasê yahi mêtletêma

²² Aposel ho na lotu letitabo enêne na Kristen oneho fli, kê mêtâ kê loko mêtletëyabê, bu blalo gali sle mototla, bu mago tlemalê letitabo home aniji namoglomame, Polna Barnabasna Antiok lifatewa iniwa buna muguja namëglame. Na bu Judasna Sailasname aniji motloma. Judasbê li weniji ebê Barsabas.

²³ Na bu pasê li yahi mêtla. Na kê pasê bubê tobame mêtletêma, mëgehujaya namëglame. Bu meyhahi lamêtla:

“O Silisia provins mago, na Siria provins mago na Antiok lifate mago oneho, sebo Aposelna letitabo honâ some ebê pasê ekê yahi nëketetëyo. Sobo sebobê afanino. Sobo, Israelbê afenêboni nane, kwe sebo iniwa Jisasme lowene sle nëletla. Lale klijimu.

²⁴ Sebo gali waaholokwane tla. Semago ho fli, sobelê mitisiya na bu tutune lowenena, sobobê lowene wasisile mototometëyo. Bu some memelê galina gëgali mêtletëyo. Na sobo kê gali klelego metletemo na tutune lowene mêtâ têtabo. Kwe sebo kê iniwa gali some hana gali telëbakëyo.

²⁵ Sebo somêta kê fata mêtëglebê wesibibê gali, waaholokwane tletëyo. Kême nêgeme sebo loko tletëya na sebo jowa lowene mêtâ fwa têtabya. Na sebo gali sle totla, tlemalê home aniji nanoglomame na sobelê jine nanëgelëfakëmame. Na bu sebobê lale yabeni, Polna, Barnabasna bubê nagi migisijome.

²⁶ Polna Barnabasna sebobê Tako Ho Jisâs Klaibê wege fa motokweflo. Na oneho bume wame lamolokwefêma na bume mogo nalê têbo mogotomame fene. Kwe bu kêbême uli hana mêtelo. Bu Jisâsbê wege mana fa motokweflo.

²⁷ Kême nêgeme sebo Judasna Sailasname sobelê kême jine nêlêma. Sebo some pasê mêtâ kê yahi nêgletëyobê gali tē namëgëtatëyome.

²⁸ Sebo Gotobê Amtëtombana jowa lowene wasle totla. Sebo melowene nanêla, ‘Sebo some megali hana gali noglëyome, sobo Israelbê afenêbonibê iniwa lowene saesogo eelëtemo.’ Weye. Sebo some kê hobota galina hana gali noglëyome. Sobo ebê lowenewa saesogo eelêlo.

²⁹ Sobo fêsome kê gogwa mëglabê hi wesibi asa hi elo. Na bu ko iniwa luguju tlejwabê kleli asa hi elo. Na sobo kleli afabo tuja salê toba asa hi elo na kolei mata asa hi elo. Na sobo lisei lisei asa elo. Sobo ebê wesibime ululu sle egelona na kê kwe lalowa. Sebobê gali eme tei tou lëletêna. Sobolalo ululu sle saelo.”

³⁰ Na kwe Kristen oneho kê nilimalê home Antiok lifatewa jine mêtletêma. Bu Antiok lifate mêtâ fwa mêtla. Na bu Kristen onehome loko mêtletëkakêma na kê pasê bume mêtletêma.

³¹ Bu kê pasê hwi motlëyabê na kê pasê galime tako fleflesu memêtla.

³² Judas na Sailas, bu Gotobê lowene mago gali tē mêtëtagutemobê ho. Na bu Antiok lifate Kristen onehome lebutako lale gali tē mêtëtatemo. Bu kê lale galina, onehome lamêtaitamo, Jisâsbê lowene esogo sle namëglëlêlame.

³³⁻³⁴ Tlemalê bu Antiok lifate mêtâ sogê tafaha mêtelo. Na tokwafe Kristen oneho bume kaiyo motloma. Na bume kê jine mêtletëbakëmbê oneho belê, jine mêtletëkakêma.*

* **15:33-34** Fli lowene ho bu melowene lamêtla, li gali mana lêbe kê gali mêtâ. Kê gali melê lëgëbelalêle, “Kwe Sailas bubê lowene hihijika tle na bu Antiok lifate mêtâ lu tle.”

³⁵ Na Polna Barnabasna Antiok lifate mēta mana tafa mētelo. Na buna fli enēnena, Gotobē lale gali lebutako onehome okokwe motlokwefēma na bu Jisasbē gali tē mētētakefētēma.

Polna Barnabasna yonane hana mētelo

³⁶ Tokwafe, Pol Barnabasmegali tlole, “Sebo, otome Jisasbē gali kē tē tētagutemobē oneho belē ita nēgēyeume. Sebo melowene nanēgletemome, ‘Bu Jisasmekē lowene mētletlabē lowene anisasana mana lowene melekefētlane o hanane?’”

³⁷ kwe Barnabasbē tole metēgēbetle latle, Jon-Makna iniwa mugujame.

³⁸ Kwe Pol gali tle, “Kē ho kwe ētani Pamfilia provins mēta seme wahune tētano. Bu sebona kē wegeme tugujame tole hana tle. Kēme nēgeme sebo bume hana nēglelulome.”

³⁹ Tlemalē bu kē wesibime yonane hana mētelo. Na blalo momata mētelo. Na bwa bwa mētēyeu mētelo. Barnabas Makme no tlēle na bu sibu lowa fe mētelo na Saiprus afayowa mētēyeu.

⁴⁰ Kwe Pol Sailasme aniji tlole, buna mēgēyeu namēgelome. Na Kristen oneho, Gotome takune motlola, tlemalēme ululu sle nalēgētagumeme na bume lēgaitame nalēgleme. Na tlemalē mana mētēyeu.

⁴¹ Na kēme tlemalē Siria na Silisia provinswa mētēyeu. Na bu li life li life mago Kristen onehome, lale gali tē mētēttagutemo. Bu kē lale galina, bume lamētaitamo, Jisasbē lowene esogo sle namēglelēlame.

16

Timoti Polna mētēyeu

¹ Polna Sailasna Derbe lifatewa fwa mutulo, na tokwafe Listra lifatewa mētēyeu. Kē lifate mēta, Kristen ho li tētabe. Bubē weniji Timoti. Timoti bota bu Israelbē afenēbonibē mago mēse na bu mata Kristen mēse. Kwe bolijaya bu Israelbē afenēboni nane, bu Grik life mago ho.

² Na Kristen oneho, Listra na Aikoniam lifate mago, Timotime melowene lamētletla, “Bu lale homu.”

³ Pol bu metole latle, Timotime weife lēgleluleme. Kwe bu walowene tle, Israelbē afenēboni, li life li life mēta kē tafa mokoujabē melowene wamētletla, “Timoti bolijaya bu Israelbē afenēbo mago nane, bu Grik life mago ho. Na Timoti tokwēfome nēgena kwe bolijaya bubē ato jibo tlē hana tētatile.” Kēme nēgeme, Pol Timotibē ato jibo kēme tlē tētatile, Israelbē afenēboni bume flelesu namēgletlame.

⁴ Pol, Sailas, Timotina bu Listra lifate kile mētla na li life li life elēme mutuja. Na bu kleli kolei hi jwa gali, na fli gali, Aposelna lotu letitabo enēnena ētani Jerusalem lifate mēta kē sle mototlabē, Kristen onehome okokwe mēttaguma. Na bume megali motloma, “Sobo ebē gali saesogo sle elēkefēlo.”

⁵ Bu kē gali aholokwane mētla na kēme nēgeme iniwa Kristen bu Jisasmekē lowene sle mētletlabē lowene feilawa kalēlego tletēme. Na Jisasmekē lowene sle mēgletlabē oneho bu feilawa fata mētla.

Pol Masedonia provins mago home, nimitelēha wesibina hwi tlole

⁶ Tokwafe Polna, buna kē mutujabē ho, Esia provinswa Gotobē gali tēme mugujame tole mētla. Kwe Gotobē Amtētomba bume lēkle totome. Na bu kē belē muguja jwa namēglame. Kēme nēgeme bu Frigia provins na Galesia provins ku kuwa mutuja.

⁷ Na bu Misia provins li elê fwa mutula. Na bu Bitinia provinswa muguja namêglame fene kwe Gotobê Amtêtomba bume ita lëkle totome kê belê muguja jwa namêglame.

⁸ Kême nêgeme bu Misia provins kukuwa mutuja na Troas lifatewa fata mutula.

⁹ Na kê klabêna, Pol, Masedonia provins mago ho lime, nimitelêha wesibina hwi tlole. Kê ho tlibe na anisasana gali tlole, "Ju nutu su elême na Masedonia provins elê esime na seme aitaname."

¹⁰ Pol bu nimitelêha wesibi wahwi tle. Na sebo hokwejnawa wesibi sle totoma, Masedonia provinswa nuguja nanêglame. Sebo* walowene tla, Goto seme walebotane lêtatêna, Jisasbê lale gali Masedonia provins mago onehome tē nanugutatêname.

Lidia bu Jisasmê lowene sle tletle

¹¹ Kême nêgeme sebo Troas lifate mēta sibu lowa fêfe tla. Na Samotres afayo mago lifatewa su tēkaka. Sebo kême jowafewa nitebēya. Na li olēna sibu lo seme Neapolis lifatewa sei tujuwelēna, Masedonia provins mēta. Sebo kê sibu lo mago kê lifate mēta fêfe tla.

¹² Sebo Neapolis lifate kile tla. Na Filipai lifatewa life nagi tuja. Rom lifate mago enēne bu êtani kê life bu le mêtlēkakila na kême mana tafa mēta. Na ebê Masedonia provinsbê lale na tako lifatemu. Na sebo kê lifate mēta, habenuju afe olē tafa tla.

¹³ Na Israelbê afenēbonibê lotu olēna, sebo kê lifatebê lēglesî ino elê totoho tēkaka. Na sebo lolime kê tēgēbebê tu helefo elê tuja. Sebo meweniji latla, Israelbê afenēboni fli bu Gotome gēgali mēglelēkeflabême kême loko mēlelēkefēyawa. Na sebo kê tu helefo mēta, one flime hwi tloma, bu kême loko mêtlēlēja. Na sebo tuja, na buna tafa tula na gēgali tla.

¹⁴ Na mēse li kême tafa tle bubê weniji Lidia. Bu Taiataira lifate mago mēse. Na bu lale winowa êho balitina hihijika tlekefe na feilawa baliti kêna glo tlekefe. Bu Israelbê afenēboni magobê mēse nane kwe bu Gotome lowene sle latletle. Bu Polbê gali aholokwane tlole. Na Tako Ho bubê lowene sle têtatê na bu Polbê gali lowene sle tletle.

¹⁵ Na sebo buname, na bubê ilawa lo mago enēnename baptais totoma. Bume wabaptais totoma na bu seme gali tlonā, "Sobo bomē melowene sle egletēnana, 'Bu Jisasmê walowene sle eletlefe,' kwe sobo lalewa egisijome na bobê lo mēta bona tafa nēlame." Na bu seme itaita gali wafi tlonā. Na sebo buna nugujabême halawa tletēja na bubê lowa nagi telēkakēja.

Bu Pol na Sailasname kalabusu lowa sike mēta

¹⁶ Olē lina, sebo Israelbê afenēbonibê, Gotome kê gēgali mêtlēlēkeflabê life elê tuja. Na sebo manawa kê wege eglekēfebê layo mēseme esune tlēja. Ahwane kê mēse mēta têtabetê. Na kê ahwane kê mēseme, wesibi tokwafe fata mēglebê gali tēme taitakefê. Na bume kê tafa mêtēglelējābê eso ho, lebutako baliti kê mēsebê gali tē wegana glo mêtlēkefēja. Oneho bume baliti mêtlēkefēma na kê mēse bume tokwafe kê fata mēgle wesibi gali tē têtakefētēme.

¹⁷ Na kwe kê mēse Polna seme nagi esogo tlagina na itaita mewe tokwei, "Kê enēne kê nēgebê, tako afutukuna Gotobê wege enēne. Goto some kê lēgaitobê na kê nēno lēglebê lowenebēme tē mêtakefētēja."

* **16:10** Feilawa lowene ho, melowene lamêtletēna, "Pol ebê life mago Lukme notlêle na buna iniwa mutuja. Na Luk bu kê gali yahi tle na ebê gali melēgebe kême lêle, 'Sebo.'"

18 Kë mëse bu lebutako olë memelëwa latlekëfe. Na Pol bu we toglokwefëmebëme kokwasamu latletë. Na bu swaya təkaketë na kë ahwaneme gali telëkakle, “Bo jume Jisasbë wenijina gali nolë, ju kë mëseme kile etamë.” Na hokweinawa kë ahwane bume lakilewa tëtamë. Na këme nêgeme, bu wesibi tokwafe fata mëglebë gali ita hana tëtotle.

19 Bume kë tafa mëtëglelëyabë eso ho, yafe hwi motlëya na melowene lamëtla, “Sebo baliti hana glo nêglamefe, fëyeme tëbo nenenë?” Na bu Polname Sailasname këme fafa mëtla na këme kë loko mëlëlëkëfëyabë life elëme, bubë eso enëne belë ki motokouja.

20 Na bu tlemalë, onehobë gali aholokwane moglomabë ho belëme mëtleluma na bume gali motloma, “Kë tlemalë ho, bu Israelbë afenëbonibë ho. Na bu ebë life mago onehobë tëbo lowene tufiji mëtëtatemu.

21 Kë tlemalë ho, bu onehome memelë lowenebëme okokwe motlomo, kë lowene esogo namëglelëmame. Sebo kwe Rom provins mago enëne. Sebobë lowene këha nane. Weye. Na sebo bu kë gëgali mëgelobë lowene hana esogo nêglelëtëmame.”

22 Na kë mëta kë loko mëtlelëyabë oneho, kë tlemalë home mata tëbo gali motloma. Na kwe, onehobë gali aholokwane moglomabë ho, tlemalë hobë gelowa ëho titika mëtletëma na wame home boblo mogotomabë enëname gali motloma, “Sobo bume atobeilana lëlafa etomo.”

23 Këme nêgeme, bume unalëme atobeilana lëlafa lëlafa sle memototoma. Na onehobë gali aholokwane moglomabë ho bume kalabusu lowa mëtleluma. Na kalabusu lo mago home hwi loglokwefëmebë home anisasana gali motlola, “Ju kë tlemalë home hwi sle sa elome, mëglëboukakujolime.”

24 Kalabusu lo mago home hwi toglobebë ho, kë gali aholokwane tlome. Na bu tlemalë home, kalabusu lo ku mëta kë lëgelubebë tlëtabo elëme tlëlkakume. Na bubë kiju ti tële afloko elë sike telukwaketëme, mëglëboujolime.

25 Klabë kunamu, Polna Sailasna bu Gotome gëgali mëtlelëkëflobëë na sawa mata fëfë mëtëtakefëyo. Na fli enëne, kë kalabusu lo mëta kë tafa mëtëlabë, bu Polna Sailasname mana aholokwane motlokwefëma.

26 Na hokweinawa nano tako latlamëwa. Na bu kë kalabusu lo anisasana so tëbelëkakle bu ëjeha fli etleme. Na kë kalabusu lo ino iniwa latitikawa mëtëkou. Na senë taba iniwa kalabusu enënebë mago lalokluwa mëtletëme.

27 Na kalabusu lo mago home hwi toglobebë ho, huju tle na këme mehwi tle, iniwa kalabusu lo ino watitika mokoufe na melowene tle, “Kalabusu kë mëglabë ho iniwa wamelëboujafe. Bobë eso ho bome gali loglonëme.” Këme nêgeme bubë kosi ki tokoke na bubë ato, këna mogo nalë tlu nalogotleme fene.

28 Kwe Pol bume anisasana këkale telokwakle, “Jubë ato asa tëbo etle, sebo iniwa mana ekë nëtabya.”

29 Na kalabusu lo mago, home hwi toglobebë ho, ho lime we telokwakle, “Esi hokweinawa ehwei.” Na bu esi tehwei tle na bume tlële. Na bu kalabusu lowa hokweinawa təkaklu. Na bu Polna Sailasna belë fëka tokou. Bu ulina lilina sago metle na bubë li mëta, sékefo miti tafa tle.

30 Na kwe bu tlemalëme kalabusu lo mago toho tlëlkakëme. Na bume takune tlome, “O letitabo, bo habelë nêgelëmene na Goto bome tëbo lowene mago no nalëglënëme?”

31 Na tlemalë këme gali motlolo, “Ju, Tako Ho Jisame fwa salowene sle eletle na Goto, juna, jubë mësenä, nëbalena, na jubë lo mëta kë tafa eglelëmebë enëname tëbo lowene mago nëno nalëgleme.”

³² Na kēme tlemalē, kē honame bubē lo mēta kē tafa tēglēlēmebē enēnename, Jisasbē gali tē mētētatemo.

³³ Na kēme klabē kuna mu, kalabusu lo mago home hwi toglomebē ho, tlemalēme nēno tle. Na bume atobeilana kē lēlafa mototomabē lunuju swa totometēme. Na tlemalē, kē ho na bubē lo mēta kē tafa lēglēlēmebē enēnename baptais mototomo.

³⁴ Na kalabusu lo mago home hwi toglomebē ho, tlemalēme bubē lowa tlelume na bume hi wesibi tlēme. Na buna bubē lo mēta kē tafa tēglēlēmebē enēnena flefesumu memētla, bu Gotome lowene sle mētletlame nēgeme.

³⁵ Olobalē, onehobē gali aholokwane moglomabē ho, plismanē kalabusu lowa jine mētlēma. Na bu kalabusu lo mago home hwi toglomebē home gali motlola, “Onehobē gali aholokwane moglomabē ho megali lamla, ‘Ju kē tlemalēme kalabusu lo mago jine elēkakēme.’”

³⁶ Kēme nēgeme, kalabusu lo mago home hwi toglomebē ho, bu Polme gali tlole, “Onehobē gali aholokwane mēglabē ho bu megali lalēkeke, ‘Polna Sailasname kalabusu lo mago sajine elēkakēmo.’ Kēme nēgeme sobo lalowa eyeu. Sobo tutune lowenena asa eyeu.”

³⁷ Kwe Pol plismanēme megali tlome, “Onehobē gali aholokwane moglomabē ho, sebobē gali aholokwane sle jwa fēyeme mētlane? Bu sebobē li fēye wesibiha hwi hana motlotēna. Kwe bu seme hobē naba li mēta blawa lēlafa mētētana na kalabusu lowa blawa sike mētla. Kē enēne melowene hana mētlane, ‘Sebo Rom provins mago enēnefe?’ Na ēje bu seme hwelutuwa nēgēyebēme fēyeme gali molonane? Matēbefe, hanane mu. Kē onehobē gali aholokwane moglomabē letitabo ho, buwa samisiya, na seme kalabusu lo mago nēno mlame.”

³⁸ Na kwe plismanē ita mutuja, na bu Polbē gali, onehobē gali aholokwane moglomabē home gali motloma. Bu megali motloma, “Polna Sailasna bu Rom provins mago ho.” Onehobē gali aholokwane moglomabē ho, kē gali aholokwane mētla na bu tako uli memētla.

³⁹ Kēme nēgeme, bu kalabusu lowa mutuja na Polname Sailasname gali motloma, “Masiwafe, sebo tēbo enēne, sebo some tēbo latēto. Sebo melowene hana tletēyo, ‘Sobo Rom provins mago ho. Masiwafe.’” Na bu tlemalēme kalabusu lo mago nēno mētla na bume gali motloma, “Sobo ebē lifate lalowa kile egotlomene?”

⁴⁰ Na kwe tlemalē kalabusu lo kile mototlo na Lidiabē lowa mētēyeu. Na bu Kristen oneho flina loko mētēlēya. Na bume lale gali tē mētētatemo, bume lēgaitame nalēgleme. Na tokwafe bu Filipai lifate kile mētelo na mētēyeu.

17

Tesalonaika lifate enēne bu Polname Sailasname tētēkle mēgētayame fene

¹ Pol bubē yabena, Amfipolis lifatewa mutuja. Bu kē lifate kile mētla na Apolonia lifatewa mutuja. Na bu kē lifate mata kile mētla na Tesalonaika lifatewa tuhu mutula. Israelbē afenēbonibē lotu lo kē lifate mēta tlibetēme.

² Pol iniwa lifate mēta fene tokou, bu kē lifate mēta mata melatle. Bu Israelbē afenēbonibē lotu lowa tēkaklu na bu kē life mago onehona loko mētēlēya. Na Gotobē bogo mago galime, buna gēgali hiñijika mētlekefēya. Bu aona wiki bubē lotu olēna melatlelēkefēme.

³ Na bume megali sle latlome, “Jisas bu kē ho kē nēgebē, Goto bume ētani anebomu kē aniji toglolebē ho, onehome tēbo lowene mago nēno

nalëgleme.” Na bume gali tlome, “Aholokwane elo, ètani Gotobë bogo mëta, gali metëgëbetle latle, ‘Goto kë jine lëglelebë home, tëbo mogotlame na bu gali lëgleme. Kwe bu matëmatë mago huju lëgleme.’ Na kwe kë gali, bu Jisame fwamu gali tletle. Sobo walowene elo, Jisas bu wagli tle na huju tle, Goto ètani fene gali tle.”

⁴ Na Israelbë afenëboni fli, buna kë tafa mëtlabë, Pol kë të togotlebë gali, aholokwane motlola na bu Jisame lowene sle mëtletla. Na bu Polna Sailasname yonane sle mëtlelëma na nagi mëtlëma. Na lebutako Grik life mago enëne Gotome kë lotu melekefëtlabë, na lebutako letitabo one mata Jisame lowene sle mëtletla.

⁵ Kwe Israelbë afenëboni fli, bu Polna Sailasna, ilawa kë yonane mëtlabëme, hwi motloma, na bume moumou mëtlelëma. Këme nëgeme, bu ho loko mëglelëyabë lifeme, blawa kë asasë mëglabë tëbo enëneme, loko mëtëtagujaya. Bu lebutako tëbo enëneme waloko mëtëtaya na bubë tëbo lowene tufiji mëtëtatëma, Polna Sailasname wame namoglomame. Na bu asë mëtëbelëfaiya na anisasa flikale mëtla. Na fli, Jesonbë lo ino tëë mëtelutukwakla na mëtëkakluja. Na bu Polna Sailasname hohwi mëtelutatëma, bume kë life mago onehobë toba elë gogwa namëglame.

⁶ Bu tlemalëme yafe hohwi mëtëtatëma kwe hwi hane motloma. Këme nëgeme bu Jesonname, Kristen oneho fliname, fafa mëtla na kë lifate mago eso ho belëme mëtleluma. Na bu anisasana meflikale mëtla, “Ebë enëna, Polna, Sailasna bu iniwa li life li life motokouja na onehobë tëbo lowene tufiji mëtagutëma. Na èje ebelë mana kë fe mëkakija.

⁷ Na Jeson kë hobëme bubë lowa nëno tle na këme tafa tlelëme. Kë enëne bu sebobë tako eso ho, Sisarbë gali boblo lamëtëtakefëtlä. Na bu itaita megali lamelekefëya, ‘Tako eso ho li lëtabe, bubë weniji Jisas. Sobo bume fwa esogo elelëlome.’”

⁸ Kë life mago oneho na bubë eso enëne, kë gali aholokwane mëtla na wame mëtla na flikale mëtëkouja.

⁹ Na kwe, kë lifate mago eso ho, bu Jesonna, buna kë tafa tēglelëmebë onehome, balitime gali tlome, bubë tëbo lowene këna sle namogotlame. Na bume jine mëtelëkakëma.

Polna Sailasna bu Beria lifate elë mëtëyeu

¹⁰ Klabë wafi ki tëbe na Kristen oneho Polna Sailasname Beria lifatewa mana jine mëtelëkakëma. Bu Beriawa fwa mutulo na bu Israelbë afenëbonibë lotu lowa mëtëkaklujo.

¹¹ Israelbë afenëboni Beria lifate mago, bu Tesalonaika lifate mago Israelbë afenëboniha nane. Beria mago enëne Polna Sailasname bë gali aholokwane mëglabëme tole lamëtletëma. Kwe Tesalonaika mago enëne buwe, bubë gali aholokwane mëtletëma bëme tole hana mëtletëma. Na iniwa olë, Beria mago oneho, Gotobë bogo mago gali itaita hwi motlokwefëma, melowene sle namëgletlame, “Polna kë të mëgëtatëmobë gali bu nēgali lamelo o hanane.”

¹² Na Israelbë afenëboni lebutako, Jisame lowene sle mëtletla. Na Grik life mago ho lebutako na Grik life mago letitabo one lebutako, bu mata Jisame lowene sle mëtletla.

¹³ Kwe Israelbë afenëboni Tesalonaika lifate mëta kë tafa mëtlabë, kë gali waaholokwane mëtla, Pol, Beria lifate mëta, Gotobë gali kë të lëtakefëtëme. Këme nëgeme bu Beria lifatewa mutuja na onehome tetëbo galina gali

mëttaguma na këna onehobë tëbo lowene tufiji mëtëtatëma, Polme wame namoglolame.

¹⁴ Na kwe, hokweinawa, Kristen oneho, bu Polme nutu yenëbawa jine mëtëtelëkakla. Kwe Sailasna Timotina, Beria lifate mëta mana tafa mëtelo.

¹⁵ Na Polme kë sei mutujuwelëlabë ho buna Atens lifatewa tuhu mutula. Na bu Polme Atens lifate mëta kile mutula na bu Beria lifatewa ita mutuja. Na Pol, Sailasname Timotiname gali telokwakëme, bu bo belë hokweinawa samisijo.

Pol Atens lifate mëta Gotobë gali të tëtätëme

¹⁶ Pol bu Atens lifate mëta, Sailasna Timotiname mana hwi tleketëmëbëë na bu Atens lifate wako wako mana asë tëbelëfa. Na bu mehwi tle, eouwe bubë lebutako fëso mana mëtabëtëme. Na bubë lowene tëbowamu tlebetle.

¹⁷ Këme nêgëme bu Israelbë afenëbonibë lotu lowa təkaklu. Na bu Israelbë afenëbonina na Israelbë afenëboni mëtabëya jwa mëglabë enënena, Gotome kë lotu mëglekefëtëlabëme, gëgali hihijika mëtlekefëya. Na iniwa olëna bu ho kë mëta loko mëglelëkefëyabë life elëme tujukëfetëme. Na kë mëta kë tafa mëtlabë onehome gëgali tlelëkefëme.

¹⁸ Na lowene letitabo mëgletlabë ho fli, kë mëta tafa mëtla. Bume mēfë lamototoma, Epikurian enëne na Stoik enëne. Na bu Polme momata mëtletlëla. Pol bume, Jisasbë galime gëgali tlokwefëme na bume matëmatë mago huju mëglabë galime mata gëgali tlelëkefëme. Këme nêgëme kë enëne megali mëtla, “Kë lowene jwa ho bu itaita blawa fëyeme gëgali lëlekëfene? Bu fëye wesibime gali lëlene?” Na fli megali mëtla, “Sebo bubë gali lowene hana nêletla, bu seme melëme gali lolona nawa, ‘Sobo fli enënebë gotome salotu eletemo.’”

¹⁹ Na kwe bu Polme, bubë lifate mago eso enëne belë mëtletlula, bubë gali aholokwane namoglolame. Kë enëne bu Areopagus fatini mëta loko mëtletlëkefëya. Na kë enëne Polme gali motlola, “Ju kë tiho gali, ju onehome kë okokwe eglokwefëmebëme, seme ita gali enona. Sebo kë wesibi lowene sle nanëgletlame.”

²⁰ Sebo jubë gali aholokwane tla, na sebo melowene nanëletëyo, ‘Ebë li gali meha gali ele. Na sebo étani këha gali aholokwane hana tla. Këme nêgëme sebo metole nanëla, ju kë okokwe toglonabë gali wayobë lowene sle nanëgletlame.’”

²¹ Atens life mago enënena, Atens lifate mëta kë nibowai mëglabë enënena bu fli wesibi mëglabë lowene hana fafa mototla. Wëye. Bu tiho galime fwa aneanebo gali mëtlekefëya na tiho gali aholokwane mëglabë mēfwa tako tole lamëtletlëkefëya. Na iniwa tiho anebo gali, bu kë aholokwane mëglekefëyabë, bu itaita iniwa olë gëgali mëtlekefëya.

²² Na kwe Pol bu kë eso enënebë kume tlibe na bume megali tlome, “Sobo Atens lifate mago enëne, bo some melowene nanëletëyo, ‘Sobo lebutako fëso wesibime lotume tako tolemu laletemo.’”

²³ Bo kë galime këme gali nelë. Èbame bo sobobë lifateme asë tëbelëfë na bo sobobë li li fësobë masei, sobo këme kë lotu eglekefëtëmobë, mana hwi tlagumetëyo. Na bo fësobë masei li hwi tolë. Sobo kë masei mëta meyahi latelo, ‘Lowene nêgletla jwabë goto.’ Na kwe kë goto sobo lowene jwa kë egletelobë na sobo manawa kë lotu egletelobë, bo some kë gotobë anebo gali të nëtätëyo.

²⁴ Bubë anebo gali melë lëgëbetle lalële. Buwa, ebë life blëge totle na iniwa wesibi kë mëgëbebë mata blëge blëge totome. Na ebë life mago wesibi,

matafa mago wesibi ebë bubëwa mëbetle na bu iniwa wesibibë eso ho. Këme nêgeme, ho gliji mëglabë lotu lo mëta hana tafa lëgleme.

²⁵ Bu li wesibimeha hana afolo lëletle, sebo bume kë nêgaitalame. Hanane mu. Sebo hëhë kë nêglabë amtëtomba, Goto buwa lëlëna. Na iniwa wesibi mata buwa lëlëkefëna.

²⁶ Ètani anebo mu, bu jowa home blëge blëge totle. Na iniwa memelë ato jibona oneho, kë ho magowa fata mëta. Na bu kë onehome iniwa life ëlëme jine tëlëkakëme. Na iniwa afloko mëta tafa mëtëkouja. Na bu bwa bwa tafa mëglabë olë mata aniji tlotëme.

²⁷ Goto bu melë këme tle. Oneho bu belëme migisitla namëglame. Na bume lowene sle mletlame. Këme nêgeme Goto onehome këme blëge blëge totome. Na bume iniwa wesibi tlëme, bume hohwi namëgëtatlame na bume mana hwi na loko mololame. Kwe bu seme iniwa jowa home kakë hana tafa lëletëna.

²⁸ ‘Sebo hëhë kë nêglabë, na asë kë nêglabë kalëlego, buwa lëlëkefëna.’ Kë wesibi sobobë lowene letitabo enëne fli fene yahi mëta, ‘Sebo mata bubë nêbalemu nëtabetla.’

²⁹ Sebo Gotobë nêbale tafa nëla. Këme nêgeme sebo Gotome melowene asa manëletla, ‘Bu fëso.’ Weye. Goto, bu silva anijina, gol anijina, anijimuna kë blëge blëge motomabë fësoha nane. Weye. Goto bu sebobë lowenenawa na tobana kë blëge blëge nogotomabë wesibiha nane.

³⁰ Ètani, oneho bu fëso fëso mëtëglana kwe kë nalë Gotome lowene hana mëtletla. Kwe Goto bume hwiwa latlome na bume li wesibiha hana totle. Kwe ebë olë Goto iniwa li life li life mago onehome anisasana megali lalëlagume, ‘Sobobë iniwa tëbo lowene aholokwana ti ekoujome na bome fwa lowene ekoutëname.’

³¹ Bu olë li waaniji tlole, iniwa onehobë lowene hwi lolometëmeme na abiabi lëselokwame. Na Goto ho lime waaniji tlole, onehobë lowene hwi naloglometëmeme na lëselokwame. Kë ho bu wafi gli tle na Goto bume matëmatë mago wahuju totle. Na Goto bu kë huju togotlebë seme melebotane latëtätëna, bume kë lëselokwabë wege fame waaniji tlole.”

³² Bu matëmatë mago huhuju mëglabë gali yafe aholokwane motlola, fliye Polme sosatlëtlë memototla. Kwe fliye bume gali motlola, “Sebo metole nanëletëyo, ju tokwafe kë galime seme ita gali lalowa okokwe sle eglonamene.”

³³ Na kwe Pol kë letitabo enëneme hune totome na tuju.

³⁴ Kwe fli ho bu Jisame lowene sle mëtletla na bu Polna ilawa mëtebëya. Na bu mago ho li tafa tle, bubë weniji Dionisius. Kë ho bu Areopagus fatini mëta, kë loko mëglelëkefëyabë ho. Na mëse li bubë weniji Damaris, na fli oneho mata Jisame lowene sle mëtletla.

18

Pol Korin lifate mëta gali të tëtätëme

¹ Tokwafe, Pol Atens lifate kile tle na Korin lifatewa tuju.

² Na bu kë mëta, Israelbë afenëbo lime esune tlële. Bubë weniji Akwila. Bu Pontus provins mago ho. Buna no Prisilana, Itali lifate tokwafe kile mëtelo na Korin lifewa mitisijo. Rom provins magobë tako eso ho, Klodius, megali tëgleme nêgeme, “Iniwa Israelbë afenëboni, Rom lifate kile mlame na li lifatewa mujame.” Na bu Rom lifate këme kile mëtelo. Na Pol kë tlemalëme hwime tujëtëme.

³ Kê tlemalê bu lo këna gigliji mëglabê selê blêge blêge mototokwefêmo, baliti këna glo namêgelome. Na Pol bu mata kê wege melatlekefe. Kême nêgeme Pol, buna kême tafa mêtla na buna wege mêtla.

⁴ Na iniwa lotu olêna, Pol, Israelbê afenëbonibê lotu lowa têkaklukêfe na buna gëgali hihijika mêtlekêfêya. Bu metole latle, Israelbê afenëbonibê lowene na Israelbê afenëboni mëtabêya jwa mëglabê enënebê lowene Jisame lowene sle mëgletlabê huju têtakefêtême.

⁵ Sailasna, Timotina, Masedonia life kile mêtelo na Pol belê mêtêyeu. Bu fata mêtelo na kême Pol selê susu wege kile tle na Jisabê gali iniwa olê têtakefêtême. Bu Israelbê afenëbonime anisasana megali tlokwefême, “Goto Jisame waaniji tole, bubê onehome têbo lowene mago nêno lëglebême.”

⁶ Kwe Israelbê afenëboni këha gali aholokwaneme tole hana mêtletla. Na bume wame motlola na tetêbo galina gali motlola. Kême nêgeme, Pol bubê ato êho mago obo, bubê naba li mëta bubu tletême. Na bume megali tlome, “Goto some tokwafe têbo lëgetona, ebê sobobê wesibiwa, ebê bobê wesibi nane. Na eli bo some hune nêgêtome na Israelbê afenëboni mëtabêya jwa mëglabê enëneme fwa gali têtugutatemême.”

⁷ Na kwe Pol bu kê lotu lo kile totle. Na bu Titius Jastusbê lowa tuju, kême tafa nalêgleme. Kê ho Israelbê afenëboni nane, kwe bu mata Gotome lotu lëlekefêtlebê ho. Na bubê lo Israelbê afenëbonibê lotu lo lime tlibetle.

⁸ Kê lotu lobê eso hobê weniji Krispus. Buna, bubê lo mëta kê tafa tégelëmebê onehona Tako Ho Jisame lowene sle mêtletla. Na Korin lifate mago oneho lebutako, bu mata Jisame lowene sle mêtla. Na Pol bume iniwa baptais totome.

⁹ Li klabê na, Pol nimitelêha wesibina wesibi li hwi tole na Tako Ho Jisas, bume megali tole, “Ju bobê gali tême uli asa ele. Ju itaita gali eglokwefêmememe. Ju asa kuju ebemu.

¹⁰ Bo juna nêtabome na jume nêgaitême, na ho li jume hana têbo lëgêtamême. Bome kê lowene mëgletênabê oneho, ebê lifate mëta feilawa tafa mëglame nêgeme.”

¹¹ Pol kê gali aholokwane tle na kême nêgeme bu Korin lifate mëta jowa tlibutu na yeme toballi ita jowa kêniji tafa tle. Na bu onehome Gotobê galime okokwe tlokwefême.

¹² Galio, Akaia provinsbê eso home têtabetême. Na kê nalê, Israelbê afenëboni, blalo bu loko mêtletêya na Polme fa mototla, na eso ho Galio belê mêtletlula, Pol kê têbo logotlebême gëgali namëglelêlame.

¹³ Na bubê naba lime megali mêtla, “Kê ho, Goto Mosesme kê tégelëlebê tafa sle gali boblo mogotlabême, onehome feilawa okokwe lolokwefême. Na Gotome li lowenena lotu namëgletlabême okokwe lolokwefême.”

¹⁴ Pol gëgali lëgleme kofene, kwe Galio efalêbona bluju metotle na Israelbê afenëbonime gali tlome, “Sobo Israelbê afenëboni, kê ho bu wesibi tako têbo logotlebê o sebobê, Rom life mago gavmanbê gali, boblo logotlebê kwe lalowa, bo sobobê gali aholokwane noglêyome.

¹⁵ Kwe sobo bo belê tisijo, na sobo sobobê semleninobê tafa sle gali mefwa gëgali tlenëna. Bo sobobê këha gali hana sle nêgêtatêyome. Ebê sobobê wesibi wa. Sobo lalo sle ejuwetlo.”

¹⁶ Na bume kê mago kê telêkakême.

17 Na Korin lifate enëne, Israelbë afenëbonibë lotu lo hwi loglokwe flebë eso ho, Sostenesme, fa mototla na Galiobë naba li mëta tëkle mototla. Kwe Galio bume hwiwa latlome na kë wesibime feilawa lowene hana tlekefe.

Pol bu Antiok lifate elë ita tuju

18 Pol bu Korin lifate mëta tako olë tafa tle. Na tokwafe bu Kristen onehome kaiyo tleme na bume hune totome. Na bu, Prisila, Akwilana, Senkria lifatewa iniwa mutuja. Na Pol bu kë life mëta bubë eslehuba mana le tlë, bu Gotome kakëne gali gali togloleme nëgeme.* Ètani Pol Gotome wesibi lëglebë galime wagali sle tole. Na Israelbë afenëboni fene mëtla, bubë eslehuba le jwa tlë. Bu eslehuba le jwa mana tafa tle. Na kë tëglebë wesibime, Gotome kë gali sle toglolebë, yawe tole. Na bubë eslehuba mana le tlë. Na Polna, Prisilana, Akwilana, Siria provinswa kë tugujubë sibu lo mëta fëfe mëtla na këna mutuja.

19 Na bu Efesus lifatewa fata mutula. Na Pol Akwilana, Prsilaname kë mëta hune tle. Na Pol buwa Israelbë afenëbonibë lotu lowa sigli tëkake. Na bu Israelbë afenëbonina gëgali hihijika mëtlekefëya.

20 Na bume megali motlola, “Ju sebona awi tafa nëla.” Kwe Pol bume gali tlome, “Weye. Bo sobona hana tafa nëglame.”

21 Na tokwafe bume kayo tleme na gali tlome, “Goto bu tole lëgletenëna kwe ho sobelë ita nigisime.” Na bu Efesus lifate mago enëneme hune tle na sibu lo mëta fe tle. Na Efesus lifate kile tle.

22 Na sibu lo bu Sisaria lifatewa fwa tule. Na Pol bu Jerusalem lifatewa tuju. Na bu kë lifate mago, Jisame lowene sle mëtletlabë tokwëfo gëgaliwa tlelëp. Na bume hune totome na Siria provins li mago Antiok lifatewa tuju.

23 Pol bu Antiok lifate mëta tako tafaha tle na mana tuju. Na bu Galesia provinsbë na Frigia provinsbë li life li life tekou. Na bu Kristen onehome, Gotobë lale gali të tëttaguteme, bume lëgaitame nalëgleme.

Apolos bu Efesus lifate onehome gali të tëtatëme

24 Israelbë afenëboni mago li, Efesus lifatewa tisi na këme tafa tle. Bu Aleksandria lifate mago ho na bubë weniji Apolos. Kë ho bu lale lowenebëme gëgali tëglekëfëbë ho. Na bu Gotobë bogo mago gali lowene sle tëgletlebë ho.

25 Ho bume Jisasbë lale gali waokokwe motlola. Bu Jisas kë togotomebë wesibi gali, onehome okokweme tako tole latle. Na bu Jisas kë togotomebë wesibibë gali abiabi toba të slemu tëtakefëtëme. Kwe bu Jon kë baptais totomebë mefwa lowene sle latletle. Kwe, bu Jisame lowene sle mëgletlabë onehome, baptais logotomebë lowenebëme, lowene hana tle.

26 Apolos bu Israelbë afenëbonibë lotu lowa tujukefëtëme. Na bu gali anisasana të tëtakefëtëme. Na bu uli hana tletëme. Prsilana Akwilana bubë gali yafe aholokwane motlolo na bubë lowa mëtlelulo. Na bume Gotome lowene sle lëgletlebë lakalebëme, okokwe sle motlolo, bu lowene sle nalëgletlememu.

27 Apolos bu Akaia provinswa lugujubëme tole latle. Na Efesus mago, Kristen oneho bume jine mëglëlabëme fleflesu lamëtletla. Këme nëgeme bu Akaia provins mago, Kristen onehome, pasë meyahi mëtëkakëtëma, “Apolos sobelë fata lëkakina sobo no elëlome na ululu sle saetlo.” Na Apolos bu belë tuhu tle. Goto kë life mago Kristen onehome wafi maninibo tletëme na wafi

* **18:18** Israelbë afenëboni bu melë lamëtkefëya; Gotome kë kakëne mëgletlabë olë, yawe sle moloma kwe bu eslehuba mana le le melëma.

taiteme na bu Jisasme lowene sle kēme mletla. Na Apolos kē life mago, Kristen onehome taitame.

²⁸ Apolos bume metēgaitamelatle. Bu iniwa onehobē naba li mēta, Gotobē bogo mago gali anisasana tē tētātēme. Na bu Israelbē afenēbonibē memelē yaya gali lowene kēna boblo tētātēme. Na bume Gotobē bogo mago gali metē sle latētātēme, “Goto Jisasme kē aniji toglolebē ho, Israelbē afenēboniname na iniwa onehoname nēno nalēglebēme.”

19

Pol Efesus lifate mēta gali tē tētātēme

¹ Apolos bu Korin lifate mēta mana tafa tle na Pol fatini lufu mēta kē mētēgēbagubē lifate elē asē tēbelēfa. Na bu Efesus lifatewa mana fwa tēkaki. Na kē lifate mēta, Kristen onehome esune tlēkakime.

² Na bume metakune tlome, “Sobo Jisasme alako kē lowene sle tēgletelobē, Gotobē Amtētomba sobelē latisitēyone o hanane?” Na bu metafu mētētatla, “Weye. Sebo, ētani meaholokwane hana tla Gotobē Amtētomba lalētabetle.”

³ Na Pol bume takune tlome, “Sobo yalēbē gali aholokwane telone na mana baptais fa totlo.” Na bu gali metafu mētētatla, “Sebo Jonbē gali aholokwane toglolame nēgēme na baptais kēme fa totla.”

⁴ Na Pol gali tlome, “Ētani, tēbo lowene aholokwana kē ti mētēglabē onehome, Jon bume baptais totome. Na bume gali tlome, ‘Bobē nagi kē ligisibē home sobo mana lowene sle naegletelome.’ Kēbē home Jon kē gali tēgletlebē bu Jisas.”

⁵ Kē gali yafe aholokwane mētla, na Pol bume Tako Ho Jisabē wenijina baptais totome.

⁶ Na Pol jowa jowa hobē eso mēta toba gogwa tokoutēme na Gotobē Amtētomba mana tisitēme. Na bu lili anigawa galina gēgali motokouja. Na Goto bume kē tēglēmēbē gali tē mētētagama.

⁷ Kē onehobē tabei we ita tēle kēnijiha.

⁸ Na Pol bu Israelbē afenēbonibē lotu lowa tēkaklu. Na bu Jisabē lale gali onehome anisasana tē tētātēme. Na Goto bubē onehome eso home tafa lēgletēmēbē galibēme, onehome feilawa tē tētākefētēme. Na bu onehome taitame, kēbē galibē lowene sle namēgletlame. Na bu melē kē tēglebē aona yeme.

⁹ Kwe bu mago fli, kē galibē aholokwaneme tole hana mētla. Na bu fli onehobē naba lime megali mētlekefēya, “Kristen oneho kē lowene mēgletlabē wesibi bu tēbo wesibi.” Kēme nēgēme, Polna, Kristen onehona, bu Israelbē afenēbonibē lotu lowa hana mētēkaklukefēya. Iniwa olē, Pol bu Tiranusbē okokwe lo mēta, Jisabē lale gali onehome anebo gali tlelēkefēme.

¹⁰ Na bu kē mēta melē kē tēglebē, tēle tlibutu. Kēme nēgēme, feilawa onehomu, Esia provins mēta kē tafa mētlabē, bu Jisabē lale gali aholokwane mētlekefēya. Fliye Israelbē afenēboni na fliye Israelbē afenēboni mētābēya jwa mēglabē enēne.

Skevabē bowenenino ahwaneme yafe hehē mētletla

¹¹ Goto, afutuku, Polme tlēle. Na Pol bu kē afutukuna, memelē klelegowa wesibi blēge blēge totome.

¹² Kēme nēgēme oneho bu lablab tētlē tabo glo mētla na Polbē ato mēta lēlesili mototoma. Na bu kē ēho, ato tēbona enēneme mutujuwelēma. Na kē tēbo atobē laslewa mētletēme. Na ahwane bubē ato mago lamētlēboukakuwa.

13 Israelbë afenëboni fli, bu hobë ato mago, ahwane heheëme asë metëbeléfaya. Fliye Tako Ho Jisabë wenijina ahwane onehobë ato mago hehë namëgletëmame fene. Bu megali lamëtlegefëya, “Pol bubë gali kè të lëtakefëtlebë, Jisabë wenijina gali nolëyo, sobo eyeu.”

14 Na Skevabë toballi ita tële bowenenino bu kè galina ahwaneme gali mëtlagukefëma. Skeva bu lotu lo mëta wege lëglebë eso ho.

15 Li olëna, Skevabë bowenenino, Jisabë wenijina ahwane yafe hehë mëtëkoutëma. Na ahwane li, bubë gali metafu latëtatëme, “Bo Jisame kwe lowene nanëletelë na Polme mata lowene nanëletelë kwe sobo fëye enënëne?”

16 Na ahwane kè tëbo togotlebë ho, kè home okli təkaketëme na tëtëkle tëta na unalëmemu tëbo totomë ëhona kaka kaka metotometëme. Këme nëgeme kè lo mago ëho flatabowa mëtëlbouja, winona nohwa feli mëtëllela.

17 Israelbë afenëboni iniwa na Israelbë afenëboni mëtabëya jwa mëglabë enëne iniwa, Efesus lifate mëta kè tafa mëtlabë, wesibi Skevabë bowenenime kè fata tēgletëmebë gali aholokwane mëtla. Na bu tako uli memëtla. Na iniwa bu Tako Ho Jisame melowene mëtletla, “Bubë weniji blawa hana fë nogotlame bu tako afutukuna weniji.”

18 Na lebutako tiho Kristen oneho mitisiya. Na bubë ëtanifu iniwa tëbo wesibime onehobë naba li mëta gëgali mëtëkakëja.

19 Na humëi kè lowene mëtlabë enëne, na memelë olo kè mëtlesëmabë oneho, bu tetëbo sakei gali bogo loko mëtëtagijaya. Na bu iniwa onehobë naba li mëta ahoju tako agoti mëtletelë na kè iniwa bogo ahojuwa sisike mëtla, temu namëgleme. Ho ebë bogo balitina glo lëglebëme tole lëglena kwe bubë baliti kënji 50,000 silva baliti.

20 Na këha melë kè mëtlabë, feilawa oneho bubë lowene mago lowenena melowene sle mëtletla, “Jisabë gali, iniyafe galimufe.” Na feilawa oneho bu Jisame këme lowene sle mëtlegefëtla.

Efesus enëne, Polme tako wamemu memotlola

21 Kè iniwa wesibi mefata wamëtla, na Gotobë Amtëtomba Polme lowene huju tëtatile na Pol bu melowene fa totle, “Bo Jerusalem lifatewa nuguwina, Masedonia provins na Akaia provins kukuwa nuguwime. Bo kè belë afina nuwime na mana Rom lifate elë mata nuwime.”

22 Na Pol, bume kè mëtaïtakeflobë home afina jine tlëme Masedonia provinswa. Bubë weniji Timoti na Erastus. Na bu afina motouto. Kwe Pol, buwe, Esia provins mëta mana tafa tëtëkake.

23 Na kè nalë, Efesus lifate mëta, fli oneho bu Kristen onehome, wame lamotloma. Na bu anisasana wame gali huju mëtletelëla.

24 Na ho li kè wame lowene tufiji totle. Bubë weniji Demitrius. Bu wesibi, silva anijina blëge blëge totokwefëme. Buna bubë wege hona, bu mëse goto lotu lobë amtëtomba wesibi, silva anijina, blëge blëge mototokwefëma. Na bu feilawa balitimu këna glo mëtlekefëya. Kè mëse gotobë weniji Artemis.

25 Na kwe, Demitrius, bubë wege honame, na tokwëtokwë fëso amtëtomba wesibi, silva anijina kè blëge blëge mototokwefëmabë honame, iniwa loko tëtamë. Na bu megali tlome, “O yabenino. Sebo melowene nëglame, ebë wege kè nëgebëye, sebo tako baliti këna fa nëtakëfëya na sebo lale tafa këme fa notla.

26 Sobo Polme wafi lowene eletelo, na sebo bubë gali wafi aholokwane tletla. Bu Efesus lifate mago onehome fwa nane gali lolome. Weye. Bu Esia provins mago onehome mata gali latlagume. Bu onehome anisasana

megali tlagukefëme, 'Kë fëso amtëtomba, tobana kë blëge blëge mogotomabë, bu gotomu nane na bu some hana lëgaitome.' Oneho kë gali aholokwane mëtla kë fëso amtëtomba tole hana mëletëma.

²⁷ Polbë gali kë nëgebë, bo tutune nanëletelëfe. Sebo amtëtomba kë blëge blëge nogotomabë wege, tëbo lëgetatëname. Na oneho seboë wege sisile mëtatëname. Na li wesibime mata, bo melowene nanelë, 'Oneho bu Polbë gali esogo mëglëlëana kwe bu seboë tako goto, Atemisbë lotu lowa ita hana migisiyame, bume lotu namëgletëyame. Na oneho bu Artemisme aholokwana ti mëglame na bume ita hana lotu mëgletëyame.' Sobo walowene elo, Esia provins mago oneho tēkeji na iniwa life mago oneho mata bume lotu mëlekefetëya."

²⁸ Oneho Demitriusbë gali aholokwane mëtla na tako enisusu memëtla na anisasana këkale mëtla, "Seboë, Efesus lifate mago goto, Artemis, bu takomu."

²⁹ Na kë gali Efesus life oneho belë fifiji tle na iniwa anisasana këkale mëtla. Na oneho mutuja na Masedonia provins mago tlemalë home, Polna kë asë mëtlabë home, fafa mutula. Na tlemalëme, oneho këme loko mëtlekëfëyabë lifekuwa, hokweinawa ki motokouja. Kë tlemalë hobë weniji melë, Gaius na Aristarkus.

³⁰ Na Pol, loko kë mëtlelëyabë onehome gali nalugujelëmeme fene kwe Kristen oneho bume lëkle memototla.

³¹ Na Esia provins mago gavmanbë wege ho fli, bu Polbë yabenino nëgeme, na bume këme lëkle gali, gali mëtelëkakla, "Yabe, ju oneho këme loko mëlelëkefëyabë lifeku elë asa eiju. Matëbe."

³² Na loko kë mëtlelëyabë onehobë lowene yaya mëtletëme na bu anisasana këkale mëtëbelëfaya. Fli hobëye, li lowene mëta këkale mëtëbelëfaya na fliye li lowene mëta këkale mëtëbelëfaya. Na feilawa oneho, bu loko kë mëtlelëyabë wayo gali lowene hana mëtletla.

³³ Israelbë afenëbo li bubë ku mëta tëtabetëme, bubë weniji Aleksander. Na Israelbë afenëboni fli, bume kë onehobë naba li mëta so mëtelëkakla. Fli oneho bume hwi motlola na meweniji mëtla, "Ebë ho kë nëgebë ebë kë wame nëglabë eso ho ekëwa." Kwe Aleksander toba momale totle, oneho bu kuju namëgebëyame. Bume megali naloglomeme fene, ebë wame kë nëgebë, Israelbë afenëbonibë wesibi nane.

³⁴ Kwe oneho bume hwi sle motlola na melowene mëtletla, "Israelbë afenëbonife." Këme nëgeme, iniwa oneho bu anisasana këkale mëtlekefëya, "Seboë, Efesus life mago goto, Artemis, bu takomu!" Na bu kë galina, tako olë, anisasana gëgali mëtlekefëya.

³⁵ Na kë life magobë gavmanbë yahi wege fa lëgëtatlebë ho onehome këkale tlome na bume megali tlome, "Sobo, Efesus life mago oneho, aholokwane elo. Iniwa life mago oneho, seme walowene mëletëna. Mëse fësobë, Artemisbë lotu lo, seboë lifate mëta lilibe, na sebo kë lotu lo ekë tafa nëlelëla. Na Artemisbë fëso amtëtomba, matafa mago kë tëtetibakebë, semëta ebamë na sebo tafa nëlelëya.

³⁶ Iniwa oneho kë galime melowene lamëtla, 'Ebë nëgali galimu.' Këme nëgeme, sobo kuju ebo, blawa asa enisusu eletemo.

³⁷ Sobo aholokwane elo. Kë tlemalë home sobo sebelë kë tēglesumobë, bu seboë lotu lo mago wesibi tokli hana mëtelo. Na bu seboë mëse gotome tēbo galiha, hana mëtlëyo.

³⁸ Demitriusna bubë wege enëna bu ho flime wame moglomana, kwe bu onehobë gali aholokwane loglomebë ho belë samëlesuma. Onehobë gali aholokwane moglomabë ho buwa sasle mëtatëyome.

³⁹ Na sobo fli galina nëgena, kwe sobo kë gali, ebë life mago oneho kë gëgali mëglekëfëyabë olëna sasle egotomome.

⁴⁰ Ebëha gëgali tëbo, teiyo elekëlo. Sobo hwi elo. Rom life mago gavmanbë eso enëne, bu ëje sebo kë nëglabë wesibi aholokwane mëglana, kwe bu seme onehobë gali aholokwane loglomebë ho belë mëglunaname na megali moloname, 'Kë enëne, bu tëbo lowene huju motokweflabë enëne.' Sebo ëje kë loko nëglelëyabëye na anisasana kë gëgali nëgëbelëfayabëye, kwe hobota fata nogotlabë mefwa gëgali nëla. Na gavmanbë eso enëne bu seme ëje kë nëglabë wesibime takune moglonana, kwe sebo habë tafu nëgëtatëmamene? Hanane."

⁴¹ Gavmanbë yahi wege fa lëgëtatlebë ho wagali tlome, na bu onehome jine tëbelëkakëme.

20

Pol bu Masedonia provins mëta na Grik provins mëta asë tëbelëfa

¹ Kë anisasana gëgali kaju mëtebëya, na Pol bu Kristen onehome mana gali telokwakeme, bu belë loko namokweiltame. Na bu loko motokweilta na bume mana lale gali tē tētātēme na bume ululu sle mëglabë gali mana tē tētātēme. Na bume kayo gali tlome na Masedonia provinswa mana tuju.

² Bu kë provins mëta asë tëbelëfa na Kristen onehome megali tlagume, "Sobo jisasme kë lowene egletelobë lowene asa elëkëlo, mana lowene sle saelekëfëtelu." Na bu Grik provinswa fwa tule.

³ Bu Grik provins mëta aona yeme tafa tle. Na bu sibu lo mëta fe nalëgleme fene, Siria provinswa luguju nalëgleme fene. Kwe bu megali aholokwane tēgleme nëgeme, Israelbë afenëboni bume kë sibu lo mëta, mogo nalë tēke moglolame. Na bu lowene këme hihijika tle. Na bu Masedonia provins elë kë tugujubë alëge elë këme tuju.

⁴ Fli ho bu Polna mutuja. Kë enënebë weniji melë, Pirusbë bowene Sopater, bu Beria lifate mago ho. Na Aristarkus na Sekundus, bu Tesalonaika lifate mago ho. Na Gaius, bu Derbe lifate mago ho. Na Timoti na Esia provins mago ho Tikikus na Trofimus.

⁵ Kë enëne motoutaya na bu seme* Troas life mëta hwi mëtletëna.

⁶ Sebo Filipai life mëta mana tafa tēgelobë na Israelbë afenëbonibë tako lotu olë mana yawe tletëme. Bu kë lotu olëna, sëse wesibi jwa bletë nage hi mëtlekëfëya. Na sebo mana sibu lowa fëfe telo na Filipai life kile totlo. Sebo sibu lo mëta nilina olë telo na tobali olëbëna Troas lifate mëta kë hwi mëtletë nabë ho belë fwa telo. Na sebo iniwa Troas lifate mëta tobali ita tēle olë kënijji tafa tla.

Pol bu Troas lifate mëta Yutikusme gli mago huju totle

⁷ Sande klabëna, sebona, fli Kristen onehona, jisasme lowene nëgletlabë hi wesibi hime loko tlelëya. Na Pol bu Gotobë gali mana tē tētātēme. Na bu Gotobë gali metë tētātēmebëë, klabë ku tētehulu metlelële. Bu kë olëna luguju mago nëgeme.

* **20:5** Feilawa lowene ho, melowene lamëta, "Pol Filipai lifewa fwa tle, na Lukme notlële na buna mutuja. Na Luk bu kë gali yahi tle na ebë gali melëgebe këme lële, 'Seme.'"

⁸ Kê matawa ke lo mëta feilawa lamo u mëtëkou. Na kë lo bu akolalo.

⁹ Na falake ho li, bubë weniji Yutikus, kë lo flelu ino mëta tafa tole. Na Polbë gali mana aholokwane tlagule. Pol bu gali metë togotlebëë, na Yutikus bu nilafale tle na këme ni tobe. Na kë mago lifewa latetigowa. Na bu kle mëtla na fa mototowetla na yafe hwi motlola kwe bu wagli tle.

¹⁰ Pol mata kle tle. Na kë falake hobë ato mëta matawa towetigote na hwë tlële. Na onehome lëkle totome, “Sobo tutune asa eteloto, bu mana hwi lëta.”

¹¹ Na bu ita lowa fëfe motokwaka. Na Jisame lowene mëgletlabë hi wesibi hi mëtla. Na Pol ita gëgali tëgletlëmebëë, olë fetina loko na mana hune totome.

¹² Na kë falake ho bu lalowa tafa tle. Na bume mëtlelula. Na bubë lowenebë lalowa tëtëtëme.

Pol Troas lifate kile totle na Miletus lifate elëme tuju

¹³ Na kwe sebo Polme kile totla na sebo sibu lowa fëfe tla na sebo afina Asos life elë toutaya. Na sebo Polme Asos life mëta hwi tletla. Pol bu life nagi tigusime nëgema na bu seme Asos life elëme afina këme jine tlëna.

¹⁴ Na Pol bu seme Asos life mëta esune tlëkakina. Na sebo sibu lowa tlelula. Na sibu lona Mitilini lifatewa iniwa tuja.

¹⁵ Na li olë Mitilini lifate kile totla na Kios afayoliwa fwa tula. Na kë mëta jowa olë tla na sebo Kios afayo kile totla na Samos lifate elë fwa tëkakija. Na kë mëta jowa olë tla na sibu lona Samos lifate kile totla na Efesus life sigliwa totla na Miletus lifate elë fwa tëkakija.

¹⁶ Pol ëbame melowene latle, “Esia provins mëta feilawa olë hana tafa lëgleme.” Këme nëgema bu Efesus life sigliwa këme mototla. Bu metole latle, Israelbë afenëbonibë tako lotu olë, Pentikos olë, Jerusalem lifate mëta, hwi nalogloleme. Na bu hokwehokweinawa këme tokou.

Pol, Kristen onehobë letitabo home, Efesus lifate mëta kë tafa mëglabë, kayo tlome

¹⁷ Sebo Miletus lifewa fwa tla na Pol, Kristen onehobë letitabo home, Efesus life mëta kë tafa mëglabë, gali tuku tëkakëtëme, bu belë migisitla namëglame.

¹⁸ Na bu belë mitisitla na iniwa loko mëtlelëya. Na Pol megali tlome:

“Bo ëtani Esia provins elë tisi na bo sobona tafa tula. Na bo sobona kë tafa tugulabë, bo wesibi bo melë kë totomëbë, sobo wafi lowene tletëna.

¹⁹ Sobo walowene tletëna. Bo ebë wege mëta kë tafa tugulëbë tako hobota mëta tafa tulë. Israelbë afenëboni bome tëbo mëtëtakefename nëgema. Na bo anisasana ye tlekefë. Kwe bo bome nane lowene telë, bo Jisabë wegewa fa tëtëakefëtëlë.

²⁰ Iniwa gali tëtëgëtatëyobëme bo some kikli hana tletëyo na li gali ha ëho hana tëtëtëyo. Iniwa gali bo some lëgaitobëme tëtëtotmetëyo. Oneho këme loko mëlëlekefëyabë lifeku mëta, na sobobë lo mëta, bo some okokwe tlokwefëyo. Këbëme sobo walowene eteloto.

²¹ Bo Israelbë afenëbonibëme na Israelbë afenëboni mëtabëya jwa mëglabë enëneme mata gali anisasana tëtëtakefëtëme. Bo bume megali tlomë, ‘Sobobë tëbo lowenebë aholokwana ti elome na lal lowenewa esogo elëlelome, na sobobë Tako Home, Jisame lowene sle etelolome.’

²² Na eli, bo Gotobë Amtëtombabë tolewa esogo nëgletlëtëlëme na bo Jerusalem lifatewa këme nuguwime. Iniwa tëbo wesibi, bome kë mëta fata mëgletenëbëme, bo lowene hana nelë.

23 Bo kwe ebëwa lowene nëletelëmu. Inywa tako lifate, bo kë asë nêgëbelëfëbë, Gotobë Amtëtomba bome megali latlonë, tako hobota na kalabusu lo mëta gwa mëgëtobë mana hwi lëkeketë.

24 Bo bobë ato uli hana nëlelë. Lalowa, bome melë matëtana. Bo metole nanelë, Tako Ho Jisas bome kë tëglënëbë wege, bo yawe sle noglolëme. Kë wege melë lëgëbelalële; bo iniwa onehome metë sle nanëgëtatëmë. Goto iniwa onehome maninibo tletëme. Na bu metole latle, iniwa oneho Jisasme lowene sle namëgletlame.

25 Ètani bo sobona kë tafa tëglabë, Goto bubë onehome, eso home, kë tafa lëgletëmebë gali, të têtatëyo. Èje kwe bo walowene nelë, ita kwe sobo bome hana hwi egloname.

26-27 Këme nêgëme bo some ekë gali sle nolëyo. Inywa olë bo sobona kë tafa tlekefëyabë, bo some Gotobë iniwa gali watë têtatëyo. Bo bubë gali tëme tëboijiwa hana telë. Këme nêgëme bo some gali nolëyo. So mago ho li tëbo liglitana, ebë bubë wesibiwa. Bobë wesibi nane.

28 Sobo some ululu sle saelo. Na Jisasme kë lowene mëgletlabë onehome tafa sle eelëmome. Gotobë Amtëtomba some kë wegeme wafi aniji tlëyo. Gotobë nëba Jisas, bu gli tletëme na bubë wino wafi tuju tle. Na bu këna kë onehome wataitame, bubë oneho tafa namëgletlame.

29 Sobo bume tafa sle eglelëmome. Bo melowene nanelë, 'Tokwafe bo some hune nêgelëna, sosogëna ho sobelë migisiyame. Na bu Jisasme kë lowene mëgletlabë onehobë lowene tëbo mëgëtatëmame.

30 Na tokwafe somago, fli oneho kë nêgebë, bu Gotome kë lowene mëgletlabë onehome sosogëna mëglagumame. Bubë tëbo lowenewa esogo namëglelëtëmame na bume mata esogo mëglelëmame.'

31 Këme nêgëme, sobo ululu sle këme eglekefome. Bo melë kë tëgelëbë wesibime, aholokwana asa ti elo. Aona tlibutu, bo sobona kë tafa tëglabë, kljijina, klabëna, some lale galime okokwe tlokwefëyo, some lëgaito nalëgleme. Bo some kë okokwe tëglëyobë, naba tuna okokwe tlëyo.

32 Eli bo some Gotobë toba elë, ekë gogwa nelë, some ululu sle nalëgëtagujome. Na bu metole nanelë, Goto some kë maninibo lëgletëyobë gali lowene naeglekefëtélome. Kë maninibo gali some lëgaitome, Gotome lowene sle naegletelobëme. Na tokwafe sobo lale tafa fa egotlome, Goto bubë iniwa onehome kë aniji toglotëmebë tafa.

33 Bo ètani sobobë wesibi hana mëmaune tlëmë. Bo ho libë balitihna o èhoha hana mëmaune tlëmetelë.

34 Sobo bome wafi hwi tlonä. Bo lo këna gigliji nëglabë selë susu totokwefëmë na baliti këna fa têtakëfë. Bo bobë tafa këna taitakeflë na bobë yabe, bona kë tafa tëglabë home, mata taitakëfëmë.

35 Inywa wege bo melë kë togotlëbë, some melëme olafa têtatëyo. Inywa wege sebo kë lowene nêgletlabë, anisasana wege nêglame, ato tëbonabë enëneme na wesibi jwa enëneme mata nanëgaitamame. Sebo, Tako Ho Jisashë gali, salowene sle nëlekefëtla. Bu megali latle, 'Li ho, li home, wesibi lëglëlena kwe bu tako fleflesu malële. Kwe li ho, wesibi li ho mago kë fa logotlebë kwe bu tokwëfo fleflesuwa lëgleme.'"

36 Pol kë gali wayawe tlole na bu Kristen onehobë lotu letitabo enënena, sëkefo miti tafa mëtëkouja na Gotome mana gëgali mëtletlëla.

37-38 Na bu kème tako maninibo memëtletla. Pol megali toglomeme nëgeme, “Bome ita hana hwi egloname.” Na bu Polme hohwé metlêla na ye mêtletlêla na sêsle sêsle mototla. Na bume sibu lowa sei mutujelêla.

21

Pol bu sibu lona, Jerusalem lifatewa tuju

1 Sebo, Kristen onehobê lotu letitabo enêneme hune tla. Na sibu lo mêtâ fêfe tla na Kos afayowa tuja. Na li olêna Kos afayo mago Rodes afayowa tuja. Na Rodes afayo mago Patara lifatewa fwa tula.

2 Na sebo sibu lo mago fêfe təkaka Patara lifate mêtâ. Na sebo Fonisia provinswa kē tugujubê sibu lo hwi tujuwelêla. Na sebo kē sibu lo mêtâ fêfe tula na kēna tuja.

3 Na kwe sebo Saiprus afayo, yemane toba elê hwi telokwakla na sebo sigli tokouja. Na sebo Siria provinswa fwa tula. Na kē sibu lo Tair lifatewa tuju, wesibi hune naluguleme.

4 Na sebo Tair lifate mêtâ sibu lo mago fêfe təkaka. Na Kristen onehome hwime tuja. Na sebo buna tafa tēglabê, tobali ita tēle olê tla. Kē nalê, Gotobê Amtêtomba, kē enêneme lowene tlême. Na bu kē lowenebême Polme gēgali mêtletlêla, “Ju Jerusalem lifatewa asa eiju, bu jume tēbo mēgêtome.”

5 Sibu lo Tair lifate kile nalēgleme kofene na Kristen oneho bubê onena, nēbalena seme nutu helefo mêtâ sei mêtletlêna. Na sebo kē mêtâ sēkefo miti tafa tla na Gotome mana gēgali tletlêla.

6 Na bu seme kayo motlona na sebo bume mata kayo tloma. Na sibu lowa mana fêfe tla na bu bubê lowa ita mutuja.

Gotobê lowene mago gali tē totokweflebê ho, Agabus, Sisaria lifate mêtâ Polme gali tlole

7 Na kwe sebo sibu lona, Tair lifate kile tla, na sebo Tolemes lifatewa fwa tula. Na sebo kē life mago, Kristen onehome, sêsle totoma. Na sebo buna jowa olêwa tafa tla.

8 Na li olêna sibu lo mêtâ fêfe tla na Tolemes lifate mago tuja. Na sebo Sisaria lifewa fwa tula na sibu lo mago fêfe tokwaka na Filipbê lowa tuja. Ebê ho kē nēgebê, bu Jisasbê lale gali tē têtakefêtêmebê ho. Na buna fli tobali ita jowa hona êbame Jerusalem lifate mêtâ meaniji lamotloma, Aposel enêneme mēgaitakefêma namēglame.

9 Kē ho bu ononeglê nēbale kēniji nilina. Na bu home yo hana tlome. Na kē nilina ononeglê Gotobê lowene mago gali tē mototokwefla.

10 Sebo Sisaria lifate mêtâ habenuju olêwa tafa tla. Na ho li Judia provins kile tle na Sisaria lifatewa tisi. Bubê weniji Agabus. Bu Gotobê lowene mago gali tē totokweflebê ho.

11 Bu sebelê tisi. Na Polbê alitaba fa têtamê na bubê tobana kijuna lalei totome. Na bu megali tle, “Gotobê Amtêtomba bome lowene watlênê. Kē lowene galibê melêgebe lalêle, ‘Israelbê afenêboni, Jerusalem lifate mêtâ kē tafa mēglabê, ebê alitababê bolijayabê toba na kijuna melalêi mogotometlame, bobê tobana kijuna fene lalei notomê. Na bume Israelbê afenêboni mêtâbêya jwa mēglabê enêneme yo molomame, bume tēbo namogotlame.”

12 Na kwe sebo Agabusbê gali aholokwane tlole. Na sebona, kē life mago enênena, Polme anisasana lēkle totla na gali tlole, “Ju Jerusalem lifatewa asa eiju. Matêbe.”

¹³ Kwe Pol sebobë gali metafu latëtatëna, “Sobo bome asa maninibo eletëna na bobë lowene këna asa sisile etatëna. Sobo aholokwane elo. Bo Tako Ho Jisasbë wege fa nogotlëna, na bu bome, Jerusalem lifate mëta, kalabusu mëgëtanana, na bu bome mogo nalë tëkle mëgëtanana, kwe lalowa bome melë matëtana. Bo kë wesibi uli hana nëletemë.”

¹⁴ Sebo Polme yafe gali tlola kwe sebobë gali aholokwane hana tlotëna. Kë wesibime nëgeme sebo bume feilawa gëgali hana tlelëla na bume megali tlola, “Wesibi, Tako Ho bu melë logotomebëme kwe bu melë malotome.”

Pol bu Jerusalem lifatewa fwa tule

¹⁵ Na tokwafe li olëna, sebo wesibi sle totoma, Jerusalem lifatewa nuguja nanëglame. Na sebo Jerusalem lifatewa tuja.

¹⁶ Na Kristen oneho fli, Sisaria life mago, sebona tuja. Sebona tuja na sebo Jerusalem lifatewa tuhu tula, na bu seme, Saiprus afayo mago hobë lowa sei mutujenëna. Na sebo kë lo mëta tëtebëya. Lo bolijayabë weniji Nason na bu ëtani anebomu Jisame lowene sle tletle.

¹⁷ Na Jerusalem lifate mago Kristen oneho bu seme yafe hwi motlona kwe bu tako fleflesu memëtletëna.

¹⁸ Li olë na sebo Polna, Jemsme hwime tuja. Na Kristen onehobë letitabo ho, sebona loko tlelëya.

¹⁹ Na Pol bume hohwë tokou na sësle tëtagume. Na iniwa wesibi Israelbë afenëboni mëtabëya jwa mëglabë enënebë li mëta kë totomebë Pol kë gali të tëtätëme.

Kristen onehobë lotu letitabo enëne, Polme megali motlola, “Ju Gotobë tako lotu lowa ejumo”

²⁰ Kristen onehobë lotu letitabo enëne, Polbë gali aholokwane motlola na bu Gotome tako fleflesu memëtletla. Na bu Polme megali motlola, “O afa, ju walowene sle ele, Israelbë afenëboni feilawamu, bu Jisame walowene sle mletla. Na kë enëne bu, Goto Mosesme kë tëglëlebë tafa sle gali esogo mëglelëlabëme lowene anisasana mana mehola aholokwana ti hana mla.

²¹ Kwe kë oneho bu sogëna gali meaholokwane lamëtla, ‘Pol, bu Israelbë afenëbonime, Israelbë afenëboni mëtabëya jwa mëglabë enënebë provins mëta kë tafa mokoujabë, megali latlagukefëme, “Sobo Goto Mosesme kë tëglëlebë tafa sle gali asa esogo elelëtelo.” Na bu mata megali latle, “Sobo sobobë iko nëbalebë ato jibo asa tëtlë etometemo. Na sobo Israelbë afenëbonibë lowene asa esogo elelëmetëmo.”

²² Sebo walowene nëla. Ju ebelë kë tigrisibë gali bu aholokwane mëglana bu jume wame mëglëyome. Sebo kë wesibi habelë nogotlamene?

²³ Ju, sebobë gali esogo eglelëtënanana, kwe lalowa. Semago ho nilimalë, Gotome Gotobë wenijina wakakëne mëtla wesibi melë mogotomabëme.

²⁴ Ju kë nilimalë home nëno elëme, na Gotobë tako lotu lowa elelëkakumeme. Na sobo iniwa, Gotobë naba li mëta lale tafa egelobë lowenebë, esogo elelëlome, Goto Mosesme kë tëglëlebë tafa sle gali fene lëbe. Na sipsip kleli, ju li ho mago, balitina glo eletëmeme. Na lotu lo mëta wege mëglabë home elëmeme, bu Gotome ahojume namëgletlame. Sipsip kleli ahojumbë yawe mololame na kë nilimalë ho bu bubë eslehuba mana le melëmame.* Ju melë eglana, feilawa oneho melowene namëgletëyome, ‘Kë

* **21:24** Israelbë afenëboni bu melë lamëtkefëya, Gotome kakëne gali kë moglolabë olë yawe sle moloma na bu eslehuba mana le melëma.

gali jume kë gali mëtletëyobë gali, ebë sogëna gali.’ Na bu jume melowene namëgletëyome, ‘Goto Mosesme kë tëglëlebë tafa sle gali esogo eglelëlebë ho.’

²⁵ Na Israelbë afenëboni mëtabëya jwa mëglabë enëneme, Jisame tokwafe kë lowene mëtletlabë, sebo pasëna megali tloima, ‘Sobo kë lowene esogo eglelëlona kwe lalowa. Sobo fësosome kë gogwa mëglabë hi wesibi asa hi elo. Na bu ko iniwa lugujutle slejwabë kleli asa hi elo. Na kolei mata asa hi elo. Na sobo lisei lowene asa elo.’”

²⁶ Li olëna, Pol kë nilimalë home nëno tle. Na buna iniwa, Gotobë naba lime lalowa tafa mëglabë lowene esogo mëglelëlame, Goto Mosesme kë tëglëlebë tafa sle gali fene lëbe. Na tokwafe bu Gotobë tako lotu lowa mëtëkakluja. Na Pol bu Gotobë tako lotu lo mëta wege mëglabë home megali tlome, “Tobali ita tële olë mugujuna, na sebo iniwa Gotobë naba li mëta lalowa tafa nëglame. Na sebo sipsip kleli bwa bwa mana nehweijame, Gotome ahøjume namëgletlame.”

Israelbë afenëboni, Polme Gotobë tako lotu lo mëta fa mototla

²⁷ Kë tobali ita tële olë yawe lëgleme kofene na Israelbë afenëboni, Esia provins mago, Polme hwi motlola, Gotobë tako lotu lo mëta tafa tle. Na bu onehobë wame lowene tufiji mëtëtatëma, na Polme mana fa mototla.

²⁸ Na bu anisasana këkale mëtla, “O Israelbë afenëboni, sobo seme aitaname esijo. Ebë ho kë nëgebë, bu li life li life mago onehobë naba lime, seme, Israelbë afenëbonime sisile latëtakefëna. Na bu iniwa onehome meokokwe latlagume, ‘Sobo Goto Mosesme kë tëglëlebë tafa sle gali asa esogo elelëlo.’ Na bu Gotobë tako lotu lo mata sisile tëtatëna. Bu kë wesibiwa nane tle. Weye. Bu Israelbë afenëboni mëtabëya jwa mëglabë enëneme, Gotobë tako lotu lowa tlelëkakume. Na këna, ebë lale lotu lo sisile totle na kë lo, Gotobë naba li mëta tëbowa tlibetle.”

²⁹ Ètani, Polna, Efesus life mago ho, Trofimusun, Jerusalem lifate mëta asë mëtelo. Na kë enëne mana hwi motloma. Na këme nëgema bu Polme mweniji lamëtletla, “Bu kë Israelbë afenëboni lëtabejwa lëglebë home, Gotobë lotu lowa wafi tlelëkakulewa.”

³⁰ Na feilawa oneho, Jerusalem lifate mago, kë gali aholokwane motokouja na bu hokweinawa loko motokweija. Na Polme fa mototla na Gotobë tako lotu lo mëglëbo elë ki motokouja. Na bu hokweinawa ino titiji mëtla.

Rom life mago wame home boblo mogotomabë enëne, Polme fa mototla

³¹ Bu Polme tëkle mototokweflabë, na Rom life mago wame home boblo mogotomabë enënebë eso ho li, meaholokwane tle, “Jerusalem lifate mago ho blalo momogli mëtagujaya.”

³² Na hokweinawa, bu wame home boblo mogotomabë enëneme, bubë eso enëname nëno tle na wame këme mëtlabë oneho belë tlelume. Polme kë tëkle mototlabë oneho, kë eso hona, wame home boblo mogotomabë enëname yafe hwi motloma, na Polme tëkle hana mototla.

³³ Na wame home boblo mogotomabë enënebë eso ho loliwa tisi na Polme fa totle. Na bu wame home boblo mogotomabë enëneme gali tlome, “Sobo kë home tële senë tabana lei etlome.” Na bu Israelbë afenëbonime takune tlome, “Ebë ho yalëne? Na bu fëye tëbo wesibi fa totlene?”

³⁴ Na feilawa oneho li li galina feilawa gëgali mëtla. Na bu feilawa se mototla na wame home boblo mogotomabë enënebë eso ho bu gali

aholokwane sle hana tlome. Kème nêgeme bu wame home boblo mogotomabê enêneme gali tlome, “Sobo Polme sebobê lowa elelulome.”

³⁵ Bu Polme mêtêlula na bubê lo mago mitigo mêta kofene mêtêbila. Na wame home boblo mogotomabê enêne, onehome mehwi lamotloma, Polme mogo nalê têkle moglotlamefe. Kème nêgeme, Polme têkle mogotlame, kê mago lafeijiwa mêtêla.

³⁶ Feilawa onehomu bume nagi esogo mêtêlaguma na anisasana megali mêtêlaguma, “Mogo nalê têke elolo, mogo nalê têke elolo.”

Pol, Jisame kê lowene lêgletlebê lowenebême, Israelbê afenêbonime, gali sle tlome

³⁷ Wame home boblo mogotomabê enêne, Polme bubê lowa mêtêlêkakulame kofene kwe Pol bu wame home boblo mogotomabê enênêbê eso home, Grik galina gali tlole, “Bo jume gali lime lalowa gali noglêmene?” Na bu klelego metletle na Polme gali tlole, “Ju Grikbê gali habêna lowene elene?”

³⁸ Bo jume mewenijiwa nanelê, ‘Ju Isip life mago howa. Êtani onehobê wame lowene kê tufiji têtatêmebê ho, gavman enêneme wame namoglomame. Na bu, 4,000 ho, kosina wame kê lowene sle mêtêglabê home, ho jwa tabo elê tlelume.”

³⁹ Na Pol bubê gali tafu têtatle, “Bo kê ho nane. Bo Israelbê afenêbo. Bo Tarsus lifate mago ho, Silisia provins mago. Bu lala na tako lifatemu lêbetenê. Bo jume tokwêfo takune noglême fene. Bo ebê onehome lalowa gali noglomêmene?”

⁴⁰ Wame home boblo mogotomabê enênêbê eso ho bume gali tlole, “Lalowa.” Na Pol bu mitigo mêta tlibe na toba momale têtatême, oneho gégali kuhu namêgebêyame. Bu iniwa kuhu mêtêbêya na Pol, bume, Hibru galina mana gégali tle.

22

¹ Na Pol bume megali tlome, “O ayani na afanino, sobo aholokwane elo. Bo some ekê gégali sle nêlelêyo. Bo li wesibiha fa hana totlê.”

² Oneho aholokwane motlolabê, Pol Hibru galina gégali tle na bu kujunamu kème mitlibaguja.

Na Pol bume megali tlome.

³ “Bo kê nêgebêye, Israelbê afenêbo. Beê bome Tarsus lifate mêta fu têtanê, Silisia provins mago lifate tokwêfo. Kwe bo ebê lifate mêta sigli telê. Na bo Gamaliel okokwe loglonêbême towê. Na bu bome sebobê semleninome, kê gwa têtatêmebê tafa sle galibême okokwe slemu tlonê. Na bo Gotobê tafa sle gali anisasana esogo slemu tlelêtelêmu, sobo tei elo.

⁴ Êbame bo Jisame kê lowene mêtêglabê onehome têbo latotokwefême. Bo bume mogo nalê têtêkle nêtagwibême tako tole latelê. Na kê onehome senê tabana lalei totokwefême na kalabusu lowa tlelukwefême.

⁵ Gotobê tako lotu lo mêta wege lêglebê tako eso ho na Israelbê afenêbonibê lotu eso enêne, bome lowene lamêletêna, bo ebê fene melê kê têtêglêbême. Na bu kê wesibibême some gali mêtêlyome. Na kê enêne bu pasê yahi mêtla na bome mêtêna. Bo sebobê ilawa mago enêneme, Damaskus lifate mêta kê tafa mêtêglabê kê pasê tehutemê. Ebê pasê bome kê mêtêlê nabê, bome megali sle lamotlona, Jisame kê lowene mêtêglabê onehome kalabusu nanotomême fene. Bo Damaskus lifewa tuguwibê, kê

pasëbë gali fene gali tla melë nanugulëme fene. Na bume Jerusalem lifatewa nëlesumëme na bu mana tëbo motomame.”

Pol kë nalë Jisasmë kë lowene tëgletlebë gali, të tētātēme

⁶ Ita, Pol bu megali tētēkake, “Bo tuguwibë, na kliji kuna bo Damaskus life nounou totlë. Na hokweinawa tako elulego, matafa mago, bome iniwa lahwegënëwa tētānë.

⁷ Na bo life mēta latitigwëwa. Na bo we lego mana aholokwane telë na megali tlonë, ‘Sol, Sol, ju bome fëyeme sisile etakefēnēne?’

⁸ Na bo metakune tlołë, ‘Tako ho, ju yalēne?’ Na kë we lego metafu tētātē, ‘Bo Nasaret life mago Jisas. Ju bome sisile latakefēnë.’

⁹ Bona kë tiglijabë enēne kë elulego hwi lamotlola. Kwe bome kë gali toglonëbë we lego aholokwane hana mēta.

¹⁰ Na bo megali tlołë, ‘Tako Ho, bo habelë nēgelēmene?’ Na Tako Ho bome megali tlonë, ‘Ju huju elēme na Damaskus lifatewa ejume. Na kë lifate mēta, iniwa wesibi ju egotomebēme, Goto jume kë tole lēgletlebë, ho li jume kë lifate mēta gali lugujuwelēme.’

¹¹ Kë elulego, tako elulego nēgeme na bobë naba këme kilego mētletenë. Kēme nēgeme, ho bona kë tugujabë bome toba fana Damaskus lifatewa mētlenuna.

¹² Ho li kë lifate mēta tafa tle. Bubë weniji Ananiaas. Bu Gotome fwa lotu lēgletlebë ho. Na bu Goto Mosesme kë tēglēlebë tafa sle gali esogo sle lēglēlētlebë ho. Na Israelbë afenēboni iniwa, Damaskus lifate mēta kë tafa mēglabë bu melowene lamētletla, ‘Lale ho.’

¹³ Kë ho bo belë tisi na bobë lime tlibetenë. Na bome megali tlonë, ‘Afa, Sol, jubë naba tika mēgletēme.’ Bu fene gali tlonë, na bobë naba tika mētletenë na bo bume hwi tlołë.

¹⁴ Na bu gali tlonë, ‘Sebobë semleninobë Goto, melēme tole lēletë, ju bubë tole lowene na egletleme. Bu jume melēme aniji tołë, ju Gotobë lale lowenewa kë esogo lēglēlētlebë home hwi naegloleme. Na ju bubë efałëbo mago gali aholokwane naegloleme.’

¹⁵ Na iniwa wesibi ju kë hwi toglolebë na gali ju kë aholokwane toglolebë onehome të naegētagutēmeme.

¹⁶ Na ju fëyeme hwi elene? Mana baptais fa etole. Ju Tako Home Jisasmë gali eloleme, jume lēgaita nalēgleme na jubë tëbo lowene sle nalogotometēme.”

Goto Polme jine tlële, Jisasbë gali Israelbë afenēboni mētabëya jwa mēglabë enēneme të nalētātēmeme

¹⁷⁻¹⁸ Pol ita megali tlome, “Bo Jerusalem lifatewa ita tigusina, na bo mana Gotobë tako lotu lowa tekakuli. Na bo Gotome mana gëgali tlelëkeflëbë na bo Tako Ho, Jisasmë, nimitelēnaha mana hwi tlołë. Bu bome megali latlonë, ‘Ju Jerusalem lifate mago hokweinawa eiju. Ju bobë gali kë lifate mēta të egotlena kwe bu hana aholokwane mēgletēyome.’

¹⁹ Na bo megali telë, ‘Tako Ho, bu kwe bome walowene mēletēna. Ètani bo iniwa lotu lowa kë asë tēgëbelëfëbë na jume kë lowene mēgletēyobë onehome iniwa tētëkle latētakēfë na kalabusu lowa sisike tlekefë.

²⁰ Na jubë gali të logtlebë ho Stivenme mogo nalë kë tēkle mototlabë, kwe bo këme tlibë na bo kë wesibi tako fleflesu latletelēmu. Na Stivenme anijina kë tēkle mototlabë, hobë heletanēno èho, bo hwi tlometemë.’

21 Kwe Tako Ho bome megali tlonë, ‘Ju eiju. Bo jume, Israelbë afenëboni mëtabëya jwa mëglabë enëne belëme jine nëgelëkakëme, kakë kë tafa mugulabë oneho belëme. Ju bume egaitame naegleme.’”

Pol wame home boblo mogotomabë enëneme megali tlome, “Bo Rom lifate mago ho”

22 Israelbë afenëboni, Polbë gali aholokwane motlola. Kwe Pol, Israelbë afenëboni mëtabëya jwa mëglabë enëneme lëgaitame nalëglebëme gali tlomena, kwe bume ita tako enisusumu memëtletla. Na bubë kë gali aholokwaneme tole hana mëtletlamu na bu anisasana gali mëtla, “Mogo nalë tëke elolo! Mogo nalë tëke elolo! Këha hobë, ebë life mëta asa tafa malële! Gli malële!”

23 Bu anisasana gali mëtëbebokwakabë, na bubë heletanëno ëho titika mëtla na sisike mëtebokwaka na life obona mesisike motokwaka. Bu këna melëbëme lëlekuju mëtla, bu Polbë gali tole hana mëtletlamu.

24 Këme nëgëme wame home boblo mogotomabë enënebë eso ho, bubë wege home gali tlome, “Sobo Polme, sebojë lowa elelëkakulome na bume taba afona lëlafa etlome. Na kë enëne wame kë moglolabë lowene wayobëme takune elolome. Bo melowene nanëgelëme, ‘Israelbë afenëboni, bume mogo nalë tëkeme fëyeme tole mëlane?’”

25 Këme nëgëme, bu Polme kijuna tobona lei mototometla. Na bume taba afona tëkle mogotlame kofene. Kwe Pol wame home boblo mogotomabë enënebë eso ho lime hwi tlole, lolime tlibetle. Na bume takune tlole, “Rom provins mago gavmanbë gali melë lëgëbetle lalële. Sobo Rom provins mago hobë tëbo lowene afina sahwi elotelo. Sobo Rom provins mago ho blawa lalowa tëkle egotlomene o hanane? Weye, hanane. Bowe, Rom provins mago ho, na sobo bome blawa fëyeme tëkle egëtanamene?”

26 Kë eso ho, kë gali aholokwane tle, na bubë tako eso home tuju tle na gali tujuwelële, “Ju habelë egotlemene? Kë ho bu Rom lifate mago ho!”

27 Na kë tako eso ho Pol belë tisi tle na takune tlole, “Ju bome gali enonë. Ebë nëgali o sogëna. Ju Rom life mago hone o hanane?” Na Pol gali tlole, “Nëgali.”

28 Na kë tako eso ho megali latlole, “Bo tako baliti Rom lifate magobë gavmanme watlële na bo mefata wanelë, Rom life mago ho.” Kwe Pol megali latle, “Bo kwe hanane. Ayana, beëna bu Rom life mago. Këme nëgëme, bo mata Rom life mago ho.”

29 Wame home boblo mogotomabë enëne, bu Polme tëkle namogotlame kofene, kwe Polbë gali meaholokwane motlolana, “Bo Rom life mago ho,” kwe bu uli memëtla na fo mëtëkaka. Na kwe tako eso ho bu mata tako uli metle. Bu wame home boblo mogotomabë enëneme megali toglomeme nëgëme, “Sobo Polme senë tabana lei etlomo.” Bubë lowene metëgëbetle latle, Rom life mago home blawa asa lalei etlo.

Pol Israelbë afenëbonibë lotu eso enëneme gali të tëtätëme

30 Wame home boblo mogotomabë enënebë eso ho, bu metole latle, melowene sle nalëgleme, “Israelbë afenëboni, Polbë fëye tëbo lowene hwi motlotlane?” Këme nëgëme, jowafe niwa tëbe na bu Polme këna lalei mototlabë senë taba titika totometle. Na bu lotu lo mëta wege mëglabë eso ho na Israelbë afenëbonibë lotu eso enëneme, gali telokwakëme, loko namokwëtlame. Na Polme kë enëne belë tlelule. Na bubë naba lime tlibetëme.

23

¹ Na kwe, Pol Israelbë afenëbonibë lotu eso enëneme wëya tlelëme na megali tlome, “O afani, bo Gotobë naba lime kë asë nëgelëbë, bo tëbo lowene mëta hana asë nelë. Bo melowene nanelë, ‘Bo wesibi liha hana totlë.’”

² Pol megali tle, na Gotobë tako lotu lo mëta wege lëglebë tako eso ho, Ananaias, Polbë lime kë mitlijabë enëneme gali tlome, “Sobo ëfalëbo elë bu elo.”

³ Na Pol këme gali tlole, “Goto jume mata tëke loglëme. Ju waholo lebotabo ti ha. Oneho jume matawa hwi moglëyobëye, lale klisomu, kwe lokwalëfe waholo lebotabo ti ha lëlubetë. Ju melowene lalene, ‘Ju Goto Mosesme kë tëglëlebë tafa sle gali esogo eglelëbë ho, na kë galina bobë tafa hwi sle loglotenëme.’ Na ju kë gali fëyeme boblo etlene, na bome ëfalëbo elëme bume fëyeme gali elomene?”

⁴ Na kë enëne Polbë lime këme tlijabë, Polme megali motlola, “Ju Gotobë tako lotu lo mëta wege lëglebë tako eso home fëyeme tëbo gali elolene?”

⁵ Na Pol këme gali tle, “O afani, masiwafe, bo melowene hana nëletelë, kë ho bu Gotobë tako lotu lo mëta wege lëglebë tako eso ho. Gotobë bogo megali eglame nëgeme, ‘Sobo, sobobë eso home, tëbo gali asa elolo.’”

⁶ Pol melowene latletëme, “Israelbë afenëbonibë lotu eso enëne, fliye bu Farisi enëne na fliye Sadyusi enëne.” Këme nëgeme, bu anisasana gali tlome, “Afanino, bo kë nëgebëye, Farisi ho. Na bobë afuna, ayana, bu mata Farisi ho. Bo melowene nanelë, gigli enëne bu matëmatë mago huhuju mëglame. Na kë wesibime fwa bome so namëtatëname.”

⁷ Pol kë galime gëgali tle, na Farisi enëne na Sadyusi enëne blalo wame mëtla na li li lowene mëta mëtëtabëya.

⁸ Ebë wame wayobë melëgëbetle lalële. Sadyusi enëne megali lamëtlekefëya, gigli enëne matëmatë mago hana huhuju mëglame. Na ensel na alibaho hanane tafa mële. Kwe Farisi enëne bu kë wesibi iniwa lowene sle mëtletëma.

⁹ Këme nëgeme, anisanamu gëgali mëtla. Na Farisi enëne fli, Gotobë galime kë okokwe moglomabë ho, bu hujuna mitlija na anisasana megali mëtla, “Sebo ebë hobë tëbo lowene hana hwi nolotla. Ensel li o alibaho li bume wagali mololenawa. Bu melë lëglëna, na sebo bume tëkle nogotlana kwe sebo Gotobë wege sisile nogotlame.”

¹⁰ Na wame home boblo mogotomabë enënebë eso ho bu mehwi tlome, anisasana wame gali feilawa hujumu mëtlelëla na bu uli metletëme. Bu melowene tle, “Farisi enëne na Sadyusi enëne Polbë ato memelë ki tei mletlafa, na bubë ato bule lëgletlemefe na bu gli lëleme.” Këme nëgeme bu wame home boblo mogotomabë enëneme gali tlome, “Sobo loko kë mëglëyabë enëne belë eyeume na Polme kë enënebë mago no ejuwelolome na elesulome na sebobë lowa elelëkakulome.”

¹¹ Bu melë kë mëglabë. Na klabë kuna Tako Ho Jisas, Polbë li mëta tlibetle. Na gali tlole, “Ju uli asa ele. Ju bobë gali, Jerusalem mëta fene të etle, Rom lifate mëta, melë, të egotleme.”

Israelbë afenëboni gali sle mototla, Polme mogo nalë tëkle namogotlame

¹² Na kwe li lolabalëna, Israelbë afenëboni fli mana loko mëtlelëya. Na gali sle mototla, Polme mogo nalë tëkle namogololame. Bu Gotobë wenijina kakëne mëtla, “Sebo Polme mogo nalë satëkle notla. Sebo mogo nalë tëkle jwa nogotlana kwe sebo hi wesibina tuna hana hi nëglame.”

13 Polme mogo nalë tëkle gali kē kakēne mētēglabē hobē tabei kēniji niliafewe (40) sogē sigliwa.

14 Kē ho, bu lotu lo mēta wege mēglabē eso ho belē na Israelbē afenēbonibē letitabo enēne belē mutujutēma na megali motloma, “Sebo Gotobē wenijina gali mekakēne selē wanēla, ‘Sebo Polme mogo nalē satēke noglolame. Sebo tēkle jwa nogotlana kwe sebo hi wesibina tuna hana hi nēglame.’

15 Kēme nēgeme, sobona, Israelbē afenēbonibē lotu eso enēnena, wame home boblo mogotomabē enēnebē eso home sagali elolo. Na bume mesogēna elolome, ‘Sebo metole nanēla, ju Polme sebelē sei elēfatēna, sebo bume fli wesibime takune nanoglolame. Sebo melowene sle nanēgletlame, “Bu fēye wesibi totlene?”’ Sobo melē egelona, kwe sebo alēgēme ekē tafa nēla. Na bu Polme sobelē sei mēglēlana, kwe sebo bume alēgēme mogo nalē tēke noglolame.”

16 Kwe Polbē blola, kē gali aholokwane tle. Kēme nēgeme tuju na wame home boblo mogotomabē enēnebē lowa tēkaklu. Na bolumama Polme gali tlole.

17 Na Pol, wame home boblo mogotomabē enēnebē eso ho lime, bu belē naligistleme gali telokwakle. Na bu tisi tle na Pol megali tlole, “Ebē falake home jubē tako eso ho belē sei ejuwelēle. Bume li galime gali nalogloleme.”

18 Kēme nēgeme, kē eso ho, kē falake home, bubē tako eso ho belē tlelule na megali tle, “Kalabusu mēta kē tafa lēglebē Pol, bome megali lalolonē, ‘Ebē falake home jubē tako eso ho belē sei ejuwelēle. Bume gali lime gali nalogloleme.”’

19 Na kēme, kē tako eso ho kē falake home tobame fa totle na mēglēbo elē tlelule. Na tlemalē buwa mutujuwelibo na mana takune tlole, “Ju bome fēye galibēme gali eglonēmene?”

20 Na kē falake ho megali tlole, “Israelbē afenēboni bu gali wafi sle motla, uniji jume takune nameglēyome, Polme, Israelbē afenēbonibē lotu eso enēne belē mēglelutēma namēglame. Bu jume sogēna mēglēyome na megali tlole, bu Polme fli wesibime takune namoglolame na melowene sle namēgletlame, ‘Bu fēye wesibi tlene?’

21 Kwe ju bubē gali asa aholokwane elome. Bu mago fli ho, bu kēniji niliafewe sogē sigliwa, bu Gotobē wenijina gali mekakēne wamla, ‘Sebo Polme mogo nalē satēkle notla. Sebo tēkle jwa nogotlana kwe sebo hi wesibina tuna hana hi nēglame.’ Bu jume mana kē hwi meletēyo, bume megali naeglomeme, Pol bu belē maluju.”

22 Na kwe, kē tako eso ho, kē falake home gali tlole, “Ju bome galime kē egisitenēbē, li home kē galibēme asa gali elole.” Na bu kē falake home jine telēkakle.

Bu Polme, tako eso ho Feliks belē jine metlēla

23 Na kwe wame home boblo mogotomabē enēnebē tako eso ho bubē tokwētōkwē eso home tlemalēme gali telēkakēme. Na bu belē mitisijo na bume gali tlome, “Sobo wame home boblo mogotomabē enēneme 200 kēniji, loko etome. Na hos klelina kē asē mēglabē home 70 kēniji loko etome. Na sēfana kē wame mēglabē enēneme 200 kēniji loko etome. Sobo Sisaria lifewa egēyeume sagli elēlome na klabēmuwa eyeume.

24 Sobo Polme hos kleli fli aniji elotelome, bu kēna luguju nalēgleme. Na sobo bume eso ho Feliks belē sei sle ejuwelēlome.”

25 Na wame home boblo mogotomabē enēnebē tako eso ho, pasē yahi tle na bu megali latle,

²⁶ “Lale olobalë eso ho Feliks, ju sebobë tako eso ho mu. Bobë weniji Klodius Lisias. Na bo ebë pasë jume ekë yahi nëletë. Na ebë pasë Polme megali latlatle.

²⁷ Israelbë afenëboni, ebë home fa mototla na mogo nalë tëkle namogotlame fene. Kwe bo gali meaholokwane telë, ‘Bu Rom provins mago ho.’ Këme nëgeme, bona, bobë wame home boblo mogotomabë enëne bume kë wame motlolabë enënebë mago no tlëla.

²⁸ Bume kë so mëtatlabë gali wayobëme bo lowene sle nanëgletelëme. Këme nëgeme, bo Israelbë afenëbonibë lotu eso enëne belë këme tlelulë.

²⁹ Bo bume kë tēbo wesibime takune tlomë. Na bubë onehobë tafa sle galime fwa anebo gali mëtlelëna. Na bu kë tafa sle galime fwa so mëtëtatla. Kwe bo bubë fëye wesibiha hwi hana tlotelë. Na sebo bume mogo nalë manawa hana tëkle nogotlame o manawa hana kalabusu nogotlame. Matëbe.

³⁰ Na ëje bo ebë gali meaholokwane nanolomë, bu bume mogo nalë tëkle mogotlabë gali wa sle mëtatla. Na këme nëgeme bo ju belë hokweinawa këme jine nelëbaklë. Na bume kë so mëtatlabë enëneme gali nolomëme, bu jubë naba li mëta gëgali sle namëglame. Bobë gali tei.”

³¹ Na kwe, wame home boblo mogotomabë enëne, bubë eso hobë gali esogo mëtlelëtlä na bu kë klabëna Polme Antipatris lifatewa sei mutujuwelëla.

³² Jowa klabë tle na wame home boblo mogotomabë enëne, hos klelina kë asë mëtlekefëyabë, Polme Sisaria lifatewa sei mutujuwelëla. Na wame home boblo mogotomabë enëne fliye, Jerusalem lifatewa ita mutuja na bubë lowa fëfe motokwaka.

³³ Bu Sisaria lifatewa fwa mutula na eso ho Feliksme pasë mëtlëla. Na Polme mata mëtlesula na bubë naba li mëta tlibetle.

³⁴ Bu kë pasë hwi tlagwi na Polme këme metakune tlole, “Ju fëye provins mago hone?” Na Pol gali metafu tëtatle, “Bo Silisia provins mago ho.”

³⁵ Na kwe eso ho këme megali tlole, “Jume tēbo loweneme so mëtatëyobë enëne migisiyana kwe bo jubë gali aholokwane nolotëme.” Na bu këme wame home boblo mogotomabë enëneme megali tlole, “Sobo Polme, ëtanifu eso ho, Herotbë lowa elelëkakulome na sobo mana hwi sle elokweflome, lëglëboukakulime.”

24

Israelbë afenëbonibë letitabo enëne, Polme so mëtëtatla

¹ Na bu tobali olë wamutuju na Gotobë tako lotu lo mëta wege lëglebë tako eso ho, Ananiais, Sisaria lifewa mana tuju. Na Israelbë afenëbonibë letitabo enëne fli, na oneho tafa sle mëglabë gali, lowene sle lëgletlebë ho li, buna mutuja. Bubë weniji Tertulus. Na bu Polme so kë mëtëtatlabë galibëme, eso home gali motlola.

² Na kwe, eso ho Polme gali telokwakle, ligisi tle nalëgleme. Na bu tisi tle na Tertulus, Pol kë tafa tēglebë galime mana gëgali tle. Na bu megali latle, “Eso ho Feliks, ju seme lale tafame laitakefëna. Ètani kë tafa tēglaginabë na mana ekëne fe lëkaki wame hana tokweija ebelë mana ekë fe lëkaki. Ètani feilawa wesibi kë tēbo mëtletë nabë, jubë lale lowenena sle tëttagimetëna. Ju seme feilawa wesibime taitagina.

³ Sebo kë wesibi hwi tlagima na sebo maninibona sle tla. Na sebo jume tako fleflesu latokweitëyo na megali tokweija, ‘Yahala fëyemene.’

⁴ Kwe bo jume gëgalina kiki hana nëgëtème. Ju seme maninibo naegletëname fwa takune nolë na ju sebobë tokwëfo gali aholokwaneme aholo bo naegëtatëname.”

⁵ Na bu Polbë galime megali tletle, “Sebo ebë home mehwi nanolola, bu memelë tëbo lowene mëta tafa lëglebë ho. Bu iniwa lifate mëta, Israelbë afenëbonibë wame lowene tufiji tëttagutème. Na bu Nasaret lifate mago Jisabšë lowene esogo mëglelëtlabë onehobë eso ho. Kë enëne bu lale enëne nane.

⁶⁻⁸ Bu melëbëme fene su tle. Gotobë tako lotu lo, tetëbo lowenena tëbo nalogotleme fene na kë lo, Gotobë naba lime tëbowa lilibetleme. Kwe sebo bume mana kë fa totla. Këme nëgëme, bu kë tafa lëglebë galime, sebo kë gali nëglëyobë, ju sa takune elole. Ju bubë ëfalëbo mago gali lowene sle naegletleme.”*

⁹ Israelbë afenëboni bu këbë loweneme, Tertulusme mëtaitala na bu këme megali mëtla, “Ebë gali kë nëgebë, nëgali galimu.”

Pol, Feliksë naba lime, Tertulusbë gali tafu tëtatlë

¹⁰ Na kwe, eso ho Feliks, Polme esuwalëwa tlole, gëgali nalëgleme. Na Pol këme megali tle, “Bo jume walowene sle nëletë. Ju ebë life mago onehobë gali aholokwane eglomebëme, ëtani anebomu tëtabetème na mana ekëne etabe. Këme nëgëme bo jume fleflesu këme nëletë, ju bobë gali aholokwane sle eglonëme.

¹¹ Ju tëtakune ekouna, kwe ju mehwi sle eglomele, we ita tële olë wamutuju, bo Jerusalem lifatewa lotume këtuguwibë.

¹² Na Israelbë afenëboni bome mehwi hana motlona, bo ho lina Gotobë tako lotu lo mëta wame gali nëlelëgome. Weye. Bo Israelbë afenëbonibë iniwa lotu lo mëta o iniwa lifeku mëta, fli hobë wame lowene tufiji hana tëtatemë. Weye.

¹³ Ebë gali bu bome kë so mëtatë nabë, nëgali gali nane. Weye. Bome kë so mëtatë nabë gali eso olafa sle hana mëtatëyo.

¹⁴ Kwe bo some megali sle nëlëyo. Bo kwe ëtani sebobë semleni kë lotu mëtletlabë Gotome fwa mana lotu nëletelë na bo Tako Ho Jisabšë lakale mata esogo nëlelëtelë. Israelbë afenëboni mefë lamototla, ‘Tako Ho, Jisame esogo mëglelëlabë, tëbo lakale.’ Kwe bo melowene nanelë, Goto Mosesme kë tëglëlebë tafa sle gali iniwa bu nëgali gali mu. Na iniwa gali, Gotobë lowene mago gali të mototokweflabë ho kë yahi mëtëglabë, kë mata nëgali gali mu.

¹⁵ Na bo Gotome melowene nanëletelë. Tokwafe li olëna iniwa gigli enëneme matëmatë mago huhuju logotomeme. Lale lowenena gigli mëtlabë enëne na tëbo lowenena gigli mëtlabë enëne bume iniwa huhuju logotomeme. Bona, ebë enëne kë tafa mëglabë, jowa lowenewa nehola.

¹⁶ Këme nëgëme bo kë nëgehölëbë gali esogo sle nëglelëlbëme feilawa afutuku këme nelë. Na bo Gotobë naba lime na onehobë naba lime tafa sle nanëgletemëme.

* **24:6-8** Fli lowene ho bu melowene lamëtla, li gali mana lëbe kë gali mëta. Kë gali melë lëgëbelalële, “Na sebo bume sebobë, lotu eso enënebë naba li elë yafe tletula, bu kë tafa lëglebë galime gëgali nanëglelëmame fene, kwe eso ho Lisiasna, bubë wame home boblo mogotomabë enënena mana kë mitisiya, na seme enisusuna hehë mëtletëna na sebobë toba mago bume mana ki mëtëkaka. Na Lisias këme gali tle, ‘Fli oneho ebë home, onehobë gali aholokwane moglomabë enëne belëme mëglelulame tole mëglana ta jubë naba li elë samëglesulame na bu kë tafa lëglebë galibëme sa gëgali mëglelëyome.’”

17 Bo Jerusalem lifate kile totlë. Na bo li life mëta kë tafa tugulëbë, feilawa tlibutu tafa tulë. Na tokwafe, bo Jerusalem lifatewa ita tisi. Na baliti jwa kë tafa mëtlabë yabe enëneme, nêgaitamëbëme baliti tehweitemë. Na bo sipsip kleli Gotome ahojume nanêgletelëmeha tisi.

18 Bo Gotobë tako lotu lowa nuguwime tole latelë, këme nêgeme, bo Gotobë naba lime lala tafa nêgelëbë lowene afina sle totlë na bo mana tako lotu lowa tækakuli. Na oneho bome Gotobë tako lotu lo mëta hwi motlonabë, bo Gotobë naba lime lalowa têtäbë. Bo feilawa enënena hana tafa tla. Na sebo fëyeha hana totoma. Na fli enënaha hana flikale motlona.

19 Kwe Esia provins mago Israelbë afenëboni mitisiya na bome blawa wame motlona. Bome kë so mëtëtatë nabë enëne jubë naba lime bo kë tëbo togotlëbë wesibime bu gëgali mëkakijame. Kë enëne bu migisiya jwa fëyeme mëlane kë galime gëgali namëglame?

20 Bo melowene nanelë, bu gëgali hanane. Kwe ebë iniwa enëne, bo Israelbë afenëbonibë lotu eso enënebë naba lime kë tiglibëbë, bu bobë tëbo wesibi o tëbo lowene wafi hwi motlotë nabë kwe bo metole nanëletemë bu jume kë tëbo lowenebëme sagëgali mëglelëyome. Bu jume lalowa gëgali mëglelëyomene o hanane.

21 Kwe bo melowene nanelë, bo tokwëfo wesibi kë tēgelëbë, këme fwa wame molona. Kë wesibi melë, bo bubë gali aholokwane moglomabë hobë lime kë tiglibëbë, bo megali latelë, 'Bo Gotome melowene sle nanëletelë, lebo enëneme, matëmatë mago huhuju logotomeme.' Kë wesibime fwamu bome sobobë naba li elëme këme mëlesuna."

22 Feliks, Tako Ho Jisasbë lakale kë esogo mëglelëlabë onehobë lowene walowene sle tletëme. Pol gëgali tēglebë yawe tole na Feliks mana megali tlome, "Sobobë gali eme fwa tou lēgletëyome. Tokwafe wame home boblo mogotomabë enënebë eso ho, Lisias, ebelë ligisina, kwe bo sobobë gali sasle nēgatëyome."

23 Na bu wame home boblo mogotomabë enënebë eso ho li, megali tole, "Ju Polme sahwi elokwefle jubë lokwalëfe mëta fwa tafa lëleme. Kwe bume naba feilawa asa ahwatle. Weye. Bubë yabeni bume wesibina mëgaitalabëme asa lëkle etome kwe bu matisitla."

Eso ho Feliks, Polme kalabusu lowa tuku tēglebë, tēle tlibutu tafa tle

24 Fli olë wamutuju. Na Feliks, bubë no Drusilana mitisiyo. Drusila kë nêgebëye, Israelbë afenëboni mago mëse. Na Feliks, Polme gali telokwakle, bu belëme ligisi tle nalëgleme. Na Pol tisi tle na buna gëgali mëtelo. Na bu Polbë gali aholokwane tlagule. Na Pol, Jisas Klaisme lowene slebë lowenebëme mana okowe sle tole.

25 Na Pol, oneho lala lowene esogo mëglelëlabëme gëgali tle. Na oneho bubë asë ululu sle mogotlabëme gëgali tle. Na tokwafe Gotobë naba li meta onehome gali aholokwane loglomebë na onehome fu fu logotomebë olë mata gëgali tle. Feliks kë gali yafe aholokwane tole na bu tako tutune metle na megali tle, "Ju ejumo. Tokwafe bo tole nêgelëna mana sagali nêgelëkakëme, bo belë ita egisi naegleme."

26 Feliks Polme metole fene latletle, Pol bume baliti lëlële nawa, na bu bume kalabusu lo mago jine lelëkakleme. Këme nêgeme, itaita këme gali telokwakëkefle, bu belë gëgalime ligisikefëtle nalëgleme.

27 Bu melë kë tēglebë tēle tlibutu latle na mana Porsius Festus, Feliksme hihijika tle na eso home tafa tle. Kwe Feliks bu metole latle, Israelbë

afenëboni bume fleflesu namëgletlame. Këme nëgeme Polme kalabusu lo mëta fwa këme kile tle.

25

Eso ho Festus, Polbë gali aholokwane tlole

¹ Festus, Sisaria lifatewa tisi na Judia provins mago enëneme eso home têtabetëme. Na bu kë mëta aowafe ni tëbe. Na bu Sisaria lifate kile tle na Jerusalem lifatewa tuju.

² Na Israelbë afenëbonibë lotu lo mëta wege mëglabë eso ho na bubë letitabo enëne, Festus belë mutujutla. Na Pol tëbo lowene mëta kë tafa tëglebë gëgalibëme gëgali mëtlelëla. Na bume këme anisasana megali motlola,

³ “Ju seme lalowa aitanamene? Sebo metole nanëla. Ju Polme Jerusalem lifatewa jine elëbakleme.” Bu kë galina këme gali motlola, fli home alëgeme ëhome gali motlomame nëgeme, na Polme mogo nalë tëkle namogotlame.

⁴ Na Festus bubë gali metafu têtatëme, “Pol, Sisaria lifate mago kalabusu lo mëta mana tafa lëleo. Bo sogë tafawa nanelë, na bo Sisaria lifewa nuguwi nanëgelëme.

⁵ Këme nëgeme, sobobë eso enëneme jine elëmo, bona nuguja nanëglame. Na kë ho, tëbo lowenena tafa lëglena, kwe lalowa bu bobë naba lime bubë tëbo lowene lalowa gëgali mëgletlame.”

⁶ Festus Jerusalem lifate mëta tobali ita aona olë o welujuwa olë tafa tle, na bu Sisaria lifatewa ita tuju. Jowa klabëwa ni tëbe na kë olobalëna hobë gali këme aholokwane mëglekefëtëmbabë lo mëta tafa tle. Na Festus, Polme mëglesutla namëglame gali tlome.

⁷ Bu Polme sei mëtelëfatla. Na Israelbë afenëboni, Jerusalem lifate mago kë mitisiyabë bume loko mëtlelëtla na bume gali blawa soso mëtëtatla. Na Pol bu tetëbo lowenebë mëta kë tafa tëglebëme gëgali mëtlela. Kwe Festus bubë galime melowene hana tletëme, “Bubë gali nëgali galimu.” Bu meolafa hana mëtëtatla, bubë gali nëgali gali.

⁸ Bu gali blawa wafi soso mëtëtatla na Pol bubë gali mana metafu têtatëme, “Bo fëye wesibiha hana totlë. Bo Israelbë afenëbonibë tafa sle gali boblo hana têtatemë. Na bo Gotobë tako lotu lo, tëbo lowenena tëbo hana têtatemë. Na bo Rom lifate mago gavmanbë eso home tëbo hana totlë.”

⁹ Kwe Festus melëme tole tle, Israelbë afenëboni bume fleflesu namëgletlame. Këme nëgeme, Polme këme takune tlole, “Ju metole lalene? Jerusalem lifatewa ejume na bo kë mëta bubë gali aholokwane nolomëme.”

¹⁰ Kwe Pol megali tle, “Hanane mu. Bo kë mëta kë tafa nëgelëbë lo, bu Rom lifate mago eso ho, Sisarbë lo, onehobë gali këme aholokwane mëglekefëyabë lo. Bome blawa kë so mëtätë nabë gali, eme fwa aholokwane eglomeme. Ju bome walowene eletenë, bo Israelbë afenëbonime fëye wesibiha hana totometemë.

¹¹ Bo li wesibiha tëbo nogotlëbë, kwe lalowa bo gli manelë. Bu bome li fëye tëbo wesibiha hwi moglotënanana, na megali moloname, ‘Ju ebë tëbo wesibi mëta gli egleme,’ kwe lalowa bo kë mëta gli manelë. Kwe bome kë so mëtätë nabë gali, sogëna nëgebë, ho bubë toba elë hana gwa mëgëtaname. Bo metole nanelë, Rom lifate magobë tako eso ho, Sisar, bome blawa kë so mëtätë nabë gali, buwa saaholokwane lëgleme.”

¹² Na kwe Festus, bume lalë lowene kë mëglëkeflabë enënena blalo gëgali mëtla na Polme megali tlole, “Ju megali waele, ‘Eso ho Sisar, jume blawa kë

so mēgētātēyobē gali bu saaholokwane lēgletēme,' kwe ju eso ho Sisar belē egujume."

Festus, eso ho Agripame, Polbē galime gēgali tlelē

¹³ Habenuju afe niwa tēbe. Na eso ho Agripana, bomulu Bernaisina, Sisaria lifatewa mitisijo, Festusme hwi namoglolome.

¹⁴ Na kē tlemalē tako tafaha mētelo. Na Festus eso ho Agripame Polbē galime mana megēgali tlelē, "Ēbame, Feliks li home kalabusu lowa kē tuku tēglebē, bu kalabusu lo mēta mana tafa lēle. Bubē weniji Pol.

¹⁵ Bo Jerusalem lifate mēta tafa tēgelēna, Israelbē afenēbonibē letitabo enēne na lotu lo mēta wege mēglabē eso ho, gali bume so mētētatlā. Bu metole lamētla, bo megali nanoglomēme fene, 'Bu wafi tēbo tlitawa, na wame home boblo mogotomabē enēne, bume mogo nalē tēke namoglolame.'

¹⁶ Kwe bo bubē gali metafu latētatemē, 'Sebo Rom provins mago enēne, sebobē lowene melē lēgēbelalēle, bume kē so mētētablē enēnebē toba elē blawa hana gwa nēgētātēmame. Fli ho bu li home so mētātlanā, kwe bubē gali tafu mēgētātlabēme aholo bo sle samētāgutla. Bubē so gali afina tafu lētātēmeme na tokwafe onehobē gali aholokwane lēgletēmēbē ho, bubē gali hwi sle lolotēmeme.'

¹⁷ Kēme nēgēme kē enēne ebē lifatewa, bona tisiya. Na bo haha tafu hana totlē. Bo jowa klabēwa ni tebē na bo hobē gali kēme aholokwane mēglekefēyabē lowa mana tuwi. Na bo wame boblo enēneme gali tlomē, 'Kē home elesulo.'

¹⁸ Na bobē naba lime, bume kē so mētētablē enēne, bu mitlija na mana gēgali motokouja. Bo melowene latelē, 'Bu tēbo wesibi kē togotlebēme gēgali mēgletlamewa. Kwe bu kēbēme hana gēgali mēta. Weye.'

¹⁹ Buna, bubē lotu lowenebēme anisasana momata mētlelogwaya. Na bu li ho kē gli tēglebēme anisasana momata mētlelogwaya. Kē hobē weniji Jisas. Kwe Pol kēme megali tle, kē ho kē gli tēglebē mana hwi lēta.

²⁰ Bo ebē gali sle nogotlēbēme lowene hohwi nanētātēlēmū. Kwe bobē lowene yaya lalēletenē. Kēme nēgēme, bo Polme metakune tlolē, 'Ju metole lalene? Jerusalem lifatewa ejume na bo kē mēta jubē gali aholokwane nolēme.'

²¹ Kwe Pol megali tle, 'Bo kwe kalabusu lo mēta tafa manelē. Tokwafe, Rom lifate magobē tako eso ho, Sisar, bome blawa kē so mēgētātēnabē gali saaholokwane lēgletenēme.' Kēme nēgēme bo megali telē, 'Bu kalabusu lo mēta tafa lēgletēfēbē, na bo mana Rom lifate mago eso ho belē jine nelēkāklēme:'"

²² Eso ho Agripa kē gali aholokwane tle na Festusme megali tlole, "Bo ebē hobē gali aholokwaneme tole nanēletelē." Na Festus kēme gali tlole, "Uniji saaholokwane egloleme."

²³ Na li olēna, Agripana Bernaisina bu lalē negli wesibina negli mototlo na bu mana mitisijo. Na kē tlemalē, wame home boblo mogotomabē enēnebē eso hona, Sisaria lifate mago letitabo hona, oneho kēme loko mētēlēkefēyabē lowa iniwa mētēkakluja. Na Festus bu wame home boblo mogotomabē enēneme jine telēkakēme, Polme bu belē mēglesula namēglame. Na bu Polme bu belē mētlesula.

²⁴ Na Festus kēme megali tle, "Eso ho Agripa, na sobo iniwa oneho, sebona kē tafa nēglabē, sobo ebē home hwi elolo. Israelbē afenēboni iniwa, Jerusalem lifate mago na ebē lifate mago, ebē home gali so mētētatlā. Bu

bome anisasana megali lamotlona, 'Mogo nalë tëkle etole mana tafa lëglelime.'

²⁵ Kwe bo ebë hobë, li fëye wesibiha, hwi hana nolotelë. Na bo megali hana nëgelëme, 'Gli malële.' Bu metole lalële, eso ho Sisar bume blawa kë so mëtätlabë gali buwa saaholokwane loglomeme. Këme nëgeme bo gali wasle totlë, Polme eso ho Sisar belë jine nëgelëkaklëbëme.

²⁶ Bo eso home Sisarme ebë hobë tëbo lowenebëme pasë yahi nëkakatelëme fene. Kwe bo bubë li wesibiha hwi hana tlotelë, bo so kë mëtätatlabë gali wayo lowene hana nëletelë. Na bo pasë mëta sebobë eso home fëye so gali wayobë yahi nëgletelëmene? Këme nëgeme, eso ho Agripa, bo ebë home jubë naba li elë këme nëlesutë, na fli enënebë naba li elë mata këme nëlesulë, bubë gali aholokwane sle naeglolome. Bo kë so galibë wayo lowene sle nëletelëme na bo pasë mana yahi nëkakatelëme.

²⁷ Bo kalabusu lo mago ho li, eso ho belë jine nëglëlëna, na bubë so galibë wayo hana yahi nëgletelëna, kwe bo melowene nanelë, 'Këha lalë lowene nane.'"

26

Pol eso home Agripame gali tlole

¹ Na Agripa Polme gali tlole, "Jubë gëgalime mana gëgali ele." Na Pol tobana lëkle totome, oneho gëgali kuju namëgebéyame. Na bu megali tle,

² "O eso ho Agripa, Israelbë afenëboni, bome blawa kë so mëtätatë nabë gali jume të nëgëtatëme. Na bobë gali jubë naba li mëta gëgali nëgelëbëme tako tole nanelë.

³ Ju sebobë, Israelbë afenëbonibë iniwa lowenebë wafi lowene sle eletëna. Na kofe kofe gali kë gëgali nëglelogwayabë, kë wesibime mata ju wafi lowene eletëna. Këme nëgeme bo metole nanelë, ju alabujuwa tafa eleme. Na iniwa galime aholo mana bo sle etagwime.

⁴ Israelbë afenëboni iniwa, bobë lakalebëme wafi lowene sle mëletëna. Bo tokwëfome bobë lifate mëta kë tafa tokweibë na ita Jerusalem lifate mëta kë tafa tokweibë, bu bobë lakalebëme wafi lowene mëletëna.

⁵ Na bu tole mëglana kwe bu bobë lakalebëme jume lalowa gëgali mëglelëyome. Bu bome melowene lamëletëna, 'Bo falakeme nëgena, bo Farisi ho li tëtäbë. Na bo Farisibë lowenewa anisasana esogomu tlelëtemë.' Farisi enëne Mosesbë tafa sle anebo gali iniwa anisasana esogo mëtlëlëla.

⁶ Bo ëje ekë nilibë. Na bu bome sobobë naba li elë mëlesuna bobë lakaleme some gëgali namëglelëyome. Na kë gëgali wayobë, melëgebe lalële; bo melowene nanelë, ëtani Goto bobë semlenime megali sle latlome, bu gigli enëneme huhuju logotomeme. Na bo kë wesibi melowene sle nëgletelëme na bo këme hwi nëkakatelë.

⁷ Sebobë semle, Israelbë we ita tële nëbalebë afenëboni, bu klabëna olëna Gotome fwa lotu mëtlekefëla. Na bu melowene sle këme mëtletla, 'Goto gigli enëneme huhuju logotomeme na bu kë wesibi hwi mëtëkaketla.' Eso ho, kë wesibime fwa Israelbë afenëboni, bome sobelë këme mëtlesuna.

⁸ Sobo fli emëta kë eglibobë enëne, melowene fëyeme elone, 'Goto gigli kë mëtlabë enëneme hana huhuju logotomeme.'

⁹ Ètani bo melowene latelë, Nasaret lifate mago Jisame, kë lowene sle mëgletlabë onehome sisile manotomë.

¹⁰ Na bo kë wesibi Jerusalem lifate mëta melë totlë. Lotu lo mëta wege mëglabë eso ho, bome iniwa afutuku mëtlëna kë wesibi togotlëbëme. Na bo

kë iniwa afutukuna Jisasme lowene sle kë mëtletlabë onehome feilawa sisile totomë na kalabusu lowa tlelukefëmë. Na eso enëne bu giglime gali mëtлана kwe bo mata helawawa latelë, gïgli matla.

¹¹ Feilawa olë bo melatlekefë, Israelbë afenëbonibë lotu lowa nëkakuliwa nëgelëbë, na Jisasme kë lowene mëgletlabë onehome fafa nëkouwi na sebo mana tëtëkle nelutaya. Bo melëme tëbo fene totomë, bu Jisasme klëë gali namoglolame na bume kë lowene mëtletlabë lowenebë mëlëkëla namëglame. Bo ebëha wesibi Jerusalem lifate mëta fwa nane telë. Weye. Bo bume tako enisusumu metletemë, na bo kakë lifate enëneme mata melatëtagumë.”

Pol bu Jisasme kë lowene tęgletlebë galime gëgali tle

¹² Pol megali tle, “Lotu lo mëta wege mëglabë eso ho, bome metole lamëtletëna, Kristen onehome tëtëkle nanëgëtagwime. Na bome Damaskus lifewa kë esome fwa jine mëtletëkakëna.

¹³ O eso ho, bo Damaskus lifewa tuguwibëë, kliji kume tlibe. Na bona kë tugujabë hona tako elulego hwi tloa, matafa mago tisitëna. Kë elulego kë nëgebë bu kljiha nane. Weye. Bu tako elulegomu. Kë elulego, bona kë tugujabë enëne name iniwa lahwegënëwa tëtana.

¹⁴ Sebo iniwa latitiwagujawa. Na bo li hobë gali aholokwane tlole, Hibru galina megali latlonë, ‘Sol, Sol, ju bome fëyeme sisile etakefënëne? Ju bome tëbo egëtakefënëna kwe, ju jume tëbo elitamë.’

¹⁵ Na bo metakune tlole, ‘Tako ho, ju yalëne?’ Na Tako Ho bu këme tafu tëtatenë, ‘Ju kë sisile egëtakefënëbë Jisas.

¹⁶ Kwe ju huju ele. Bo jume ebë olëna këme nisitë, jume aniji nanoglëme, bobë wege fa naegëtatënëme. Ju wesibi nabana ëje kë hwi eglomebë, kë galibë onehome sagali elëwagume. Na ita fli wesibi bo jume tokwafe olafa nogotometëme, kë wesibi galime, onehome mata gali olome.

¹⁷ Bo jume nëgaitëme. Na jubë ilawa mago enëne na Israelbë afenëboni mëtabëya jwa mëglabë enëne jume tëbo hana mëgëtome. Hanane. Bo jume Israelbë afenëboni mëtabëya jwa mëglabë enëne belë jine nëgelëkakëme,

¹⁸ bubë lowene sle naegëtagutëmeme. Na bu tlukufini kile namokoujame na elulego tabome natafa mokoujame. Na bu Satanbë tëbo lowene kile mokoujame na Gotobë lale lowenewa mehwagulame. Na bu bome lowene sle mokoutëname na Goto bubë iniwa tëbo lowenebë aholokwana ti nalëkoutëmeme. Na bu bobë oneho tafa namokoutëname. Tako Ho Jisas bome kë gali tlenë.”

Pol, Jisasbë gali tē wege, bu kë fa tētagulebëme, Agripame gali tlole

¹⁹ Pol eso ho Agripame gali tlole, “Eso ho Agripa, bo nimitelëha wesibina heven lifate mago kë hwi toglolëbe, boblo hana totlë. Hanane mu.

²⁰ Bo Damaskus lifate mago onehome afina gali tē tutatemë. Na ita Jerusalem lifate mago onehome, na Judia provins mago onehome, na Israelbë afenëboni mëtabëya jwa mëglabë enëneme mata tē tētagutemë. Bo gali metë latētagutemë, ‘Sobo sobobë tēbo lowenebë kile elome na Gotome fwa lowene eletelome. Sobobë lakale melebotane saetlo, sobobë tēbo lowene iniwa kile tēkoujo na sobo Gotome wafi lowene ekoutelo.’

²¹ Bo ebëha gali onehome tē tētagukefëtemëme nëgeme na Israelbë afenëboni bome kë wesibime fwa Gotobë tako lotu lo mëta këme fa mëtletana. Na bome mogo nalë tēkle namëgëtaname fene.

²² Kwe Goto bome feilawa lataitanë. Goto bome tęgaitawaginëbëë na ëje mana ekë laitakefënë. Këme nëgeme ëje bo ekë nilibë. Na bo iniwa enëneme,

atwati enënena eso enëname, Jisasbë gali ekë të nêtatemë. Na bo li gali hana të nêtatemë. Mosesna, Gotobë lowene mago gali të mototokweflabë ho fene yahi mêtla, bo kè galiwa të notokweflë.

²³ Ètani bu meyahi lamêtla, ‘Goto kè aniji toglolebë ho, bubë onehome nëno lëleme, bu tako elili fa logotleme na gli lëleme. Na lebo enëne matëmätë mago huhuju mëglabëmë bu afina logoutatëmeme. Na bu Gotobë lale gali, olë fenene, Israelbë afenëbonime na Israelbë afenëboni mëtabëya jwa mëglabë enëneme mata të lëgëtatëmeme.’”

Pol Agripame megali latlole, “Ju Jisasmë salowene sle eletle”

²⁴ Pol kè gali të tëtagulebëë, na Festus anisasana mekëkale tlole, “Pol ju yaya lale. Ju tako lowene fa egotleme nëgeme. Na kè lowenebë jume yaya kème lëta.”

²⁵ Na Pol gali tle, “Eso ho Festus, bo yaya nane nelë. Weye. Bobë iniwa gali nëgali galimu. Ebë yaya gali nane.

²⁶ Na iniwa gali bo kè të nogotlëbë, eso ho Agripa lowene lalëletëmë. Kème nëgeme, bo bume kè gali të nëgëtatelëbëmë uli hana nelë. Bo walowene nëletelë, Jisas iniwa wesibi kè totomebë, bu li mumu hana lëbetle. Iniwa wesibi Jisas kè totomebë bubë naba lime ëho hana lëgleme nëgeme na bu lowene sle kème lëletle.”

²⁷ Na Pol, eso ho Agripame gali tlole, “Eso ho, Agripa, ju Gotobë lowene mago gali të mototokweflabë hobë gali lowene sle laletlene o hanane? Bo walowene nelë, ju wafi lowene sle eletle.”

²⁸ Eso ho Agripa Polme kème metakune tlole, “Ebë tokwëfo olëna ju gali kè të etatenëbë, ju melowene laletenëne, ‘Bo Jisasmë lowene sle nanëgletelëmene?’”

²⁹ Na Pol bubë gali metafu tëtatle, “Bo Jisasbë gali tokwëfo olëna të nogotlëna o tako olëna të nogotlëna, bo Gotome megëgali nanëletlëlë, ju na fli enënena kè tafa egelobë, sobo iniwa Jisasmë lowene sle eletelo, bo fene lowene sle nëletelë. Kwe bome senë tabana fene lei mëtëтана some këha lei mëgëtoëmë bo tole hana nëletëyo.”

³⁰ Na kwe eso ho Agripa na Bernaisi na eso ho Festus na buna kè tafa mëtlabë enëne huhuju mëtëkouja,

³¹ na kè lo mago totoho mëtëkaka. Na bu blalo megëgali mêtla, “Kè hobë, li fëye wesibiha, hwi hana nolotla na sebo megali hana nëglame, ‘Bume lalowa, mogo nalë tëkle etlo o kalabusu malële. Weye.’”

³² Na Agripa, Festusme megali tlole, “Sebo bume kalabusu lo mago jine nëgelëkakëlame fene kwe bu megali tëgleme nëgeme, ‘Rom lifate magobë eso ho, Sisar, bome blawa kè so mëtatë nabë gali bu saaholokwane lëgleme.’ Na sebo bume kalabusu lo mago jine jwa kème nëlëkakla. Sebo bume eso ho Sisar belë fwa sajine nëglëlame.”

27

Pol Rom lifatewa tuju

¹ Festus gali mesle latotle, sebo sibu lome fe nëlame na Itali provinswa nujame. Na bu Polname, fli kalabusu enëname, wame home boblo mogotomabë enënebë eso ho belë sei mutujuwelëma, bu mëglëboujalime hwi sle namoglomame. Kè hobë weniji Julius. Buna bubë wame home boblo mogotomabë enënena, bu eso ho Sisarbë lo mëta sei mëglëkeflabë enëne.

² Na sebo* Adramitium lifate mago kē tigusibē sibu lo mēta fēfe tla. Kē sibu lo, nutu helefo mēta, kē tafa mokoujabē lifate elēme lugujume kofenene, Esia provins mēta. Na Aristarkus bu sebona tuja. Kē ho bu Masedonia provins mago na bubē lifate weniji Tesalonaika. Na kwe sebo Sisaria lifate kile totla.

³ Jowa klabē tēkaka na sibu lo Saidon lifate mēta fla tule. Na Julius, Polme lale lakale lebotane tētatlē na bume megali tlole, “Jubē yabenime hwime lalowa egujume, bu jume hi wesibiname, fli wesibiname mēgaito namēglame.”

⁴ Na kwe tokwafe Saidon lifate kile totla. Na tako flelu, sibu lo miti nagi fo tētagule. Kēme nēgeme, sebo Saiprus afayo amlebo elē kēme hwagēnē tokwokwēya. Na kē afayo aflokobē tako flelu hana tle.

⁵ Sebo tako nutu su tēkaka na Silisia provins na Pamfilia provins loli elē sigli tokouja. Na Lisia provinsbē lifate mēta, Maira mēta fla tula.

⁶ Na sebo kē lifate mēta sibu lo mago fēfe tēkaka. Na wame home boblo mogotomabē enēnebē eso ho Aleksandria lifate mago kē tigusibē sibu lo hwi tlole. Kē sibu lo, Itali provinswa luguju nalēgleme. Kēme nēgeme bu seme kē sibu lowa mētlenuna. Na sebo kē sibu meta fēfe tula.

⁷ Na sebo Maira lifate kile totla, na sibu lo feilawa olē alabujuwa tujukēfe. Flelu bume miti nagi fo tētagukefleme nēgeme. Sebo Nidus lifatewa nounou watla kwe flelu sibu lo mana kē tēbetokwakle na sebo tuguja hana tla. Kēme nēgeme sebo sibu lo jelē tetokwakla na Krit afayo elē tuja. Na sebo Krit afayo flelu jwa tabo elē tuja, Salmone hwetu li elē tuja.

⁸ Na sebo kē afayo mēglēbo elē alabuju tujukēfēya. Na sebo li afloko elē mana fwa tla. Kē aflokobē weniji melē, “Lale Ku Tako.” Bu Lasea lifate li mēta lēbe.

⁹ Na kwe, lebutako olē wafi mutuju na Gotome hi jwa tafa mētletlabē olē mata wafi tuju. Na nutu feilawa sosogli lēglebē yeme wafwa tla. Kēme nēgeme, Pol megali tlome,

¹⁰ “O sibu lo mago enēne, sobo aholokwane elo. Bo melē lowene nanelē, sebo eli nugujana, kwe sebo alēgeme tēbo niglitayame. Na kwe kē sibu lo na lebutako wesibi tēbo mēgleme. Wesibiwa tēbo mēgleme nane. Weye. Sebo fli kē mēta gigli nēglame.”

¹¹ Kwe wame home boblo mogotomabē enēnebē eso ho, Polbē gali aholokwane hana tlole. Bu sibu lo bolijayabē lowene na sibu lo kē asē tēglelēlebē hobē lowene esogo tlelētēme.

¹² Ebē sibu lo kēkesi labu kē nēgebē, lale tabo nane. Tako flēlubē olē ligisi nēgena, sibu lo flēlume habēna ēho lēglemene? Flelu sibu lome bubluju logotleme. Kēme nēgeme lebutako ho, sibu lo mēta kē tafa mētlabē, gali sle mototla, kē lifate kile namēglame. Bu melowene mēta, “Sebo ebē lifate kile nēlame na Finiks lifatewa nujame. Na kē lifate mēta, tako flelu ligisi olē tafa nēlame. Bale, fwa nugulame nawa o hanane.” Finiks bē sibu lo kēkesi tala Krit afayo nēgemowe mēglēbo elē lēbetēme. Na sibu lo kē tēbo lotokwefēmebē flelu, kē belēme fe hana lulekefe.

Labasagli flelu tako nutu mēta huju tle

¹³ Negemowlē mago flelu tisi na bu tako flelu nane. Kēme nēgeme, bu melowene mēta, “Sebo Finiks bē sibu lo kēkesi labuwa lalowa nugujame.”

* **27:2** Feilawa lowene ho, melowene lamēta, “Luk bu kē gali yahi tle na ebē gali melēgebe kēme lēle, ‘Sebo.’”

Kème nêgeme bu sibu lo kê fa logotlebê hobota tabo ainê buhe mototla na bu kê tala kile mêtla. Na Krit afayobê helefo mëglêbo mëglêbowa mana mutuja.

¹⁴ Bu mutujabêê, na hokweinawa Krit afayo elê mago labasagli flelu tako mana tisi. Bu kê flelu mefê lamotla, “Nêgetuje elê mago flelu.”

¹⁵ Na kê flelu sibu lome feilawa bêtê totle na ku takowa fo têttagule. Sibu lo mêtla kê wege mëglabê ho bu sibu lo yelu, flelu kê belême tigusibê elême yafe swaya mototla kwe hanane. Flelu bume tako boblo metotome. Kème nêgeme bu flelubê tolewa esogo mêtletlêta. Na sibu lo ku tako elê mana fo fowa têttagule.

¹⁶⁻¹⁷ Sebo Kauda afayo nêgemowe mëglêbo elê tuja. Na kê tala tako flelu hanane. Na sibu lo mêtla kê wege mêtlabê enêne, sibu lona kê ki tokweijabê ihe, sibu lo elo li elê tako afutukuna ki motokweija. Na sibu lowa mana ki motokwaka na tabana tafu mêtêtagujaya. Na bu tatako taba glo mêtla. Na sibu lo lokwalêfe elê blou mototolelêma na mana kê tabana sibu lo tafu mêtêtagula, flelu kê sibu lo yayei logotlelime. Bu Afrika lifate li mago tu lokwalêfe mago yenêba mêtla lesilime, uli memêtla. Kème nêgeme sibu lo kê asê mëglelêmebê selê ki mêtêtêkekêya na bu flelubê tolewa esogo mêttagutla.

¹⁸ Fleluna, nutuna sibu lome feilawa boblo mototlo. Kème nêgeme, jowa klabê tla na sibu lo mêtla kê wege mëglabê enêne, fli wesibi nutuwa sisike mêtla, sibu lo fogolego nalêgleme.

¹⁹ Têle olê wanutuju na aona olêbêna bu sibu lo kê asê mëglelêmebê selê fli na selê kê mêtla kesi mëglebê ti flina nutuwa sisike mêtêtêkaka, sibu lo fogolego nalêgleme.

²⁰ Lebutako olê sebo klijina, sêgetobana hwi hana noloma. Na tako flelu seme sibu lona feilawa bêtê têttaguna. Kème nêgeme, sebo melowene hana nêla, “Sebo tuja ato nêtabyame.” Weye. Sebo melowene nanêla, “Sebo iniwa gigli nêglame.”

²¹ Lebutako olê bu iniwa hi jwa tafa mêtla. Na tokwafe, Pol huju tle na ku mêtla tlibe na bume megali tlome, “Sobo bobê gali esogo têglelêtênabê na Krit afayo kile jwa nêlame kwe seme ebê têtbo olê esune hana lèglênâme fene.

²² Kwe bo some gali nêlêyo, sobo ebê têtbo olême feilawa asa tutune eletelo. Semago ho li hana gli lêgleme. Kwe sibu lowa têtbo lêgleme.

²³ Bo Gotome fwa tafa nêglekefêtelêbê ho. Na Gotome fwa lotu nêglekefêtelêbê ho. Èje klabê, Gotobê ensel bobê lime lilikakitenê,

²⁴ na megali lononê, ‘Pol ju ebê wesibi kê fata lêglebême uli asa ele. Ju tokwafe Rom lifatewa tuhu eguleme na Sisarbê naba lime elibeme. Aholokwane ele. Goto some lègaitome. Na iniwa ho juna sibu lo mêtla kê tafa egelobê bu gigli hana mëglame.’

²⁵ Ensel megali loglonême nêgeme na bo some kême gali nêlêyo, sobo uli asa elo. Bo Gotome melowene nanêletelê, ‘Iniwa wesibi bu bome fene gali lononê, bu melê fata mëglame.’

²⁶ Kwe flelu ebê sibu lo lègehuleme na li afayobê yenêba mêtla bubluju luleme.”

²⁷ Na kwe sebo kê nutu mêtla têtabyabêê, olê kêniji latla we ita aona. Kê nutu mefê lamotla Mediterenian nutu. Nilifu klabê kuna, sibu lo mêtla kê wege mëglabê enêne melowene mêtla, “Sibu lo li afayo belê fwa lêgleme lololi lalêlefe.”

²⁸ Kème nêgeme, hobota tabo wesibi taba heletabo mêtla kesi mototla na yenêba mëgêselêlabême nutuwa tuku mêtêtêkaka na yenêba kêna mêtêselêla.

Na ita buhe mētetofakla na bubē lēlekuju tabei ebē kēniji niliafewe. Na ita sibu lona kli mētēkaka na ita yenēba kēna lēlekuju mēglabē wesibi tuku mētētēkaka. Na ita buhe mētetokwakla na bubē lēlekuju tabei ebē kēniji aowafewe. Kēme nēgeme bu melowene mētla, “Yenēba lololi tei notlafe.”

²⁹ Na bu uli memētla, sibu lo, aniji mēta bubluju lēglelime. Kēme nēgeme bu sibu lo kēna hobota lēglebē ainē nilina, sibu lo elo elēme sike mētētēkaka, sibu lo kē mēta fwa lēgemule nalēgleme. Na bubē gotome gali tuku mētletēma, hokweinawa feti nalēgleme, bu hwi sle namēkakame.

³⁰ Sibu lo mēta kē wege mēglabē ho, sibu lo kile namēglame fene, alēge hohwi mētētatla. Kēme nēgeme bu sibu lo mago ihe tabana nutu mēta tuku mētēmaltaya. Na mesogēna mētla, “Sebo kē ihena, ainēna taba eso, sibu yelu mēta kē kesi nanokoujame na ainē mana nutuwa sisike nētēkakame.”

³¹ Kwe Pol wame home boblo mogotomabē enēnebē eso honame wame home boblo mogotomabē enēnename megali tlome, “Kē enēne sebona sibu lo mēta tafa jwa nēglana kwe sobo gigli egelome.”

³² Kēme nēgeme, wame home boblo mogotomabē enēne tēle taba, ihe mēta kē kē kesi mētlabē, tētlē mototoma. Na nutu ihe mana fo tētagwi.

³³ Feti lololi tle. Na Pol iniwa home, hi wesibi hi namokoujame anisasana gali tlome. Na bu megali tlome, “Sobo we ita nilina olk tafa sle hana telo, tutune mēta fwa tafa tokweijo na hi wesibi hana hi tokweijo.

³⁴ Kēme nēgeme bo some anisasana kēme gali nēlēyo, sobo hi wesibi mana hi naekoujome. Some kē hi wesibi afutuku namēglelēyome. Sobo aholokwane elo. Semago ho li ato li hana tēbo logotleme, sebo iniwa lalowa nētābēyame.”

³⁵ Na Pol kē gali yawe tlole na bletē nage fa totle na bu kē enēnebē naba lime Gotome lale gali tlole, “Ebē bletē nage, yaha fēyeme enēnēne.” Na bu bletē nage fufu totle na mana hi tle.

³⁶ Iniwa ho bu Polbē gali aholokwane mētla na bubē tutune lowene, sle tletēme. Na bu mata hi wesibi glo motokouja na hi motokouja.

³⁷ Sebo sibu lo mēta kē tafa tēglabē tabei bu kēniji 276 ho.

³⁸ Sebo hi tokoujabē, imo soslo mētētāgujaya. Na sebo witi liji begē manogwa nutuwa sisike tētēkaka, sibu lo fogolego nalēgletēname.

Sibu lo tēbo tle

³⁹ Olē wafeti tēbe na sibu lo mēta kē wege mēglabē ho yenēba hwi mētelokwakla. Kwe kē yenēba mētēselēla hana mētla. Na bu wakona tēglebē yenēbabē hwi mētelokwakla. Na bu gali mētla, “Sebo ebē sibu lo, ebē wakoha tabo elē manehula na kē mēta fla nulelēlame.”

⁴⁰ Kēme nēgeme bu ainē mago taba tētlē mototoma na nutu mēta hune mētēkaka. Na bu sibu lo kēna kē asē mēglelēlabē yegu mago taba totohwa mototoma. Na bu sibu lo kē asē mēglelēlabē selē kli mototokwakla, fielu hoho nalogotleme. Na sibu lo yenēba elē mana lujume.

⁴¹ Kwe sibu lo yelu, nutu lokwalēfe mago yenēba mēta lalesiliwa totole. Na nutu bu sibu lo elo bubluju totle.

⁴² Na wame home boblo mogotomabē enēne, bu kalabusu home hao mētletēma, bume mogo nalē tētēkle namēgētayame fene. Bu fofolou mokoujame na mana mēlēbōukakujalime.

⁴³ Kwe wame home boblo mogotomabē enēnebē eso ho Polme lēgaitalēme tole lēgletleme nēgeme. Na bu wame home boblo mogotomabē enēneme melēkle totome, “Kalabusu home mogo nalē asa tētēkle eto. Matēbe.” Na bu

seme iniwa gali tlonā, “Sobo foloume lowene lalo kwe sobo afina lalowa okokli ekako na yenēba elē folou ekoujome.

⁴⁴ Na sobo fli, sibu lo mago agwihe glo elome na kēna some nutu mana yenēbawa fo lētāgajome.” Sebo melē tla na sebo iniwa yenēba elē fēfe tula. Na semago liha hana tēbo tliā.

28

Pol bu Malta afayo mēta tafa tle

¹ Sebo iniwa helefowa fēfe tla. Na kē lifate mago enēne seme megali lamotlonā, “Ebē afayobē weniji Malta.”

² Kēbē lifate mago enēne seme fleflesuna mētaitana. Tu mana tetokēfe na kē lifeku tlilego metle. Kēme nēgame bu ahoju kēme hoho mētla. Na bu seme iniwa ahoju labuwa mētlenuna, sebo ahojume sa nanugulame.

³ Pol ahoju hoho ti glo tle na ahoju mēta gogwa tole. Na tēbo taiju, kē ahoju hoho ti kufe ke telulamē. Na kē taijume ahoju atēte tēselēkakē. Na latohowa tēkakēyamē na Polme toba mēta tētou tlēle. Na mana kesi tokwakēyatle.

⁴ Na kē lifeku mago oneho kē taiju Polme tobame kē tētou tēglēlebē mehwi motlotla, tobame mana kesi tlatle, na bu blalo megēgali lamētla, “Hwi elolo. Ebē ho kē nēgebē, mogo nalē kē tētēkle tētākefēbē ho. Bu nutu mēta gli hana tle. Kwe tēbo loweneme kofayame kē tēbo lotokwefēmēbē goto, bu kē home mogo nalē tēke nalogloleme.”

⁵ Kwe Pol kē taijume ahoju elēme bile tetokwakē na bume li wesibiha fata hana tletle.

⁶ Oneho bu melowene lamētletla, “Polbē ato sēse lēgletlemewa o bu hokweinawa mogo nalē letigomewa.” Na bu Polme mana yafe hwi motlokwefla. Kwe li wesibiha bume fata hana tletle. Kēme nēgame bu lowene hihijika mētla na bu megali mētla, “Kē ho ebē li goto tekwe nēgel!”

⁷ Kēbē ahoju labu lime kē tēgēbebē life, ebē kē afayobē eso hobē life. Bubē weniji Publius. Kē ho seme bubē lowa nēno tle na bu seme aona olē tafa tlenēna na ululu sle memutētana.

⁸ Publiusbē bolijaya tako tēbo latle. Bu ato ahojutena, aliji tuna melatle. Na Pol bu belē tujū tle na Gotome takune tlole. Na bu toba gwa totatle na bubē ato sle tletle.

⁹ Pol bu melē tle, na kē afayo mago atowelili enēne fli mata Pol belē mitisiya na Pol bubē ato mata sle totometēme.

¹⁰ Iniwa oneho bu seme fleflesu mētletēna na seme feilawa wesibi mana mētlēna. Sebo aona yeme Malta afayo mēta tētābēya na sebo bume hune nēglame kofene. Na bu seme hi wesibi mētlēna. Na sebo kē afolo tēgletēmabē wesibi mata mētlēna. Na bu sibu lo mēta gogwa mētletēna.

Pol Rom lifatewa tuhu tule

¹¹ Sebo li sibu lo mēta fēfe tla. Kē sibu lo kē nēgebē bu tako flelu yemena kē afayo mēta temule. Bu Aleksandria lifate mago. Na Sus gotobē tlemalē iko nēbalebē amtētomba tina kē blēge blēge mototomabē, sibu lo yelu mēta mētētēme. Na sebo kē lifate kile tla na tuja.

¹² Sebo Sirakyus lifatewa fwa tula na kēme aona olē tafa tla.

¹³ Na sebo Sirakyus lifate kile tla na Regium lifatewa fwa tula. Jowa klabēwa tla na mana nēgemowelē mago flelu tisi. Kēme nēgame sebo Regium lifate kile tla na sebo tēle olē tuja na Puteoli lifatewa fwa tula.

14 Na kë lifate mëta, sibu lo mago fëfe təkaka. Na Kristen oneho flime esune tlëma. Na bu seme, buna tafa nanëglame takune motlona. Na sebo buna tobali ita tële olë këniji tafa tla. Na ita sebo bume hune totoma na Rom lifatewa tuja.

15 Kristen oneho, Rom lifate mëta kë tafa mëtlabë, gali aholokwane mëtla, “Polna kë misiya.” Na bu seme alëgeme esune mëglë nabëme mitisiya. Fliye bu seme Apiusbë wesibibë hihijika lifeku mëta esune mëtlëna na fliye Aona Ni Lo kë mëta mëglëbebë lifeku mëta esune mëtlëna. Pol bume yafe hwi tlome na bu tako flelesu metle na maninibona sle tle na Gotome flelesu gali telokwakle.

16 Sebo Rom lifatewa fwa tula. Na Rom lifate mago gavmanbë ho megali tle, “Pol buwa li lome lalowa tafa lëgleme kwe wame home boblo logotomebë ho li bume mana sei lëlékëfëtleme.”

Pol bu Jisasbë gali Rom lifateme të totle

17 Pol Rom lifate mëta aona olë tafa tle, na bu Israelbë afenëbonibë eso enëname mana gali telokwakëme, bu belë migisitla namëglame. Na bu mitisitla na Pol bume gali tlome, “Bobë afani, bo sebobë enëname hana tëbo totomë, na bo sebobë semleninobë gali hana boblo totlë. Kwe Israelbë afenëboni, bome Jerusalem lifate mëta wakalabusu mëtëtana. Na bu bome Rom lifate mago gavmanbë toba mëta gwa mëtëtana.

18 Na kwe, Rom lifate mago gavman, Israelbë afenëboni, bome blawa kë so mëtëtatë nabë gali aholokwane motlona. Kwe bobë li fëye wesibiha, hwi hana motlotëna na megali hana mëtla, ‘Bume lalowa, mogo nalë tëkle etlo.’ Weye. Këme nëgeme bome kalabusu lo mago jine namëgelëkakëname fene.

19 Kwe, kë Israelbë afenëboni, bome kalabusu lo mago jine mëglë nabë gali boblo mototla. Na bo gali fëye mago fa nogotlëmene? Këme nëgeme, bo megali telë, ‘Bo metole nanelë, bome blawa kë so mëtëtatë nabë gali, Rom lifate magobë eso ho, Sisar, saaholokwane loglonëme.’ Kwe bo kë Israelbë afenëbonime, tëbo gali noglomëme nane tisi.

20 Këme fwa nëgeme bo some këme gali nolëyo, bome kë kalabusu mëgëtanabë wesibi lowene sle naegletelome. Tako tafa watokwëija, na sebo, Israelbë afenëboni, seme lëgaitanabë home, Goto jine gali kë lëgelëbaklebë home, mana ekë hwi nëlékëfëtle. Na bo melowene nanelë, ‘Goto jine gali kë lëgelëbaklebë ho wafi tisi.’ Na kë loweneme fwa nëgeme, bome këme kalabusu mëtëtana.”

21 Na bume gali motlola, “Judia provins mago ho, bu jubë loweneme pasëna seme hana gali mëtelëbakëna. Na Judia provins mago ho li, sebelë, jubë li tëbo galiha, hana tehitëna.

22 Kwe lebutako enëne, li life li life mago megali lamëtlekefëya, ‘Jisame lowene sle mëglekefëtlabë enëne bu tëbo enënemu.’ Këme nëgeme, sebo jubë lowene mago lowene aholokwane sle nanëgletëyome.”

23 Na kwe bu olë li aniji motlola, Polbë gali aholokwane namoglolabëme. Na kë olëna, lebutako oneho, Pol kë mëta kë tafa lëglebë lowa loko motokwëija. Na Goto bubë onhome, eso home, kë tafa lëgletëmebë galime, Pol okokwe sle tlome. Na bu, Moses, Jisasbë gali kë yahi tëgletlebë, galime mata okokwe tlome. Na Gotobë lowene mago gali kë të mototokwëflabë enëne, Jisasbë gali kë yahi mëtletlabë galime mata okokwe tlome. Pol metole latle, oneho melowene namëglame, “Jisame kë gali mëgletlabë gali nëgali galimu.” Pol bu olobalëmu oto tëglebë na olë ki na loko metleblemu.

²⁴ Na kwe fli enëne Polbë gali melowene sle lamëtletla, “Bubë gali nëgali gali fe.” Kwe fliye melowene hana mëtla.

²⁵ Na bu blalo momata mëtletlogwaya. Na Pol bu li galime mana gali tlome, “Gotobë Amtëtomba, Gotobë lowene mago gali të totokweflebë home, Aisaia, gali metëglële latle. Na kë gali kë nëgebë nëgali gali mu. Na Aisaia kë gali seobë semleninome gali tlome. Bu megali latlole,

²⁶ “Ju kë oneho belë ejume na ju megali elomeme, “Sobo gali itaita aholokwane eglekëfëtélome kwe sobo kë gali wayobë lowene sle hana egletelome. Na sobo itaita hwi eglokweflome kwe sobo hwi sle hana eglolome.”

²⁷ Kë enënebë lowene wakalëlego tletëme. Na Gotobë gali aholokwaneme wafi tēbojiwa mletla. Na Goto kë totomebë wesibi bubë nabana hwi moglomabëme tēbojiwa wamla. Kwe bu Goto kë totomebë wesibi hwi sle moglomana na Gotobë gali aholokwane sle mëglana, na kë wayo gali lowene sle mëgletlana, kwe bu tēbo lowenebë kile mlame na aholokwana ti mlame. Na bu bo belë misiyame na bo naitamëme na bume sle notomëme.”

²⁸⁻²⁹ Na Pol megali latle, “Sobo sobobë semlenino fenene, Gotobë gali aholokwaneme metēbojiwa lalo. Këme nëgëme bo some këme gali nēlëyo. Goto onehome nēno lëglebë gali, Israelbë afenëboni mëtabëya jwa mëglabë enëneme wafi telëkakëme. Kë enëne bu aholokwane mëglame.”

³⁰ Pol bu, li lo mëtla, Rom lifate mëtla, tēle tlibutu tafa tle. Na bu kë lo bolijayame baliti tlëkefle, bu kë lo mëtla tafa nalëgleme. Iniwa oneho, Pol belë kë mitisikefëtlabë, Pol bubë lowa fleflesuna nēno tlekëfe.*

³¹ Na, Goto bubë onehome, eso home, kë tafa lëgletëmebë galime Pol okokwe tlokwefëme. Na bu Tako Ho, Jisas Klaisbë galime lebutako onehome okokwe tlokwefëme. Na bu kë gali tēme uli hana tle. Na ho liha bume lëkle hana totle.

* **28:30** Fli lowene ho bu melowene lamëtla, li gali mana lëbe kë gali mëtla. Kë gali melë lëgëbelalële, “Pol bu kë galime wagali tle. Na Israelbë afenëboni bume kile mototla na mutuja. Na bu blalo kë galime feilawa momata mutula.”

Filipai

Polbë pasë, Filipai onehome kë yahi tégletëmebë

Pol Filipai lifate mago Kristen onehome fleflesu tletëme, bume kë mëtailabëme

¹ Bo Pol na Timotina, sebo Jisas Klaisbë wege ho. Sebo some, Filipai lifate mago Kristen onehome na lotu mogoutatlabë eso enënename na lotu wegeme kë mëgaitobë enënename pasë ekë yahi nëkeketëyo.

² Bo sebobë aya Gotome na Tako Ho Jisas Klaisname itaita takune nanolokwefëmë, some maninibo tli lowene namëglëyome.

Pol Gotome fleflesu galina gali tlole

³ Iniwa olë, bo some kë lowene nëglekefëtëyobë, bo bobë Gotome megali nanolokweflë, “Bo bobë Gotome mefleflesu gali nanolokweflë, yahala fëyemene.

⁴ Iniwa olë, Goto some lëgaitobëme, bo gëgali nanëlelekeflë, bo fleflesuna gëgali nëlelekeflë.

⁵ Automemu bo sobelë Jisasbë gali kë tëgehilebë, sobo bome kë gali tëme taitana, na sobo bome mana ekë aitagina. Na bo some tako fleflesu këme nëlekefëtëyo.

⁶ Bo melowenemu nanelë, Goto sobobë lowene mëta lale tafa lowenebë gwa tëtätëyo. Na kë lale tafa lowenebëme mana lalaitakefëyo. Na Klais Jisasbë ligisi olëna bu kë lowene mana slemu sle lëgëtätëyome.

⁷ Sobo bobë maninibo mago mu. Këme nëgëme, bo some këha lowene nëgletëyobë ebë lalemu. Kë wege, Goto bubë tolenawa, bome kë tëglënebë, sobo bona kë wegeme iniwa kahwë slemu latla. Bo kalabusu lo mëta kë tafa nëgelëbë o bo kalabusu lo mëta tafa jwa tëgelëna, bo onehome, Jisasbë gali esobëme, gali sle tlomë. Na bo Jisasmë kë lowene sle namëgletlabë ëhwati gali onehome okokwe tlome bu Jisasmë lowene slemu namëgletlame. Na sobo bona mana kahwë sle tëglana.

⁸ Bo some iniwame maninibomu nanëletëyo, Klais fene maninibo tletëyo na bo some ita hwime këme tole nëletëyo. Goto lowene lalële, bo some nëgali gali gali nolëyo.

⁹ “Bo Gotome megali nanolokweflë, fli enëneme tole egletemobë lowene, sobobë lowene mëta, takowa nalëgebetëyome. Na kë lowenebë, Gotome kë lowene sle egletelobë lowenebë, some laitome. Na sobobë lowene lalowa nalëbetëyome. Na sobo kë lowenena wesibi melowene naegletemome, lale wesibi o tëbo wesibi.

¹⁰ Sobo melë egelona, na Klaisbë ita ligisibë olë fo lokoketlana kwe Goto some mehwi lëglëyome, lale onehomu. Na bu some li fëye tëbo wesibiha hana hwi loglotëyome. Na sobo iniwa lowene, lowene sle naegletemome na fëye lowenebë lale lëgebena kë lowenebëwa esogo sle elelëlome.

¹¹ Na iniwa lale lowene Jisas Klais mago kë migisibë, bu somëta nohwa mëgëbetëyome.” Na iniwa oneho bu kë lowene somago hwi mololame na Gotome fleflesu mletlame na megali mlame, “Goto bu tako homu. Iniwa wesibi bubë lokwalëfe mëta fwa mëbetle. Bu lale mu.”

Pol kalabusu lo mëta tafa tëglana, fli ho Jisas Klaisbë lale gali mana të mëtëtagula

12 O Kristen afani na oneglëni, bo metole nanelë, sobo melowene egelome; ebë wesibi bome kë fata mëtëgletenëbë, bu Jisasbë lale galime lëkle hana mototle. Weye. Kë wesibi, Jisasbë lale gali fli oneho betelë fifiji tëglebëme lataitale.

13 Iniwa wame home boblo mogotomabë enëne, eso ho Sisarbë lo mëta kë sei mëglëkeflabë, na fli enëne mata, bu melowene lamëtla; bo Jisas Klaibë gali të nëtakefëtelëme nëgëme, bome kalabusu lowa këme tuku mëta.

14 Na lebutako Kristen oneho bome melowene mëtletëna; bo kalabusu lo mëta tafa telë. Na këbë lowene bume Jisasme anisasana lowene sle mëgletlabëme taitame. Na bu uli mëtlëkëla na Gotobë gali anisasana të mëtëtatla.

15 Fli oneho, mehwi lamëtla, fli oneho bobë wenijime fleflesu lamëtletëna. Na bome tëbo mëgëtanabë lowene fa mototla na bobë weniji lëlë mogotlabë lowene mata fa mototla. Na bu metole lamëtla, oneho bubë wenijime fleflesu namëgletëmame. Na këme fwa nëgëme, Klaibë lale gali këme të mototla. Kwe fliye bu lale lowenenamu tafa mla na Klaibë lale gali këme të mëtatla.

16 Kë oneho bome tole lamëtletëna na melowene lamëtletëna, Goto bome melëme aniji tlonë, Klaibë lale gali esobëme, onehome okokwe sle nanoglomëme. Na bume lebotane sle nëtatëmëme, kë gali nëgali galimu. Na këme nëgëme bu Klaibë lale gali këme të mototla.

17 Kwe bobë weniji kë lëlë mogotlabë oneho metole lamëtla, fli oneho bume melowene namëgletëmame, “Bu lale enënemu.” Na bume fleflesu na mletëmame. Na bu Klaibë lale gali këme të mëtëtagula. Kwe bu lale lowene nane fa mototla. Weye. Bu metole lamëtla, bo kalabusu lo mëta kë tafa nëgelëbë, bo hobota feilawa fa nanogotlëme. Këme nëgëme bu melë këme mëta.

18 Kwe oneho Klaibë gali lale lowenena të mogotlana o tëbo lowenena të mogotlana, bo këbëme welili hana nëletëmëme. Bo melëme fwa fleflesu nelë, bu Klaibë lale galiwa të mëtagutlame. Na kwe këbë bome fleflesu lëgëtanëme.

Pol melowene latle, “Bo tuja ato mana tafa nelëme na Filipai lifate mago Kristen onehome naitamëme”

19 Na bo kwe fleflesuwa nëglekëfëme. Bo melowene nëgelëme nëgëme, Iniwa olë sobo Gotome takune elokweflo, bome lëgaitanë nalëgleme. Na Gotobë Amtëtomba, Jisas kë tëglë nabë, bobë lowene kalëlego lalëtakefëtenë. Na këme fwa Goto bome laitanëme na bo kalabusu lo kile nelëme na manawa ho tafa nanëgelëme.

20 Këme nëgëme bo metole nanelë, bo li tëbo wesibiha hana nëgelëme, na bo këme tiniji nelëme. Hanane. Kwe bo metole nanelë, elë na tokwafe bo Gotobë lale gali tëme uli hana nëgelëme. Bo gli nëgelëna o tuja ato mana tafa nëgelëna, iniwa wesibi bo melë kë nëgelëbë, Klaisme fwa nëletelë. Na kë iniwa wesibi bume weniji tako melëleme.

21 Bobë lowene melë lëgëbelalële, Bo tuja ato mana tafa nëgelëna, iniwa wesibi bo melë kë nëgelëbë, kwe Klaisme fwa nëletelë. Na bo gli nëgelëna kwe bo lale tafa fa nogujetlëme na bo ëje kë tafa nëgelëbë tafame boblo logotleme.

22-23 Kwe bo tuja ato mana tafa nëgelëna, bo melowene nanelë, bo feilawa onehome, Klaibë lowene esogome mëgletlabëme okokwe noglomëme. Bo gli nëgelëna o tuja ato mana tafa nëgelëna, bo melowene hana nelë, fëye

lowene esogo nēglelēmene? Bome kē tēle lowene, tabaha kiki mēle. Bo gli nēgelēbēme. Na Klaisna tafa nogulobēme, tako tole nanelē. Kē kwe lalemu.

²⁴ Kwe bo some lowene nēgletēyome nēgeme na bo melowene kēme nelē, bo tuja ato tafa manelē, some nēgaito nanēgelēme. Kē kwe lalowamu.

²⁵ Bo melowene slemu nanelē, bo some nēgaitobē wege mana lēbe. Kēme nēgeme bo melowene nanelē, bo tuja ato mana tafa nēgelēna na some feilawa nēgaitome, Jisame esogo eglelēlobē lowene, lowene sle naegletelome na kēbē loweneme fwa fleflesu naegelome.

²⁶ Na ita bo sobelē nigisina na sobo bome hwi enonana, sobo Jisas Klaisme fleflesu eletelome, bu bome sobelē ita leglesunēme nēgeme.

Pol, Filipai lifate mago Kristen onehobē lowene kalēlego tētātēme

²⁷ Tako wesibi melē. Sobobē asē sle etlome na Klaisbē lale lowenewa esogo elelēlome. Sobo melē egelona, na bo some hwi noglokwakijona o bo tafa nēgelēna na galiwa aholokwane negletēyona, kwe bo melowene nēgletēyomemu, sobo Jisame lowene sle lowene mana esogo elelēkeflo na sobo yonane mēta mana tafa elekefo na jowa lowene nawa Klaisbē iniwa wege fa etlome.

²⁸ Bo some megali nolēyo, some kē wame mēglēyobē enēneme uli asa eletemo. Bu some mehwi mēglēyona, sobo bume uli hana eletemo, kwe bu melowene namēglame, Goto seme tēbo lēgētanamefe. Kwe Goto some ululu sle lēgētome na lale tafa lēlēlēyome.

²⁹ Aholokwane elo. Goto some tēle lale lowene wafi tlēyo. Li lowene, Jisas Klaisme lowene sle egetelobē lowene. Na li lowene, Klaisme lowene sle egetelobē mēta hobota eglise telobē lowene.

³⁰ Sobo ētani bome wafi hwi tlonā, bo Jisame kē lowene sle nēgletelēbē wame mēta tafa telē. Na sobo bobē gali waaholokwane telo, ēje bo kē wame mēta mana ekē nētābē. Na ēje sobo elili kē fa egotlobē, sobo melowene egelome, bona iniwa Jisame kē lowene sle nēgletlabē wame mēta nētābēya.

2

Klaisbē lowene fene tēbetle, melowene egelome

¹ Klais sobobē lowene kalēlego malētātēyo. Bu some feilawamu tole lalēletēyo na kēme nēgeme sobobē lowene lēgēbetēyo sle kēme lēle. Sobo Gotobē Amtētombabē lowene mēta tafa egelome nēgeme, sobo flime kēme maninibo eletemo na sobo flime mata kēme tole eletemo.

² Kē gali nēgali gali nēgebē kwe sobo melē saelo, sobo iniwa jowa lowenenawa yonane elome. Na sobo iniwa jowa lowenenawa, ho flime tole egetelobē lowene esogo elelēlome. Na sobo iniwa jowa lowene nawa tafa elome. Sobo melē egelona kwe sobo bobē lowene feilawa fleflesu egētātēname.

³ Sobo some fwa asa lowene elo. Na sobo fli enēneme melowene asa eletemo, sebo bu fene kēha enēne nane, sebo kwe lalemu. Sobo flime salokwalēfe eletemo, na bume melowene eletemome, bu sebo fene kēha nane bu kwe lale enēnemu.

⁴ Sobobē wesibiwa asa ululu sle etomo. Weye. Sobo fli enēnebē wesibi mata ululu sle egotometemome. Na bume aitamome tafa sle namēglame.

Klais atwati hoha kē fata tēglebēye, bume fwa hana lowene tle na Goto bume tako fleflesu kēme tletle

⁵ Sobobë lowene Jisabë lowene fene tēbetle, kēha salēbetēyo. Bubë lowene melē:

⁶ Iniwa wesibi fata jwa mētlēna Jisas bu Goto fene metafa latle. Kwe bu Gotoha tafa lēglebë lowene tēgehole hana tle. Weyewa.

⁷ Bu Gotoha tafa tēglebë lowene kile tle na home manawa wege lēgletēmebë hobë lowēneha tēbetle na life mago hoha fata tle.

⁸ Na oneho bume mehwi motlola, life mago ho fenene. Na bu bume fwa hana lowene tle kwe iniwa onehome lokwalēfe tletēme na Gotobë galiwa esogo tlelētēle. Bu melē tle na bu mana gli tle. Bu kē gli tēglebë, bume tēbo homeha ti mēta bu mētla.

⁹ Bu mēle tēgleme nēgame na Goto bume kēme fleflesu tletle. Na bume kēme no tlēle, buna eso home weife tafa namēgelome. Na Goto bume iniwa wesibime eso home tafa lēgletēmebë weniji tlēle. Kē weniji kē nēgebë iniwa onehobë wenijime boblo lalotometēme.

¹⁰ Bu Jisame kē weniji kēme tlēle bu metole tēgleme nēgame. Iniwa hēhēna wesibi, Heven life mēta kē mētābebë, na life mēta kē mētābebë na life lokwalēfe mēta kē mētābebë, bu iniwa Jisame sēkefo miti tafa mletlame. Na Jisabë lokwalēfe mēta fwa metabētlame.

¹¹ Na bu iniwa megali mlame, “Jisas Klais bu tako homu. Iniwa wesibi bubë lokwalēfe mēta fwa mēbetle.” Na kē lowenena, bu melē lowene olafa motlame, “Goto bu lalena Tako Ho mu.”

Sebo elulego tabo fene menēgētābēame. Onehome, Goto belē lugujubë alēge lebotane nanēgētātēmame

¹² O yabeni. Bo sobona ētani kē tafa tēglabë, sobo bobë gali aholokwane tlonā na esogo tlelēlo. Na ēje bo sobona nane tafa nēla. Bo kakē tafa nulē. Kwe bo some megali nolēyo, ēje mata sobo bobë gali saesogo sle elēlētēna. Goto some bubë maninibo nawa tēbo lowene mago wafi nēno tle. Na sobo tutune lowenena bume fwa lokwalēfe eletelome. Na sobobë lowene sle etomome. Na bu kē gali sle tēglebë wesibi fame fwa, afutukuna wege elekefētēmome.

¹³ Melēme nēgame. Goto some, bubë lowene esogo eglelēlobēme huhuju lalētākefēyo. Na bu some afutuku lēlēlēkefēyo na lalaitākefēyo, bubë tolewa esogo naeglelētēlobēme.

¹⁴ Na sobo iniwa wesibi melē kē egotomobë, sobo flalego tafa naeglelēmome.

¹⁵⁻¹⁶ Sobo melē egelona kwe sobo Gotobë nēbalemu tafa egelome. Na oneho some li fēye wesibiha hwi hana moglotēyome. Na Goto mata some li fēye wesibiha hwi hana loglotēyome. Na sobo Klaisbë lalē gali egehōlo sle elome. Na sobo ebë life mago tetēbo lowene kē esogo mēglelēkeflabë onehobë naba li mēta kilego tabo mēta lamo fene u elamē. Kēme nēgame, sobo melē egelona, na Klais onehome hwi sle loglomebë olē fata lēglēna, na bu some li tēbo wesibiha hana hwi loglotēyona, kwe bo kēme tako fleflesu nēgletēyome. Na kwe bo melowene nēgelēme, iniwa wesibi, bo sobobë ku mēta melē kē togotomēbë, blawa hana kēkē telē.

¹⁷ Bo lowene hana nelē, Tokwafe ho bome mogo nalē tēkle mēgētāname nawa o hanane nawa. Fēyeme tēkle mēgētāname. Melēme nēgame bo Jisabë gali tē nēgētāgukefētēlēmē nēgame na sobo na fli enēne kē gali lowene sle egletelome nēgame. Kwe melē nēgena kwe bo fleflesu nēgelēme.

¹⁸ Na sobo mata fleflesu elo, sobo bona fleflesu nēglame.

Pol, Timotime Filipai lifatewa jine lëgelëkaklebëme, gali lële

¹⁹ Tako Ho Jisas bu tole lëglena kwe bo Timotime sobelëme hokweinawa jine nëgelëbaklëme. Na ita bu bo betelë lisime, bu bome sobo kë tafa egelobë lowenebëme gali nalëglëkwakinëme. Na bo kë gali aholokwane nololëme na bo fleflesu nelëme.

²⁰ Bobë li mëta, Timotiha ho li tafa hana lële. Weyewa. Timoti bu bona yonane sle nanelo na bona jowa lowene mëta fwa tafa nelo. Na bu some kë maninibo lëglekefëtëyobë maninibo, bobë fene lëbe. Na bu some lëgaitome feilawa lowene lëlekefëtëyo.

²¹ Fli oneho, bume fwa lowene melekefëya. Na bu Jisas Klaisbë wege fabëme feilawa hana tole mletla.

²² Sobo Timotime wafi lowene eteloto. Bu lale homu na bu bume fwa lowene lëglebë lowenebë mëta hana lëtabe. Sobo bume walowene eteloto, bu bome Klaisbë lale gali të nëgëtatëmëbëme lalaitakefënë, nëba bolijayame fene laitakefle.

²³ Këme nëgeme bo bume sobelë jine nëglëlëme këme tole nelë. Kwe bome kalabusu lo mëta fata gali kë lëgletënëbë wesibi afina lowene nëletelëme na bo Timotime sobelë hokweinawa mana jine nelëbaklëme.

²⁴ Bo melowene nanelë. Tako Ho bome lëgaitanëme, na ho bome kalabusu lo mago jine mëglëname nounou. Na bo mana sobelë nigisime.

Epafroditusme Filipai lifatewa jine lëgelëkaklebëme, Pol gali tle

²⁵ Bo Timotime tokwafe jine nëgelëbaklëme kwe ebë olëna bo melowene nanelë, bo sobobë afame, Epafroditusme afina sobelë jine nelëbaklëme. Bu bona Klaisbë lale gali wegeme wege nelo. Na Klaisbë lale gali të wegebë hobota weife fa notokweflo. Sobo bome lëgaitanëbëme kë jine tëgelëbaklobë.

²⁶ Bu some tako maninibomu lalëletëyo. Na some hwime tolemu lalëletëyo. Na bu melowene lalële, sobo bubë gali waaholokwane tletelo, bu tëbo latle. Na kë lowenebë, bu some maninibo lëgletëyobë lowene, bubë lowene mëta takomu lëbetle.

²⁷ Nëgalimu. Èbame bu tëbo latle na gli lëgleme kofene. Kwe Goto bume maninibo tletle. Na bume gli afe kë tëglebë mago sle totle. Na Goto bume fwa nane maninibo tletle. Weye. Bu bome mata maninibo latletënë, Epafroditus gli lëglebë welili bome boblo lëgëtanëlime.

²⁸ Bo bume sobelë jine nëgelëbaklëme tole nanelë, sobo bume ita hwi naeglolome na fleflesu etelolome. Epafroditus sobona tafa egelona, sobobë maninibo lowene mana satli lëbetëyome na tafa sle elome. Melë nëgena, kwe bobë maninibo lowene mata tli lëgëbetenëme na tafa sle nelëme.

²⁹ Sobo Epafroditusme, Jisasbë wenijina no elëlome na fleflesu etelolome. Na sobo këha home mata mefë naegotomome, "Lale homu."

³⁰ Bu Jisas Klaisbë wege fa togotlena, ëjeha gli lëleme. Kwe bu bume fwa nane lowene tle. Weye. Bome tegaitanëbë wegeme fwa, sobo kë jine tëgelëbaklobë wegewa lowene sle tletle. Sobo kakë tafa egulome nëgeme na sobo bome habëna egaitanamene? Këme nëgeme bume këme jine telëfaglo bo belë.

3*Klaisme kë lowene sle mëgletlabë oneho, bu lalëmu*

¹ O Kristen afani na oneglëni. Bobë lowene mëta li gali mana lëbe. Kë galibë melë. Klais somëta walëtabetëyo, na sobo bume fwa safleflesu eteloto.

Autome bo some gali li, pasë mëta wayahi tletëyo. Na bo kë gali some ita yahi nëgleteyobëme, kokasa hana nelë. Ebë gali some lëgaito sle nalëgleme. Ho some sogëna möglëyolime. Ebë gali melë.

² Ato jibo tëtëlë gali këtë motokweflabë enënebëme ululu sle saelo. Kë enëne këtë nëgebë fifli tabo amale fenene. Sobo bubë gali asa aholokwane elomo, sobobë lale lowene hihijika mëgletëyolime. Këtëbo enëne megali lamelekefëya, “Sobo Judabë afenëbobë tafa sle gali iniwa esogo jwa eglelëlona na ato jibo tëtëlë jwa egotomona kwe Goto some lale oneho fë hana logotome.”

³ Kë enëne bu Gotobë nëbalemu nane. Weye. Kwe sebo kwe, Jisame kë lowene sle nëgletlabë enëne, sebowa, Gotobë nëbalemu tafa nëla. Gotobë Amtëtombabë afutukuna, sebo Gotome lotu nëlekefëtla na Jisame mata fleflesu nëlekefëtla. Sebo melowene nanëla, sebo ato jibo këtë tëtëlë notomabë, kë wesibi, seme Gotobë naba lime lale tafa sle nëglabëme hana lëgaitaname.

⁴ Sobo aholokwane elo. Ato jibo tëtëlë gali këtë motokweflabë enëne bu metëtane lamelekefëya. Sebo Judabë afenëbobë tafa sle gali feilawa esogo sle nelelëkefla na ato jibo tëtëlë lowene mata esogo nelelëkefla. Na këbë lowene seme Gotobë naba lime sle mëtakefëna. Kwe këbë lowene onehome, Gotobë naba lime tafa sleme mëgaitamena, kwe bo feilawamu tëtane nëgebëmemu na ato jibo tëtëlë gali këtë motokweflabë enëneme boblomu nogotomëme.

⁵ Bo ëtani këtë esogo tēglëlëlëbë lowene, sobo lowene laletelo. Ètani beë bome kë fu tetanëbë, toballi ita aona olë tafa tlenënë na bu bobë ato jibo mana tlë mëtëtätëna. Bo Israelbë afenëbomu na bo Benjaminebë afenëbo mëta fata telë. Bobë ayana beëna bu Judabë afenëbo. Na bo Judabë afenëbo mago këme tafa nelë. Bo sigli telë na bo Farisi lotu eso enënebë lowene esogo tletëtëmë. Na Mosesbë tafa sle anebo gali esogo tletëlëmu.

⁶ Bo Gotobë wege fame feilawa afutukumu telë. Këme nëgëme, ëtani bo Jisame kë lowene sle mëtletlabë enëneme, feilawamu wame tломë. Oneho bome Mosesbë tafa sle gali esogobëme, hwi möglonana kwe bome li tēbo wesibiha hana hwi möglotëname.

⁷ Ètani bo meweniji latelë, këbë lowene lalowa lëbëwa. Bo meweniji latelë, kë iniwa lowene esogo neglëlëmëna, bo Gotobë naba lime lale ho tafa nëgelëmefe. Kwe bo Klaisme yafe lowene sle tletelë na ëje bo ëtanifu lowene, tēbo wesibi fene mehwi nanolomë.

⁸ Bo Judabë afenëbobë tafa sle galime fwa nane gali nelë. Weye. Iniwa wesibi bo ëtani melë kë tēgelëbë, bo mewenijiwa latelë, Gotobë naba lime lalowa nëgelëmewa. Kwe bo ëje kë wesibi kleli kibo fene mehwi nanolomë. Bo Klais Jisame melowene sle nëgletelëme nëgëme, bu bobë Tako Ho. Na bo kë loweneme fwa melowene nanelë, nëgali wesibimu. Bo kë iniwa tēbo lowene wahune telë, Jisame fwa lowene slemu nanëkaketelëme.

⁹ Na bo bunamu lesili sle nanëgelome. Ètani bo melowene latelë, bo Judabë afenëbobë tafa sle gali esogo neglëlëlëna, kwe bo Gotobë naba lime lale ho fata nëgelëmewa. Kwe ëje bo kë lowene hana nelë. Weye. Èje bo melowene nanelë. Sebo Jisame fwa kë lowene nëgletlabë oneho, Goto seme mefë këme lëtana, “Lale oneho.”

¹⁰ Bo metole nanelë, Klaisme lowene slemu nanëgletelëme. Goto bubë tako afutukuna Klaisme matëmatë mago huju totle. Na bo metole nanelë, bo kë afutukuna tafa nanëgelëme. Bo metole nanelë, Klais seme taitanabëme

elili fene fa totle, bo mata bubë wege kë fa nogotlëbë mëta, këha elili mefa nogotlëme. Na bu fene gli tle, bo megli nëgelëna, kë kwe lalowa.

¹¹ Bo këha lowene mëta tafa nëgelëna kwe bo melowene nanelë Goto bome mata matëmatë mago huju lëgëtanëme.

Pol melëbëme afutuku tle, wege toula elë fwa naluguleme

¹² Bo melowene hana nelë, bo Klaisbë lowene iniwa wafa totlë na bo lala homu tafa nelë. Weyewa. Kwe Klais bome buha fatabëme këaniji toglonëbë, ëje bo këha fatame feilawa afutuku nëlekefëmu.

¹³ O Kristen afani na oneglëni. Bo melowene hana nelë, bo Klaisha wafata nelë. Weyewa. Kwe jowa lowenewa lebetenë. Kë lowene melë, bo ëtani kë fa togotlëbë wesibi aholokwana ti sle nanëgelëme na tokwafe fa nogotlëbë wesibime fwa feilawa afutuku nanëgelëme.

¹⁴ Bo wege toula elëme fwame feilawa afutuku nelë, na kë wege toula mago wesibi fa nanogotlëme. Kë wesibi melë, Goto bome megali lolonë, “Ju bona heven life mëta ëhwati tafa nëgelome.” Klais ti mëta gli tle seme lëgaitana nalëgleme na nëno lëleme. Këme fwa nëgëme, Goto buna heaven life mëta ëhwati tafa nëgelome këme gali tle.

¹⁵ Sebo Gotome lowene nëgletlabëme. Na kë letitabo nëgletlabë ho, sebo iniwa jowa lowenewa neholame, na wege toula elëme fwame, feilawa afutuku nëlame, bo ëje fene gali nelë. Kwe somago fli, li lowenena nëgena kwe Goto some lala lowene lebotane lëtatëyome.

¹⁶ Kwe tako wesibi melë, sebo kë esogo nëglelëkeflabë lala lowene, Goto seme kë lebotane tëtatë nabë, kë lowenebë nëgëhola sle nëglame na aholokwana asa ti manëla. Weye!

¹⁷ O Kristen afani na oneglëni, sobo iniwa, bo kë esogo neglelëkeflëbë lowene saesogo elëlëlo. Sebo sobona kë tafa tëglabë, sobo sebo këtafa tëglabë lowene wahwi tlotëna. Na sobobë lowene kë esogo mëglelëlabë onehobë lowene, hwi sle eletemome na sobo bubë lowene esogo elëlëtemome.

¹⁸ Bo some itaita gali wafi tlëyo na ita bo some nabatuna ekë gali nolëyo. Lebutako enëne tetëbo lowene esogo mëtlelëla na kë lowene seme melë lebotane lalëtana, bu Klaisme wame lamolola. Na Klais ti mëta seme tegaitanabëme, këgli tëglebë wege, tëbo namëgëtatlame fene. Bo kë enënebë lowene wafi hwi nolotemë. Bu sobobë lala lowene tëbo nametateyome.

¹⁹ Kë enëne, bubë ato kë tole mëgletëmebë lowenewa esogo esogo melelëkefëma na këbë ato tole lowene bubë Goto fene mefata lamëlekefëtëme. Kë enëne ebë life mago wesibi fame fwa lowene melekefëya. Na bu ebë life mago tiniji wesibi fame fwa tako fleflesu lamelekefëya. Goto këha enëneme hel life mëta tëbo logotomememu.

²⁰ Kwe sebo, Jisame kë lowene sle nëgletlabë enëne, sebo këha enëne nane. Weye. Sebo kwe heven life mago enëne. Na ëje sebo Tako Home Jisame Klaisme hwi nëletla, bu heven life kile lolome na seme nënome letujuleme.

²¹ Klais, bubë afutukunawa, iniwa wesibi melë logotomeme, bubë lokwalëfe mëgëbetleme. Kë afutukunawa, bu sobobë tëbo ato jibo hihijika lëletëname na sobobë ato bubë lala ato fene mefata mëletëname.

4

Sebo yonane nëlame na fleflesu nëlame na lala lowene mëta nëtabëyame

¹ O bobë Kristen afani na oneglëni, sobo tako hobë lowene esogo elëlëtelome na kë lowene mëta fwa satafa elo, bo ebë pasë fene yahi nëletëyo.

Bo some tako tolemu nanëletëyo. Bo sobobë weniyanë hwi jwa noglometëyome nëgëme, na bo some këme maninibo nëlekefëtëyo. Bo sobo kë tafa egelobë gali yafe aholokwane telë na bo tako fleflesumu mëtletëyo na bo melowene latelë, Goto some metëglënëlatle, lalë wesibimu fenene.

² Yuodia na Sintike, sobo tlemalë one aholokwane elo. Sobo Tako Home wafi lowene sle etelë na sobo bubë lowene mëta weife tafa elo. Këme nëgëme sobolalo momata asa elëlekoiyo. Sobo jowa lowenewa saeholo na sobolalo yonane sle elome.

³ Na ju bona weife kë wege nëgelobë ho, bo jume gali nolë, ju kë tlemalë oneme, lalë galina sasle etome, bu yonane sle namëgelome. Tlemalë bonamu kahwë sle latla, Jisasbë lalë gali asë tëglelëtlabëmë. Klemen na bobë fli weife wege enëne mata bona kahwë sle latla, Jisasbë lalë gali asë tëglelëtlabëmë. Kë enënebë weniji, Gotobë ëhwati bogo mëta mëbetëme.

⁴ Sobo Tako Hobë oneho etabo, ta sobo këbëme saflelesu elekefo. Bo some ita ekë gali nëlëyo, sobo fleflesu elo.

⁵ Sobo iniwa onehome alabujuwa tafa lowenena satafa elëlëmo na bu melowene namëgletëyome sobo këha enëne. Sobo aholokwana asa ti elo, Tako Ho ligisi olë nounou ekë lëletle.

⁶ Sobo li wesibimeha asa tutune elo. Weye. Sobobë iniwa hobotame, Gotome fwa sagali elokweflo. Sobo Gotome fwa gali elokweflome na sobo bume itaita megali elokweflome, “Yahala fëyemene” na some lëgaitobëme takune elokweflome.

⁷ Sobo melë egelona kwe Goto sobobë maninibo tli lëtakefëtëyome. Sobo Klaisme lowene sle eglëtelome nëgëme, Goto sobobë maninibo këme tli lëtakefëtëyome. Goto seme fialego lowene kë lëlëkefë nabë, bu lalë wesibimu. Na seho kë wesibi esobëme habëna lowene nëgletlamene?

⁸ O Kristen afani na oneglëni, bo some li galime gali nolëyo. Sobobë lowene nëgali lowenename lalë lowenename fwa salowene elekefëtëmo. Na onehobë naba lime tafa sle egelobë lowene, na fleflesu kë egelobë lowene, na onehome yonane eglëlëmobë lowene salowene elekefëtëmo.

⁹ Iniwa wesibi bo some kë okokwe toglëyobë, sobo kë wesibiwa saesogo elëlëmo. Sobo bome wahwi tlonä na iniwa wesibi bo fene telë sobo mata melë saelo. Sobo melë egelona, kwe sobobë fialego tafa eso ho Goto lëtabetëyo, sobona tafa egelome.

Pol, Filipai life mago Kristen onehome fleflesu tletëme, bume wesibi mëtlëlamë nëgëme

¹⁰ Sobo bome egaitaname ita lowene telo. Këme nëgëme bo Tako Home tako fleflesumu nanëletelë. Ètani sobo bome tegaitanabëme lowene latlekefo kwe alëge hanane.

¹¹ Bo ebë galime kë gali nëgelëbë melëbëme nane, bo wesibime afole nëletelëme. Weye. Bo alabujuwa tafabëme, wafi lowene nelë. Bo hobotana o hobota jwa tafa nëgelëna o wesibina o wesibi jwa tafa nëgelëna, bo këme hobota hana nëgelëme. Bo këha lowenebëme alabujuwa kaiselo tafa nëlekefë.

¹² Bo wesibi jwa ho tafa nëgelëna o bo lebutako wesibina ho tafa nëgelëna bo alabujuwa kaiselo metafa nëlekefë. Bo hi wesibina nëgena o bo hi wesibi jwa nëgena bo alabujuwa kaiselo metafa nëlekefë. Bo alabujuwa tafa lowene wafi lowene sle nëletelë. Iniwa wesibi bome kë fata mëglekefëtenëbëme bo alabujuwa tafa lowene wafi lowene sle nëletelë.

¹³ Klais bome afutuku lalëlelekefënë na iniwa wesibi bome kë fata mëglekefëtenëbë, bo kë afutukuna alabujuwa kaiselo metafa nëlekefë.

¹⁴ Bo hobota kë fa notokweflëbëme, sobo bome kaiselo aitakefëna. Yahala fëyemen! Bo këbëme tako fleflesumu nanëletëyo.

¹⁵ O Filipai lifate mago Kristen oneho, sobo wafi lowene elo, bo Jisasbë gali të wege somëta afina të totlë. Na sobobë Masedonia provins kile telë na li life li lifewa të tetagulëna, kwe kë mago Kristen enëne balitina hana mëtaitana. Weyewa. Sobowamu aitana.

¹⁶ Bo Tesalonaika lifate mëta tafa tēgelëna kwe sobo bome aholokwana hana ti telo, sobo bome balitina itaita lataitana.

¹⁷ Sobo bome melowene asa eletëna. Some balitime ita takune noglëyome. Weye. Kwe some melëme tole nëletëyo. Sobo onehome agaitamobë lowene, Goto hwi lolotëyome na some fleflesu lëletëyome na ululu sle lëtome.

¹⁸ Sobo melowene egelome, iniwa wesibi, sobo bome Epafroditusbë tobame kë tēgelëbakë nabë, bo kë wesibi wafi glo telë. Èje bo lebutako wesibina tafa nelë. Bo li wesibimeha hana afolo nëletelë. Sobo bome kë tēgelëbakë nabë wesibi ebëha, ho kleli Gotome, fene ahojume lëletle, lale sinikibo hëhë nalëgletleme na Goto bume fleflesu lëletleme.

¹⁹ Bo kë lotu nëgletelëbë Goto, bu iniwa lale wesibina lëtabe. Sobo Jisas Klaisme lowene sle eglletelobë oneho nēgeme, këme fwa Goto some iniwa wesibi sobo kë afolo eglletelobë some lēglëyome.

²⁰ Goto, bu sebobë Goto na sebobë Aya. Sebo bume iniwa olë fleflesumu nëglekefëtlame, bu Tako Homu nēgeme. Nēgali mu.

Pol Filipai onehome yawe galime gali tlome

²¹ Sobo Jisas Klaisbë onehome bobë sēsle gali gali nolëyo. Na bona kë tafa nēglabë afani mata some sēsle gali gali mëlëyo.

²² Iniwa Jisasbë oneho ebë lifate mëta kë tafa mëglabë, some sēsle gali gali mëlëyo. Na Jisasbë oneho, eso ho Sisarbë lo mëta kë wege mëglabë, bu mata some sēsle gali gali mëlëyo.

²³ Bo metole nanelë, Tako Hobë, Jisas Klaisbë maninibo somëta lëbeteyome na some laitome. Ta tei.

1 Tesalonaika

Polbë oto pasë, Tesalonaika onehome kë yahi tëgletëmebë

Polna Tesalonaika lifate mago onehome tako maninibomu lamëtletëma

¹ Bo Pol, Sailas na Timoti, sebo aomalë, pasë some, Tesalonaika lifate mago Kristen onehome, ekë yahi nëletëyo. Sobo aya Gotobë na Tako Ho Jisas Klaisbë oneho. Bo metole nanelë, Goto na Tako Ho Jisas Klaisna bubë maninibo lowene matlëyo na flalego tafa naegelome.

Pol, Tesalonaika oneho, Jisasmë kë lowene sle mëgletlabë lowenebëme, fleflesu tletëme

² Sebo Gotome fleflesuna gëgali nelelëkefla sebo some lowene nëglekefëtëyome nëgëme. Sebo some lowene nanëlekefëtëyo Gotome gëgali nëglelëkeflana. Some aholokwana hana ti nëlekefëya.

³ Sebobë aya Gotome kë gëgali nëglelëkeflabë, sebo some ebë wesibibëme lowene nëlekefëtëyo. Sobo Jisasmë kë lowene sle egletelobë lowene, some lale wegebëme huju lëtakefëyo. Sobo fli enëneme tole egletemome nëgëme na bume aitamobë wegeme këme afutuku elekefo. Sobo Tako Ho Jisas Klaisme melowene sle egletelome, tokwafe seme nënome ligisime. Inywa hobota some kë fata lëglekefëtëyobë, këbë lowene bu some laitakefëyo, sobo tafa sle naegëlobëme. Na këme nëgëme, sebo Gotome këme fleflesu nëlekefëtla.

⁴ O Kristen afani na oneglëni, Goto some tako tolemu lalëletëyo. Na sebo some melowene nanëletëyomu, Goto some wafi aniji tolëyo, bubë enëne egëtabetelobëme.

⁵ Jisabë lale gali, sebo some kë tëgehitëyobë, somëta galiwa nane tisitëyo. Weye. Bu afutukuna Gotobë Amtëtombana iniwa tisitëyo. Na sebo Jisasmë kë lowene sle nëgletlabë lowene, sobo hwi sle tlotetëna. Na sobo seme melowene tletëna, sebo kë të togotlabë lale gali, sebo melowene slemu nanëletla, nëgali gali mu. Sebo sobobë ku mëta kë tafa tëglabë lale tafa, wafi hwi tlotëna. Sebo melë kë tëglabë, Jisabë lowene esogobëme, some lebotane tëtatëyo.

⁶ Sebobë tafa fene tëbekefëtëna, sobo këha tafa esogo tlelëkeflo. Na Jisabë tafa fene tēbetle sobo këha tafa esogo tlelëkeflo. Sobo Gotobë lale gali yafe aholokwane telo na esogo tlelëlo. Na fli oneho some mana kë wame motlëyo na lebutako tēbo wesibi some mana fata mëtletëyo, kwe sobo këbëme welili hana telo. Weye. Gotobë Amtëtomba some lataito na sobo Gotobë lale gali fleflesuna aholokwane tletelo.

⁷ Këme nëgëme, Jisasmë kë lowene sle mëglekefëtëlabë oneho, Masedonia provins mëta na Akaia provins mëta kë tafa mëglabë, sobobë kë lale tafa hwi motloteyome nëgëme na bu melowene mëtlame, bubë lale tafa fene lēbetëme, sebo mata këha tafa manëla.

⁸ Tako Hobë Jisabë gali, sobo kë të togotlobë, kakëmu metugujutëyo latle, fwamo lego fene tiwatëyo. Na kë galibë, Masedonia provins magowa na Akaia provins magowa nane aholokwane motokouja. Weye. Sobo Gotome kë lowene sle egletelobë gali, iniwa life mago oneho mata aholokwane lamotokouja. Këme nëgëme, kë galibë, ita hana gali nëglame.

⁹ Sebo sobelê kë tigisiyabê, na iniwa wesibi kë fata mêtlebê, oneho kë gali buwa të mêtëtagula. Bu some gali metê lametakefêtëyo, sobobê iniwa fëso fëso lowenebê aholokwana ti telo na unalême lëgëtabebê Gotome fwa lowene eletelome na bume fwa tafa eletelo na bubê wege enêne tafa elo.

¹⁰ Bu seme mata megali motlona, Sobo Gotobê Nëbame melowene egletelome, bu heven lifate kile luguleme na ita lisime. Jisas bu seme, bubê glina Gotobê enisusu mago wafi nëno tle. Tokwafe Gotobê enisusu ligisina sebo nëgëtabëya sle nanëglame.

2

Pol Tesalonaika lifatême kë wege tëglebême, gali tle

¹ O Kristen afani na oneglëni, sobo seme walowene eletëna sebo sobelê kë tigisiyabê këbê asêbê tuwati asê nane.

² Sobo seme wafi lowene eletëna. Sebo sobelê tigisiya jwa tëglana, Filipai lifate mëta sebo aomalê tako elili fa totlamu, na seme tako lëläfa lamëtëtanamu. Na sebo tako elili kë mëta fa totla. Na sebo sobelê kë tigisiyabê, Filipai lifate mago enêne fene wame motlona bu seme melê lamëtëтана. Kwe sobobê Goto, sobobê lowene afutukumu latlêmetëna na sebo këbê wamebê kikli hana tëkakëtlamu na sebo mana Gotobê lale gali të têtatëyo.

³ Sebo some, Jisame lowene sle egletelobê galime, gali tolëyona, këbê mëta yaya galiha hana gali tla. Sebo some meyaya lowenena nane tisitëyo, sebo sobobê wesibi manawa glo nanëgletëyome. Weye. Na sebo some sogëna sogëname nane tisitëyo.

⁴ Weye. Goto sobobê lowene wahwi sle tlotëna, na bubê tolenawa seme Jisasbê lale gali tëbê wege tlëna. Këme nëgëme sebo melême nane wege nëla, oneho sobobê wegeme na fleflesu mëgletëname. Weye. Sebo metole nanëla, Goto sobobê lowene hwi loglomeme, na sobobê wege buwa fleflesu lëletleme.

⁵ Sobo wafi lowene tletëna sebo sobobê lowene lale lale galina hana sisile totometëyo. Weyewa. Na sebo lale lale galime mata gëgali hana tla na sobobê mëmaune lowene këna lëlamu notlame. Weye. Goto bu mata kë wesibime walowene lëletëna.

⁶ Sebo kë wege kë fa nogotlabê, sebo melême nane fa notla, sebo ffi enëneme flesu ho fata nanëgletëmame o sobo seme flesu ho fë naetaname. Weye.

⁷ Sebo Jisas Klaisbê ëfalëbo enêne nëtabetla na sebo flesu enëneha këme nëtabëya. Këme nëgëme, sebo metole nëglabê kwe, some megali noglëyome fene, “Sobo seme aitana.” Kwe sebo some megali hana tloleyo. Weye. Sebo somëta kë tafa tëglabê, flalego tafana tafa tla nëbale tokwëtokwê fenene.

⁸ Sebo some tako tolemu latletëyo. Këme nëgëme Gotobê lale gali some fleflesuna këme tlëyo. Sebo some Gotobê lale galiwa nane tlëyo. Weye. Sebo iniwa wesibi melê nëglabême, wafi sagli tlëla, some nëgaito nanëglabême. Sobo sobobê yabenimu tafa tëgelome nëgëme.

⁹ O kristen afani na oneglëni, sobo wafi lowene elo. Sebo somëta kë tafa tëglabê na Gotobê lale gali kë të têtatëyobê, sebo baliti glo wege mata anisasanamu fa totla. Melême nëgëme, sebo wesibi kë balitina glo nanëglekefëyame, some sosalê nëgëtolime. Këme nëgëme, sebo olëna klabëna sobobê tobana këme wege tlekefëya, sobo seme wesibime egaitanalime.

¹⁰ Sebo somëta kë tafa tëglabë loweneme, sobo walowene eletëna na Goto mata seme lowene lalëletëna. Sobo, Jisame kë lowene sle egletelobë onehobë ku mëta, tafa tëglana, sebo Gotobë naba lime, lale tafawa latla. Na sebo li wesibiha kë mëta hana tëbo totla. Weyewa.

¹¹ Sobo seme lowene laletëna. Bolijaya bubë nëbaleme fene laitame, sebo some melë tegaito latla.

¹² Sebo melë latla, sobobë lowene tufiji tëgëtatëyobë gali tolëyo, na sebo some tegaito gali mata gali tolëyo. Na sebo some anisasana megali tolëyo: “Sobo Goto kë tole lëgletlebë tafana satafa elo. Goto bu some wawe tolëyo, bu eso home kë tafa lëgletëmbë oneho belë naekaklijome. Na bubë onehona iniwa lale tafa naegelome.”

Kristen oneho, bume kë fata mëtletëmbë tëbo wesibime boblo lamototoma

¹³ Sebo itaita kë wesibime mata Gotome fleflesu galina gali nolokwefla. Sebo some Gotobë gali alako të tëtätëyona sobo melowene hana telo, hobë gali. Weye. Sobo melowene latelo, Gotobë nëgali galimu. Nëgali, kë gali ebë Gotobë gali. Na kë galiwa, sobo Jisame kë lowene sle egletelobë lowene, buwa sle lotokwefëmetëyo.

¹⁴ O Kristen afani na oneglëni, Jisas Klaisme kë lowene mëgletlabë oneho, Judia provins mëta kë tafa mëglabë fenene, sobo mefata lalo. Sobobë yabenino, some tëbo lamëtakëfëo. Israelbë afenëboni, bu Jisame kë lowene sle mëgletlabë onehome, Judia provins mëta kë tafa mëglabëme, fene tëbo motokwefëma.

¹⁵ Kë Israelbë afenëboni, Gotobë ëfalëbo mago gali ëtani anebo kë mëtehilabë home mogo nalë tëtëkle mëtëtakefëya. Na bu mata, Tako Home Jisame mogo nalë tëkle mototla. Na bu seme mata hehë mëtletëna. Bu Goto kë tole lëgletlebë lowene boblo mëtakefëtla. Na bu iniwa onehome wame molokwefëma.

¹⁶ Kë Israelbë afenëboni seme yafe lëkle mëtëtakefëna, Goto onehome tafa sle logotomebë gali, Israelbë afenëboni mëtabëya jwa kë mëglabë enëneme, të jwa nanëtatëmame. Bu melëme tole jwa mëtëglame nëgëme, Israelbë afenëbo metabëya jwa kë mëglabë onehome Goto nëno lëgoukëfelime, seme këme lëkle mëtakefëna fene. Bu tëbo lowene feilawa fafa motokwefla na kë tëbo lowene bubë ëtanifu tëbo lowenena iniwa loko lokweitememe. Këme nëgëme, Gotobë enisusu bume wafata tletëme na tëbo logotomeme nounou lalële.

Polbë lowene huju tletle, Tesalonaika lifate mago onehome ita hwi nalugujëlëmeme

¹⁷ O Kristen afani na oneglëni, ëbame Israelbë afenëboni seme somago heheë mëtletëna. Na kë afolo olëna, sebo some maninibo latletëyo, bolijaya nëbale kakë tafa moguletlabë fenene. Sebo sobobë weniyane hwi hana nolometëyo kwe sobobë lowene somëta mana lëbetëna. Këme nëgëme sebo alëge feilawa hohwi këme nëtakëfëtla, so betelë ita nigisiya nanëglame na some ita hwi nanoglyëyome. Sebo some ita hwime tako tolemu nanëla.

¹⁸ Sebo sobelë nigisiyame tole nanëla. Na bo Pol, bo sobelë nigisitëyome yafe yafe nanëlekefë. Kwe Satan seme lëkle lalëtakëfëna, na sebo sobelë nigisiya jwa këme nëla.

¹⁹ Unina, sobobë Tako Ho Jisas, ita ligisina, seme fëye wesibi, afutuku lëglelënamene, na sebo këna bubë naba lime fleflesuna nilibetlame. Sebo bume fëye wesibi lebotane nëgëtatlamenë bu melowene nalëgletëname, sebo

bubë wege, wege sle latëtätla. Sebo kwe some fwa fleflesu nëletëyome. Na some fwa lebotane nëtome.

²⁰ Nakwefëyemene, sebo some fleflesu nanelekefëtëyo na lëlou nëlekefëtëyo.

3

Pol Timotime jine tlële, Tesalonaika lifate mago onehome lëgaitame nalëgleme

¹ Na kwe, sebo Atens life mëta tafa tēglabë, sebo some ita tako maninibomu latletëyo na melowene tletëyo, sebo some ita hwi nëglëyobëme, tako tole latla, këme nëgëme sebo hwi hana tla. Na sebo melowene tla, sebo Sailasna, Atens life mëta tafa nelome.

² Na Timotime sobelë jine nelëbaklome. Bu seboë Kristen afa na bu Gotobë wege ho na sebo Gotobë wegeme ilawa wege nëla, Jisas Klaisbë lala gali ilawa të nëtagula. Sebo bume sobelë jine tlëlo, some lëgaito nalëgleme, Jisame kë lowene sle egletelobë lowene, esogo sle naegletelome.

³ Na su wesibi some kë fata lëgletëyobë, somago fli tutune egelolime na Jisame kë lowene sle egletelobë lowene kile egelolime. Sobo lowene lalo, seme ebë su wesibi kë fata mëgletëname. Gotobë toleme fata mëletëna.

⁴ Sebo sobona mana tafa tēglana, sebo some megali latlëyo, “Tokwafe seme lili hobota fata mëgletëname.” Na sobo melowene wafi eletelo, sebo fene gali tolëyo, kë tēbo olë seme wafata lëletëna.

⁵ Bo melowene hana tletëyo, sobo Jisame kë lowene sle egletelobë lowene mana ehola o hanane, na bo feilawa mehwi hana tētëkakë. Këme nëgëme bo Timotime sobelë këme jine telëbaklë. Bo metutune tēgelëme nëgëme, Satan some susu lëgëtolime na sobo Jisame kë lowene sle egletelobë lowene aholokwana ti egelolime. Na sebo somëta kë wege tēglabë wege manawa tēbo lëgletënalime.

Timoti lala gali tehitleme nëgëme, Pol këme fleflesu tle

⁶ Kwe Timoti sobona tafa tulo na some hune tuto na bu se mëta tokwafe fata tēkaki. Na sobo kë tafa egelobë lala gali seme të tētätëna. Bu some megali latletëyo, “Sobo Jisame feilawa mana lowene sle elekefëtelo. Na sobo fli onehome mata mana tole elekefëtëmo. Na sobo seme mana lowene elekefëtëna, na fleflesu lala kekefëtëna. Sebo some hwi nanogloyome fene maninibo nëlekefëtëyo, sobo mata seme hwi naegloname memaninibo lala kekefëtëna.”

⁷ O Kristen afani na oneglëni, ho seme kë wame moglonabë, sebo kë wesibi mëta nëtabëya. Kwe sebo some meaholokwane latletëyo, sobo Jisame feilawa mana lowene sle elekefëtelo, na këbëwa seme taitana na seboë lowene sle tētätëna.

⁸ Sebo ebë gali meaholokwane tla, sobo Tako Home Jisame mana lowene sle elekefëtelo. Na sebo flalego tafana këme tafa nëla.

⁹ Sebo some Jisame kë lowene sle egletelobë loweneme, lowene nëletëyo, na sebo Gotome fleflesu galina gali nanolokwefla. Seboë Gotobë naba lime, sebo feilawamu fleflesu nëla. Na kë fleflesu galibëme Gotome habëna gali noglolamene.

¹⁰ Sebo kljijina klabëna, Gotome itaita metakune nanolokwefla, bu seme lëgaitana nalëgleme, some hwi bëme nigisiteyo nanëglame. Na sobo Jisame kë lowene sle egletelobë loweneme afole egletelona, kwe sebo some nanëgaitome, sobo Jisame feilawa lowene sle naegletelome.

Pol, Gotome gali tlole, bume lëgaitale nalëgleme, Tesalonaika lifate mago onehome hwime lugujutëme nalëgleme

¹¹ Sebo metole nanëla; sebobë aya Goto na sebobë Tako Ho Jisas Klais, sebobë alëge sle nalëtatëname, sebo some hwime nigisiya nanëglame.

¹² Sebo metole nanëletëyo. Tako Ho Jisas, fli onehome tole egletemobë lowenëbë, some feilawamu lëglëyome. Na sobolalo feilawa tole eglelëgome na iniwa onehome mata tole eletemome, sebo some fene tole nëletëyo.

¹³ Sebo metole nanëla, Goto këbë lowenena, sobobë lowene lëgaitatëyome. Na sebobë Tako Ho Jisas, bubë onehona iniwa ita migisiyana, kwe Jisas some ëhwati tafa hwi egletelobë oneho hwi lëglëyome na sobo lale oneho egëtabome. Na kwe sebobë aya Gotobë naba lime, tëbo wesibiha hana lëgebetëyome.

4

Sebo Goto kë tole lëgletlebë tolewa sa esogo neglëlame

¹ O Kristen afani na oneglëni, sebo some Gotobë tole esogo eglelëlobë lowene iniwa wafi okokwe tolëyo. Na sobo kë iniwa lowene esogo elelëkeflo, sebo fene gali tolëyo. Kwe sebo ëje some, Tako Ho Jisasbë wenijina megali nanolëyo, sobo kë lowene anisasana itaita saesogo elelëkeflo.

² Iniwa gali, sebo Tako Ho Jisasbë wenijina kë gali toglëyobë, sobo walowene sle eletelo.

³ Gotobë tole, melëgëbetle lalële: Sobo iniwa tetëbo lowene aholokwana ti elome na ëhwati oneho etabome. Sobo iniwa lisë lisë loweneme hëhele, egelome na aholokwana ti elome.

⁴⁻⁵ Sobo, jowa jowa, lisei lowene, sobobë lowene mëta kë mëgebebë lëlë etokwefëmome. Sobobë lowene, one mëmaunëbë lowene mëta asa gwa etokweflo. Na bume lisei lisei eglelëmobë lowene asa huju malëletëyo. Weye. Këha tole asa esogo elekeflo, Gotome lowene jwa mëgletlabë oneho fene melekefëya. Sobo Goto kë tole lëgletëmebë lale lowenewa esogo elelëkefëtelome.

⁶ Sobo Kristen afanime na oneglënime sosogëna asa elëmo na bubë ho o mëse liseë nabana hwi elotleme. Sobo melë egelona kwe sobo bume tëbo lowene mëta gogwa egelome. Ètani sebo some anisasana megali latolëyo, “Iniwa ho bu këha wesibi mëglabëme, Tako Ho Goto, bume tëbo logotomememu.”

⁷ Goto seme lisë lowene esogo nëglelëlabëme nane aniji tlon. Hanane mu. Bu seme kë aniji toglonabëye melë: sebobë lowene bume nëglëla nanëglame na ëhwati lowenewa, esogo nanëglëlëame.

⁸ Këme nëgeme, ho ebë gali boblo logotlena, kwe bu hobë galiwa nane boblo lëtatëme. Weye. Bu Gotobë gali boblo lëtatle, some bubë Amtëtomba kë lëglëkefëyobë Goto.

Sobo sobolalo yonane egelome

⁹ Sobolalo kë yonane eglelëgobëme, hana yahi nëgletëyome. Melëme nëgeme, Goto some onehome yonane eglelëmobë loweneme wafi okokwe tolëyo.

¹⁰ Na ebë bu nëgalimu; sobo Masedonia provins mëta kë tafa mokoujabë Kristen onehome tole lalekefëtemo. Kwe Kristen afani na oneglëni, sebo some anisasana megali nolëyo, sobo këbë lowene feilawamu saesogo elelëkeflo.

¹¹ Sobo aholabu lowene jwa na wame lowene jwabë onehoha tafa egelobëme, sa afutuku elo. Sobo fli enëne kë fa motokweflabë wesibime asa gali elokwefëmo. Sobo kë egelobë wesibiwa lowene elekefëtemome. Na sobobë tobana wesibi etomome, sobobë tafa këna egaitalo naegelome, ëtani sebo some fene gali tolëyo.

¹² Sobo melë egelona, kwe sobo wesibime afole hana egletemome na fli onehome, some mëgaitobëme takune hana eglokwefëmome. Na Jisasme lowene sle jwa mëgletlabë oneho bu sobo kë tafa egelobë tafa hwi moglotëyona bu some fleflesu mëgletëyome na some megali mlame, “Lale enënemu.”

Tako Ho Jisas ita ligisime

¹³ O Kristen afani na oneglëni, sebo metole nanëletëyo, gigli kë mëtebëyabë Kristen onehome, wesibi fata lëgletëmebë wesibime, sobo lowene sle naegletemome. Sobo, gigli mëtebëyabë Kristen enëneme feilawa maninibo asa eletemo, Gotome lowene jwa mëgletlabë oneho fene mla. Këbë enëne, gli mago huhuju mëglabë lowene hana lëbetëme.

¹⁴ Sebo melowene nanëla, Jisas gli tle na gli mago huhuju tle. Këme nëgeme sebo melowene nanëla, Jisasbë afutukuna, Goto, Kristen onehome, gigli mago huhuju logotomeme na bu Jisasna iniwa misiyame.

¹⁵ Sebo ëje kë të nëgëtatëyobë gali, ebë bu Tako Hobë gali. Bu melë lëgëbetle lalële. Tokwafe, Tako Ho Jisas ita ligisina, sebo tuja ato mana kë tafa nëglabë oneho, sebo afina hana nokwalame, Jisasme oloba mëta esune nanëglëlame. Weye. Hanane mu.

¹⁶ Goto feilawa we loglomeme, na bubë eso ensel mata we lëgleme na Gotobë funiji elamëme. Na Tako Ho Jisas, Heven life kile luleme na lisime. Na Jisasme kë lowene sle mëtletlabë oneho, gigli kë mëglabë, bu afina huhuju mlame.

¹⁷ Kë olëna, sebo tuja ato mana kë tafa nëglabë oneho na gigli mago kë huhuju mëglabë oneho, sebo iniwa Tako Ho Jisasme oloba mëta esune nowelëlame. Na sebo Tako Ho Jisasna unaunalëme tafa nëlame.

¹⁸ Na kwe, sobolalo, kë gali të etokweflome, sobobë lowene këna aitakefëmome.

5

Sebo Jisas ligisibëme sagli nëglëtlame

¹ O Kristen afani na oneglëni, sebo Jisas ligisibë olëme, hana gali sle noglëyome.

² Sobo wafi lowene eletelo. Jisas ligisibë olë, bu lafatawa lëgleme, tokli ho klabë fene lisi.

³ Oneho megali mëglame, “Ëje sobobë lale fleflesu olë lemotëna. Na seme wame moglonabë enëne hana tafa mla. Weyewa.” Kë olëna, bume tëbo logotomebë wesibi, lafatawa lëletëmeme, mëse nëba amlebo fene fale etamë. Na kwe bu kë wesibi hana elë mëglëlame.

⁴ O Kristen afani na oneglëni, sobo klabë mëta tafa egelobë oneho nane, klelego kë egelome. Weye. Këme nëgeme some kë olë fata lëglena klelego hana egletelome, ho tokli home hwime fene klelego lële. Weye.

⁵ Sobo iniwa, elulego mëta asë egelobë oneho. Sebo tlkofini mago oneho nane. Weye.

⁶ Kème nêgeme, sebo lili sloslowa asa manêla. Gotome lowene jwa mëgletlabê oneho fene mla. Sebo sagli nêglêlame, Jisas ligisibê olême mana hwi nêkaketlame.

⁷ Sebo lowene nanela, bu nini mëgebëyabê enêne bu klabê nini lamebëya. Kye mëglabê enêne bu klabê kye kye mëla.

⁸ Kwe sebo kwe kliji elulego mëta tafa nêglabê oneho. Sebo kème lowene sle nêglame. Sebo Gotome lowene slemu nêletlame na fli onehome mata tolemu nêletëmame. Kê lowenebê seme, Satanbê tetêbo lowenebême title lêtaname, yako lamu kaba soldiamme fene title etole. Na Jisas seme nênome ligisibê lowene, lowene sle nêletlame. Kê lowenebê seme, Satanbê tetêbo lowenebême title lêtaname, eso kaba soldiamme fene title etole.

⁹ Goto seme melême nane aniji tlon, Gotobê enisusu mëta tafa nêlame. Weye. Bu seme melême aniji tlon, sebobê Tako Ho Jisas seme nêno nalêgleme.

¹⁰ Êtani Jisas wafi gli tle, seme legaitanabême. Kème nêgeme, sebo tuja ato mana tafa nêglana o sebo gigli nêglana na bu mana lisina, kwe sebo buna êhwati atobêna tafa nêglame.

¹¹ Kème nêgeme, sobolalo, kèbê lalê galina gègali elelêgome na sobolalo, sobobê lowene aitamome, sobo fene elekefo.

Jisasmme kë lowene mëgletlabê onehome, lalê lowene fabême, Goto lègaitameme

¹² O Kristen afani na oneglêni, sebo some megali nolêyo! Some kë moutatêyobê na kë mëgaitakefêyobê hobê gali aholokwane elomome na esogo elêletëmome. Tako Ho, some kë mougoutatêyobê home, aniji tlome, some tafa namêgletlêyome. Bu some Gotobê galime okokwe lamolokwefêyo na sobobê têbo lowene sle motokwefêmetêyo.

¹³ Sobobê kume, wege kë fa motokweflabê enêneme lowene eletemo na bume lalê lowenenamu yonane elelême na bume tolemu sle eletemome. Na sobo iniwa jowa lowene mëta fwa etabome na yonanewa elome.

¹⁴ O Kristen afani na oneglêni, sebo some anisasana megali nolêyo! Sobobê ku mëta, wege jwa kë tatafa mëglabê onehobê lowene anisasa galina sasle etometemo. Na tutune na uli kë mëglabê onehobê lowene alabuju galina sle etometemome. Na afutuku jwa kë tafa mëglabê onehome aitamome. Na sobo iniwa onehome alabuju elelême.

¹⁵ Oneho some gèglê mëglêlêyona, kwe sobo kofaya bume asa gèglê elelêmo. Weye. Iniwa olê sobo Gotobê onehome ululu etomome na iniwa onehome mata ululu sle etomome.

¹⁶ Sobo itaita fleflesu eglekefome.

¹⁷ Na sobo Gotome gègali elelêkeflome.

¹⁸ Lalê wesibi o têbo wesibi some fata legletêyona, sobo Gotome fleflesu gali nawa sa gali elokweflo. Goto metole lalêle, Jisasbê lowene mëta kë asê egelobê enêne, sobo këha lowenewa saehokweflo.

¹⁹ Gotobê Amtêtomba some li wesibi fa egotlobême huju lègêtona, sobo lèkle asa etlo.

²⁰ Na Gotobê êfalêbo mago gali some kë tê mëgêtatêyobême heheê asa elo.

²¹ Kwe sobo iniwa gali kë aholokwane eglomobê, sobobê lowene mëta obobwelê elujuwetomome. Na iniwa lalê gali, ehwêyome na esogo elelême.

²² Na sobo iniwa memelê tetêbo galime na tetêbo loweneme hêhele egelome.

²³ Bo metole nanelë. Gotobë maninibo tli lowene, buwa sobobë iniwa tëbo lowene sle malotometëyo, ëhwati onehomu fata naegletelome. Na bu sobobë atona lowenena iniwa ululu sle nalotometëyome, sobo lalowamu tafa naegelome. Na sebobë Tako Ho Jisas ita mana lisime, Gotobë naba li mëta tëbo wesibi liha hana lëgebetëyome.

²⁴ Some bubë oneho fata egelome kë aniji toglëyobë Goto, bu kë wesibi some fata lëgëtatëyome. Bu melëme nëgëme, bubë iniwa gali esogo lalëlelëkefle.

²⁵ O Kristen afani na oneglëni, sobo Gotome sagëgali elëlëlo, bu seme lëgaitana nalëgleme.

²⁶ Sebo Gotome kë lowene nëgletlabë onehobë lowene fene lëbetëna, sobo fli Kristen afanime na oneglënimë sasësle etomo.

²⁷ Bo Tako hobë wenijina some, anisasana megali nolëyo, sobo ebë pasë Jisame kë lowene mëgletlabë iniwa onehobë aholo li mëta sahwi elëyo.

²⁸ Sebo metole nanëla, sebobë Tako Ho Jisas Klais some ululu sle malëto.

Jems

Jems kē yahi tēglebē pasē

¹ Bo Jems Gotonabē, Tako Ho Jisas Klaisnabē manawa wege ho. Bo some pasē ekē yahi nēkeketēyo. Sobo we ita tēle Israēlbē afenēbo lilife lilife mēta kē nibowai ekoujobē oneho. Sobo lale klijimu.

Hobota wesibi kēnegebēye, seme kalēlego mēgētanabē wesibi

² O bobē, Jisame kē lowene sle eglotelobē afani na oneglēni, some tetēbo hobota wesibi fata mēgletēyona, na sobo kē wesibi hwi eglomona, kwe sobo kē wesibi mehwi eglomome, fleflesu wesibiwa.

³ Kēme nēgame, sobo melowene egelome. Kēha su kē nēgebēye some melēme olafa mēto, sobo Gotome lowene slemu laletelomu. Kēha su some hobota eglibetembēme laito na ebē life mago tetēbo lowene aholokwana ti elome.

⁴ Na hobota eglibetelobē afutuku bubē wege yawe malolole. Kwe sobo melē egelona, sobo hobota eglibetelowa egelona kwe sobo ebona flo egelome, na sobo Goto kē tole lēgletlebē lowenebēme hana afolo eglomemu.

Ho li lale loweneme, afolo lēglena, kwe Gotome fwa satakune lolole

⁵ Kwe loweneme yalē afololēglena, kwe bu Gotome takune lololeme, na lēlēme. Melēme nēgame Goto bu tako fleflesumu lalēle iniwa onehome lowene lēglēmebēme bu wame hana loglomeme.

⁶ Kwe bu Gotome melowene sle lēletleme bu lēgētatenēme na mana takune lololeme. Lebutako lowenena asa takune malolole. Matēbemu. Fēyemene? Ho bu lebutako lowenena wesibime takune loglolena kwe bubē lowene haliji tu fenene melē asa malēletle.

⁷ Bo some tutuneme gali nolēyo, sobo melē asa elo. Fēyemene? Kēha lowenena ho Gotome wesibime takune loglolena, wesibi Tako Ho mago fa hana logotleme. Hanane mu. Bu melowene asa malēletle, “Goto bome wesibi lēglēnemefe.” Wēyewa.

⁸ Bu tēle lowenena ho lētabe. Kēbē tēle lowene bume kiki lalēbobukwake na bu kēme nēgame bu jowa lowene mēta fwa hana lētabe.

Wesibi jwa enēne name, wesibi feilawa enēnename, Jems okokwe tlome

⁹ Jisame kē lowene sle mēgletlabē afani na oneglēni, wesibi jwa nēgena kwe lalowa bu fleflesu matla. Goto bume mehwi loglomeme nēgame, letitabo enēneha mētabēyame.

¹⁰ Jisame kē lowene sle mēgletlabē oneho balitina kē nēgebē. Melēme, bu kwe fleflesu mēglame Jisas Klaisbē lokwalēfewa mētabēa. Kēme nēgame bu iniwa wesibina bu kwe tēbo mēglitayame bu ti tahweji fene māklēfa mle na mitigo.

¹¹ Bo megali, kliji bubē atētena, lokwalena na kaka lēkekeme, bubē atētena agosaba lakokowa lētamēme, na bubē tahweji mata lamāklēfawa lētamē na bubē tahweji laegētikwawa na bubē lale weniyanē latēbowa lēletē. Bu baliti ho fene, bu iniwa wege motla motla, kwe bu hokweinawa gigli mēglame. Kēbē wesibi bubē kwe tēbo mēgletēmeme.

Goto bu seme ululu sle lalētakefēna, tēbo lowene belēme hana ki lēkake

¹² Feilawa hobota onehome fata mēgletēmēna na bu hobota mēglibetlawa mlame, kwe kēha oneho bu fleflesu matla. Kēme nēgemē. Tokwafe kwe Goto bume lale ēhwati tafa lēglēmeme. Goto bu megali sle wafi tle, “Bume kē tole mēgletlabē enēneme kē ēhwati tafa lēglēmeme.”

¹³ Hobē tēbo lowene huju lēgētatlēna, bu melowene asa malēle, “Goto bome tēbo lowene elē bu ki lēkake.” Weye. Tēbo lowene Gotome hana ki lēkakeme. Na Goto home, tēbo lowene elē hana ki lēkakeme.

¹⁴ Kwe sebobē tēbo lowene kē nēgebēye, buwa seme tēbo lowene elē kiki lēbebokwake. Kē lowene tēbowa seme sosogēna lolona na kiki lēbebokwake, tēbo lakale nogotlabēme.

¹⁵ Bo gali nelē ebē waflē galime. Ebē tēbo lowene loglotle wame huju lēglēna bu mēse nēba fene ehole. Na ke maninibo tēbo takowa na bu tetēbo wesibi lotle, na kē tetēbo wesibi logotlebēye, naglime fata lotle.

¹⁶ O bobē afanino na oneglēnino, kēbē maninibo tēbo some ki asa malēbebokwake.

¹⁷ Iniwa lale lale wesibi kē glo nēglekefēyabē, kē heven life mago metujukefle. Klijina, yemena, sēgetobana, kē blēge togotomebē Aya, kē lale wesibi iniwa buwa seme lētelēbakēkefēna. Kē Aya kē nēgebē bu lowene hihijika hana lēlekēfe. Bu kē nēgebē, kliji elulego mago amtētomba fenene kēha hana lēle. Bu melēbē nane, heletabo lēle na ita afluja lēle, amtētomba fenene. Weye. Goto bu melēgētābekēfēwa lalēle.

¹⁸ Bu melē bēme tole lēle sebo bubē nēbale fene nētabetla nēlame. Bu sebobē aya fene mēfata lēletēname. Na bu kwe bubē nēgali galina seme jine lēlētēna. Na sebobē maninibo kwe bu mēta fwa kesi mēleme. Na kē onehome Goto meaniji latlome bubē, bu wesibi blēge blēge totomena.

Sobo gali aholokwane elome na esogo elelōlome

¹⁹ O bobē afanino na oneglēnino. Sobo ebē wesibi salowene sle eletemo. Sobo iniwa aholo bo sle etome, na alabuju galina mana tafu etatemome na sobo hokweinawa momatame asa ējuwetigo.

²⁰ Sobo enisusu asa elo matēbe, ho li hokweinawa enisusu lēglēna bu Gotobē naba li mēta lale ho nane.

²¹ Kēme nēgēme tetēbo lowene, sobobē lowene mēta kē fata mēglekefētēyobē, aholokwana ti elome. Na flalego tafana Gotobē gali mana fa etlome. Goto kē gali somēta wafi gwa telutatēyo. Kēbē gali kē nēgebē sobo lale unaunalēmē ēhwati tafa kēna fa egtlome.

²² Sobo Gotobē tafa sle gali aholonawa asa aholokwane elo. Weye. Sobo esogo esoge eglēlēmome. Aholokwanewa egelona, kwe sobo sobolalo, kule kule lalēlogo.

²³ Kwe ho li Gotobē tafa sle gali aholo nawa aholokwane lēglēna na esogo hana lēglēlēna. Kwe ho bu weniyanē tu mēta hwi loglōlebē fenene.

²⁴ Bubē weniyanē hwi lolole, kwe ita bu hokweinawa bubē weniyanē lamēmētewa lēkakettle. Bobē weniyanē habetabone?

²⁵ Kwe kē lale tafa sle gali kēnegebēye, tēbo loweneha li hana lelube. Na bu tēbo loweneme boblo logotleme na seme ēhwati tafa lēlētēname. Na ho li kē lale tafa sle gali hwi sle loglōmena na esogo sle lēglēlēmēna na aholokwana hana ti lēglēna kwe Goto sle logotometleme na lalowamu fata mēletleme.

²⁶ Kwe ho li megali lēglēna, “Bo lale jisasme kē lowene sle nēgletelēbē ho na Gotobē lowenewa esogo sle nēglēlēlēbē ho,” kwe bu bubē aleji ululu sle

jwa logotlena kwe bu bume fwa kule kule lële. Këme nëgeme Gotome kë lotu lëgletlebë lowene, waiyo jwa këme lëbetle.

²⁷ Jisasme kë lowene sle mëgletlabë onehobë lakale, Aya Gotobë naba lime lalowa lëgëbetëmebë, bu melë; Sebo flinëba nëbaleme inainagi nëglame. Na seiju oneme mata naitamame. Na bu hobota fa mogotlabëme na wesibi nëglëmbëme mata naitamame. Na li wesibi mata melë lëgëbelalële, sebo sebobë lakale ululu sle nëtagulame, ebë life mago tëbo lowene sebobë lalë lowene, Gotobë naba lime lëlalë lëgëtatënalime.

2

Sebo iniwa onehome jowa lakalewa olafa nëgëtatëmame

¹ O bobë afanino na oneglënnino, sebo iniwa Jisas Klaisme kë lowene sle nëgletlabë oneho. Bu kënegebëye heven lifate mago lalë wesibibë eso ho lëtabe. Këme nëgeme, sobo melë asa elo, wenijiatena enëneme fwa sle etomome kwe atwati enëneme tëbojiwa elomome.

² Ho li lalë lalë ëho gëgelo lëleme na golna blëgetabo toba baliti toba kume lehwa mëme, na lotu lowa mana lëkaklina. Na wesibi jwa ho kaka tabo ëhona mata lëkaklime.

³ Na sobo melë egelona, lalë ëhona negli sle kë logotlebë home fwa megali elolome, “Ebë lalë labume tafa ele,” kwe wesibi jwa home megali elolome, “Eme ejuwelibe” o megali elolome, “Bobë kiju li mëta tafa ekoketenë.”

⁴ Kwe sobo kë fene melë egelona, na wesibi jwa enëneme tëbojiwa eglomona kwe sobo tëbo lakale fa etlo. Melë kë egelobë, sobo onehome eselëkwëyo lowenena hwi elomo na iniwa onehome jowa lowene nawa hana hwi elomo na melowene hana elo, sebo iniwa mëtabowa tafa nëlafa.

⁵ Bobë afanino na oneglënnino, sobo aholokwane elo. Wesibi jwa kë mëtabëyabë, oneho ebë life mago onehobë naba lime Goto bume meaniji latlome, Jisas Klaisme lowene sle mu mëgletlame. Ètani Goto bu megali sle latle, oneho bume tako tole kë mëgletlabë, Goto esohome kë tafa lëglebë lifate mëta tafa mëglame.

⁶ Sobo kë wesibi jwa enëneme sisile latokwefëmo. Kë wesibi lowene sle ekaketelo. Some tiniji ya lëlékefëyone na hobota ya gwa lëtakefëtëyone na plis enëne belë lëlelukefëyo. Wesibi feilawana oneho buwa melë lamëtakefëyo.

⁷ Sobo Jisas Klaisbë oneho etabetelo. Na kë Jisas Klaisbë lalë weniji yalë sisile lëtakefëtlene. Kë feilawa wesibina enënefe.

⁸ Goto bubë bogo mëta tafa sle gali tlëna. Bubë auto mago gali melëgëbe lalële, “Ju jubë yabeme metole egletleme, ju jubë ato fene tole eletle.” Sobo melë eglelona, kwe sobo lalë lakale blëge egotlome.

⁹ Sobo balitina onehome eselëmona bu lalë, kwe wesibi juwa tëbo onehome tëbo etomome, kwe sobo tëbo lakalemu fa etlomu. Gotobë tafa sle gali some meolafa lëgëtomome sobo tafa sle gali boblo egotlobë enëne etabomu.

¹⁰ Ho li iniwa tafa sle gali esogo sle lëglelëmena. Na bu li tafa sle gali boblo logotlena, kwe bu tëbo lalilitamu na bu iniwa tafa sle gali boblo logotomebë ho lëtabemu.

¹¹ Sebo walowene nëla. Goto megali kë tëglebëme, “Sobo hona one asa lisei lisei elëlémo.” Na bu ita megali latle, “Onehome mogo nalë asa tëtëkle eto.” Kwe ju lisei lisei hana eglona, na kwe ju home mogo nalë tëkle etle, kwe këha melë eglona, kwe ju iniwa tafa sle gali boblo egotomebë ho etabemu.

¹² Lowene elo tokwafe sobo Gotobë koto mëta eglibome wesibi sobo kë egotomobëme, na kë gëgali egelobëme. Sobo fli onehome tole egletemona kwe sobo egëtabo sle egelome.

¹³ Ho li, li home maninibo jwa lëgletlana, kwe Goto kë hobë lakale hwi loglotlëna kwe këha home Goto hana maninibo lëgletlememu. Kwe ho li, li home maninibo lëgletlana, Gotobë maninibo nawa bu Gotobë enisusu boblo logotleme na bu kwe tafa sle lëleme.

Gotome lowene sle nëgletlabë lowene na lakale esogo nëlëlëtlame

¹⁴ O bobë Jisame kë lowene sle mëgletlabë afanino na oneglënino, somago ho li megali lëglana, “Bo Gotome lowene sle nanëletelë.” Kwe bu fli onehome ululu sle juwa logotomena, këha Gotome lowene slebë lowene wayo hanamu lëbetle. Na këha lowene Goto onehome bubë koto mëta hwi loglomena bume habëna lëgaitalemene? Weyewa.

¹⁵ Jisame kë lowene sle mëgletlabë afa li o mësenëba li bu ëhome afole melome o hi wesibime afole melome,

¹⁶ na somago, li afa megali lolomeme, “Goto some ululu sle malëto, sobo flefesuna eyeu. Sobo lale ëho gëgelo elome na hi egelobëë, imo tëtafumu etomome.” Kwe sobo bume bubë ato lëgaitametëmebë wesibi eglëmo jwa nëgena, këha blawa gëgali. Bume habëna lëgaitamemene? Weyewa.

¹⁷ Jisame lowene sle nëgletlabë lowene, mata, kë fenene. Këbë fli onehome nëgaitamabë lakale juwa nëgena, këbë meolafa sle lalotle Jisas Klaisme lowene slebë hanane. Këme nëgeme bume habëna lëgaitalemene? Weyewa.

¹⁸ Kwe ho li megali lëleme, “Ho li Gotome lowene sle lëgletlebë lowenena, kwe ho li onehome lëgaitameme.” Bo kwe bume metafo nëgëtatelëme, “Kwe fli onehome agaitamo juwa egelona Jisame lowene sle egletlebë lowene hanane.” Kwe bo some bo Jisame kë lowene sle nëgletelëbë lowene, lebotanë nëtatëyo, bo onehome kë nëgaitamëbë lowenena.

¹⁹ Sobo melowene sle lalo, “Jowa Gotowa lëtabemu.” Kë kwe nëgali lowenemu. Masiwafe, alibaho, ahwane na tijeli mata Gotome melowene sle lamletle, jowa Gotowa lëtabe. Na bu tutune lowenena tafa mle.

²⁰ Sobo eso ka juwa etabone! Gotome lowene sle nëgletlabë lowene onehome nëgaitamabë lowene juwa nëgena, këbë lowene hi wesibi juwa ti fenene. Sobo kë galibë wayo lowene naegletelomene? Sobo aholokwane elo.

²¹ Sebobë semle Abrahamme lowene ekaketelo. Goto bume lale ho fëye melëna totle. Bu bowene Aisakme, ahojumbë amasei mëta yafe gwa towetle Gotome lëglële nalëgleme. Abraham kë blëge togotlebë Goto yafe hwitlotle bu lale ho fë këme totle.

²² Lowene sle elo, Abraham Gotome lowene sle tletle na bubë gali esogo sle tletletle. Na tèle wesibi iniwa sago mëtle, Abraham Gotome lowene sle tëgletlebë lowene olafatletle.

²³ Abrahamnabë, Aisaknabë, anebo galime, Gotobë bogo megali kë eglabë, “Abraham Gotome lowene sle tletle na Goto bume lale ho fë totle.” Na bume mefë mototla, “Gotobë yabe.”

²⁴ Sobo melowene egelome, ho Gotobë naba lime lalowa lëgëtabëme, sobo hwi elo bu Gotome lowene sle lëletle na onehome laitameme këme fwa Goto bume mefë lotleme lale ho. Weye.

²⁵ Kë fenene, Rahap bu lisei mëse. Bu melë latle, Josua kë jine tēglëmebë home lowa nono tle na ëho totome na li alëge elë jine telëkakëme. Kë lakalena Goto bume lale mëse fë këna têtamë.

²⁶ Alibaho ato mëta lëgëlutabe jwa nëgena, kwe kë ato wagli lële. Kë fenene, onehome nëgaitamabë lakale jwa nëgena kwe Gotome lowene sle negletlabë lowene wagli lële.

3

Sebobë gëgali ululu sle nogotlame

¹ O bobë Jisame kë lowene sle mëgletlabë afanino na oneglëmino, somago feilawa, onehome okokwe moglomabë ho fata asa elo. Këhabëme gali nelë. Sobo wesibi walowene eletelo. Tokwafe sebo onehome kë okokwe noglomabë ho, Goto onehome koto loglomena seme feilawa obobwelë lëgëtaname.

² Sebo Jisame kë lowene sle nëgletlabë fli olëna tetëbo lowene meblëge blëge notla. Ho li kleë gali juwa lëglëna bu tafa sle lalële këha ho bu bubë iniwa tafa ululu sle lalotle.

³ Sebo hos klelibë ëfalëbo mëta ainë afo susu nanotometëma na bu sebobë tolewa naesogo mëgletlëmetëname. Sebo kë ainë afo nawa nëbebotokwakëma.

⁴ Aholokwane elo, sibu lo mata bu tako wesibi. Ho sibu lo mago yegu tokwëfo nawa tei fa mëbebotokwakla, tako kalëlegona flelu yafe lehule jelime këbë yegu mëta tei fa mëbebotokwakla.

⁵ Kë fenene aleji mata këha, bu tokwëfo wesibi, kwe bu tako hobota lalowa fata loglotleme.

Aholokwane elo, tokwëfo ahoju naflëbo, tako ahojume fata logotlememu. Na iniwa walujume latemuwa lëtagule.

⁶ Sebobë ëfalëbo bu ahoju fenene, bu helbë ahoju leslië lotle. Ëfalëbo bu tetëbo wesibi blëge lotle, sebobë amtëtomba sisile lotometëna.

⁷ Oneho waluju mago wesibi olome memëlëma, fole, taiju, kleli na tu mago wesibi mata olome memëlëma, bubë tolewa esogo mëgletlëmetëmebëme.

⁸ Kwe ho li semago aleji lëkle logotlebë afutuku hanane mu. Aleji bu tëbo wesibimu, bu motaba fenene. Ho hana lëbebotokwaklememu.

⁹ Kë alejiwa sobo mesosaia latlomu, Gotome këna fleflesu eletelo na kwe ita Goto bu fene, kë blëge blëge totomebë onehome tëbo gali elomo.

¹⁰ Jisame kë lowene sle mëgletlabë afanino na oneglëmino, kë jowa efalëbowa melë lalële, Gotome fleflesu lëletle na ita tetëbo gali lële. Kë tèle lowene ilawa asa yonane matelo.

¹¹ Yefi tu mago lale tu na tëbo tu na jowa tala magowa hana sisibo mëlukwokeme.

¹² Jisame kë lowene sle mëgletlabë afanino na oneglëmino, atowai mëta niji logowalëmene? Hee! Binibi mëta wei logowalëyamene? Hee! Këjina yefi tu, bu lale tume fata logotlemene? Weyewa.

Lale lowenena ho, bu lale lakale olafa, lotleme

¹³ So mago ho li megali lëglëna, “Bo ebë life mëta asë nëglabë lale lowene, lowene sle nanëletelë.” Këha ho sobobë ku mëta tafa lëglëna kwe bu meolafa salotle, bu onehome laitamebë ho. Na fli enëneme lokwalëfe lëgletëmebë lakale blëge lotleme.

¹⁴ Kwe mëmaune lowene, na gëglë lowene, wenijiate fa egotlobëme boblo lowene, sobobë lowene mëta mana mëgëbena kwe sobo mëjiaklë asa elo sebo lowenena tafa nëla.

¹⁵ Këha yaya lowene Goto mago nane misi. Weye. Këha lowene hobë lowene magowa, ebë flëke mago wesibiwa na bu Satan mago misi.

¹⁶ Sobobë ku mëta mëmaune lowene, na gëglë lowene, na wenijiate fa egotlobë lowene, këha lowene tëbo lowene, na gëglë lowene bu fata motle sobobë ku mëta.

¹⁷ Lale lowene Goto mago kë migisibë lakale ekë, tëbo lowene lëgëbetle juwa lëleme na Gotobë tolewa esogo lëlelëleme. Këme keibë, fli enënena mogweliha tafabë lakale. Këme keibë, onehome lënalëna loglomebë lakale. Këme keibë, fli onehome boblo jwa logotomebë lakale. Këme keibë, fli onehome maseiwa lëgletëmebë lakale, na ululu sle notomame. Këme keibë, onehome këha lakalewa blëge nëtatëmame. Këme keibë, ju sogëna na able eglebë lakale ju mëta asa ehole.

¹⁸ Këme keibë, fli onehome yonane sle mëglelëmabë lakale. Goto kë tole lëgletlebë lale lowene nuju mëta lale hi wesibi fenene hulu mle.

4

Oneho ebë lifebë lakale kë tole mëgletlabë, bu Gotome wame moglolabë enëne

¹ Sobolalo wame na momata fëyeme elelëgone? Ebë esome fwa fata lële. Kë tëbo lowene sobobë lowene mëta lelubetëyo na some kë tëtëke lëtakëfëyo. Bo sogëna gali nanëlëone? Heel!

² Sobo wesibi fa egotlobëme tako tole lalo, kwe sobo hana fa etlo. Këme nëgame sobo sobolalo moumou këme elelëgo, sobo fli eneneme mogo nalë tëtëklebëme këme sagli elolo bubë wesibi glo naegletemobëme. Meleme nëgame sobo bubë wesibi mëmaune lalometemo, kwe sobo glo hana elo. Sobo gëglë këme elo kë wesibi glo naegelome. Sobo Gotome takune jwa eglolome nëgame, sobo wesibi glo jwa këme elo.

³ Sobo Gotome takune lalëkweflo, kwe sobo wesibi fa hana etlo. Fëyemene? Sobo tëbo lowenena takune eglëkeflome nëgame. Sobobë ato fleflesu tëbo lowenebë tole këna yawe naeglolome.

⁴ Sobo labeso totho mëglabë oneha. Sobo melowene hana elone? Oneho ebë life mago lakale tole mëgletlana, kwe bu Gotome wame moglolabë enëne. Këme nëgame fëye enëne ebë life mago lakalena yonane mëglabëme tole mëglana bu, bu tobana melëlekuju lamela, sebo Gotome wame noglolabë enëne nëtabëya.

⁵ Sobo melowene lalone, ëtani Gotobë bogo mëta blawame yahi mëtlane? Weyewa. Bu megali lala. “Goto bubë amtëtomba ho mëta kë gwa tëgelujuwetlebë, Goto bu seme metole lalëletëna ho mëseme fene tole lëletë, kwe bu bume sisile egotlana fli home mëmaune eglëmebë lowenena.”

⁶ Kwe, Goto seme lalaitakëfëna, tëbo lakale boblo nogotomabëme. Gotobë bogo megali lala, “Goto tuwetuwe mëglabë onehome tëbo jjiwamu lalolokwefëme. Kwe Goto bu fli onehome kë lokwalëfe mëgletëmabë onehome bu ululu sle lalotokwefëme.”

⁷ Sobo Gotome salokwalëfe eletelo na bubë tole mëta fwa asë eletelome. Na sobo Satanme feilawa boblo egotlome kwe sobo melë egelona, kwe bu somago lëglëboukakume.

⁸ Sobo Goto nawa lesili eulome, na bu somëta mata lesili lëkakime. Tële lowenebë mëta kë tafa egeLOBë oneho, sobo sobobë lowene sle etomome. Tëbo lowene sakile elo na Gotome fwa lowene sle eletelome.

⁹ Sobo nabatuna feilawa saye elo na somalëfana temutu enitome. Sobo tëbo lowene mëta feilawa etabome nëgeme. Sobo soso lakale mëta ke tafa egeLOBë, ye lakale elë sahihijika ekako na ye feilawa kle etlome na sobobë fleflesu lowene hihijika ekakome na witina tafa ekoujome.

¹⁰ Sobo Gotobë naba lime lokwalëfe lowenena satafa elo. Sobo melë egeLona, kwe bu some fleflesu lëletëyome na wenijiatena oneho hwi lolëyome.

Fli enëne, sebo blawa asa so manëtatëma

¹¹ O afanino na oneglëmino blawa asa so etatemo na eselëmome. Ju mëglena, kwe tafa sle gali, tëbo gali lalolemu, kwe jubë wege nane tafa sle gali sle egotlebëme, weye. Jubëye, esogowa eglelëleme.

¹² Goto tafa sle gali buwa lehole sle lëlemu, na buwa onehome koto loglomebë ho lëtabe. Na gigli mëglabë onehome lëgaitamebë ho, na bu onehome Hel elëme lalowa mejine lëglëmeme. Sobo ebë life mago howa. Sobo habëtabo hone, onehome eselëmo këme elo?

Sebo aholabu asa manëla

¹³ Sobo aholo bo eto, sobo megali kë egeLOBë enëne, “Eli o uniji bo tebë lifate takowa nuwime na jowa tlibutu tafa nulëme na baliti loko nëgëtëbë wege mana fa notlëme.”

¹⁴ Sobo megali asa elo. Sobo uniji fata lëglebë wesibi lowene laletelone? Weye. Sobo ebë life mëta kë tafa egeLOBë tafa, tokwefo olëwa etabo, olobalë, oloba fene mekesiwa lalële, kwe kliji yafe u lëkeke kwe lagëgewa lëkake.

¹⁵ Sobo megali egeLome. Goto seme ebë life mëta tafa nëglabëme tole lëgletëna, kwe sebo kë wesibi nogotlamemu.

¹⁶ Sobo aholabu asa elo na megali ebokwako, këha lakale bu tëbo wesibi.

¹⁷ Ho li lale lowenebë lakale walowene lëgletlëna kwe bu kë lowenebë lakale blëge jwa logotlëna kwe bu tëbo lowene blëge lotle.

5

Feilawa wesibina enëne bu fuflu fa mogotlame

¹ Hai! Wesibi lebutakona enëne aholokwane elo. Sobo tako ye sakle etlomu na witina asë elome. Melëme nëgeme, tako hobota some esogo lalëlagijo na some lamu logotobëme nounou lalëkeke.

² Sobobë iniwa lale wesibi kë nëgebë wafla meletëyo, na lale lale ëho mata lahwë watëtlë motometëyo, na wanehou watiji meletëyo.

³ Sobobë silva baliti na gol baliti gu wafi mëlelëtëyo. Kë balitibë gu, Gotobë naba lime gali sle mëleme, bu sobobë tëbo lakalebëme. Këbë balitibë gu sobobë ato ahojunaha bu temu lëgëtatëyome. Yawe olë lololi lalëkeke na sobo lale lale wesibi loloko eto.

⁴ Aholokwane elo. Nuju mago olo wesibi kë wawa mëglekefëtëyobë wege home baliti eglëmo sle hana elo, baliti wali tokli lalekefëtemo. Tako Kalëlegona Goto, këbë tëbo lakale wahwi lolole, na wege enënebë afeflei mata waholokwane lolome.

⁵ Sobo ebë life mëta lale tafa fa etlo. Sobo iniwa wesibina etabo. Na sobo li wesibi meha hana afolo eletelo. Sobo sëse tabo tobaluku luku hime sagli lëglëlebë fenene.

⁶ Kwe sobo lale lakale mēta kē tafa egelobē onehobē lakale lasēlētemo na mogo nalē tētēkle eto. Sobobē afutuku hana boblo mēgētātēyome kwe sobobē wame tafu mēgētātēyomene? Weyewa.

Sobo lowene tafuwa etlome na Jisas ligisibēme mana hwi eletelome

⁷ Jisame kē lowene sle mēgletlabē afanino na oneglēnino, sobo lowene tafuwa etlome Jisas ligisibē olē, mana hwi eletelome. Olo wesibi ola mēglabē home lowene eletemo. Bu memelē lamla, tlibutu awi hwi lēletlee, tlibutu ye lēkake na wanagli fata lēle na nuju mago olo wesibi mana wawa lēle.

⁸ Sobo mata hobota fa egotlona lowene tafuwa egotlome, na eglibe telowa elome. Jisas Klais ligisibē olē lololi walēletle, kēme nēgeme sobo titiwa laeglibowa.

⁹ Jisame kē lowene sle mēgletlabē afanino na oneglēnino. Sobo fli Jisame kē lowene sle mēgletlabē afanimo naba asa tutuhu etometemo. Aholokwane elo. Sobobē gali aholokwane lēglēyobē ho wafi lisi. Ino ēfome ekē lilibe.

¹⁰ Jisame kē lowene sle mēgletlabē afanino na oneglēnino, Gotobē ētanifu profet onehome lowene ekaketemo. Bume oneho wame lamotloma kwe bu lowene tafuwa lamototla, na bume blouwa lamētletēma. Sobo bubē lakale fene mefa saetlo.

¹¹ Aholokwane elo, sobo megēgali lalekefo, Gotobē profet oneho, bu hobota memētalebila na bu kē wesibi hana uli mētletla na lowenewa tafu mototla. Sobo megēgali kēme elekefētemo, “Goto bume fleflesu latletēme.” Sobo Jobbē anebo gali wafi lowene eletelo. Bu tatakobobota fafa totle. Kē hobota boblo latotome na kē wesibi bume lēlē hana mototle. Sobo kē wesibi, wafi lowene eletelo, kē iniwa hobota wafi ye tlelēle na Goto bume mana iniwa wesibina taitale. Goto bu melē kēme lēle, bu tako maninibo eso ho, bu onehobē tēbo lowene aholokwane ti lēgletēmebē ho.

Sebo Gotobē wenijina blawa asa kakēne manēla

¹² Jisame kē lowene sle mēgletlabē afanino na oneglēnino, sobo ebē jowa wesibiwa salowene eletelo. Sobo matafa mago wesibina asa kakēne elo o life mago wesibina mata asa kakēne elo. Sobo nēgali galime gali egelona, kwe nēgali galiwa gali egelome. Sobo hanane galime gali egelona, kwe sobo hanane galiwa gali egelome. Goto some tēbo lēgētolime.

Lale lowenena ho, bu Gotome gali loglolena, kwe Goto bubē kē gali aholokwane logloleme

¹³ So mogo ho li hobota mēta tafa lēglena, kwe bu Gotome sagēgali lēlēlēle. Ho li fleflesu lēglena kwe Gotobē fleflesu sawa safē lētāmē.

¹⁴ So mago ho li ato elili lēglena kwe bu lotu eso enēneme satakune lolomeme, bume migisitla namēglame. Na bu mujutlame, na Gotome gēgali melelēlame, na welē tu Jisas Klaisbē wenijina mana ju mletlame,

¹⁵ ato elili mago titika nalēgleme. Ho Gotome melowenena sagēgali mēlēlēla, “Sebo Gotome melowene slemu nanēletla, ato elilina home sle logotleme.” Kwe ato elili kē home kile logotleme. Na ētani bu kē fa totlebē tēbo wesibi, Goto aholokwana ti lēgletleme.

¹⁶ Kēme nēgeme, sobo jowa jowa, sobo kē tafa egelobē lakalebēme sobolalo gēgali elelēgome. Na Gotome mana kofaya kofaya gēgali elelēlome. Na Goto sobobē kē tēbo lakale aholokwana ti lēletēyome. Gotobē naba lime asē sle lēglebē ho, Gotome gēgali lēglelēlena kwe bubē gēgali tako afutukunamu na tatakobobota wesibi logotomeme.

¹⁷ Elaija bu sebo fenene kwe bu Gotome itaita gëgali tlelële, na tu tēgeto juwa tle. Nēgalimu tu tēgeto hana tle, tu tēgeto juwa kēniji tlibutu, aona tlibutu tle na tobali ita jowa yeme.

¹⁸ Na Elaija bu ita Gotome gëgali tlelële na tu mana teto. Na life mēta hi wesibi ita hulu motokou.

Ho li lale lowene aholokwana ti lëglena, ta kë hobë lowene sasle etatelo

¹⁹ Jisame kë lowene sle mëgletlabë afanino na oneglënino. So mago ho li Gotobë nēgali gali aholokwana ti lëglena na li yaya lëglena, na ho li bubë lowene sle lugutatlena na bu lowene hihijika lëglena,

²⁰ sobo melowene egelome, tēbo lowenena home yalë lëgaitalena, na ita Jisame esogo lëlelëme bu melëbëme laitale Helwa luguju juwa nalëgleme Goto bubë iniwa tēbo lowene aholokwana wati lëletle.